



Zur
Hochgräflich Erbach.
Fürstenauischen
Canzley
Bibliothec
gehörig.

22



1 9 3 7

EX BIBLIOTHECA
J. H. ANDERHUB

LEVIATHAN,

S I V E .

De Materia, Forma, & Potestate

CIVITATIS

ECCLESIASTICÆ

ET CIVILIS.

AUTHORE

THOMA HOBES,

Malmesburiensi.

[Amsterdam 1668.]

Ad bibliotecam publicam noviter institutam
hunc librum effec*to*

Jo. Philippus Guilielmus Luckius
p: t: Pastor Guttersbacensis.

d 8. Febr: 1751.

ZITA TIV 10

ZITA TIA 10 10

ZITA V 10 TE

RENTAL

1751

RENTAL

Ad Nobilissimum Virum

D O M I N V M

F R A N C I S C V M
G O D O L P H I N V M ,

Equitem Ordinis Balneorum.


Ratri tuo Sidneo Godolphino (Nobilissime Domine) quantum placuerint studia mea ; quantum ille Authoritate Judicij sui apud viros bonos me ornaverit ; quanto denique, durissimis temporibus, beneficio me adjuverit , ipse nosti. Commemoro autem , non ut favorem , amicorum virtutem faciam meam , sed quia virorum excellentium , qualis ille erat , dilector testimoniois. Excelluit enim vir ille virtute omni quam postulat , aut cultus Divinus , aut commodum Patriæ , aut Societas Civilis , aut Amicitia singularis ; pius erga Deum , eruditus ad Pacem , fortis ad Bellum , in congressibus jucundus , in Amicitiis firmus . Honoris igitur & gratitudinis causa erga illum , & devotionis erga te ipsum , Tractatum hunc de Potestate Civili , & Ecclesiastica , humiliter tibi Offero , Dedicoque . De illis , qui Doctrinæ , quam continet ,
a a a 2 favere

favere videbuntur, homines nostri quid sensuri sint , ut nunc sunt tempora , incertum est. Nam inter mucrones pugnantium de Potestate Summa , non facile est incedere sine vulnere. Causam tamen cur pars utravis succenseret mihi , nullam video. Quid enim facio, præterquam quod Potestatem Civilem, (quam quicunque possidebit , maximam esse volet) quantum possum magnifico. Neque de Jure hominum , sed de Jure simpliciter disputo ; quemadmodum Anseres quondam Capitolini ad scandentium strepitum , tantùm clango. Displicebit etiam fortasse non paucis , quod loca quædam Scripturæ Sacræ , aliter interpretari ausus sim , quam ab aliis explicari soleant. Id quod non modo (in ordine ad opus institutum) necessariò feci , (quia loca illa Potestatem Civilem oppugnantia , quasi Inimicorum , mœnibus Civitatis quam obsident , admotæ turres sunt) sed etiam ne quid contra Doctrinam Ecclesiæ nostræ publicam scriberem (dissentire enim à singularibus licitum est) diligenter cavi. Sin neque ad hæc mitescant reprehensores mei , teipsum tamen rectè & facilè excusabis ; Dices enim (si vis) hominem esse me , qui mea amem , & quicquid dicam verum esse putem, quod fratrem tuum coluerim, & te colam, eoque fretus, inconsulto te, subscripsérím

Servus tuus humilimè devotus

THOMAS HOBSES.

LEVIA THA N

P A R S P R I M A

D E H O M I N E.

Naturam, id est, illam, qua Mundum Deus condidit & gubernat, divinam Artem, eatenus imitatur Ars humana, ut possit inter alia producere artificiale Animal. Cum enim vita nihil aliud sit quam artuum motus, cuius principium est internum in parte aliqua Corporis principali, Quid obstat quo minus dicamus, Automata omnia, sive machinas omnes quæ ab Elastris Rotulisque intus dispositis motum habent, ut Horologia in seipsis, habere etiam artificiale vitam? Quid est cor, nisi Elastrum, quid Nervi, nisi chordæ, quid articuli, nisi totidem rotulæ, motum, qualem voluit artifex, toti corpori impertientes? Neque animal tantum imitatur Ars, sed etiam nobilissimum animantium, Hominem. Magnus ille Leviathan, quæ Civitas appellatur, opificium Artis est, & Homo artificialis, quanquam Homine naturali (propter cuius protectionem & salutem excogitatus est) & mole & robore multo major. In quo *Is qui summam habet Potestatem, pro Animalia est, corpus totum vivificante & movente. Magistratus & Praefecti, artificiales Artus. Praemia & Pœna summae Potestati appensæ, & à quibus Membra ad suum cujusque opus perficiendum incitantur, Nervi sunt, qui idem faciunt in corpore naturali. Divitiae singularium hominum sunt pro labore. Salus populi, pro Negotio. Consiliarii per quos ea, quæ cognitu necessaria illi sunt, suggestur pro Memoria sunt. æquitas Legesque pro artificiali Ratione. Concordia, sanitas est. Seditio, Morbus. Bellum civile, Mors. Postremò Pacta quibus partes corporis hujus politici conglutinantur, imitantur divinum illud verbum Fiat, sive Faciamus Hominem, à Deo prolatum in principio cùm crearet Mundum.*

Hominis hujus Artificialis naturam describens, considerabo

1. Materiam ejus, & Artificem, id est *Hominem*.
2. Quo modo, & quibus Pactis factus est; quæ Iura, quæ Potestas sive Authoritas ejus est; & in quo residet *Potestas summa*.
3. Quid est *Civitas Christiana*.
4. Quid est *Regnum Tenebrarum*.

Leviat.

b b b

Quod

Quod ad primum attinet, permulti sunt qui sapientiam dicunt non legendo libros, sed legendō Homines acquiri; & tententiæ huic consequenter illi, qui sapientiæ suæ nullum aliud specimen proferre possunt, valde sibimetipsis tunc placent, cum quantum profecerint inspiciendo, censuris in proximos contra charitatem pateficerint. Extat autem præceptum aliud antiquius, per quod intelligere possent, si vellent, Homines. Alios rectius legere, nempe *Nosce icipsum.* Quod præceptum non ita intelligendum est, ut nonnulli putant, quasi aut Potentiorum erga vulgus fastui barbarico, aut humilium erga Potentiores procacitati incivili indulgeret, sed ut docemur cogitationes passionesque hominum diversorum adeo similes inter se esse, ut quicunque in seipsum inspexerit, consideraveritque quid faciat ipse, & quare, quando cogitat, opinatur, ratiocinatur, sperat, timet, &c. idem simul leget intelligetque cogitationes passionesque aliorum omnium hominum à similibus causis orientium, similes (inquam) passiones, non similia passionum objecta, quæ à Constitutione & Educatione hominum singularium ita variantur, & absconduntur, ut Cordium suorum characteres, simulatione, dissimulatione, falsisque opinionibus scribillati & confusi, soli scrutatori Cordium sint legibiles. Quanquam autem consilia hominum cognoscere aliquando possumus per ea quæ faciunt, difficile tamen est sine comparatione cum consiliis propriis, & sine distinctione circumstan- tiarum quæ effectus singulos mutare solent, tanquam si quis literas ignoto charactere legere tentaret sine scriptoris alphabeto. Errabit ergo, aut simplicitate, aut suspicione nimia, prout is qui legit vir probus est vel improbus.

Verum in cognoscendis hominibus singularibus, ut peritissimus sit quis, solos cognoscet eos quibuscum vivit familiariter, qui pauci sunt. At is qui gentem aliquam universam recturus est, ex seipso cognoscere debet non hunc & illum hominem, sed Humanum genus. Quod etsi factu difficile sit, difficilius quam addiscere novam Linguam, aut scientiam quamlibet acquirere, si tamen ea quæ ego de hac re explorata habeo, recto ordine, & perspicue explicavero, minuetur difficultas aliis, quibus solus incumbet labor examinandi, an ea quæ dico, ipsorum cogitationibus congruant. Nam harum rerum alia non est Demonstratio.

C A P V T I.

De Sensu.

COgitationes hominum primo sigillatim , deinde alias ab aliis dependentes, ut in serie considerabo. Ipsarum unaquæque , alicuius qualitatis vel accidentis in Corpore externo, quod appellari solet *Objectum*, est Apparitio sive *Representatio*. Quod Objectum agendo in corporis humani Organa, nempe Oculos, Aures, &c. pro diversitate Actionis diversas producit Apparitiones.

Origo omnium nominatur *Sensus*. Nulla enim est Animi conceptio quæ non fuerat ante genita in aliquo Sensuum , vel tota simul, vel per partes. Ab his autem primis conceptibus omnes postea derivantur.

Cognitio causæ Sentiendi naturalis præsenti instituto non est absolutè necessaria ; etiam alio loco de illa satis ampliter tractavimus. Veruntamen , ut præsentis Methodi partes impleantur , de eadem re iterum sed breviter differemus.

Causa *Sensionis* est Externum Corpus sive *Objectum* quod premit unius cujusque Organum proprium, vel immediate, ut in sensu *Tactus* & *Gustus*, vel mediatae, ut in *Visu*, *Auditu*, *Olfactu*, & premendo (mediantibus Nervis & Membranis) continuum efficit motum introrsum ad Cerebrum, & inde ad Cor ; unde nascitur Cordis resistentia , & contrapressio seu *avertimæ* , sive conatus Cordis deliberantis se à pressione per motum tendentem extrorsum ; qui motus propterea appetet tanquam aliquid externum. Atque Apparitio hæc sive Phantasma est id quod vocamus *Sensationem*. Et quantum ad Oculum , *Lumen* dicitur vel *Color*; Quod attinet ad Aurem , *Sonus*; ad Nares , *Odor*; ad Palatum, *Sapor*; & ad reliquum Corpus , *Calor*, *Frigus*, *Durities*, *Mollities*, & cætera pertinentia ad Sensum *Tactus*. Quæ qualitates omnes nominari solent *Sensibiles* , & sunt in ipso Objecto nihil aliud , præter materiæ motum , quo Objectum in Organa Sensuum diversimodè operatur. Neque in nobis aliud sunt quam diversi motus. Motus enim nihil generat præter Motum, & Apparitiones illæ, tum vigilantibus , tum dormientibus mera sunt Phantasmatæ. Præterea , ut pressio , frictus , pulsio Oculi excitat Phantasma Lucidi , & pressio Auris sonum , ita etiam Objecta quæ videmus vel audimus eadem Phantasmatæ generant per pressionem sed inobservabilem. Nam si colores illi & soni in ipso Objecto essent , separari ab illis non possent. Separantur autem , ut manifestum est in reflexionibus visibilium

per specula, & audibilium per loca montana. Scimus autem corpus quod videmus in uno tantum loco esse, sed apparentias in plurimis. Quanquam autem aliquando in distantiis parvis ipsum Objectum verum investitum videatur Imagine sua, semper tamen aliud est Objectum, aliud Objecti Imago. Sensio ergo & Phantasina originale omnino idem sunt, facta (ut dixi) pressione Oculi vel aliū Organī ab objecto externo.

Philosophi autem Scholastici locis quibusdam freti Aristotelis, aliud docent, nempe, *Species* (id est Apparitiones) *Visibiles* emissas ab Objecto in Oculum efficere Visionem; item *Species* (id est Apparitiones) *Audibiles* emissas ab Objecto in Aurem causam esse Auditioris; causam denique Intelligendi esse quasdam *Species* (id est Apparitiones) *Intelligibiles* emissas à re Intellecta. Non hoc dico ut Scholarum Philosophicarum usum improbans, sed quia de earum in Civitate usu inferius locuturus sum, ostendere etiam quæ in illis emendari debent (quorum unum est sermo insignificans) non putavi ne obiter quidem negligendum esse.

C A P V T I I .

De Imaginatione.

ID quod omnino quiescit, nisi ab alio moveatur, perpetuò quietum esse nemini puto dubium esse. Cæterum quod corpus si moveatur; nisi motus ejus ab alio extinguitur, semper promotum iri, quamquam ratio utrobique eadem sit (nempe nihil posse movere seipsum) non tam facile concedi solet. Mensurant enim homines corpora omnia alia per sua, videntesque seiplos per motum dolori & lassitudini obnoxios esse, idem judicant de aliis motis omnibus; quasi defessa cuperent tandem sua sponte requiescere; neque considerant an non sit motus aliquis in quo consistit quietis desiderium. Atque hinc oriatur doctrina illa Scholarum, *Descendere corpora gravia propter appetitum quiescendi & conservandi naturam suam in iis locis qui sibi maxime convenient, appetitum & Scientiam boni & mali sui (qua homines plerumque carent) rebus inanimatis imperite ascrubentes.*

Simul ac corpus movetur movebitur (nisi aliud corpus obstat) in æternum. Neque id quod obstat motum hunc in instante, sed in tempore & gradatim extinguit. Sicut in mari videmus fieri ut cessante vento, non statim cessant fluctus, ita quoque in motu illo continet qui est in partibus internis hominis tunc cum videt, somniet &c.

Postquam enim Objectum remotum est , vel Oculus clausus , imaginem tamen rei visæ retinemus , quanquam aliquanto obscuriorem. Atque hæc est imago à qua facultatem appellamus *Imaginationem*. Phantasiam Græci & melius vocant à quoconque Sensu oriatur; Imago autem propria est rerum visibilium. Imaginatio ergo nihil aliud est quam Sensio deficiens sive Phantasma dilutum & evanidum, & est hominibus cum animalibus cæteris ferè omnibus communis , sive vigilant sive dormiunt.

Quod amoto Objecto Phantasma fit dilutius, causa non est debilitas aliqua motus facti in actu Sentiendi , sed præoccupatio Organorum ab Objectis aliis; quemadmodum prædominans fulgor solis Stellarum lumen obscurum facit ; quæ tamen Stellæ virtutem illam , qua videri se faciunt, non minus de die exercent, quam noctu. Verùm quia inter multos & varios iætus quos Oculi , Aures , & cætera Sensuum Organa ab externis Agentibus de die patiuntur, solus iætus prædominans est sensibilis , lux Solis prædominans causa est , quod à Stellarum actionibus minus afficiamur. Amoto autem Objecto , eis remaneat quæ facta fuerat impressio , succendentibus tamen Objectis , & operantibus , præteriti Imaginatio diluitur & obscuratur , sicut vox hominis à strepitu diei. Itaque quanto à Visione , vel Sensione alicujus Objecti , longius est tempus , tanto dilutior est *Imaginatio* sive *Phantasma*. Etiam continua Organorum corporis mutatio progrediente tempore partes aliquot quæ in Sensione motæ erant , destruit ; atque inde contingit eundem in nobis Effectum producere distantiam temporis & distantiam loci. Sicut enim in magna loci distantia obscuriora apparent , quæ aspicimus , & sine minutiorum partium distinctione ; & Voces debiliores apparent , & inarticulatae ; ita quoque post magnam temporis distantiam Imaginatio Præteriti debilior fit, perdimusque (exempli causa) earum quas vidimus Vrbium multas plateas , & actionum multas circumstantias. *Sensionis dilutionem* hanc , rem ipsam indicaturi , nempe ipsum Phantasma , nominamus , ut ante dictum est , *Imaginationem*; quando autem significare volumus *dilutionem* , appellamus *Memoriam*, adeò ut eadem sit res *Imaginatio & Memoria* , sed propter diversas considerationes , diversis *Memoriam*.

Memoria multarum rerum , *Experientia* dicitur. Porrò, cum Imaginatio earum rerum tantum sit , quas antè , vel simul , vel per partes sensu percepimus , Imaginatio illa , quæ est simul totius Objecti , *Imaginatio simplex* est , ut quando quis imaginatur hominem , vel equum , quem antè viderat. Imaginatio autem , quæ oritur ex sensione

sione plurium partium , ut quando à visione hominis uno tempore , & à visione equi alio tempore , concipimus animo Centaurum , *Composita* dicitur. Itaque quoties quis componit Phantasma suæ ipsius personæ cum Phantasmate actionum alterius hominis , ut facit is , qui scipsum imaginatur esse *Herculem* aut *Alexandrum* (id quod illis aliquando accidit , qui multum versantur in lectione actionum Heroicarum) *Imaginatio* illa *composita* est ; & nihil aliud est præter Figmentum animi. Multæ etiam aliæ *Imaginationes* in hominibus , etiam vigilantibus , oriuntur à magna impressione facta sentiendo ; nam ab intento aspectu in solem relinquitur ante oculos longo post tempore Imaguncula solis , quasi macula ; & à longa & vehementer attentione ad Figuras Geometricas apparebunt etiam in tenebris , & vigilantibus ante oculos Lineæ Angulique. Quod genus Phantasie an nomen proprium habeat necne nescio ; cum sit res de qua homines non sæpe differunt.

Somnia.

Imaginationes dormientium sunt *Somnia*. Atque hæc quoque , sicut *Imaginationes* cæteræ , ante extiterunt vel integræ , vel per partes in sensu. Et quoniam in somno Cerebrum & Nervi , quæ sunt sensio[nis] Organa necessaria , ita stupefiunt , ut ab actione externorum Objectorum móveri facile non possint , dormientibus contingere *Imaginatio* nulla potest , adeoque somnium nullum , nisi quod procedat ab agitatione partium internarum corporis sentientis ; quæ partes internæ (propter connexionem cum Cerebro aliisque Organis) intemperie sua aliquando commovent Organa , faciuntque ut Phantasmata ante facta appareant tanquam vigilant. Sed quoniam Organa sensuum occlusa nunc in somno supponuntur , ita ut objectum aliud novum non sit , quod ea offuscare posset , necesse est , ut *Somnium* , clarius sit in hoc sensuum silentio , quam sunt *Imaginationes* vigilantium. Atque hinc est , quod difficile sit & multis videatur impossibile , inter sensum & somnium distinguere accuratè. Ego , quoties considero , quod in somniis , neque sæpe neque constanter , eadem Objecta , loca , personas , actionesque , imaginor , quæ vigilans ; neque tam longam seriem cogitationum cohærentium reminiscor somniis , quam aliâs ; & quoniam vigilans absurditatem somniorum meorum sæpe video , somniis autem cogitationum mearum vigilantis absurditates non video , satis persuasus sum vigilantem me scire , quod non *somniem* , quanquam somniis videor mihi vigilare.

Quoniam autem somnia pro causa habent aliquarum partium Corporis internarum intemperiem , necesse est ut variæ intemperies varia

ria efficiant somnia. Atque hinc est , quod s^epe accidit , ut illi , qui cubantes algent , s^epissimè in somniis timeant , videanturque sibi Imagines videre terrificas (motus enim à Cerebro ad partes alias corporis internas & ab illis ad Cerebrum est reciprocus .) Hinc etiam accidit , quòd , sicut Ira calorem efficit in partibus aliquibus corporis , dum vigilamus ; ita etiam dum dormimus , nimius earundem partium calor efficiat Iram , excitatque in Cerebro Phantasma alicujus hostis . Eodem modo , ut amor in vigilantibus amorem efficit , & calorem in partibus corporis aliquibus internis ; ita etiam earundem partium calor in dormientibus imaginem efficit amoris . Somnia denique & vigilantium Phantasmata altera alterius sunt inversa ; nimirum motu incipiente dum vigilamus ab uno termino , & ab altero dum Somniamus .

Inter Somnium & cogitationes vigilantium distinguere difficultum tunc est , quando casu aliquo factum est ut minimè animadvertemus , nos dormiisse ; id quod facile contingit illi , qui facinoris alicujus facti , vel faciendi conscientia , & sollicitus dormit sine circumstantiis exuendi vestes , & eundi cubitum ; ut qui in cathedra dormit sedens vel reclinatus . Qui enim ad dormiendum se componit , si forte Phantasma aliquod insolitum aut mirandum videri contingat , non aliud illi videri potest quam Somnium . Marcum Brutum legimus (qui cum amicus fuisse Julius Cæsar , & ab eo vitam condonatam accepit , illum tamen ingratè occiderat) nocte illa quæ præcessit diem , in quo pugnatum est contra Augustum Cæarem apud Philippos , Phantasma habuisse horribile , quod ab historicis vulgo narratur ut Visio vera ; sed ab eo qui consideraverit singulas ejus circumstantias non Visionem sed Somnium fuisse breve judicabit . Sedenti enim in Tentorio , & (propter horrorem facti sui temerarii) tristi & cogitabundo , nec bene sopito , sed dormitanti tantùm , propter aërem non satis calidum , Somniare facilimum erat de ea re , qua maximè terrebatur , & propter eundem terrorem , paulatim rursus evigilare , & simul existimare spectrū illud , quod apparuerat , paulatim evanescere , & quia dormiisse se nesciebat , nescire etiam fuisse Somnium , aut aliud quicquam præter rem visam . Neque sunt hujusmodi accidentia valde rara ; nam etiam qui perfectè vigilant , si meticulosi , superstitionis , fabulis rerum terribilium occupati sint , & in tenebris soli , ejusdem generis imaginationibus obnoxii sunt , creduntque se umbras & mortuorum Spiritus ambulantes videre in Cœmiteriis ; cum tamen revera nihil videant præter mera Phantasmata , vel decepti sunt ab hominibus improbis , qui timore eorum superstitionis

tioso abutuntur , eo fine ut possint ipsi amicti vestibus defunctorum noctu per Coemiteria aliaque loca consecrata , ad loca transire quæ nimium à se frequenter adiri videretur inhonestum.

Ab ignorantie hac distinctionis Somniorum , aliorumque Phantasmatum vividorum , à Visione & Sensione , maxima ex parte orta est antiquorum Gentilium Religio , Satyras , Faunos , Nymphas , & similia coletium Spectra ; hodieque Opinio , quam habent populi rudes de Lamiis & Lemuribus , & de potentia forcilegorum . Nam et si forcilegiam Potentiam aliquam realem esse non putem , puto tamen forcilegos puniri jure posse , cum mala facinora & facere posse credant , & conentur quantum possunt . Sed ipsum forcilegium ego non tam potentiam veram esse credo , aut Artem , aut Scientiam , quam Religionem ipsis peculiarem . Quod autem ad Lemures & Spiritus ambulantes attinet , Opinio quæ de illis hactenus valuit , de industria (puto) tradita fuit vel non confutata ad usum Exorcismorum ; & signationum signo Crucis , & Aquæ Benedicτæ , aliarumque similiūm inventionum , hominum Spiritualium sustinendum . Dubium tamen non est , quin Phantasmatata supernaturalia fieri possint à Deo ; quod tamen id ita sæpe facit ut timenda sint , magis quam cessatio mutatione Naturæ , quam Deus etiam sistere vel mutare potest , Fidei Christianæ Articulus non est ; sed homines improbi ex eo , quod Deus potest omnia , etiam omnia dicere audent quæ sibi utilia fore ducunt , et si falsa esse putent . Sapientis autem est non ulterius illis credere , quam recta ratio , ea , quæ dicunt , facit videri credibilia . Si metus hic Spectrorum sublatus esset , simulque Prognostica à Somniis , aliaque multa quæ inde dependent , & quibus homines ambitioni astriisque populo simplici abutuntur , Cives in omni Civitate ad Obedientiam multo magis eruditii essent , quæ nunc sunt .

Est autem hoc Scholarum opus , quæ tamen hujusmodi doctrinas sæpius promovent , quam confutant . Nescientes enim Imaginacionis & Sensonis naturam , docent quæ didicerunt , alii Imaginaciones oriri à seip̄sis , id est sine causa , alii oriri plerumque à voluntate ; cogitationesque bonas inspirari in hominem à Deo ; & malas à Diabolo ; vel cogitationes bonas infundi in hominem à Deo ; malas à Diabolo . Dicunt alii , Sensus cum recipiunt rerum species , eas communi Sensui tradere , communem Sensum Phantasiæ , Phantasiæ Memoriae , Memoriam Iudicio , multis verbis nihil intelligi facientes .

Inscellens. Imaginatio , quæ in homine , aliōve animali , à sermone , vel aliis signis voluntariis nascitur , appellatur *Intellectus* ; communisque est homini-

hominibus cum bestiis. Canis enim, consuetudine doctus, vocari se vel abigi à Domino intelliget; quod facient etiam alia multa animalia. *Intellectus* qui homini peculiaris est, est *Intellexus* non solum voluntatis, sed etiam conceptuum & cogitationum aliorum hominum, per sequelas & contextum Appellationum rerum, in Affirmationes, Negationes, aliasque formulas loquendi *conceptio*. Atque de hoc genere *Intellectus* dicemus infra.

C A P V T I I I.

De Consequentia sive Serie Imaginationum.

Per Seriem Imaginationum intelligo Successionem unius Cogitationis ad aliam; quam (ut distinguitur à Discursu verborum) appello *Discursum mentale*.

Quando aliquis de re quacunque cogitat, proxima ejus Cogitatio non tam fortuita est, quam videtur esse; neque omni Cogitationi omnis Cogitatio pariter succedit. Sed ut nullam habemus Imaginationem quæ non antè fuit in Sensione vel tota vel per partes, ita nulla est transitio ab una cogitatione ad aliam cuius similis non extiterat antè in Sensione. Cujus rei causa hæc est. Phantasmatu omnia Motus sunt interni, nempe motuum in Sensione factorum reliquiæ. Motus autem qui alii aliis succedunt in Sensione immediatè, remanent etiam simul, etiam post Sensionem. Adeò ut, quoties reddit Cogitatio prior, prædominaturque, sequatur posterior, propter cohaesionem materiæ motæ, quemadmodum aqua super tabulam planam & levem trahitur per viam, quæ dicit digitus. Sed quoniam eidem rei conceptæ sequitur modo una, modo alia res, post multa cogitata fit, ut incertum sit, quæ Cogitatio, cui Cogitationi successura sit. Hoc tantum certum est, successuram esse aliquam earum, quæ antè succeſſerant aliquando.

Series Cogitationum, sive Discursus mentalis duplex est, altera *irregularis*, sine ullo Fine proposito, adeoque inconstans, ut in qua nulla est Passio quæ gubernet & dirigat Cogitationes cæteras ad finem desideratum. Tunc autem vagari videntur, & videri aliæ ad alias non pertinere, ut in Somnio. Tales plerumque sunt eorum Cogitationes, qui sunt non solum sine comitatu, sed etiam sine omnium rerum sollicitudine, quanquam etiam tunc non cessant Cogitationes, sed sine harmonia sunt, quales sunt pulsus lyræ homini impenrito. Veruntamen in hac vagatione animi animadvertere aliquando

Leviat.

c c c

Series Cogitationum irregularis.

posſu-

possimus methodum quandam , &c quo modo una Cogitatio ab altera oriatur. Etenim in colloquio quodam circa bellum nostrum civile , quid impertinentius videre poterat quam interrogare (ut interrogatum erat) Denarii Romani quantus valor esset. Cohæsio tamen illa satis mihi manifesta videbatur. Nam à Cogitatione Belli introductory est Cogitatio de Rege à subditis suis tradito hostibus ; Cogitatio illa Cogitationem genuit de proditione Iesu Christi ad Iudeos , illa rursus peperit cogitationem de 30 denariis proditionis illius pretio ; inde denique facile sequuta est prædicta interrogatio. Atque hæc omnia propter celeritatem cogitationis in momento ferè temporis.

Series Cogitationum regulares.

Secunda constantior est , ut quæ ab aliquo fine desiderato *regulata* est. Nam impressio facta ab iis rebus , quas cupimus vel metuimus , vivida est & permanens , vel (si paulum forte cesset) cito reddit ; adeoque est aliquando fortis , ut Somnum non modo impedit , sed etiam abrumpat. A Desiderio oritur Cogitatio medii ad rem desideratam obtinendam , quale medium videramus ante similem effectum produxisse. Eodem modo Cogitatio medii ad Finem producit Cogitationem medii ad illud medium , & sic deinceps , donec veniatur ad principium aliquod in potestate nostra. Quoniam autem Finis (propter magnitudinem impressionis) sæpe & facile recurrit animo , si cæperint forte Cogitationes evagari , facile rursus in viam reducuntur. Cujus rei observatio fecit , ut septem sapientium celebrium unus præceptum daret , quod hodie tritum est , *Respice Finem* ; per quod , in omnibus actionibus sæpius respectandum esse monet ad Finem , ut ad id quod Cogitationes omnes in via ad Finem obtinendum dirigit.

Series Cogitationum *regulata* etiam duplex est. Altera quando aliquujus effectus concepti Causas & Media quærimus quibus producitur. Atque hæc hominibus cum cæteris animalibus communis est. Altera est , quando imaginati rem quamcumque , effectus omnes quærimus possibiles qui inde produci possunt ; id est usum ejus quærimus quis esse possit. Hujus generis Cogitationis signum , præterquam in homine nunquam vidi ; curiositas enim hæc in naturam incidere vix potest Animalis cui nullæ insunt passiones præter sensuales , quales sunt Fames , Sitis , Amor , & Ira. Discursus denique animi quando à designato Fine aliquo regitur , nihil aliud est præter *Investigationem* , sive facultatem *Inveniendi* quæ *sagacitas* quoque & *solertia* appellatur , & est quasi venatio quædam per sua vestigia alicujus Causæ vel Effectus præsentis aut præteriti. Investigat aliquis id quod perdidit ? Ab

eo loco & tempore ubi id se perdidisse animadvertisit, recurrit animo à loco ad locum, & à tempore ad tempus, ut reperiatur ubi & quando rem perditam habuerat, id est ut tempus aliquod & locum certum & definitum reperiatur, ubi Investigationis statuere initium possit. Inde rursus Cogitatione per eadem loca & tempora revertitur, ut actionem aliquam vel occasionem aliam inveniat, quæ causa esse poterat ut rem quæsitam perdiderit. Atque hæc est facultas illa animi quæ vocatur *Reminiscencia*.

*Reminiscencia
ita.*

Accidit aliquando ut quis locum definitum habeat intra quem Investigatione instituenda est. Tunc autem Cogitationes ejus partes omnes illius loci determinati percurrunt, eo modo, ut si quis cubiculum everret, ut perditam inveniret gemmam; vel quemadmodum canis venaticus campum pervagatur, donec feræ alicujus odorem sentiat, vel ut qui percurrit animo Alphabetum, ut syllabam finalem inveniat homophonam.

Scire quis cupit actionis alicujus futurum eventum? Cogitat ille *Prudentia*, præteritæ actionis similes eventus, ordine, quo illos antè viderat; quia similes actiones, similes eventus plerumque consequuntur. Ut qui scire vult, quid Reo criminis capitalis eventurum est, reminiscitur ea quæ consecuta sunt ante in pari crimine, tali ordine cogitationum, Crimen, Minister, Carcer, Iudex, Patibulum, Genus hoc cogitationum, *Prævisio* dicitur, & *Prudentia* & *Providentia*, & quandoque *Sapientia*; quanquam *Conjectura* tantum sit, & propter difficultatem circumstantias omnes observandi, satis fallax. Hoc tamen dubium non est, quin, quanto aliis alio majorem habet rerum præteritarum experientiam tanto magis sit *Prudens*, & ab expectatione sua rarius decipiatur. *Præsentia* tantum existunt in rerum natura; *Præterita* in Memoria sola; sed *Futura* omnino non existunt, ut quæ nihil aliud sunt, præter *Figmenta* animi, consequentias actionis Præteritæ ad actionem *Præsentem* applicant; id quod fit maxima certitudine ab eo, cuius maxima est *Experientia*, quanquam certitudine non plena. Et si autem quoties Expectationi respondet Eventus vocetur *Prudentia*, revera tamen *Præsumptio* tantum est. *Prævisio* enim rerum futurarum, quæ est *Providentia*, ad illum solum pertinet, cuius consilio futuræ sunt. Et ab illo solo, & supernaturaliter, proficiscitur. Alioqui optimus conjector, optimus est *Propheta*; optimus autem conjector is est, qui maximè versatus est in illis rebus, de quibus conjecturam facit; is enim plura habet conjicienda *Sigma*.

Signum est *Antecedenti Eventui Eventus consequens*, & contra, *consequenti* *Signa.*

sequentia Antecedens, quando similes consequentiae observatae antea fuerint: & quanto saepius observatum est, tanto Signum minus est incertum. Itaque is qui in quolibet genere negotii maximam habet Experientiam, plurima habet Signa quibus possit de futuro tempore conjecturam facere, & per consequens est Prudentissimus; & tanto Prudentior est, quam qui ad Negotium idem novus accedit, ut nulla naturalis & extemporarii ingenii ope hic illi æquari possit, quanquam forte multi sint juvenes, qui hoc concessuri non sint.

Quod autem iacet hominem & brutum differentiam facit essentiam, Prudentia non est. Sunt enim animalia alia quæ earum rerum, quæ ad finem suum conducunt plura observant & prudentius perse-
quentur, unicum annum nata, quam puer decennis.

*Conjectura
temporis
præteriti.* Sicut Prudentia est præsumtio Futuri contracta à Præteriti temporiis Experientia: ita etiam alia est præsumtio quædam rerum Præteritarum sumpta à rebus aliis (non Futuris) sed Præteritis. Nam qui vidit quibus moribus, & gradibus Civitas aliqua incederit in bellum civile, & quomodo inde profligata fuerit; si viderit alterius cujuscunque Civitatis ruinas, conjecturam faciet, similes mores & bellum simile illic quoque præcessisse. Sed conjectura hæc eandem habet incertitudinem, quam conjectura temporis Futuri.

Humani animi actus alius nullus est, quod sciam, naturaliter insitus, talis ut ad exercitium ejus nulla alia re indigeat, præterquam nasci hominem & usum habere quinque ejus Sensuum. Facultates illæ, de quibus paulo post sermo erit, quæque hominis videntur propriæ, Acquisitæ sunt, & studio industriaque auctæ, habentes initium in instructione & disciplina, procedentesque ab inventione Vocabulorum & sermonis. Nam præter Sensem & Imaginationem, & Cogitationum Seriem, humano animo nullus alius inest motus; quanquam Sermonis & Ordinis beneficio, eadem facultates promoveri in tantum possunt, ut per eas homo à cæteris animalibus omnibus distingui possit.

Quicquid imaginamur Finitum est. Nulla ergo est idea neque conceptus qui oriri potest à voce hac, *Infinitum*. Animus humanus Imaginem infinitæ magnitudinis capere non potest; neque concipere infinitam velocitatem, infinitam vim, infinitum tempus, aut infinitam potentiam. Quando dicimus rem aliquam esse *Infinitam*, hoc tantum significamus non posse nos illius rei terminos & limites concipere; neque aliud concipere præter nostram impotentiam propriam. Itaque nomen Dei non usurpatur, ut illum concipiamus (est enim Incomprehensibilis, & magnitudo potentiaque ejus inconceptibilis)

lis) sed ut honoremus. Et quoniam quicquid (ut dixi suprà) concipi-
mus, perceptum est, antè in Sensione, nulla inesse homini potest
imaginatio rei, quæ non sit percipienda Sensibus. Nemo itaque
concipere aliquid potest, nisi ut in loco, & finita aliqua magnitudine
præditum, & divisibile in partes; neque aliquid esse totum in uno
loco, & totum in altero, tempore eodem; neque duas vel plures
res eodem tempore esse posse in eodem loco. Nihil enim horum
fuere aut esse potuere in Sensione; sed sunt orationes insignificantes,
admissæ propter authoritatem quorundam Philosophorum erran-
tium, vel scholasticorum fallentium.

C A P V T I V.

De Sermone.

Inventio Artis Typographicae quanquam ingeniosa, collata tamen *Sermonis* *origo*.
cum inventione *Literarum* non magna res est. Literas autem quis
invenit ignoratur. Qui primus illas intulit in *Græciam*, *Cadnum* esse
ferunt, filium *Agenoris* Regis *Phœniciæ*. Excogitatum, ad perpet-
uationem memorie temporis præteriti, & ad conjunctionem gene-
ris humani in tot & tam distantes orbis terrarum regiones, utilissi-
mum, idemque simul difficilimum, & utpote profectum ab observa-
tione diligentissima motuum Linguae, Palati, Laborum, aliorum-
que loquendi organorum, ita ut totidem essent characterum differen-
tiæ, quibus distinguerentur. Nobilissima autem & omnium utilis-
sima fuit inventio *Sermonis*, ex *Nominibus* sive *Appellationibus* & eo-
rum Connexione consistentis, quibus cogitata hominum conscribi,
revocari in memoriam, & ab uno ad alium patefieri poslunt, ad eo-
rum conversationem & utilitatem mutuam. Nam absque eo, non
fuisset inter homines, neque *Respublica*, neque *Societas*, neque
Pactum, neque *Pax* magis quam inter Leones, Ursos, & Lupos.
Sermonis author primus fuit Adam, qui creaturas, quas ad conspectum
eius adduxit Deus, *Nominavit*. Haec tenus tantum de ea re Scriptura
Sacra; sed sufficiebat hoc pro illo tempore. Nam eodem modo re-
bus aliis alia nomina imponere, prout experientia & creaturarum
usus postularet, potuit, eaque paulatim ita connectere, ut intellige-
retur; atque hoc modo succedente tempore tanta *Sermonis* copia ac-
quiri potuit, quanta indigeret; quanquam non tanta, quanta Ora-
tori vel Philosopho opus esset. Non enim invenio in Scripturis Sa-
cris ex quo directè, vel per consequentiam colligi potest, imposuisse

Adamum varietati omni Figurarum, Numerorum, Mensurarum, Colorum, Sonorum, Cogitationum, Relationum nomina, multo minus imposuisse illum nomina Nominibus & Orationibus, qualia sunt Generale, Speciale, Affirmativum, Negativum, Interrogativum, Optimatum, Infinitivum, quæ omnia sunt utilia; minime autem omnium Entitatem, Intentionalitatem, Quidditatem, aliaque posuit verba Scholastica insignificantia.

Veruntamen copia hæc omnis sive acquisita, sive aucta ab Adamo & posteris ejus, interiit penitus ad Turrem Babel, quo tempore Deus omnem hominem Sermonis sui, propter rebellionem, oblitione percussit. Itaque dispergere se coactis in diversas mundi partes, necessarium erat, ut Linguarum varietas, quæ nunc est, gradatim ab illis processerit, prout necessitas (Inventionum omnium mater) illos docuerat; itaque tractu temporis Lingua unaquæque in majorem copiam verborum aucta est.

Sermonis
usus.

Sermonis usus generalissimus, est conversio Discursus Mentalis in Verbalem, sive Seriem Cogitationum nostrarum in Seriem Verborum, idque ad duos fines, quorum alter est conscriptio cogitatorum; quæ cum è memoria elabi apta sint, per verba illa quibus conscribuntur, revocari possint. Primus ergo usus nominum est, ut sint pro Notis ad memoriam. Alter est (postquam multi eundem calluerint Sermonem) ut (ordine & connexione sua) possint alter alteri quid concipiunt & de unaquaque re cogitant; quidque etiam cupiunt, metuunt, &c. significare. Propter hunc usum vocantur *Signa*. Usus Sermonis speciales sunt hi, primò quas cogitando rerum præteritorum vel præsentium causas esse reperimus, vel quæ à rebus præsentibus vel præteritis produci possunt, conscribere; namque hinc oriuntur Artes. Secundò, ut ostendamus aliis scientiam à nobis acquisitam, consulendo & docendo. Tertiò ut patefaciamus alii aliis consilia & voluntates nostras, quo mutuo possimus alius alii auxiliari. Quartò Sermone aliquando uti possumus ad delectationem vel ornamentum innocentem.

Sermonis
abusus.

His Usibus respondent totidem Abusus. Primus est quando homines cogitationes suas, propter inconstantiam significationis verborum suorum, perperam conscribunt; ut quando pro cogitato ponunt id, quod non cogitarunt; atque ita seipso fallunt. Secundus est, quando verbis utuntur metaphoricis, id est alio sensu quam ad quem ordinata sunt; atque ita decipiunt alios. Tertius, quando voluntatem suam eam esse declarant verbis, quæ revera non est. Quartus, quando Sermone utuntur ad lædendum proximum. Cætera animalia

malia armavit natura alia dentibus , alia cornibus , hominem autem manibus, ut quando opus est lèdant hostem. Sed lingua lèdere Sermonis abusus est, nisi quando aliquem regere obligamur. Id vero lèdere non est, sed corrigerē & emendare.

Modus quo Sermo inservit memorię consequentiarum consistit in nominum impositione & connexione.

Nominum alia sunt *Propria*, significantia rem unam singularem ; ut *Petrus, Iohannes, hic homo, hæc arbor*. Alia autem multis rebus sunt *Communia*; ut *Homo, Equus, Arbor*; nam unumquodque eorum, et si unicū sit, multarum tamen rerum particularium nomen est. Respe-ctu autem omnium illorum particularium, vocatur *universale*. Nihil enim in rerum natura universale est præter rerum vocabula ; nam res nominatae sunt omnes Individuae & Singulare.

Pluribus rebus nomen *Vniuersale* impositum unicū est, propter alicujus Qualitatis vel Accidentis similitudinem. Itaque ut nomen *Proprium* revocat ad animum rem unam certam, nomen *Vniversalē* revocat rem ex multis unam quamcunque.

Nominum autem *Vniversalium*, alia amplioris, alia strictioris significationis sunt, ita ut nomen *Amplius*, nomen *Strictius* contineat. Alia rursus sunt amplitudinis æqualis, & comprehendunt se mutuò. Exempli causa, nomen *Corpus* comprehendit nomen *Hominem*, & præterea aliiquid; nomina autem *Homo & Rationale* æqualia sunt, comprehendentia se mutuò. Sed notandum hic est, quod per Nomen non semper intelligimus vocabulum unicū, ut Grammati-ci, sed aliquando per circumlocutionem multis vocabulis nomen unum; ut verba hæc, *Qui consulta patrum, qui Leges Iuraque servat* unicū nomen est, & nomini *Iusto* æquivale.

Per impositionem hanc nominum amplioris & strictioris significationis computationem consequentiarum in cogitationibus, conver-timus in computationem consequentiarum in nominibus. Exempli causa, is qui omni Sermonis usu caret (qualis est qui mutus & surdus natus est) si positum ante oculos triangulum viderit, & juxta trian-gulum duos angulos rectos (quales sunt anguli figuræ quadratæ) potest tamen meditatione, contemplando comparandoque invenire tres illius trianguli angulos, æquales esse duobus illis angulis rectis juxta positis. Ille autem, qui sermone prædictus est, cum animadverterit æqualitatem illam consequentem esse, non longitudini laterum, neque cuiquam rei speciali in triangulo, sed hoc tantum, quod latera sunt recta, & anguli tres, propter quod figuræ nomen inditum est trianguli, Vniversaliter audacterque pronuntiabit, *Trianguli angulos*

tres aequales esse duobus rectis. Atque hoc modo consequentia inventa in re singulari conscribitur ad memoriam, ut regula universalis, computationemque mentalem omni loci & temporis consideratione exonerat; atque animum omni labore liberat præter primum; facitque ut quod verum inventum est *hic & nunc*, pro vero omni alio tempore & loco agnoscatur.

Verborum autem usus in cogitationibus conscribendis nusquam ita manifestus est, ut in numeris. Stultus enim naturalis qui ordinem verborum numeralium, *unum, duo, tria*, &c. memoriter pronuntiare non potest, observare tamen potest singulos ordine ictus horologii, & annuens dicere *unum, unum, unum*, sed quota hora sonuit scire non potest. Videtur autem suisse aliquando tempus in quo nomina numeralia pauca extabant, cogebanturque homines, quando numerarent, numerata digitis, primo unius manus, deinde ambarum applicare; atque inde natum esse, ut verba numeralia in omni ferè gente non excederent denarium; & in aliquibus plura non esse quam quinque, & à quinto eadem repeterent. Etiam is qui decem verba habet numeralia, nisi ordine ea recitet numerare usque ad decem non potest. Multo minus *Addere, Subtrahere*, & cæteras perficere Operationes Arithmeticæ. Itaque absque verborum usu Numerorum computatio est impossibilis, multo magis Magnitudinem, graduum velocitatis, virium, aliarumque rerum, quarum computationes ad generis humani necessitatem vel adjumentum necessariæ sunt.

Quando duo nomina conjunguntur ut fiat Affirmatio, vel Consequentia, ut cum dicimus, *Homo est Animal*, vel sic *Si est Homo tum est Animal*, & nomen posterius *Animal* significet omnia quæ significat prius nomen *Homo*, Affirmatio illa sive Consequentia *Vera* est, alioqui *Falsa*. Nam *Verum & Falsum* attributa sunt non rerum sed Orationis. Vbi autem Oratio non est, ibi neque *Verum est* neque *Falsum*, quanquam Error potest, ut quando expectamus id quod non erit, vel suspicamur quod non fuit; sed *Falsi accusari* non potest.

*Definitio.
unum usus.*

Quoniam ergo in ordinatione recta nominum quando aliquid affirmamus consilit *Veritas*, is qui Veritatem accuratam quærit, minister debet, quid in quoque loco unumquodque *Nomen* valet, & nomina, quibus utitur, rectè collocare. Alioqui enim impeditum se inveniet verborum tricis, sicut avicula inviscata, quæ quanto magis liberare se certat, tanto magis inviscatur. Itaque in Geometria, quæ sola fere est Scientia accurata, incipere Magistri solent à constitutio- ne significationum Nominum quibus usuri sunt, id est à Definitionibus, & in principio operis illas collocare.

Atque

Atque hinc appareat, quam sit illi opus qui ad Scientiam veram tendit, Authorum Antiquorum *Definitiones* examinare, negligentiusque scriptas corrigere, vel sibi ipsi novas constituere. Prout enim in unaquaque Scientia procedit computatio, multiplicantur etiam, qui in Definitionibus sunt Errores; unde paulatim ducuntur lectores in conclusiones absurdas; quas etsi tandem videant, extricare tamē se non possunt, nisi denuo ab initio computare incipient, in quo initio eorum errores fundati erant. Illis ergo qui Authoribus aliis nimium credunt, idem faciunt, quod qui multas summas minores in majorem colligunt, summulis illis non antē recte examinatis, & perspecto tandem errore, nec suspectis Magistrorum Principiis, expedire se non possunt; sed tempus consumunt librorum folia motitantes, quemadmodum faciunt aviculæ, quæ postquam in cubiculum aliquod intraverint per caminum, inclusasque se viderint, ad fenestræ vitreæ lumen falsum, motitando alas, obliti qua via ingressæ sint, laborant frustra. Primus ergo Sermonis usus, quæ acquisitio est Scientiarum, consistit in recta nominum Definitione, primusque abusus in Definitione falsa vel nulla; atque inde procedunt falsæ & absurdæ Philosophorum Opiniones, quæ illos qui instructionem non à propria meditatione, sed ab Authoritate librorum accipiunt, tanto hominum ignorantium conditione inferiores reddunt, quanto homines vera Scientia prædicti, eādem conditione superiores sunt. Nam inter veram Scientiam, & doctrinam erroneam, ignorantia in medio est. Sensus & Imaginatio naturales absurditatibus obnoxiae non sunt. Natura ipsa errare non potest. Quanto autem quis Sermonis copia abundat magis, tanto aut sapientior vel stultior est quam vulgus. Neque sine literis fieri solent homines insigniter sapientes, neque (nisi cui forte morbo vel prava constitutione Organorum animus læsus sit) insigniter stultus. Vocabula enim sapientium quidem calculi sunt quibus computant; stultorum autem Nummi, æstimati impressione alicujus nomine celebri ut *Aristotelis*, vel *Ciceronis*, vel *Aquinatis*, alijsve Doctoris ejusq[ue]cunque humani.

Res Nominata est, quæcunque cogitari vel in ratiocinatione considerari potest, sive alteri addi ad conficiendam summam, vel alteri substrahi. Latini *Rationes* vocant libellos pecuniae computatae, & Computationem ipsam *ratiocinationem*, & id quod nos in rationibus appellamus *Item*, illi *Nomen* vocant. Atque inde vox *Ratio* extensa est ad facultatem Computandi in rebus cæteris. Græcis vocabulum unum λόγος significat & Sermonem & Rationem; non èd, quod putarent, nullum esse Sermonem sine Ratione, sed nullam Rationem si-
Leviat. Res nominata
ta.
ne

ne Sermone. Actum autem Ratiocinandi dixerunt Syllogismum, quæ vox significat consequentiæ Dicti unius ad alterum conjunctionem. Sed quia eadem res in Rationes inferuntur propter diversa accidentia, earum Nomina (ad diversitatem illam significandam) diversimodè variari & torqueri solent. Diversitas autem Nominum ad quatuor capita generalia reduci potest.

Primo, res aliqua in Rationes ingredi potest ut Materia, sive Corpus, sub nomine *viventis*, *sensibilis*, *rationalis*, *calidi*, *frigidi*, *moti*, *quietis*, quæ Nomina significant Materiam, sive Corpus.

Secundò, res aliqua intrare in Rationes potest propter accidens vel qualitatem, quam illi rei inesse cogitamus; ut quia *movetur*, vel *quantitatem* *habet*, vel quia *calet*, &c. tum vero nomen ipsius rei mutamus aliquantulum, & loco *vivenis* ponimus *vitam*; loco *moti corporis* ponimus *motum*; loco *calidi*, *calorem*; loco *longi*, *longitudinem* & similiter in cæteris. Quo facto nomina illa non sunt nomina Materiæ sive Corporis, sed Accidentium & Proprietatum quibus Corpus à Corpore distinguitur. Appellantur autem hujusmodi nomina *Abstracta*, non quod abstrahantur à Materia, sed à Materiæ Computatione.

Tertiò, in Rationes inferimus proprietates illas quibus ipsi res distinguimus: sicut quando *videmus*, aliquid, non Computamus semper rem *visam*, sed *visionem*, *colorem* sive *Idem*, sive rei *visæ Phantasma*: similiter quando *audimus*, pro re ipsa quæ sonum facit, *sonum* sive *auditionem* tantum consideramus. Et sic de cæteris Phantasmibut.

Quartò, in Rationes inferimus quandoque nomina ipsorum nominum & Sermonum, dicentes, *generale*, *universale*, *speciale*, *univocum*, *æquivocum*, quæ sunt Nomina Nominum. Item *affirmationem*, *interrogationem*, *preceptum*, *narrationem*, *syllogismum*, *orationem*, aliaque ejusmodi multa, quæ sunt nomina *Orationum*. Atque hac varietas omnis est nominum *Positivorum* significantium aliquid eorum quæ sunt in natura rerum, vel eorum quæ animo possunt fangi, ut corpora quæ sunt vel esse videri possunt, vel ut proprietates corporum quæ sunt vel esse videri possunt; vel Verba & Sermones.

Sunt & alia *Nomina*, *Negativa*, quæ significant, nomen aliquod, nomen rei propositæ non esse, qualia sunt *Nihil*, *Nemo*, *Infinitum*, *Indocile*, *tria minus quatuor*, & similia quæ tamen in Rationibus usum suum habent, vel in corrigendo vel revocando; quia faciunt ut nomina non rectè imposta vel usurpata recusemus.

Cætera Nomina omnia soni sunt sine significatione; & duorum gener-

Nomina Positiva.

Nomina Negativa.

Nomina Insignificativa.

generum. Alterum, quæ nova sunt nec tamien Definitione explicata; qualia à laborantibus Philosophis & Scholasticis excogitata sunt. .

Alterum est quando Nomen aliquod à duobus nominibus componitur, quorum significaciones sunt inconsistentes; ut nomen hoc, *corpus incorporeum*, (vel quod idem est) *substantia incorporea*; aliaque similia. Quandocunque enim affirmatio aliqua falsa est, ex duobus nominibus quibus constat si fiat nomen unum, illud erit insignificans; exempli causa si falsum sit dicere *quadratum est rotundum*, nomen illud *quadratum rotundum* sonus merus est, nihil significans. Similiter si falsum sit dicere *virtutem fundi vel flari posse*, verba hæc *infusa virtus, inflata virtus*, nomina sunt insignificantia. Itaque in verbum absurdum & insignificans non facile inciditur quod non compositum si à nominibus quæ intelligi à vulgo hominum non possunt.

Quando cogitatio alicujus rei oritur à sermone audito, & ut *Intellectus* oportuit ordinato, tunc qui audit, verba illa dicitur *Intelligere*; Intellectus enim aliud non est præter conceptum natum à Sermone. Itaque si sermo homini peculiaris sit (ut videtur esse) etiam homini soli proprius Intellectus est. Vnde sequitur Affirmationes falsas, easdemque *universales* intelligi non posse; quanquam nonnulli sunt qui putant se intelligere tunc quando verba audita tacitè apud se animo recitant.

Quæ orationum genera significant Appetitum, Aversionem, cæteraque animi humani Passiones; quisque sit eorum usus & abusus tunc dicam, quando dicam de Passionibus.

Nomina rerum quæ placent, quia non omnibus similiter placent res eadem, neque eidem homini, idem omni tempore, inconstantis sunt significationis.

Cum enim nomina omnia ad conceptus significandos imposita fuerint, necesse est cum easdem res non similiter sentiamus, ut easdem etiam sæpen numero dissimiliter nominemus. Etsi rei conceptæ natura non mutetur, diversitas tamen receptionis (ortæ à diversitate naturalium individuarum, & à præjudiciis Opinionum) facit ut unusquisque nomina illis imponat propria sua affectione aliquatenus tincta. Quamobrem in omni ratiocinatione cautela opus est, ne præter significationem ipsius rei, admittamus etiam aliquid de natura ingenio & affectibus hominis qui loquitur. Nomina autem hujusmodi plerumque sunt Virtutum & Vitiorum nomina. Nam quam alias *Pudentiam*, alias vocat *Metum*; quam alias *Crudelitatem*, alias vocat *Institiam*; quam hic *Erolvium* ille *Magnificentiam* appellat; quæ huic *Gravitas* alteri videtur *Stupor*, &c. Itaque ex hujusmodi nominibus

nibus Principia ratiocinandi constitui non possunt. Neque ex Metaphoris, aliisque orationis tropis. Sed minus sunt hæc periculosa, quia inconstantiam suam profitentur.

C A P V T V.

De Ratione & Scientia.

Ratio.

QUi ratiocinatur, vel Totum querit Additione partium; vel Res fiduum, Subtractione partis à parte: id quod (si verbis fiat) nihil aliud est, præter Conceptionem consequentiæ Nominis partis ad Nomen totius, vel Nominum totius & partis ad Nomen partis reliquæ. Quanquam autem in rebus quibusdam (ut in numeris) aliae sint operationes, præter Additionem & Subtractionem, ut Multiplicatio & Divisio, in idem tamen recidunt; nam Multiplicatio est æquilibrium inter se Additio; & Divisio aliud non est, quam ejusdem rei, quoties possumus, Subtractione. Neque Numeris solis operaciones illæ convenient, sed omni rerum generi, quarum una alteri addi vel auferri potest. Sicut enim Arithmeticæ Addere & Subtrahere solent in Numeris; ita Geometrae facere idem docent in Lineis, Figuris, Angulis, Proportionibus, Temporibus, Gradibus velocitatis, Virium, Potentia, & cæteris. Idem etiam Logici faciunt in consequentiis verborum, Addentes duo nomina ad faciendam propositionem, & duas propositiones ad faciendum Syllogismum, & plures Syllogismos ad faciendum Demonstrationem; & à summa sive conclusione Syllogismi subtrahunt unam propositionem, ad inveniendam alteram. Etiam Scriptores Politici addunt simul plura pacta, ad inveniendum hominis Officium; & Iuris Consulti addunt simul Leges & Facta ad inveniendum, quid sit in actionibus hominum privatorum Ius & Injuria. Vbicunque locus est Additioni, & Subtractioni, ibi etiam locus est Rationi; & ubi illis locus non est, ibi neque rationi locus est.

Ex iis quæ dicta sunt Rationem Definire, id est vocis ejus quatenus sumitur pro Facultate animi, significationem determinare possumus. Ratio enim, hoc sensu, nihil aliud est, præter Computationem sive Additionem & Subtractionem Nominum generalium, quæ ad notationem sive significationem cogitationum nostrarum recipiuntur. Notationem, inquam, quando computamus soli; significationem, quando alii computationem nostram Demonstramus.

Sicut autem in Arithmeticæ imperiti saepè Professores aliquando falsò computant; ita etiam in Rationibus aliarum rerum, peritissimi, versati-

versatissimi attentissimique falli possunt , & falsas inferre *Conclusiones* ; non quod Ratio non sit ipsa semper Recta Ratio , æquè , ut Arithmetica certa est *Ars* , sed quod nullius unius *Ratio* , neque verò plurium , faciat certitudinem , magis quam Computatio aliqua recta numerorum rectè facta est , ideo quia consensu multorum est approbata. Quoties igitur in computatione sive Ratiocinatione oritur controversia , illi quibus controversia est , pro recta Ratione , Arbitri alicujus vel Iudicis Rationem constituere debent voluntariè ; qua uterque obligandus sit ; alioqui controversia eorum aut non omnino , aut armis dijudicanda est , defectu rectæ Rationis à natura constitutæ . Idem contingit in omni genere certaminis. Quando enim homines arrogantes sapientiores se cæteris omnibus esse credunt , clamantesque pro Iudice rectam Rationem postulant , nihil aliud querunt , quam ut res suâ ipsorum Ratione judicetur ; id quod in Societate humana intolerabile æquè est , ac si quis ludens cartis pro carta dominante uti vellet ea , cuius haberet ipse maximum numerum . Quid enim aliud faciunt , qui suas quasque dominantes passiones pro recta Ratione valere certant , etiam in suis ipsorum litibus , defectum rectæ Rationis ipsa postulatione ostendentes .

Vsus Scopisque Rationis non est unius vel paucarum consequentiārum , à primis nominum Definitionibus remotarum , inventio. Rationis usus. Ratio à primis incipit Definitionibus , inde ad plurium Definitionum consequentiam aliquam procedit , & inde ad aliam . Nam conclusio- nis ultimæ certitudo nulla est sine certitudine Affirmationum & Negationum à quibus composita & illata est . Sicut enim Pater familias Villici sui Rationes inspiciens , summularum singulorum generum summas in unam totalem colligat , nec an illæ summulæ rectè confessæ ab iis sint , qui Rationem reddituri sunt , examinat , nihilo plus proficit , quam si peritiæ probitatique villici sui fidens , Rationes omnino non requireret . Eodem modo in Rationibus quarumcunque rerum qui illas admittit authorum aliorum fide , nec à nominibus singulis ipse deducit , ille operam ludit , nil sciens , sed tantum credens .

Quando aliquis Ratiocinatur sine usu verborum , quod fieri potest in nominibus Individuis (ut quando rem aliquam videntes conjici- mus , quid præcessisse , vel secuturum esse verisimile sit ,) si id quod verisimile est neque præcessit neque sequitur , id in Ratiocinante ap- pellatur *Error* . Errori autem obnoxii sunt homines etiam pruden- tissimi . Sed quando in verbis ratiocinatur Universalibus , si incida- mus in conclusionem universalem eamque falsam , etsi vulgo *Error* ap- pelletur , revera tamen est *absurditas* , id est oratio insignificans . Est Error & Absurditas.

enim Error deceptio præsumentis tantum de Præterito vel Futuro , quæ etsi vera non erat, non tamen visa est impossibilis. Verum quando Conclusio universalis est , nisi & vera sit , conceptibilis non est. Verba autem quibus nihil concipimus præter sonum , insignificantia dici solent & absurdā ; qualia sunt , quadratum est rotundum ; substantiae sunt immateriales ; subditus est liber , quod si quem ita loquentem sentirem , non illum Errasse , sed Absurde locutum esse dicerem.

Hominem cæteris animalibus præstare dixi ante , eo quod cum de re quacunque cogitaverit , in ejus rei consequentias inquirere & quomodo ea re uti potest , aptus natus sit ; ejusdem præstantiæ gradum alium hic addo , quod per consequentias verborum reperire potest Regulas Generales , quæ Theorematæ , & Aphorismi vocari solent , id est computare potest non solum in Numeris , sed etiam in Rebus aliis omnibus , quarum una alteri Addi , vel Auferri potest.

Sed privilegium hòc ab alio quodam temperatur. Solius enim Hominis privilegium est absurditas , cui alia creatura nulla est obnoxia. Hominum autem maximè obnoxii sunt illi qui vocari solent Philosophi. Id enim dictum est à Cicerone verissimè , nihil tam esse posse absurdum , quin inveniri possit in Libris Philosophorum. Cujus rei Ratio manifesta est. Eorum enim nemo est , qui Ratiocinationes suas à Definitionibus ordiatur , sive Explicationibus nominum , quibus usuri sunt. Methodus enim hæc Geometrarum peculiaris est.

Conclusionum Absurditas in cæteris scientiis defectui Methodi imputanda est ; propterea quod Ratiocinationes suas non incipiunt à Definitionibus Nominum. Quasi numerare vellent antequam numerarium Nominum valorem intelligerent. Atque hæc causa generalis est. Quoniam autem Corpora in Rationes propter varias considerationes (sicut in præcedente capite dictum est) inferuntur ; multæ Absurditates procedunt à defectu distinctionis inter considerationes illas ; unde fit ut nomina in propositiones perperam connectantur.

1. Ut primo , cum nomina Corporum indant Accidentibus , vel nomina Accidentium Corporibus ; quemadmodum faciunt qui dicunt , Fidem esse infusam , vel Inspiratam ; cum nihil neque fusile , sit neque spirabile præter corpus ; & quemadmodum faciunt illi qui extensionem dicunt esse Corpus , & Phantasma esse Spiritum , &c.

2. Secundo , quando nomina Accidentium quæ sunt in corporibus extranos , Accidentibus tribuunt corporum nostrorum. Quod faciunt qui dicunt colorem esse in Objecto ; sonum esse in Aëre , &c.

3. Tertio , cum Corporum nomina nominibus tribuunt vel orationibus ; ut qui dicunt esse res universales , vel animal esse genus.

Quartò , cum nomina *Accidentium* imponunt nominibus , & orationibus ; ut qui dicunt *Definitionem esse rei naturam* , vel *mandatum cuiuspiam ipsius esse voluntatem*.

4.

Quinto, quando utuntur loco verborum proprietatum, metaphoris, aliisque Tropis orationis. Quanquam enim liceat (exempli causa) cum vulgo dicere, *via huc vel illuc tendit vel dicit* ; *Proverbiū hoc vel illud dicit* , inter ratiocinandum tamen hujusmodi orationes , ab iis qui veritati student, admittendæ non sunt.

5.

Sexto , quando nominibus temerè receptis , nec quicquam significantibus utuntur , quales sunt *Transubstantiatio* , *Consubstantiatio* , *Nunc stans* . similesque voces Scholasticorum. Qui scopolos vitare hos potest, haud facile incidet in absurdum , nisi forte in Ratiocinatione longa. Oblivisci enim potest alicujus propositionis quam præmiserat. Naturaliter enim homines bene & similiter ratiocinantur , si à veris & perspicuis Principiis ordiantur. Vix enim invenies hominem adeo stupidum , quin si in Geometria erraverit , erroremque ejus ipsi ostenderit alius errorem suum illico agnoscat.

6.

Apparet hinc Rationem non esse , sicut *Sensus* & *Memoria* , nobiscum natam ; neque sola (ut prudentia) Experientia acquisitam , sed *Industria* ; scilicet apta in primis impositione Nominum ; deinde methodo recta procedendo à Nominibus ad Propositiones , & à Propositionibus ad Syllogismos , donec veniatur ad cognitionem Consequentiarum Nominum omnium quæ ad Scientiam pertinent. *Sensus* & *Memoria* , *Facti* tantum Cognitio est ; *Scientia* autem Cognitio est Consequentiarum unius Facti ad alterum. Per eam autem aliquis ex eo quod nunc facere potest , docetur aliquid aliud simile facere , si velit , alio tempore. Quia quoties videmus effectuum ortum & causas , & quomodo generantur , docemur (quoties in nostra potestate sunt) causas similes , similes producere effectus.

Scientia.

Infantes igitur actum Rationis , antequam Sermonis usum aquisi-
rent non habent ; vocantur autem animalia Rationalia propter pot-
estatem tantum. Plerique autem homines et si aliquousque ratiocinari possunt , ut forte in Numeris ; non tamen multum inde adjumenti accipiunt ad vitam communem ; in qua seipso regunt alii melius , alii pejus , prout Experientia , Memoria vel appetitu inter se differunt ; maximè autem fortuna bona vel adversa , & unus alterius erroribus gubernantur. Quod enim ad *Scientiam* attinet & actionum suarum Regulas certas , ita ab ea longè absunt ; ut quid sit , præter suas ipso-
rum cupiditates vitae Regula non intelligent. Geometriam aliqui pro Arte Magica habuerunt. Quod autem attinet ad *Scientias* alias , illi

illi qui non didicerunt Principia ejus , nec tantum in illis progressum fecerunt , ut viderint quomodo generatæ & acquisitæ fuerint , ita ad eas se habent ut pueri ad Cognitionem generationis ; qui fratres suos & sorores non natos , sed in horto repertos esse , credunt mulieribus.

Veruntamen qui sine omni sunt Scientia , sola Prudentia naturali , nobiliore conditione sunt , quam illi qui ratiocinando male , vel male ratiocinantibus credendo , incident in Regulas generales falsas & absurdas . Causarum enim & Regularum ignoratio non tantos errores generat , quantos Regulæ & Causæ falsæ.

Animi humani Lux est oratio perspicua justis definitionibus antè emuncta , ambiguitatibusque purgata . Ratio est gressus ; Methodus , ad Scientiam via est ; Scientiæ autem finis , Bonum humanum ; Metaphoræ autem & verba nihil significantia aut ambigua , sunt ignes fatui ; in quibus qui versatur , inter absurditates innumerabiles vagatur quæ terminantur tandem in contentione , vel seditione , vel contemptu .

Prudentia & Sapientia. Sicut Experientia multa , fit Prudentia ; ita Scientia multa , Sapientia est . Verum ut differentia quæ inter illas est , manifestius appareat , supponamus Hominem aliquem qui habeat dexteritatem arma sua tractandi naturaliter excellentem ; alterum autem qui dexteritatem quidem æqualem , sed habeat præterea armorum Scientiam acquisitam , qua quo modo & qua parte corporis , in quacunque positione , hostem offendere vel ab eo offendi possit , perfectè didicit . Horum duorum facultates ita ad se invicem habent , sicut Prudentia & Sapientia ; utraque utilis , posterior autem infallibilis . Ille autem qui confidet soli Librorum authoritati , cæcos cæcè sequitur , similis illi est , qui fidens Lanistæ alicujus Regulis falsis , hostem peritum aggressus , vel interficitur , vel armis exiit .

Scientia figura.

Scientiæ signa sunt alia certa & infallibilia ; alia incerta . Certa sunt , quando qui Scire se dicit , idem alterum docere , & veritatem perspicue demonstrare potest . Incertum , quando in quibusdam tantum rebus , id quod dicit verum est , sed in multis aliis non item . Itaque signa Prudentiæ Incerta omnia sunt . Nemo enim rerum omnium quas expertus est circumstantias eventui essentiales vidisse potest , aut visarum meminisse . Cæterum in omni negotio cuius nulla est Scientia infallibilis , proprio judicio diffidere , Sententiisque Librorum ducendum se permettere , Imprudentia est . Etiam illorum hominum qui in Conciliis Rerumpublicarum , quid in Politicis , & Historiis , & quantum profecerint ostentare amant , pauci tamen , ubi suæ ipsorum res dome-

domesticæ aguntur, id faciunt; cum in sua ipsius re unusquisque satis Prudens est. In publico autem negotio magis proprii ingenii existimationi student quam negotio publico.

C A P V T VI.

*De Principiis internis Motus Voluntarii, quæ vulgo
Passiones appellantur. Et de Orationibus
quibus declarantur.*

Duo sunt Motuum in Animalibus genera ipsis propria. Quorum unus est *Vitalis*, in generatione inceptus, & sine interruptione per totam vitam continuatus; qualis est *Motus Sanguinis*, *Pulsus*, *Spirationis*, *Concoctionis*, *Nutritionis*, *Excretionis*, qui *Imaginationis Auxilio* non indigent. Alter dicitur *Animalis*, & *Voluntarius*; qualis est *incessus*, *locutio*, & *artuum Motus*, qualem prius animo cogitaveramus. *Sensem*, Motum esse in Organis, & Partibus internis corporis humani, factum ab Objectis *Visis*, *Auditis*, &c. Phantasiam autem esse ejusdem Motus post Sensionem *reliquias*, dictum antè est in Cap. primo & secundo. Quoniam autem *incessus*, *loquela*, & similes Motus Voluntarii, semper dependent ab aliqua præcedente cogitatione, *Quo*, *qua via*, & *Quid*, manifestum est Phantasiam Motuum omnium voluntariorum Principium internum primum esse. Etsi autem sint qui Motum omnino ullum esse negant, ubi res mota invisibilis, aut spatum in quo movetur, propter brevitatem, insensibile est, illud tamen non impedit, quo minus hujusmodi Motus sint. Quantulumcunque enim spatum sit, id quod Movetur per spatum majus, cuius parvum illud spatum pars est, per illud etiam necessariò movebitur. Principia hæc Motus parva, intra humanum corpus sita, antequam *incedendo*, *loquendo*, *percutiendo*, cæterisque actionibus visilibus appareant, vocantur *Conatus*.

Conatus hic, quando fit versus causam suam vocatur *Appetitus*, vel *Conatus*; Cupido; quarum vox prima generalis est; altera saepe restringitur ad significandum Appetitum aliquem particularem, ut *Famem* vel *Situm*; quando autem *Conatus* est recedendi à re aliqua, tunc vocatur *Aversio*. Has duas voces *Appetitum* & *Aversionem*, græci significant per ὄρεμν, & ἀφορεμν. Natura enim homines ad veritatem aliquando ipsa urget, in quam offendunt saepe illi qui ultra Naturam docti esse cupiunt. Scholæ enim in Appetitu Motum nullum omnino esse censent,

Levint.

e e e

sunt,

*Appetitus.
Fames &
Situs.
Aversio.*

sent, & quia Motus aliquis necessariò admittendus est, Appetitum Motum esse dicunt Metaphoricum; id quod est Absurdum, cum (et si verba possint) Corpora, Motusque Metaphorica esse non possint.

Quæ Cupiunt homines eadem & *Amare* dicuntur; *Odioque* habere ea quæ Fugiunt. Itaque *Cupere*, & *Amare* idem sunt, nisi quod in *Cupidine* objectum semper abesse intelligitur; in *Amore* plerumque & proprie adesse dicitur. Similiter per Aversionem, absentiam; per Odium præsentiam objecti significamus.

Appetituum, & Aversionum, aliae nobiscum natæ sunt; ut Appetitus edendi, excernendi, & exonerandi; quæ Aversiones etiam alio respectu dici possunt, quia Fugæ sunt alicujus mali in corpore pleno & onerato. Appetitus cæteri rerum particularium oriuntur ab experientia effectuum quos in nobis vel aliis hominibus produxerunt. Rerum enim quas non omnino cognoscimus, vel quas non credimus existere, appetitum alium habere præterquam experiendi impossibile est. Aversionem autem habemus etiam ab iis rebus, non solum quæ cognovimus nos laesisse; sed etiam ab iis rebus quas an laesuræ sint necne, nescimus.

Contemptus. Quæ neque Cupimus neque Odimus, ea dicimur *Contemnere*. *Contemptus* enim nihil aliud est quam Cordis, actionibus quarundem rerum resistentis, immobilitas quædam sive Contumacia, orta ab eo quod Cor ab aliis objectis fortioribus occupatum est; vel ab eo quod qualia sint ea quæ contemnimus, experti non simus.

Et quoniam in perpetua mutatione versatur humani corporis consistentia, impossibile est, ut eadem res producerent eosdem semper Appetitus, & Aversiones; multo minus poterunt omnes homines consentire in Appetitu unius & ejusdem Objecti.

Bonum. *Malum.* Quicquid autem Appetitus in homine quocunque Objectum est, eidem illud est quod ab ipso appellatur *Bonum*. Similiter id quod Aversionis in ipso & Odii causa est, ab ipso nominatur *Malum*; atque id *Vile* appellat, quod ipse contemnit. Voces enim *Bonum*, *Malum*, *Vile*, intelliguntur semper cum relatione ad personam quæ illis utitur; cum nihil sit simpliciter ita; neque ulla *Boni*, *Malii*, & *Vilis*, communis regula, ab ipsorum objectorum naturis derivata, sed à natura (ubi Civitas non est) personæ loquentis, vel (si est) personæ Civitatem repræsentantis; vel ab Arbitro vel Iudice constituto.

Pulchrum. *Turpe.* *Pulchrum* & *Turpe* prope quidem idem significant, quod *Bonum* & *Malum*, sed non adæquate. *Pulchrum* enim id significat quod signis apparentibus *Bonum* promittit, sicut & *Turpe* id quod *Malum* promittit.

tit. Utriusque autem sunt diversæ Species, ut *Formosum*, *Honestum*, *Decorum*, *Iucundum*, sunt species *Pulchri*; *Deforme*, *Inhonestum*, *Moleustum*, species *Turpis*. Quæ omnia vocabula nihil aliud significant præter promissionem quandam vel Boni, vel Mali. Itaque Boni tres sunt species, altera in promissione quæ *Pulchritudo*, Altera in re, & dicitur *Bonitas*, Tertia in Fine, quæ est *Iucunditas*. Præterea *Bonum* quod in Fine *Iucundum* dicitur, in Medio vocatur *Vite*. Similiter *Malum* ut promissum, *Turpe*; ut in Fine *Moleustum* appellatur.

Ut in Sensione, solus (intra corpus sentiens) Motus est, ortus ab actione Objectorum, qui tamen ad *Visum*, *Lux* & *color*; ad *Auditum*, *Sonus*; ad *Olfactum*, *Odor*, &c. ita objecti actio continuata ad *Oculos*, *Aures*, aliaque *Sensuum* organa nihil aliud est præter *Motum*, vel *Conatum*, consistentem in Appetitu vel Fuga objecti. Apparitio tamen illius Motus, illa est quæ vocatur aut *voluptas*, aut *molestia animi*.

Quoniam autem Motus hic (propter voluptatem) videtur esse Motus Vitalis adjutor; ea quæ Motum hunc efficiunt vocari solent, nec impropre (nimirum à juvando) *jucunda*; & eorum contraria *Molestia*.

Jucundum ergo, est *apparens Bonum*; & *Moleustum* *apparens Malum*. Itaque Appetitus omnis, amorque conjunctus est cum voluptate aliqua; & Odium & Fuga, cum Molestia aliqua.

Voluptatum aliæ ab Objecti præsentis Sensione oriuntur, quæ vocari possunt *voluptates Sensuales*; quæ vox, antequam lege condementur, nihil culpabile consignificat. Hujus generis sunt *Onerationes* & *Exonerationes* corporis; quicquid item ad *Visum*, *Auditum*, *Olfactum*, *Gustum*, vel *Tactum* jucundum est; aliæ ab *Expectatione* oriuntur, id est à *Prævisione* *Firium*, vel *Consequentialium* rerum, sive illa ad *Sensem* jucunda, sive injucunda sint. Atque animi *voluptates* hæ sunt illis, qui consequentias illas prævident; vocanturque uno nomine *Gaudium*; similiter *Molestiarum* aliæ in *Sensu* sunt, vocanturque *Dolores* corporis; aliæ in *Expectatione*, & appellantur *Dolores* animi.

Passiones autem istæ simplices *Appetitus*, *Cupido*, *Amor*, *Avercio*, *Odium*, *Gaudium*, & *Dolor* à diversis considerationibus quandoque variantur etiam nominibus. Ut primò, prout videntur aliæ aliis successuræ. Secundo, prout objectum appetimus, aut fugimus. Tertio, prout multæ simul considerantur. Postremo, pro modo successionis unius ad alteram. *Appetitus enim* si conjunctus sit cum opinione obtinendi, *Spes* dicitur.

*Voluptates
Sensuales,
& Volupta-
tes Animæ*

Gaudium.

Spes.

*Desperatio.*Idem sine opinione obtinendi, *Desperatio*.*Metus.**Averso* cum opinione damni fecuturi, *Metus*.*Fortitudo.*Eadem cum Spe damni per resistantiam superandi, *Fortitudo*.*Ira.*Subita Fortitudo, est *Ira*.*Fiducia.*Spes in propria virtute, si constans sit, *Fiducia*; desperatio continua *Animi Abjectio*.*Animi Ab-**Ira ex l^esione alterius injusta, Indignatio.**Indignatio.*Alii bonum Cupere, *Benevolentia* vel *Charitas*.*Charitas.*Cupido divitiarum, *Avaritia*. Quæ vox, quia de divitiis certare homines inter se solent, accipitur semper ferè in malo sensu, et si Cupido ipsa, aut culpanda aut probanda sit, prout Media sunt quibus quaeruntur Divitiae, bona vel mala. Cupido Dignitatum publicarum, *Ambitio*. Vox hæc quoque propter contentionem hominum, in deteriorius fæpissimè accipitur.*Ambitio.*Cupido rerum parum ad institutum nostrum conducedentium; item Metus rerum institutum nostrum parum impedientium, *Pusillanimitas*.*Pusillanimi-**Magnanimitas.* & Impedimentorum Exiguorum Contemptus,*itas.**Magnanimitas.* in periculo mortis violentæ, aut vulnerum, *Virtus bellica*.*Virtus bel-*Magnanimitas in divitiarum usu, *Liberalitas*.*liblica.*Pusillanimitas in usu earundem, *Tenacitas*.*Tenacitas.*Cupido l^edendi aliquem, eo fine, ut factum aliquod suum condemnet, *Vindicta*.*Vindicta.*Cupido sciendi quid & quomodo, *Curiositas*; quæ Passio soli ineft Homini. Distinguitur ergo à cæteris animalibus *Homo*, non solum Ratione, sed etiam Passione hac, quam voco *Curiositatem*. Cætera enim animalia, in quibus Appetitus cibi, aliæque v^onuptates Sensuales prædominantur, causarum cognoscendarum cura carent, quæ Animi concupiscentia quædam est, conjuncta cum voluptate perpetua, & infatigabili, generationis scientiarum, vehementiam voluntatum sensuum brevem longè superans.*Curiositas.*Metus Potentiarum invisibilium, sive Fictæ illæ sint, sive ab Historiis acceptæ sint publicè, *Religio* est; si publicè acceptæ non sint, *Supersticio*. Quando autem Potentiae ille revera tales sunt, quales accipimus, *Vera Religio*.*Religio.*Metus sine conceptione periculi unde & quale sit, *Terror Panicus*; ita vocatus à Pane, quem talium metuum authorem faciunt Fabulæ. Revera tamen, qui primus metuit, metuendi causam vidit aliquam; cæteri*Supersticio.**Vera Religio.**Terror Pan-**icus.*

cæteri autem illius primi exemplo fugiunt, credentes causam fugiendi fugientibus cæteris satis esse cognitam. Nam passio hæc, nisi in coacta multitudine nunquam accidit.

Gaudium à cognitione nova, *Admiratio*; & homini propria est. *Admiratio.*
quia excitat Appetitum sciendi causam.

Gaudium quod in homine oritur ab Imaginatione Potentiaz aut Virtutis propriæ, animi exultatio quædam est, quam vocant *Gloriam*: *Gloria.*
quæ si fundetur in experientia actionum suarum, eadem est cum Fiducia. Sin fundata sit in adulatio[n]e hominum; vel à seipso ficta propter voluptatem quæ magnas actiones solet consequi, *Gloria inanis* *Gloria ina-*
vel vana dicitur. *Fiducia* enim gignit Aggressum; id quod *inanis Glo-*
ria producere non potest.

Dolor natus à propriæ impotentiaz opinione, *Demissio animi* di- *Demissio*
citur. *animi.*

Inanis Gloria, quæ consistit in ficta suppositione virtutum, quas nobis scimus non inesse, propria fere est Iuvenum, aliterque à rerum magnarum Historiis, vel à narrationibus fictis; corrigitur autem magna ex parte Ætate & Negotiis.

Gloriatio subita Passio illa est, quæ producit *Risum*; habet autem *Risus.*
pro causa, vel subitam aliquam actionem propriam, in qua, qui eam fecit, sibi placet, vel conceptum Turpitudinis vel facti alieni indecori, comparatione cuius subito sibimet ipsi commendatur. Contingit autem hoc illis maximè, qui cum virtutum paucissimarum concii sibi sint, bonam de seipisis opinionem conservare non possunt, nisi infirmitates aliorum hominum observando. Itaque multus *Risus* signum est Pusillanimitatis. Animi enim magni opus proprium est auxiliari, & à contemptu alios liberare; seipso autem cum maximis hominibus foliis comparare.

Contra, *Demissio animi subita* passio est, quæ producit *Fletum*; cuius *Fletus.*
causa sunt accidentia illa, quæ magnam spem aliquam, vel potentiaz suæ statumen aliquod subito destruit.

Fletui autem subjecti sunt illi qui auxiliis externis maximè indigent, quales sunt foeminæ & pueri. Alii itaque jacturam deflent amicorum; alii ingratitudinem; alii etiam flent quando cum illis conciliantur, propterea quod inde oritur vindictæ speratæ obstructio subita. Semper autem tum *Risus*, tum *Fletus* motus sunt subiti; & consuetudine minuuntur. Nemo enim aut veteres jocos ridet, aut calamitates deflet veteres.

Dolor ille qui oritur ab eo, quod indécorum aliquod nostrum ad- *Pudor.*
missum putamus, *Pudor* dicitur, ostenditurque per Erubesciem.

Passio hæc in Adolescentibus laudatur, ut signum cupientis nihil facere, nisi quod sit laudabile. In senibus non laudatur, propterea quod minus Venia digni sunt senes.

Impudentia. Contemptus bonæ existimationis appellatur *Impudentia*.

Misericordia. Dolor ob calamitatem alienam, dicitur *Misericordia*, oriturque à consideratione, quod sibimet ipsi contingere potest calamitas similis; Et ob eam rem vocari etiam solet *Compassio*. Calamitas itaque aliena, si à magno oriatur ipsius cui contingit scelere, tanto minus producit *Misericordiam*. Item in eadem calamitate minus *Misericordes* sunt illi, qui calamitati simili minimè obnoxios se esse judicant.

Crudelitas. Alienæ calamitatis contemptus, nominatur *Crudelitas*, proceditque à propriæ securitatis opinione. Nam ut aliquis sibi placeat in malis alienis, sine alio fine, videtur mihi impossibile.

Æmulatio. Dolor ob successum Competitoris alicujus circa honorem, aut dignitas, aut aliud bonum, si coniunctus sit cum conatu diligentiam propriam augendi, *Æmulatio* dicitur; si conjugatur cum conatu Competitorem fallendi vel impediendi, *Invidia* est.

Invicia. *Deliberatio* dum res effecta sit, vel rejecta, vocatur *Deliberatio*. Quando in animo humano Appetitus, Aversio, Spes, Metus, circa rem eandem oriuntur alternatim, veniuntque in animum Faciendi, Omittendique bonæ malæque consequentiæ successivè; adeo ut interdum appetamus, interdum fugiamus; interdum speremus, interdum metuamus; tunc totum illud passionum aggregatum, eatenus durans dum res effecta sit, vel rejecta, vocatur *Deliberatio*.

Itaque de rebus præteritis *Deliberatio* nulla est, quia præteritum immutabile est; neque rerum quas scimus vel putamus esse impossibles, quia talium *Deliberatio* vana est. Impossibilium autem quæ possibilia esse arbitramur, *Deliberatio* datur, ut quam vanam esse nescimus. *Deliberatio* autem ideo dicitur, quia libertatis quam habemus faciendi, omittendive finis est. Alterna hæc successio Appetitus, Aversionis, &c. communis est homini cum animalibus cæteris. Nam Deliberant etiam bestiæ.

Deliberatio finiri tunc dicitur, quando id, de quo *Deliberatum* est, factum est vel redditum impossibile; propterea quod eatenus libertatem faciendi vel non faciendi pro arbitrio retinemus.

Voluntas. In *Deliberatione*, Appetitus ultimus vel Aversio, actioni de qua *Deliberatum* est immediatè adhærens, est *Voluntas*; Actus, inquam, non potentia *Volendi*. Vnde sequitur bestias, quia *Deliberant*, etiam *Voluntate* prædictas esse. Definitio *Voluntatis Scholastica*, nempe *Voluntatem Appetitum esse rationalem legitima non est*. Nam si esset, nulla omnino esse posset actio *Voluntaria* contra *Rationem*. Actio enim *Voluntaria*

luntaria est ea, quæ à Voluntate proficiscitur, nec ulla alia. Quod si pro Appetitu Rationali dicamus Appetitum, qui oritur à Delibera-
tione antecedente, tunc Definitio eadem est quam dixi, nempe ultim-
us in Deliberando Appetitus. Quanquam autem vulgo sæpissime
dicamus habuisse aliquem Voluntatem faciendi id, quod facere postea
noluit; id tamen non Voluntas propriè est, sed Inclinatio, quæ actio-
nen non facit, ut sit Voluntaria, quæ dependere debet non ab omni,
sed ab ultimo Appetitu. Intervenientes enim Appetitus sive Inclina-
tiones non sunt Voluntates; si enim essent, omnes actiones simul
essent & Voluntariæ & Involuntariæ.

Manifestum hinc est Voluntarias actiones esse non modò eas, quæ
incipiunt ab Appetitu alicujus rei, sed etiam illas, quæ proficiscuntur
ab Aversione, vel à Metu eventuum qui consequuntur Facti alicujus
omissionem.

Formulæ Sermonis quibus Passiones declarantur, partim eadem
sunt quibus alias significamus Cogitationes. Et primo generatim Formula lo-
quendi in
Passionibus.
Passiones omnes proferri possunt *Indicativè*; ut Amo, Metuo, Gau-
deo, Delibero, Volo, &c. Sunt autem aliquæ quæ suas habent pro-
lationes sibi proprias; quæ tamen Affirmationes non sunt, nisi quan-
do inserviunt Illationibus. *Deliberatio* profertur *Subjunctivè*, qui mo-
dus proprius est *Suppositionum* à quibus ducimus Consequentias; ut,
si hoc fiat, tunc sequetur illud; nec differt à Sermone ratiocinandi, nisi
quod in ratiocinatione nominibus utimur *Universalibus*; in Delibera-
tione plerumque *Singularibus*. Sermo Cupiditatis & Aversionis est
Imperativus; ut, *hoc fac, ab hoc abstine*; quæ verba ad illum qui ad
faciendum vel abstinendum obligatur, mandatum dicitur; alioqui *Pre-
catio*; vel *Consilium*. Sermo vanæ Glorie, item Indignationis, & Mi-
sericordiæ, aliarumque multarum cupiditatum sermo est *Optativus*.
Cupiditatis autem *cognoscendi* sermo peculiaris est *Interrogativus*; ut
Quid est; *Quando erit*; *Quomodo factum est*; *Quid ita*. Passionum
sermones alios non reperio. Iurationes enim maledictionesque &
convitiae Passiones non significant ut Verba, sed ut Actiones male
moratae linguae.

Formulæ hæ significationes quidem sunt Passionum Voluntariæ;
signa autem certa non sunt; idque, quia Voluntaria sunt. Passionis
Præsentis certissima signa sunt illa, quæ à Vultu, Gestu, Actionibus,
Finibus, Negotiisque hominum capiuntur.

Quoniam in Deliberatione, Appetitus & Aversiones à prospectu Bonum &
Malum ap-
parent,
Bonorum & Malorum, consequentium actionem de qua delibera-
mus, alternæ sunt, & catenam longam faciunt consequentiarum, cu-
jus

jus finem s̄apenumero non videmus; si in catena illa visa sint consequentia plura Bona quam Mala , totum aggregatum Bonum est appa-rens ; si plura Mala quam Bona , tunc totum Malum apparens est. Is igitur qui Ratiocinatione vel Experientia longissimum sibi conse-quentiarum prospectum acquisivit , is optimè deliberat , & optimus aliis Consiliarius esse potest.

Perpetuus in rebus Cupitis bonus successus , illud ipsum est quod vocari solet *Felicitas* ; Felicitatem intelligo præsentis vitæ. Nulla enim est animi dum vivimus perpetua Tranquillitas ; quia vita ipsa Motus est, neque sine cupiditate, metuque, aliisque passionibus vivere homo potest, magis quam sine sensu.

Formula sermonis , qua quis opinionem suam significat de alicujus rei *Bonitate*, *Laus* est. Formula qua significat potentiam & magnitudinem rei, est *Magnificatio*. Forma qua significat opinionem quam habet de alicujus *Felicitate*, à Græcis vocatur μακαρεσμός. Atque hæc de *Passionibus*, quatenus ad Institutum præsens, dicta sufficient.

C A P V T V I I .

De Discursuum Determinationibus.

Iudicium.

OMnis Discursus , si à Cupiditate Cognitionis gubernetur, vel in Adeptione terminatur , vel in Rejectione. Quod si Cogitationum series pro tempore tantum interrumptur , non ideo Determinata dicenda est.

Dubitatio.

Si discursus in solis fiat Cognitionibus, tunc consistit in cogitationibus *Quod fiet*, vel *Quod non fiet*; vel *Quod fuit*, vel *Quod non fuit*, alter-nis. Itaque ubique Discursus definit, relinquitur Præsumtio quod erit, vel non erit ; vel fuit, vel non fuit. Quæ Determinatio appellatur *Opinio*. Atque id quod in Deliberando de Bono & Malo, Appetitus est alternus, in inquisitione veritatis facti Præteriti vel Futuri, est alterna *Opinio*. Sicut autem in Deliberatione, Appetitus ultimus est *Voluntas*; ita in quæstione Præteriti vel Futuri , *Opinio* ultima est *Iudicium*, sive *Sententia finalis*. Et sicut tota series Appetituum alternorum in quæstione Boni vel Mali *Deliberatio* dicitur ; ita in quæstione Veri vel Falsi series tota Opinionum alternarum dicitur *Dubitatio*.

Discursus nullus in Cognitione perfecta Præteriti vel Futuri ter-minare potest. Nam Cognitio Facti originaliter Sensio est, & deinde Memoria. Et Cognitio Consequentiarum , quæ ut ante dixi ,

Scien-

Scientia appellatur, Scientia Absoluta non est, sed tantum Conditalis. Nemo per Discursum scire potest *hoc vel illud esse, fuisse, vel futurum esse*; id quod est perfectè scire; sed tantum, si *hoc sit, tum illud est*; si *hoc fuit, tum fuit illud*; si *hoc erit, tum illud erit*; id quod est scire conditionaliter; & scire non *rei ad rem*, sed *nominis ad nomen consequentiam*. Si Discursus ergo sit in verbis, incipiatque à Definitionibus Verborum, procedatque per Connectionem eorum in Propositiones, & rursus Propositionum in Syllogismos, determinabitur in aliqua Conclusione, quæ summa est omnium antecedentium Propositionum. Atque hæc Scientia est, sive Cognitio Consequentiarum *Scientia*, unius verbi ad aliud. Verum si Discursus non incipiat à Definitionibus, vel si Definitiones illæ non rectè connectantur in Syllogismos, tunc rursus Discursus terminatur in *Opinione* tantùm, veritatis conclusionis, utcunque absurdæ & insigificantis. Quando duo vel plures idem simul sciunt, *Consci* dicuntur; & quia illi factorum suorum *Conscientia* mutuo testes maximè idonei sunt, maxima semper fuit & erit existimata improbitas, testimonium contra conscientiam dicere, vel alium ut dicat inducere. Vsurpatur autem vox *Conscientia* fæpissimè pro sua cujusque facti vel cogitati secreta cognitione. Sunt etiam qui proprias Opiniones suas privatas novasque, propter amorem ingenii proprii (et si aliquando absurdissimas) obstinatè sustinent, sub nomine illo *Conscientiæ* favoribili; tamquam illas mutare peccatum maximum esset. Itaque veritatem illarum *scire* se videri volunt, quando nihil sciunt nisi quod ipsi ita opinantur.

Quando Discursus non incipit à Definitione, terminatur semper *Credere* in *Opinione*. Quod si incipit ab alicujus alterius hominis Affirmatione, de cuius hominis neque Cognitione neque Veracitate dubitamus, quia quæstio est non tam de *Re*, quam de *Persona*; tunc determinatur in *Creditione*, & *Fide*; *Fide*, inquam, Homini habita; *creditione Fides*: *Rei*. *Credere in hominem*, & *credere homini*, idem plerumque significant; nempe opinionem de veracitate ejus; sed credere aliquod dictum, significat opinionem tantùm veritatis ipsius dicti. Notandum autem est dictiōnem hanc *credo in*, ut & Græcam μένω έις, rarissimè usurpari præterquam in libris Theologicis. Scriptores cæteri dicunt *credo illi*; *confido illi*; *fidem illi habeo*.

Sed *credere in*, in Symbolo Fidei Christianæ, non propriè significat Fidem quæ habetur Personæ, sed doctrinæ pluribus articulis propositæ agnitionem sive Confessionem. Etenim non Christiani soli, sed etiam homines omnes ita in Deum credunt, ut quicquid dixerit vel dicturus sit pro vero agnoscant; idque sive intelligent, sive non.

intelligent. Quia Fide major esse nulla potest. Doctrinam autem Symboli non omnes credunt, sed soli Christiani.

Manifestum hinc est, quod qui verum aliquid esse putant, non propter argumenta sumpta ex ipsa re, aut ex principiis Rationis naturalis, sed ab authoritate & ab existimatione bona personæ loquentis, Fidei ejus objectum principaliter & propriè objectum esse personam loquenter. Itaque quando credimus Scripturas Sacras esse Verbum Dei, Fides nostra, nisi speciem aliquam habeamus Revelationem, terminatur in Ecclesia, in cuius authoritate acquievimus. Etiam illi, qui credunt id, quod narratur Dei nomine à Prophetæ, Fidem Prophetæ habere, illumque honorare, illi credere & fidere dicendi sunt, sive verus, sive falsus sit Propheta. Etiam circa cæteras Historias eodem modo se res habet. Nam si omnia ea quæ de virtutibus dicta sunt *Alexandri* aut *Cæsaris* credere recusarem, non puto illos merito mihi succensuros esse, aut alium quemlibet præter Historiæ conscriptorem. Si *Livio* non credamus locutam esse bovem, non Deo sed *Livio* diffidimus. Perspicuum ergo est, si quid credamus, nullo alio argumento, quam quod dicitur ab authoritate humana, Fidem nostram non Deo, sed in Homine tantum determinari.

C A P V T V I I I .

De Virtutibus Intellectualibus; Defectibusque Oppositis.

Virtus in omni re aliquid est propter eminentiam spectabile, consistitque in comparatione. Nam si omnia omnibus æquilatera adessent, nihil esset, quod haberetur pro eximio. Per Virtutes intellectuales intelliguntur Facultates animi illæ, quas laudare, magnificere, & sibi met ipsi inesse cupere homines solent; & vulgo nomine *Boni Ingenii* comprehenduntur; quanquam *Ingenium* significet aliquando etiam Facultatem certam à cæteris distinctam.

Virtutes autem hæ duorum sunt generum; *Naturales*, & *Acquisitæ*. Per *Ingenium*, naturale non intelligo illud tantum quod cum homine nascitur, quod aliud non est quam *Sensus*, in quo unus homo alii non multo magis præstat quam bestiæ; sed intelligo *Ingenium*, quod usu solo & experientia, sine Methodo, Cultu vel Doctrina accedit hominibus ætate. Consistit autem in duabus rebus, *Celeritate imaginandi* (id est unius cogitationis ad aliam successione facilis) & *prosecutione constanti*. Finis alicujus propositi. Contrà, *imaginatio tarda* Defectum ani-

mi illum facit , qui *Tarditas* vocari solet vel *Stupor* , aliisve nominibus quibus significari solet *Motus Tardus*.

Differentia autem Celeritatis à differentibus oritur hominum Passionibus , quorum alii aliud amant & fugiunt ; unde cogitationes diversorum hominum diversæ procedunt , & diversimodè rebus applicantur. Cum autem in successione cogitationum nihil observari solet , nisi similitudo vel dissimilitudo ; vel cui rei inservire & quomodo possunt ; illi qui similitudines maximè adnimadvertunt , aliis raro animadverfas , bonum dicuntur habere *Ingenium* , id est bonam *Phantasiam*. Illi vero qui rerum cogitatarum differentias , dissimilitudinesque maximè observant ; id est qui inter rem & rem bene *Distinguunt* , *Discernunt* , & *Djudicant* , nisi Dijudicatio illa facilis sit , habere dicuntur *bonum Iudicium*. Speciatim autem in conversatione civili , negotiisque agendis (ubi tempora , loca , & personæ discernenda sunt ,) virtus hæc communiter *Discretio* appellatur. Phantasia sine *Iudicio* laudari raro solet ; sed *Iudicium* , sive *Discretio* laudatur per se sine ope Phantasie. Præter Discretionem temporum , locorum , & personarum quæ laudari faciant Phantasiam , requiritur etiam cogitationum ad finem suum frequens applicatio ; ita enim occurrit similitudines , non solum illustraturæ , sed etiam novis & aptis Metaphoris ornaturæ sermonem , atque insuper raritate inventionis placituaræ. Cæterum nisi constans adsit cogitationum ad aliquem finem regulatio , Phantasia magna species quædam est *Insanæ* , qualis est illorum , qui cum dicere inceperint , ab unaquaque fere cogitatione aliena , à propositio fine in tot & tantas digressiones & Parentheses abripiuntur , ut reverti non possint. Causa cuius rei aliquando est , quod experientia careant ita , ut videatur sibi novum & dignum dictu , id quod aliis vilescit ; vel magnum sibi , quod aliis non item. Nam quicquid novum , magnum & dictu dignum est , seducere homines ab instituta sermonis serie sæpe solet.

Poëtis in unoquoque genere operis tum *Iudicium* tum *Phantasia* requiritur ; eminere tamen debet *Phantasia* , quia placent Poëmata præcipue propter novitatem ; displicere autem non debent per Indiscretionem.

In Historia legitima eminere *Iudicium* debet ; quia Virtus Historiae in Methodo , in Veritate , in electione Narrandorum consistit , neque locus hic est Phantasie præterquam in ornanda narratione:

In Laudationibus , & in Invectivis prædominari debet *Phantasia* ; quia pro fine habent non Veritatem , sed laudem vel vituperium ; quæ perficiuntur comparationibus illustribus vel vilibus vel ridiculis.

Iudicium circumstantias tantum fuggerit quibus actio laudabilis vel illaudabilis efficitur.

In Hortativis & Causarum dictationibus, prout veritas vel simulatio maximè inservit rei quæ agitur ; ita Iudicium , vel Phantasia maximè postulatur.

In Demonstratione , in Consilio, & in omni veritatis investigazione severa , solum requiritur Iudicium ; nisi forte aliquando similitudine aliqua apta opus sit ; ut ii qui audiunt , vel legunt , dociliores fiant. Quod autem ad Metaphoras attinet , excludendæ prorsus sunt. Fallaciam enim apertè profitentur. Illas ergo in Consilio vel Ratiocinatione severa admittere , stultitia est manifesta. In Discursu quocunque , si Discretionis defectus manifestè appareat , quantumcunque placere possit Phantasia , desiderabitur Ingenium. Quod si Iudicium manifestum sit , et si vulgaris sit Phantasia , laudabitur tamen Ingenium.

Cogitatio hominis secreta per omnia discurrit , sacra , prophana , munda , immunda , gravia , levia , sine pudore , & sine culpa ; id quod sermoni non ulterius licet quam à Iudicio circa Tempora , Loca , & Personas permisum sit. Medico Anatomistæ de rebus obscenis dicere vel scribere quicquid videbitur licet , ut cui Finis est non placeare , sed prodeesse ; aliis autem non licet , quia non est opus. Item in remissione animi & conversatione familiari , si quis ex verborum sonis & significationibus ludum faciat , (id quod aliquando non injunctè fieri solet) indecorum non est. Sed in Concione , vel coram personis incognitis vel alioqui reverendis , omnis verborum lusus stultitia videbitur. Id quod differentiam facit , Discretio sive Iudicium est. Itaque ubi Ingenium deest , non Phantasia , sed Indicium deest. Itaque Iudicium sine Phantasia Ingenium est ; Phantasia autem sine Iudicio non item.

Quando quis cogitatione multitudinem rerum percurrent , cum Fine aliquo sibi proposito , quomodo eæ res ad Finem suum conductant , vel cui fini inservire possint celeriter animadvertisit , Ingenium ejus Bonum dicitur ; dependetque ab Experientia & Memoria rerum multarum similium , cum similibus Consequentiis. In hoc autem homines inter se non tantum differunt , quantum Iudicio & Phantasia ; quia hominum ætate æqualium , experientia non est valde inæqualis , quoad quantitatem , sed rerum in quibus versantur specie variantur , cum cuique sua sint negotia propria. Familiam , an Regnum quis rectè gubernet nihil interest , quatenus ad Prudentiæ gradum , multum tamen quod attinet ad negotii speciem ; quemadmodum in parva aut magna

magna tabula bene pingere non distinguit Artis gradum , sed speciem , & Agricola rufus in re sua Prudentior est plerumque , quam Philosophus in aliena.

Ad Prudentiam si addatur Mediorum injustorum , vel in honesto-^{Astutia} rum usus , qualia sœpe suggerit Metus , vel Inopia , fit Prudentia illa sinistra , quæ appellatur *Astutia* ; quæ signum plerumque est Pusillanimitatis. Auxilia enim injusta & in honesta animus magnus aspernatur. Est etiam alia quasi *Astutiae* species , quæ vocatur *Versutia* ; ^{Versutia} quæ est periculi vel incommodi incurrendo in pejus , ad parvum tempus dilatio ; videturque dici à *Versura* , quæ significat mutui sumptu-
nem , ad mutui solutionem.

Ingenium acquisitum, nempe Methodo & Doctrina, nullum est præ-^{Ingenium acquisitum} ter Rationem ; quæ orta à recto Sermonis usu producit Scientias. Sed de Ratione , & Scientia dictum est supra Cap. 5 & 6.

Ingeniorum differentia oritur à Passionibus ; differentia autem Passionum partim à diversa corporum constitutione , partim à diversitate consuetudinum & educationis.

Passiones illæ , quæ Ingeniorum differentias maximas faciunt , sunt plerumque major vel minor Cupiditas Potentiæ , Divitiarum , Scientiæ , Dignitatis ; quæ omnes reduci possunt ad Potentiam ; nam Dicitur , Scientia , Dignitas , sunt Potentiæ species.

Itaque si quis ea non magnificat , et si vir bonus esse possit , nunquam tamen videbitur bonum habere Ingenium. Cogitationes enim cupiditatum sunt tanquam Exploratores , emissi ad explorandas vias , quibus ad Cupita ferimur , quæ motibus animi , tum regulam , tum celeritatem tribuunt. Sicut nihil desiderare , Mortui est ; ita parum vehementer Desiderare , Tardi est ; & multa simul cupere Levitatis ^{Insanias} est ; habere autem Passiones multò fortiores , vehementioresque quam in cæteris hominibus videri solent , illud est quod nominatur *Insania*.

Insanias autem tot sunt fere quot sunt Passionum ipsarum species ; procedit tamen aliquando ab Organorum prava constitutio-
ne , vel læsione. Aliquando etiam à Passionis vehementia , vel du-
ratione longa læduntur Organa. Vtrobique tamen ejusdem generis est *Insania*.

Passio cuius violentia , vel duratio facit *Insaniam* , aut *Gloria vana* est , quæ & *superbia* dicitur ; aut animi *demissio magna*.

Superbia facit Iracundum. Iræ autem Excessus *Insanias* species est , quæ appellatur *furor*. Itaque vindictæ cupido ingens , si diurna sit , organa corporis lædit , & fit Furor. Idem facit *Amer* vehementis præ-
fff 3 tertium

fertim si comitetur zelotypia. Magna item sui ipsius aestimatio propter Sapientiam, Eruditionem, Formam & similia, etiam propter (quam putat quis falsò se habere) Inspirationem, tendit ad Insaniam.

Demissio animi obnoxium facit Metui, ubi Metus causa nulla est; quæ insanìa est, appellari solita *Melancholia*, apparet diversimodè, ut in iis qui frequentant solitudines; in superstitionis &c in timentibus quæ cæteri non timent. Passiones denique omnes, quæ actiones insolitas exorbitantesque producunt, nomine insigniuntur Insaniae. Siquidem autem Passionum Excessus Insanìa sunt, dubitari non potest quin Passiones ipsæ, saltem si ad malum tendant, sint ejusdem gradus.

Exempli caufa, quando aliqui falsò putant *inspiratos* se esse, Insaniae illius effectus nou est in uno homine per actionem aliquam, quæ ab illa opinione procedit, exorbitantem visibilis, quando tamen multi eorum conspirant, furor totius multitudinis satis manifestus est. Quodnam enim Insaniae argumentum majus esse potest quam clamare, ferire, & lapides in amicos jacere? Minus tamen est aliquantò hoc, quam quod hujusmodi multitudines aliquando faciunt. Nam occlamant, oppugnant, & interficiunt illos, per quos omni antè-actæ vitæ tempore protecti, & defensi ab injuriis fuerant. Iam si Insanìa hæc sit in multitudine, Insanìa quoque est in hominibus singulis. Quemadmodum enim in medio mari, quanquam sonum ab aqua sibi proxima nemo percipiat, scit tamen partem illam aquæ proximæ fremitui maris non minus contribuere, quam alia pars quæcunque ejusdem magnitudinis: ita etiam quanquam in uno vel paucis hominibus, non magnum videamus inquietudinem; certi tamen esse possumus Passiones illius unius vel paucorum, partes esse fremitus seditionis commotæ Civitatis. Etsi nihil esset aliud, quod Insaniam hujus generis indicaret, mihi tamen ipsa inspirationis divinæ arrogatio, Insaniae ipsorum magnum indicium est. Quis enim in Morocomio dicentem Deum se esse, vel Christum, cur illic conclusus sit nesciat? Quod autem privatum *Spiritum* suum tanti faciant aliqui, ut se divinitùs inspirari potent, sæpen numero oritur ab erroris alicujus in Theologia vulgo recepti fœlici detectione; nescientes enim vel oblieti, quo ductu rationis in tam singularem veritatem (etsi interdum veritas non sit) inciderint, semetip̄sos, ut quibus Deus ipse speciali gratia doctrinam illam supernaturaliter Spiritu Sancto revelaverit, admirantur.

Quod Insanìa nihil aliud sit præter ingentem enormemque Passionem, intelligi potest ab effectibus nimii Vini, quod similem producit Organum

Organorum intemperiem. Varietas enim hominum, qui nimium biberunt eadem est in moribus, quæ cernitur in insanis; quorum aliqui furiunt, alii amant, alii rident, omnes modo insolito; sed suæ cujusque Passioni congruo. Nam etiam homines sobrios puto quando absque omni animi cura & occupatione soli incedunt, non libenter velle cogitationum suarum vanitatem atque exorbitantiam eo tempore publicè apparere; id quod confessio manifesta est, Passiones irregulares plerumque Insaniam meram esse.

Opiniones hominum circa Insanæ causam, tum Veterum tum Recentiorum duæ sunt. Alii enim eam à Passionibus, alii à Dæmonibus, sive Spiritibus derivant, bonis vel malis, quos intrare in hominem posse, eosque possidere putaverunt, atque corporis ejus organa insolito ciere motu, qualem animadvertisimus in Insanis. Alii ergo Insanos appellaverunt, quos alii Energumenos. Hodieque eosdem homines Itali vocant *Pazzi & Spiritati*.

Magnus erat quondam in Vrbe Abderensium confluxus populi ad Theatrum, cum ageretur Fabula Andromedæ, æstivo & fervente die; unde Spectatorum magna multitudo partim à calore, partim ab ipsa Tragoedia in Febrem incidentes, aliud nihil dicere potuerunt præter Iambos, quos ab Actoribus in Tragoedia audierant recitatos; ab hac autem Insania, superveniente Hyeme liberati sunt; & proinde visa est processione ab illa Passisse quam animis Spectatorum impresserat Tragoedia. Etiam in Civitate alia Græca Insanæ species alia quædam orta est, quæ in Adolescentulas incidens fecit ut earum multæ se suspenderint. Hoc autem à plurimis à Diabolo profectum esse existimabatur; unus autem erat qui ipsarum contemptum hunc vitæ oriri ab animi aliqua Passione suspicatus est; putansque illas non ut vitam, sic honorem etiam contemptisse, Magistratibus consilium dedit, ut quæ se suspenderint nudæ penderent. Quod cum factum esset, Insania illa desit. Idem autem Græci Insaniam plerumque Eumenidum, sive Furiarum operationibus vel Cereris vel Phœbi aliorumque Deorum attribuerunt. Tantum enim Phantasmatibus attributebatur realitatis, ut animalia aërea putarentur, vocarenturque. Romani etiam, & Iudæorum multi, de hac re cum Græcis confenserunt. Iudæi enim Insanos, aut Prophetas esse, aut (prout Spiritus illos vel bonos vel malos esse putaverunt) Dæmoniacos. Aliqui etiam eorum eundem hominem & Dæmoniacum & Prophetam. Hoc tamen in Gentibus mirandum non est; quia Morbos & Sanitatem, vitia & Virtutes, atque accidentia naturalia ab illis & vocabantur, & colebantur ut Dæmones. Adeo ut per *Dæmonem* intelligenda erat eorum

eorum sermone non minus aliquando Febris , quam Diabolus . Vt autem ita sentirent Iudæi , magis mirandum est . Neque enim Moses neque Abrahamus Prophetiis suis prætendebant Spiritum , sed Vocem Dei , vel Visionem , vel Somnium . Neque in Lege Mosaica Morali , vel Ceremoniali quicquam extat faciens ad Enthusiasmum . Quando (Num. 11. 25.) à Spiritu , qui in Mose erat sustulisse dicitur Deus , & dedisse septuaginta Senioribus , per Spiritum Dei non intelligitur eo loco substantia Dei ; nam ea indivisibilis est . Per Spiritum Dei Scripturæ sæpenumero significant Spiritum hominis Deo servientis . Vbi enim dicitur Exod. 28: 3. *Quem implevi Spiritu Sapientæ, ad faciendum Vestimenta Aaroni.* Non intelligendus est peritus faciendi Vestimenta *Spiritus Infusus* , sed Sapientia ipsorum hominum in eo genere operis . Similiter Spiritus hominis , si producat actiones immundas , appellatur in Scripturis , *Spiritus immundus* . Etiam in aliis locis virtus vel vitium si egregium sit & eminent , appellatur Spiritus . Neque post Mose Prophetæ Veteris Testamenti Enthusiasmum prætenderunt ; neque in , sed ad se locutum esse Deum , nempe , per Visionem vel Somnium . Neque illud *onus Domini Posseffio* crat , sed *Iussio* . Quomodo ergo in opinionem hanc Enthusiasmi incidere potuerunt Iudæi ? Nescio , nisi quod plerisque hominibus commune est , non nimium inquirere in causas naturales ; felicitatemque collocare in voluptatibus sensuum , & rebus illis quæ maximè istuc tendunt . Qui enim insolitam virtutem vel defectum insolitum vident , nisi simul videant unde probabiliter procedere potuit non facile putant esse naturalem . Quod si non naturalem , necessariò supernaturalem esse putant . Quænam autem esse potest res illa præter Deum aut Dæmonem qui in hominem intraverit . Itaque cum Servator noster (Marc. 3. 21.) à multitudine cingeretur , illi qui in domo erant , furere eum existimaverunt , exieruntque domo ut cohíberent . Scribæ autem dixerunt , quod haberet Dæmonem , nempe Belzebub , per quem ejecisse illum Dæmonia dixerant . Hinc etiam erat quod quidam (Iohan. 10. 20.) dixerunt *Dæmonium habet & Insanus est* . Quando alii qui illum pro Prophetā habuerunt , dixerunt , *Non sunt hæc verba ejus qui habet Dæmonium* . Item in Testamento Veteri , is qui missus fuit (2 Reg. 9. 11.) ad ungendum Regem Iehu , Prophetā erat ; eorum tamen qui cum Iehu erant aliqui ipsum interrogarunt , *Quamobrem ille venit Insanus?* Manifestum ergo est , illum qui insolito modo , & ab aliorum more multùm differente se gerat videri Iudæis possesum esse bono aliquo vel malo Spiritu . Excipio tamen Sadducæos , qui ex altera parte à veritate tantum abierunt , ut Spiritus

ritus omnino esse non crediderint (id quod prope accedit ad Atheismum.) Fortasse autem tanto potius Dæmoniacos vocabant Pharisæi Insanos , quanto magis à Sadducæis circa opinionem de Spiritibus discrepabant.

Si hoc ita sit , cur sanat illos Servator noster , non ut Insanos , sed ut Dæmoniacos ? Respondeo. Argumenta quæ à formula dictio nis sumuntur , firma non esse. Quoties enim loquitur Scriptura Sacra de Terra , ut immobili , quam tamen Philosophi hodie ferè omnes moveri censem signis evidentissimis ? Scriptura scripta est à Prophetis & Apostolis , ad docendam non Philosophiam (quam ad exercitium Rationis naturalis , contemplationibus disputationibusque hominum reliquit Deus) sed Pietatem , & Salutis æternæ viam. Sive enim Terræ , sive Solis motus Diem & Noctem faciat ; sive humanarum actionum Exorbitatio à Passionibus , sive à Diabolo oriatur , ad Pietatem & Salutem nihil refert. Eorum qui per Verba sola morbos curant , ut fecit Christus (& facere se falsò jaçtant Incantatores) Dictio propria est , *Exi* , & *Inssiones* similes. Nonne Christus Matth. 8. vñ. 26.) Objurgavit Ventos , & (Luc. 4. 39) Objurgavit Febrein ? Non tamen argui hinc potest Febrem esse Diabolum. Præterea eadem Phrasis non ubique Scripturarum idem significat. In Principio erat Verbum , significat Verbi æternitatem. In Principio creavit Deus Cœlum & Terram non significat fuisse Cœlum & Terram ab æterno. Vbi Servator noster (Matth. 12. 43.) loquitur de Spiritu immundo , qui cum exisset ex homine vagatus esset per loca arida , quærens requiem nec inveniens , in eundem hominem postea reversus est , cum aliis septem Spiritibus se pejoribus , Parabolica locutio est , alludens ad hominem , qui post conatum cupiditates suas relinquendi debilis vixit , septies peior quam ante erat. Non sunt ergo Scripturæ in sensu verborum rigido semper accipiendæ ; neque ex illis necessariò evinci potest Dæmoniacos alios fuisse quam *Insanos* , *Furiosos* vel modo aliquo mente læsos.

Inter Insanæ signa numerari etiam possunt quotundam hominum Sermones Absurdi , sive Insignificantes ; de quibus dictum est Capite quinto. Atque hoc genus Insanæ illorum hominum ferè proprium est , qui loqui , vel scribere de iis rebus audent , quæ sunt incomprehensibiles ; id quod soli faciunt Scholastici & Philosophi. Nam vulgus hominum raro , ita loquuntur , ut non possint intelligi ; & ob eam rem ab istis aliis egregiis hominibus habentur , spernunturque pro idiotis. Ut sciamus autem qualis sit Scholasticorum , & Philosophorum de rebus difficultibus oratio ; interpretetur nobis verba alii Leviat.

quis, quæ titulum faciunt Capitis 6, Libri 1, Snatis, de *Concursu, Motu, & Auxilio Dei*. Verba autem hæc sunt, *Prima causa non infusa necessariò aliquid in secundam Virtute Subordinationis essentialis causarum secundarum, quo illam adjuvet operari*. Qui simili oratione tota implent volumina, nonne insaniunt, vel alios insanire volunt? In Quæstione de *Transubstantiatione*, ubi dicunt (post certa quædam prolata verba) Albedinem, Rotunditatem, Magnitudinem, Qualitatem, &c. quæ omnia sunt incorporea, migrare è Pane, & intrare in corpus Servatoris nostri Iesu Christi, nonne faciunt ex illis Accidentibus totidem Spiritus (nam & Spiritus eidem incorporeos esse putant, etiamsi eos à loco ad locum moveri confiteantur.) Itaque genus hoc Locutionis absurdæ numerari inter Insanias species multas rectè potest. Tempora autem quibus cogitationes eorundem Infanorum gubernatæ à cupiditatibus mundanis perspicuè explicantur, alia non sunt quam *lucida intervalla*. Atque hæc de Virtutibus & Vitiis Intellectualibus dicta sufficiant.

C A P V T I X.

De Scientiarum Distributione.

Cognitionis duæ sunt Species. Altera Facti; & est Cognitio propria Testium, cuius conscriptio est *Historia*. Dividitur autem in *Naturalem & Civilem*, quarum neutra pertinet ad Institutum nostrum. Altera est consequentiarum, vocaturque Scientia; Conscrip̄tio autem ejus appellari solet *Philosophia*. Quoniam autem subjecta Scientiarum sunt Corpora, distribuenda est in Species, eodem modo quo distribuuntur in suas Species Corpora ipsa, id est, ita ut Universaliora minus Universalibus antecedant. Universalia enim Specialibus essentialia sunt, & proinde universalium Scientia essentialis est Scientiæ Specierum, adeò ut hæc, nisi per illorum lucem, percipi non possint.

Generalissimum autem Subjectorum Scientiæ est Corpus, cuius Accidentia duo sunt *Magnitudo & Motus*. Illud ergo quod quæritur primò à Philosopho circa hoc subjectum est, quid sit *Motus*, & quid *Magnitudo*. Et Philosophiæ pars hæc appellari solet *Philosophia prima*.

Rursus Magnitudo definita, quæ & *Quantitas* dicitur, vel *Figura* vel *Numero* definitur. Itaque Corpus figura definitum subjectum est partis illius Philosophiæ, quæ *Geometria* dicitur. Partes autem Corporis numero determinatæ Scientia est dicta *Arithmetica*.

Motus

Motus autem vel *Visibiles* sunt, vel *Invisibiles*, nimirum in Corporum minutissimis partibus. Motuum autem *Visibilium* Scientia, eorum est, qui Machinarum, *Aedificiorum* secreta contemplati sunt.

Motus autem *Invisibiles* internarum Corporis partium qui propter effectus in Sensus nostros dicuntur *Qualitates*, subiectum est *Physicae*, sive *Philosophiae Naturalis*; cuius quot sunt homini Sensus, tot possunt esse Scientiae Speciales, quarum una est quæ vocatur *Optica*, alia *Musica*.

Deinde si Corpus universi consideretur per partes ejus, ut Astra & Sublunaria; ex contemplatione Astrorum motorum quatenus Motorum orietur Scientia quæ dicitur *Astronomia*.

Et quoniam partes universi quædam non permanent, sed in intersticiis magnorum Corporum modo apparent, modo evanescunt, contemplatio Motus illorum gignit Scientiam *Meteorologicam*.

Item à contemplatione partium Telluris, qualia sunt *Mineralia*, *Vegetabilia*, & *Animalia*, totidem oriuntur Scientiae particulares.

Ex contemplatione denique Hominis & Facultatum ejus oriuntur Scientiae *Ethica*, *Logica*, *Rhetorica*, & tandem *Politica* sive *Philosophia Civilis*.

Sed ex subdivisione singulorum subiectorum innumeræ aliæ Scientiæ nasci possunt, quas enumerare, neque facile, neque necessarium est.

C A P V T X.

De Potentia, Dignitate, & Honore.

Potentia cujusque (universaliter sumpta) est Mediorum omnium, ^{Potentias} quæ habet ad Bonum aliquod futurum apparenſ adipiscendum, aggregatum. Est autem vel *Naturalis*, vel *Instrumentalis*.

Potentia Naturalis, est Excellentia Facultatum Corporis, vel Animi: ut Robur, Forma, Prudentia, Ars, Eloquentia, Liberalitas, Nobilitas. *Instrumentales* sunt quæ per *Naturales* vel fortunam acquisitæ, Media & Instrumenta sunt ad Potentiam augendam: ut Divitiae, Existimatio, Amici, & Operatio impercepta Dei, quam homines plerumque appellant Fortunam. Potentiae enim natura hac in re Famæ similis est, eundo crescens; vel corporum gravium descensui quæ procedendo acceleratur.

Humanarum Potentiarum maxima est illa, quæ ex plurimorum hominum in unam Personam, consensu singulorum unitorum est

composita , sive illa Persona Naturalis sit , ut Homo , sive Artificialis , ut Civitas , à cuius voluntate dependent Potentiae omnium . Proxima huic Potentia est , quæ dependet à voluntate multitudinis non unitæ ; qualis est Potentia Factionis , vel Factionum fœderatarum .

Itaque multos habere Servos , Potentia est ; item multos habere Amicos . Sunt enim vires unitæ .

Etiam Divitiae conjunctæ cum Liberalitate , Potentia est ; quia Servos & Amicos parant : absque Liberalitate , non item ; quia non defendunt , sed Invidiæ exponunt .

Potentiae Existimatio , Potentia est ; quia adhærere sibi facit eos qui Defensione indigent .

Etiam Existimatio boni Civis & Patriam amantis (quæ vocatur Popularitas) Potentia est ; propter causam proximè supra dictam .

Vniversim , Qualitas quæcunque , si dignat vel Amorem vel Metum multorum hominum , & hujusmodi Qualitatis opinio , Potentia est ; quia Medium est ad auxilia & Officia multorum .

Successus foelix , potentia est ; quia gignit Prudentiæ , vel bonæ Fortunæ Opinionem ; nam facit ut illum metuant , aut in illum confidant multi .

Affabilitas Potentium , est Potentiæ majoris acquisitio ; quia gignit Amicitiam .

Existimatio Prudentiæ in rebus gerendis , sive Pacis , sive Belli , Potentia est ; quia prudentibus regendos nos permittimus libentius quam aliis .

Nobilitas est Potentia , non ubique , sed in Civitatibus , ubi Nobilibus indulgentur privilegia ; quia in his illorum consistit Potentia .

Eloquentia Potentia est , quia Prudentia Apparens .

Forma Potentia est ; est enim Boni promissio , ideoque commendat hominem hominibus ignotis .

Scientia , Potentia est ; sed parva ; quia Scientia egregia rara est , nec proinde apparens nisi paucissimis , & in paucis rebus . Scientiæ enim ea natura est ut esse intelligi non possit , nisi ab illis qui sunt Scientia prædicti .

Artes quæ conducunt multum ad utilitatem publicam , Potentia sunt ; ut Artes Muniendi , Machinas aliaque instrumenta Belli fabricandi ; quia ad Defensionem , & Victoriam plurimum conferunt .

Dignitas significat interdum Valorem sive pretium hominis , nempe tantum , quanti Potentiæ ejus usum aliquis emere vellet . Major ergo vel minor est , prout ab aliis æstimatur . Dux militum egregius ,

gius, præsente vel imminente Bello magni Pretii est; in Pace non tanti. Iudex peritus & integer Pretii in Pace magni est; non item in Bello. Nam ut in rebus cæteris, ita etiam in hominibus, non ex vendentis, sed ex ementis arbitrio constituitur Pretium. Quanticunque quis seipsum æstimet, tanti tamen est, quanti æstimatur ab aliis.

Manifestum facere quanti aliquem æstimemus, id ipsum est, quod *Honorare*, & *Inhonorare*; nempe magni æstimare, est *Honorare*; parvi, *Inhonorare*.

Dignitas autem plerumque significat, non æstimationem qua Homo, sed qua Civitas aliquem magni æstimat, quando in illum vel imperium vel magistratum, vel negotium publicum quocunque, vel etiam Nomen vel Titulum honoris causa confert.

Opem poscere, *Honorare* est; quia Potentiam agnoscimus.

Obedire est *Honorare*; quia non paremus nisi illis qui possunt prodesse vel officere. Dona alicui dare Magna, est *Honorare*; quia Potentiæ agnitio est, & defensionis quædam emptio. Sed Parva dare, *Inhonorare* est; quia similis Eleemosynæ est. Significatque, eum qui dât, illum existimare, cui datur, etiam parvis indigere. In promovendo Bono alieno sedulum esse, etiam adulari, *Honorare* est; quia signum est quod protectione vel auxilio indigemus.

Loco cedere in re quacunque cupita, *Honorare* est; quia confessio Potentiæ majoris.

Amoris vel Metus indicia patefacere, *Honorare* est. In utroque enim est confessio Potentiæ.

Laudare, Magnificare, Beatum dicere, est *Honorare*; quia Bonitas, Potentia, & Fœlicitas maximè æstimantur. Contra, Convitiari, Irridere, Misericordere, *Inhonorare* est.

Quem alloquimur consideratè, quem adimus decorè, humiliterque, *Honoramus*; nam signa hæc sunt nolentis displicere. Contra temerè alloqui, etiam impudenter vel turpiter coram agere, *Inhonorare* est.

Credere, Fidere, *Honorantis* est; signum enim est Potentiam attribuentis.

Consilium alicujus, vel sermonem quemcunque auscultare, *Honorantis* est; signum enim est prudentiam, vel Ingenium vel Eloquentiam attribuentis. Interea dormire, exire, interloqui Contrarium.

Ea facere alicui quæ pro signis honoris ipse accipit, vel ea quæ Lex aut Consuetudo Honoris signa statuit, *Honorantis* est; quia Honorem ab aliis illi habitum confirmat.

In Opinionibus consentire, *Honorantis* est; ut Iudicium & Sapientiam ejus comprobant. Dissentire, Contrarium est; utpote erroris (vel si dissensio sit in multis rebus) Stultiæ exprobratio.

Imitari, *Honorantis* est; ut quæ est approbatio vehemens.

Honorare quos quis honorat, *Honorare ipsum* est; nempe Iudicij ejus approbatio.

Operà alicujus uti, in capiendo consilio, vel in rebus arduis, *Honorantis* est; ut Sapientiæ, vel Potentiæ ejus agnitione.

Atque hæc *Honoris* signa, tum in Civitatibus, tum extra, *Naturalia* sunt. In Civitatibus autem, ubi is vel ii qui habent Authoritatem signa *Honoris* constituendi quæcunque volunt, alii sunt *Honorandi* modi.

Civitas Civem *Honorat* impertiendo Titulum, vel Provinciam, vel Negotium quocunque, si illud *Honoris* signum esse constituerit. *Mardonchæum Rex Persæ* tunc Honoravit, quando per Vrbem Regio habitu circumduci illum jussit à viro Principe proclamante, *sic fiet illi*, quem Rex Honore afficiet. Contrà, quod fieri jubet Civitas contumeliae causa, *Contumelia est*; ut quando idem Rex *Persæ* cuidam qui rei alicujus bene gestæ præmium petiit, veste Regia amictum incedere, quod rogavit concessit, addendo quod vestem illam gereret ut Regis Scurra. Fons enim *Honoris Civilis* est Persona Civitatis, dependetque à voluntate ejus qui summam habet in Civitate Potestatem. Itaque *Honor Civilis* temporarius est, ut Magistratus, Ministerium publicum, Titulus; & aliquibus in locis *Tunicæ & Scuæ pœcta*: qui autem his ornantur, *Honorabiles* sunt, atque habentes *Gratiæ Publicæ* totidem signa. Gratia autem publica Potentia est.

Honorabile est, Possessio, Actio, vel Qualitas quæcunque, si argumentum sit Potentiæ.

Itaque *Honorari*, Amari, vel Metui à multis *Honorabile* est; ut signum Potentiæ.

Res prosperæ (dum durant) *Honorabile* est; ut signum favoris divini. Contrà Adversitas, contemptibilis. Divitiæ sunt *Honorabiles*; sunt enim signum Potentiæ. Magnanimitas, Liberalitas, Spes, Fortitudo, Fiducia, *Honorabiles* sunt; oriuntur enim à Potentiæ Conscientia.

Id quod faciendum est, oportunè (id est nec nimis cito, nec sero) determinare, *Honorabile* est; quia natum à contemptu difficultatum & periculorum non magnorum.

Actiones omnes Sermonesque qui nascuntur vel videntur nasci à multa Experientia, Scientia, Iudicio, vel Ingenio, *Honorabiles* sunt. Sunt enim Potentiæ.

Gravitas, quatenus oritur vel videtur orta ab animo negotiis occupato *Honorabilis* est; quia res gerere Potentia est. Sin procedat ab ipsius Gravitatis affectatione, Turpis est. Gravitas enim illa prior similis est tarditati Navis, quæ bonarum mercium oneré tardè procedit. Sed gravitas illa posterior similis est motu Navis sola onustæ faburra, ne evertatur.

Clarum esse, id est multis cognitum esse, propter Opes, Actiones, vel Bonum quocunque, *Honorabile* est; ut signum Potentiae propter quam cognoscitur.

Claris parentibus ortum esse, *Honorabile* est; quia hujusmodi homines auxilia, & amicos majorum suorum ad se facile transferunt.

Actiones quæ oriuntur ab *Equitate*, si cum damno fiant, *Honorabiles* sunt; ut signa Animi Magni.

Cupiditates Divitiarum ingentium, & Honorum magnorum, *Honorabiles* sunt; ut quæ signa sunt potentiae, quam is videtur sibi ea adipiscendi possidere. Cupiditas contra rerum exiguarum, Turpis est.

Quod ad Actionis Honorem attinet, modo actio magna & ardua sit, & proinde magnæ Potentiae argumentum, utrum justa, an injusta sit, parum refert. Consistit enim Honor in solius Potentiae existimatione. Itaque Ethnici antiqui, qui Deos quos in versibus suis Adulteria, Cædes, aliasque magnas quidem sed injustas vel immundas actiones commisile faciunt, non illos (ut existimavere) dehonesta-
bant, sed valde honorabant; & propterea nihil in *Iove* magis cele-
brabant quam ejus Adulteria, neque in *Mercurio* quam furta & fraude-
des; in cuius laudibus ab *Homero* ponitur hoc,

Natus mane, die medio factus Cithareædus,

Armentum Phœbifur vespertinus abegit.

Antequam magnæ extiterint Civitates, ignominia non erat, sed potius Honorificum, & negotii genus legitimum, si quis terra vel mari prædo erat, ut ex historiis antiquis manifestum est, præsertim Græcis. Etiam hodie in hac nostra parte orbis terrarum, pugna singularis privatorum, quanquam illicita, Honorifica tamen est, & erit, donec excogitatæ fuerint leges, quarum virtute fieri potest, ut qui ad pugnam provocat, vilis, qui provocationi non responder Honorandus videatur. Quod quâ fieri possit non video. Nam promptitudo ad pugnam Fortitudinis signum semper est, quæ in statu hominum naturali Virtus maxima, si non unica est; pugnam autem recusare non natura sed Legibus Virtus fit, & Legibus Natura Fortior est.

Tunicæ & Scuta picta hæreditaria, ubi adjuncta habent Privile-
gia,

gia, Honorabilia sunt, absque illis non item. Potentiae enim Insignia talia consistunt in Privilegiis, vel in Divitiis, aliave re quæ in cæteris hominibus æquè Honoratur. Genus hoc Honoris vulgo dicta Nobilitas gentis, ab antiquis Germanis videtur derivata. Res enim omnibus incognita est, nisi quibus cogniti sunt mores Germanorum. Neque usquam hodie in consuetudine sunt, ubi illi non aliquando habitaverunt. Græcorum veterum Duces ad bellum exeuntes scuta quidem piæta, sed suo quisque arbitrio gestare consueverunt; pauperis, & gregarii militis erat scutum purum. Sed ad filios non transierunt scuta ut pars hereditatis. Romanorum familiis Insignia quidem erant sua, quæ ad posteros suos descenderunt; nec tamen scuta, sed Imagines Majorum suorum. In *Asia*, *Africa*, & *America* tale nihil est. Proprium erat hoc Germanorum; à quibus in *Angliam*, *Galliam*, *Hispaniam*, & *Italiam* manavit, quo tempore, magno numero, aut Romanis aut sibimet ipsis in his partibus mundi Occidentalibus militaverunt.

Germania enim cum esset antiquitùs (sicut cæteræ gentes) divisa inter numerum ingentem Regulorum exiguorum, sive potius Patrum Magnarum Familiarum, perpetuò inter se bellantium, Reguli illi maximè, ut cooperti Armis à militibus suis dignoscerentur, partim etiam ornamenti causa, Arma sua, aut Scuta, aut Tunicam Imagine ornabant alicujus Bestiæ, vel alius rei; etiam visibilem notam aliquam cassidi imposuerunt, quæ ornamenta sive Insignia Armorum ad filios suos descendebant; & quidem natu maximo, sicut erant à patre gestata, cæteris autem cum nota aliqua distinctionis, qualem Princeps familiæ, (id est Germanicè heraldi) constituebat. Sed quando hujusmodi familiæ conjunctæ fuerunt, ita ut magna jam Monarchia facta esset, officium hoc Principis familiæ, Scuta sive Insignia constituendi, alii demandatum est, quem nunc appellant *Heraldum*. Atque ex illorum Regulorum sobole orta est maxima & antiquissima, quæ nunc est, in hac parte orbis Nobilitas. Gestant autem aut animalia, rapina & fortitudine nota, aut Castra, Valla, Tela, & ejusmodi notæ belli. Nihil enim illis temporibus in pretio tanto erat quantum Virtus Bellica. Postea autem non solum Reges, sed etiam Civitates populares exeuntibus in bellum vel à bello redeuntibus, provocandæ vel remunerandæ virtutis causa, Scuta diversimodò piæta concesserunt. Quæ omnia in Historiis antiquis, tum Græcis tum Latinis, ubi de Germanorum gente & moribus verba faciunt; inyeniri posunt.

Honoris Tituli, quales sunt *Dux*, *Comes*, *Marchio*, *Baro*, Honorabiles sunt, ut qui significant quantum eos æstimet is, vel illi, qui Civitatis

tatis summam habent Potestatem. Tituli autem illi fuerunt olim Ministerii publici, & derivati partim à Romanis, partim à Germanis, & Gallis. *Duces* enim erant, qui Romanorum exercitus duxerunt; *Comites*, qui comitabantur *Duces*; quibus etiam loca capta & pacata, à redeuntibus *Ducibus* regenda & tutanda relinquebantur. *Marchiones Comites* erant, qui regebant Imperii limites. Atque Tituli *Dux*, *Comes*, *Marchio*, in Imperium Romanum introduceti sunt, à consuetudine Militiae Germanicæ, circa tempore *Constantini Magni*. At *Baro*, Gallorum Titulus videtur esse, significatque magnum hominem, vel Magnatem, quorum in negotiis bellicis opera maximè utebantur Reges. Deducta autem videtur vox à Latina *Vir*, unde facilis est lapsus ad *Ber*, & *Bar*, quæ Linguae Gallorum idem significabat quod Latinè *Vir*; inde facilis erat transitus ad *Bero* & *Baro*; & inde fiebat Ciceroni vox Latina *Berones*, & postea Gallica *Barones*, & Hispanica *Varones*. Hæc & alia multa de his scripta invenies à *Iohanne Seldeno* in libro de *Titulis Honoris*. Progrediente tempore propter quorundam hominum Potentiam in Regno Angliae Reipublicæ incommodam, cessantibus aut ablatis Titularum horum Potentiis, Tituli tandem in Divites, vel bene meritos ad nullam aliam rem collati sunt, quam ad distinguendos Civium ordines, factique sunt *Duces*, *Comites*, *Marchiones*, & *Barones* locorum, ubi nec imperium ullum, neque agros habuere.

Dignitas etiam accipitur aliquando pro Aptitudine; ut Dignus sit in Imperio vel Magistratu qui *Idoneus* est, id est qui qualitatibus illis maximè præditus est, quæ ad Imperium & Magistratum administrandum sunt necessariæ. Item Dignus divitiis, qui scit illis bene uti.

Dignus etiam dicitur unusquisque ejus rei quam meretur. Meritum autem Dignitas nunquam dicitur; nam distinguuntur eo quod Meritum prælupponit jus ex promisso; Dignitas non præsupponit jus.

C A P V T . X I .

De Varietate Morum.

PEr Mores intelligo hoc loco, non comendi, vestiendi, salutandi ritus, aliaque Moralia Parva quæ docentur pueri; sed humani generis qualitates illas, quibus Pax conservatur, & Civitatis status confirmatur.

Sciendum autem est, vitæ præsentis Felicitatem non consistere in *Levia*.

h h h

tran-

tranquillitate sive requie animi. *Finis enim ultimus & Summum Bonum*, de quibus loquuntur Ethici Veteres, locum in præsente vita nullum habent. Neque is, cuius Cupiditates ad finem pervenerunt, vivere potest, magis quam is cuius Sensus & Memoria perierunt. *Felicitas* progressus perpetuus est ab unâ Cupiditate ad alteram; & adeptio prioris Cupiti, ad adeptionem posterioris Via est. Causa hujus rei est, *Quod Objectum Cupiditatis humanæ*, non est ut eo semel, & quasi ad momentum temporis fruatur homo, sed ut fruitiōnem suam securam in futurum reddat. Itaque Actiones voluntariæ non solum eo tendunt, ut bonum procurent, sed etiam ut certum sibi in perpetuum faciant. Sed non eadem via omnium procedunt Actiones, propter diversorum hominum diversas passiones; partim etiam propter differentiam opinionum, quas habent diversi homines circa causas, à quibus res cupita sit producenda.

Primo ergo loco pono, *Morem omnium hominum esse, ut perpetuā atque indesinenter Potentiam unam post aliam per omnem vitam persequantur*; non quod quis majorem sive intensiorem semper speret, quam qua jam fruitur, neque quod modica Potentia contentus esse non possit; sed quod Potentiam, & bene vivendi facultates præsentes conservare non possit, nisi acquirendo plura. Atque hinc est, quod Reges, quorum Potentia est maxima, ad eam, tum domi Legibus, tum Foris Armis tutandam se convertant. Etiam quando hoc quoque rectè successit, Cupiditas oritur alia nova, aut Famæ aut Voluptatum novarum.

Divitiarum, Honorum, Imperii, vel Potentiæ cujuscunque Cupiditas disponit hominem ad Contentionem, Inimicitias, & Bellum; competitorem enim interficere, vincere, & quomodo cuncte repellere, competitori alteri ab obtinendum quod cupit, Via est.

Laudis-competitio venerationem producit antiquitatis. Nam qui vivunt, cum viventibus, non cum mortuis contendunt, & his plus justo tribuunt, ut ab illis demant.

Cupiditas Otii & Voluptatis disponit homines ad parendum Potentiæ alicui communi; quia propter Cupiditates illas, homines Potentiam quam à sua ipsorum Industria sperare poterant, derelinquent. Metus mortis violentæ & vulnerum disponit ad idem, & propter causam eandem. Homines indigi iidemque fortes, nec forte sua contenti; etiam Honoris militaris Ambitiosi disponuntur ad bella & seditiones excitandas, & ad causas eorum alendas; quia sine his militaris gloria nulla est.

Cupiditas Scientiarum, pacisque Artium, disponit ad parendum Poten-

Potentiæ communi ; continet enim Cupiditatem Otii , quod sine Potentiæ alienæ protectione haber non potest.

Amor Laudis disponit ad Actiones laudabiles , quales placituræ illis sunt , quorum Iudicium magnificimus ; quorum autem personas eorum etiam Laudes spernimus . Cupido Famæ post mortem , idem facit , Quanquam enim post mortem , Laudes hominum non sentimus , ut quæ gaudia sunt , ab ineffabilibus gaudiis absorpta , vel ab indicibilibus doloribus extincta ; vana tamen non est , quia Fama prævisa per se placet , atque etiam insuper propter bonum ad posteritatem inde redundaturam . Nam etsi hoc nesciant , imaginantur tamen ; quod autem in sentiendo placet , placet etiam in imaginatione .

Majora à Paribus bona accepisse , quam speramus posse retribuere , disponit ad odium secretum , simulque amorem fictum ; facitque hominem similem Debitoris , qui non est solvendo ; nam talis præsentiam creditoris odit , optatque illum tacitus ibi esse , ubi videri amplius non possit . Beneficia enim obligant ; obligatio autem , servitudo est ; & obligatio insolubilis servitudo perpetua . Servire autem pari odiosum est . Beneficia autem accepta ab eo , quem agnoscimus superiorem , disponit ad amorem ; quia obligatio hæc , depresso nova non est : etiam acceptatio grata , quæ obliganteim semper obligat , habetur ubique pro retributione . Beneficia accepisse ab æquali vel etiam ab inferiore , dum spes est retribuendi , disponit ad amorem . Obligatio enim est boni mutui ; unde oritur aliquando in Benefaciendo *Æmulario* , & certamen omnium utilissimum & nobilissimum , cum quis alterum benefaciendo superabit , ubi victori sua placet victoria , & victo ipsum certasse ultio est .

Læsisse alium plus , quam potest aut vult reparare disponit eum qui læsit , ad odium læsi . Nam aut ultiō expectat vel Veniam , quarum utraque est odiosa .

Damni ab alio metus disponit ad anticipationem , vel ad parandos socios . Nam ut quis vitæ & libertatis securus sit , via alia nulla est .

Qui ingenii propriis diffidunt , melius disponuntur in seditionibus ad victoriam , quam illi , qui se sapientes vel astutos esse putant . Nam hi consulere , illi (metuentes decipi) ferire priores amant . Quia autem in seditionibus homines quasi in procinctu prælii semper sunt , bene inter se consentire , & viribus quotiescumque possumunt uti , strategema melius est , quam quod facile à subtilitate ingenii nasci potest .

Inanis Gloria , quæ nullo innixa fundamento , Virtutum alienarum , quasi suarum Fictio mera est , quos possidet , ad Ostentationem , non

ad Aggressionem urget ; quia , cum ad vera pericula ventum est , nihil expectant , præterquam ut vanitas ipsorum detegatur.

Inanis Gloria , quæ pro fundamento habet , vel adulatio nem aliorum , vel Actionem aliquam præcedentem prosperam quidem , sed fortuitam , eos quos possidet , ad inceptum quidem acuit , in mediis autem periculis deserit. Itaque pallent , tremunt , fugiuntque , vitæ , quæ reparari non potest , prospicientes potius , quam honori , quem resarciri aliquo modo , mendacio forte , posse sperant.

Qui valde sibi videntur periti rerum politicarum , dispositi ad Ambitionem sunt. Quia hujusmodi peritiæ , nisi in negotiis publicis , honor perit. Itaque Oratores eloquentes facile ambitious fiunt ; nam Eloquentia , tum sibimet ipsis , tum aliis habetur pro Sapientia.

Pusillanimitas cunctatorem facit , qui rerum gerundarum tempora plerumque perdit ; quando enim deliberatum est , quantum permittit gerendæ rei necessitas , si quid factu optimum est , non appareat , certum est , non multum interesse , utrum hoc , an illo modo feceris ; & per consequens rerum magnarum occasions , pensitando nugas , amittuntur.

Frugalitas (quanquam in homine privato Virtus) illis quibus ea gerenda sunt quæ multorum hominum vires simul postulant , aptitudinem adimit. Conatum enim debilitat , qui nutriti & conservari Præmio debet.

Eloquentia , cum Blandiloquentia amicos acquirit quibus confidatur ; quia illa , ut Sapientia apparet , hæc , ut Amor. Illis si adjungatur existimatio militaris obedientiam acquirit. Nam qualitates illæ duæ priores contra periculum ab ipso , posterior contra periculum ab aliis Cautio est.

Ignoratio causarum disponit , vel potius cogit ad consilium sequendum , & Authoritatem aliorum. Omnes enim , quorum interest , veritatem scire , si propriis consiliis non acquiescant , aliorum , quos se Sapientiores esse putant , nec cur fallerent , vident , consilia sequuntur necessariò.

Ignorare quid verba propriè significant , sive quod idem est non posse rectè Intelligere , facilit , ut veritatem & falsitatem , atque etiam verba nihil significantia ab aliena sumamus authoritate. Neque enim error , neque contradic̄tio verborum sine perfecto Intellectu potest detegi.

Ab eadem causa proficitur , ut sine studio & intellectu claro , distingui non possit inter unam actionem multorum hominum , & plures actiones unius multitudinis. Exempli causa , differentia magna est

est inter actionem Senatorum Romanorum omnium unam , cum interficerent *Catinam* , & plures actiones Senatorum illorum , qui interfecerunt *Cesarem*. Itaque qui parum intelligunt verba, pro Actione populi, s̄epenumero accipiunt Actiones quæ fiunt ab hominum multitudine, quamquam ab unius forte instigatione natas.

Ignoratio causarum & constitutionis primæ Iuris, Æquitatis, Legis, & Iustitiae facit , ut homines pro suarum actionum regula sequantur Consuetudinem , & Exempla temporis præteriti ; putantque Injustum nihil aliud esse, quam quod puniri consuevit; justumque esse quod aliquando impune fuit , quasi pueri , qui boni & mali moris aliam regulam nullam habent , præter Parentum & Magistrorum correctiones. Pueri tamen sua regula constanter semper usi sunt ; homines autem adulti à consuetudine ad rationem , & rursus à ratione ad consuetudinem , quoties volunt per contumaciam provocant , rationemque oppugnant , quoties ipsorum commoda oppugnat ratio. Doctrina ergo Iusti & Injusti perpetuò disputatur tum Scriptis tum Armis ; doctrina autem Linearum , & Figurarum non disputatur ; quare ? Quia in doctrina hac , quænam sit veritas (quia nullius ambitionem, lucrum, aut cupidinem impedit) pauci curant. Nam si Propositio hæc Euclidis , *Tres Anguli Trianguli æquales sunt duobus rectis*, utilitati eorum , qui dominabantur contraria fuisset ; non dubito quin illa, si non disputata, suppressa tamen fuisse.

Ab Ignoratione Causarum remotarum , fit ut eventus omnes imputent homines Causis immediatis & instrumentalibus ; causas enim alias nullas vident. Itaque quandocunque onerantur ære Publico , iras exonerant in Publicanos , id est Conductores , Exactores , aliosque redditum publicorum Ministros , iidemque reprehensoribus publici regiminis se aggredit ; cumque criminis se immerserint , una cum illis Authoritatem ipsam Supremam oppugnant , vel metu supplicii , vel quia ignosci pudet.

Ignoratio Causarum Physicarum Credulitatem gignit , eo usque aliquando , ut ea credantur , quæ sunt impossibilia. Nam quæ sunt , & quæ non sunt impossibilia , non omnes norunt. Credulitas autem , quia maxima pars hominum in congressibus auscultari sibi amat , Credulum mendacem plerumque facit : Itaque Ignorantia ipsa sine alia pravitate hominem non solum ad mendacia credenda , sed etiam ad narranda , & quandoque etiam ad excogitanda aptum reddit.

Futuri temporis Sollicitudo ad causarum investigationem homines adigit ; quia causarum cognitio , rerum præteriorum , rebus præsentibus lucem præferre solet.

Causas cognoscendi Amor hominem ab effectus consideratione ad quærendam causam acuit, & rursus causam causæ, & sic deinceps, donec ad cogitationem hanc veniatur, Causam aliquam esse æternam, sive qua prior nulla esse potuit. Adeo, ut, qui profundè in rerum naturalium contemplationem se immerserit, impossibile sit quin inde disponatur ad credendum unum esse Deum & Æternum, quamquam ideam naturæ divinæ, animo concipere non possit. Sicut enim homo, qui cœcus natus est, etsi audierit dicentes alios, se ad ignem calefieri, ducaturque ad eundem ignem, ut & ipse calefiat; facile cognoscet, esse aliquid eo loco, à quo ipse calefit, quemque homines Ignem vocant; cui autem rei similis sit, imaginari, aut Ideam ignis, qualem videntes habent, habere non potest. Ita homo, à contemplatione ordinis rerum visibilium, earundem causam aliquam esse, quem Deum appellant certus est, nec tamen Imaginem, aut Phantasma ejus inde aliquod animo concipere potest.

Etiam, qui de rerum naturalium causis, parum aut nihil solliciti sunt, illis tamen metus quidam inest, ortus ab eo ipso, quod an sit potentia aliqua necne, qua juvari aut lædi possunt, ignorant; atque ab eo metu proclives sunt ad Suppositionem & Fictionem variarum Potentiarum invisibilium, metuuntque sua ipsorum Phantasmatata, invocantque in rebus adversis, laudantque in prosperis, & faciunt denique Deos. Atque inde factum est, ut homines à Phantasmatibus suis innumerabilibus, innumerabiles creaverint sibi Deos. Merus autem hic invisibilium Semen est ejus, quam quisque in seipso Religionem, in illis autem, qui diversè metuunt, coluntque Superstitionem.

Religionis Semen hoc; cum à pluribus animadversum fuerit, à quibusdam cultum, & in Leges formatum est, opinioneque de causis rerum futurarum variæ adinventæ sunt, quibus putabant, optimè fieri posse, ut alii servire sibi inducerentur.

C A P . V . T X I I .

De Religione.

CVM neque signum neque fructus Religionis nisi in solo homine animadversum sit, non est dubitandum, quin Religionis Semen in homine solo sit, consistatque in aliqua qualitate (aut saltem in aliquo ejus gradu) homini propria.

Primo autem naturæ, humanæ proprium est, Causas investigare even-

eventuum quos vident, alii magis, alii minus, sed omnes, quatenus possunt causas investigant propriæ fortunæ sive bonæ sive malæ.

Secundo, homines omnes, si alicujus rei Principium viderint, concludunt statim, eandem rem Causam habuisse, quæ effecit, ut inciperet eo tempore potius quam alio.

Tertio, quia brutorum animantium fœlicitas in fruitione consistit voluptatum sensualium, ut quæ propter tarditatem ingenii consequentiarum dependentiarumque ordinem non observant; Homo autem, quæ causa, quem effectum producit animadvertisit, & quæ res antecessit, & quæ consecuta est, memoria tenet; etiam quando causarum verarum inscius est, causas supponet, quas ipse imaginatur, vel suggestur alii, quos seipso Sapientiores esse arbitratur.

Ab his Naturæ humanæ proprietatibus nascitur Anxietas. Rerum enim omnium quæ hactenus contigerunt, aut postea contingent, causas esse Homines certò sciunt, conantibusque mala quæ metuunt arcere, & bona quæ cupiunt procurare, temporis futuri sollicitudinem perpetuam evitare impossibile est. Vnusquisque ergo, maximè verò is qui in futurum tempus maximè prospicit, similem Prometheus vitam agit. Nam ut Prometheus (id est, Providentiâ excellens) monti Caucaso (unde satis longè prospicere erat) affixus, quotidie cor devorandum Aquilæ præbuit, ita ut quantum noctibus reficiebatur, tantundem interdiu consumeretur; ita Cor hominis in longitudinē nimiam prospicientis, à metu Mortis, vel egestatis, vel calamitatum, vel curis aliis mordacibus sine intermissione, præterquam insomno, roditur.

Metus hic perpetuus, quí genus humanum in causarum ignorantia, quasi in tenebris comitatur, Objectum habet necessariò aliquod. Quia ergo fortunarum suarum causam aliám homines non vident, nihil est quod accusare possunt, præter Potentiam aliquam, & Agentem invisibilem. Atque hinc fortasse erat, quod veterum Poëtarum aliquis, *Deos primos à Timore factos esse* dixerint. Id quod de Diis (id est, de multis Ethnicorum Diis) verum est. Agnitio verò *Vniuersitatis Eterni, Infiniti, Omnipotentis Dei* ab investigatione causarum, Virtutum operationumque corporum naturalium, quam à Curâ futuri temporis, facilius derivari potuit. Nam qui ab Effectu quoconque quem viderit, ad Causam ejus proximam ratiocinaretur, & inde ad illius Causæ Causam proximam procederet, & in Causarum deinceps ordinem profunde se immergeret, inveniret tandem (cum veterum Philosophorum senioribus) unicum esse primum Motorum, id est, unicam

unicam & æternam Rerum omnium Causam , quam appellant omnes Deum ; atque hoc sine omni fortunatum suarum cogitatione , quorum sollicitudo & Metum gignit , & ab inquisitione Causarum naturalium Animum avertit , simulque tot Deorum fingendorum occasionem præbet , quot sunt fere , qui eos fingunt .

Quod ad Deorum materiam sive substantiam attinet , cogitare aliam vix potuere quam qualem putaverunt esse substantiam Animæ humanæ . Animæ autem humanæ substantiam talem esse arbitrati sunt ; qualis est Hominis , vel aliorum Corporum , in somnio vel speculo apparentium species ; quam nihil esse aliud præter Phantasma nescientes , substantiam realem esse crediderunt , sed tenuem , & propterea eam *Spiritum* vocabant . Sunt autem *Spiritus* Corpora tenuissima . Tales fuere Ethnicorum *Agentes invisibles* , nimirum Dii & Dæmones ; sed quia modò apparere , modò evanescere solebant , more Phantasmatum , spectra & Vmbras , quam *Spiritus* & substantias nominare maluerunt . Corpora tamen esse putabant . Quod autem res eadem & *Spiritus* sit & *Incorporeæ* intelligi non potest . *Spiritus* enim loco & figura , id est Terminis & magnitudine suâ aliquâ determinatur ; & proinde Corpus est , utcunque tenue & insensile . Illi igitur qui meditatione propria in cognitionem venerunt unius Infiniti , Omnipotentis & Æterni Dei , maluerunt illum supra intellectum nostrum Incomprehensibilemque esse confiteri , quam Naturam ejus per *Spiritum Incorporeum* (præter Scripturæ authoritatem) definire , & deinde confiteri Definitionem illam non esse intelligibilem : Sed Deum esse *Spiritum Incorporeum* dixerunt fortasse non Dogmaticè , ut Naturam Divinam per ea verba comprehendenderint , sed ex intentione piâ Deum Attributo aliquo honorandi , quod Corporum visibilium crassitudinem omnem à Deo removerent .

Deinde , quâ viâ Invisibilia illa Agentia effectus suos produxerunt , id est , quibus causis secundis utebantur , ii qui quid sit *Causam esse* nesciunt (id est , maxima pars Hominum) penitus ignorabant ; neque aliter conjicere potuerunt , quam ex observatione & memoria ordinis , quo tempore præterito una res aliam antecessit vel consequuta est , quanquam nullam inter Antecedentia & subsequentia connexionem viderint . Itaque à similibus præteritis similia expectabant futura , sperabantque bonam , aut malam fortunam ab illis rebus quæ nihil omnino speratis contribuebant . Sic Athenienses propter res ad Naupactum à Phormione contra Lacedæmonios bene gestas , illo mortuo , alium elegerunt Phormionem . Item Romani propter res in Africâ contra Annibalem fœliciter gestas à Scipione , in eâdem Africâ

Africā Imperatorem elegerunt contra Cæsarem alium Scipionem , ambo infœliciter. Idem aliis locis & temporibus factitatum est. Fortunam suam alii (post duos vel tres casus similes) personæ alicui astanti , vel fortunato infortunatove loco tribuerunt. Alii verbis quibusdam prolati , quas Incantationes vocant , tantam virtutem alcribunt , ut Panem in Hominem , Quidlibet in Quodlibet mutari posse putent.

Tertiò , Cultus qui Potentiis invisibilibus , dictante solâ Naturâ , exhiberi potest , aliis non est quâm quo homines superiores suos colere confluverunt ; nempe signa Honoris & Reverentiæ , ut Dona , Preces , Gratiae , Submissio , Alloquia & Gestus decori , & hujusmodi alia. Nam Sacrificia cruenta dictamen Naturæ non sunt , ut quæ ab initio ad Sacrificatores alendos à Civitatibus instituta erant. Neque Cultus naturalis videtur esse *Iusjurandum* , quia extra statum Civilem Iuramento non est locus. Ratio naturalis Cultus alios quâm quos dixi non suggerit , sed quicquid , ultrâ est , Legibus relinquit singularum Civitatum.

Postremò , Quod ad modum attinet , quo Agentia hæc invisibilia hominibus præterita , futura , prospera & adversa indicant Natura nihil dictat. Itaque futura ex præteritis conjicientes ; simile ejus quod Effectum aliquem aliquoties antevertit , pro prognostico habent , Effectus similis sequuntur.

In his autem quatuor rebus , Metu Spirituum , Ignorantiâ Causarum secundarum , Cultu eorum quæ timent , & sumptione fortitorum pro prognosticis , consistit Religionis semen naturale , quod per hominum Phantasias , Iudicia , Passiones & Consilia diversa , adeo diversas produxit ceremonias , ut quæ Lege in una Civitate comprobantur , in aliâ derideantur.

Semina autem hæc à duobus Hominum generibus culturam nacta sunt. Primum genus est eorum , qui secundum suas ipsorum phantasias , Religionum authores extiterunt. Alterum , eorum , quibus ab ipso Deo , præcepta & præscripta Religio fuit. Vtrorumque autem consilium erat initiatos suos sibi reddere obedientiores. Illorum Religio pars Politicæ , Horum Politica pars Religionis est , & Præcepta continent , qualia illis convenientia qui in Civitatem Dei admittuntur. Illorum Religiones à Legislatoribus Gentium , Horum Religio ab Abrahamo , Moïse , & Iesu Christo , qui Regni Cælorum Leges nos docuerunt , instituta est.

Quod ad Agentium invisibilium nomina attinet , nihil est , si modo nomen habeat quod ab Ethnicis aliquibus pro Deo aut Dæmone ha-

bitum non sit ; neque res aut locus quem non ab aliquo Spiritu animatum, habitatum, sive occupatum finixerint aliqui.

Mundi materia informis Deus habebatur, dictus Chaos.. Cœlum, Terra, Oceanus, Planetæ, Ignis, Venti totidem Dii.

Viri, Fæminæ, Aves, Crocodilus, Vitulus, Canis, Anguis, Porrum, Cæpe, deificata. Omnia ferè loca Dæmonibus plena erant ; Campestria Panibus & Paniscis ; Silvæ Fannis & Nymphis. Omnis Fluvius & Fons Dæmonem habebat cognomen ; Vnaquæque Domus suum Larem ; Vnusquisque Homo suum Genium. Plenum erat Dæmonibus Infernum ; Larvæ, Lemures, Vmbræ mortuorum omnibus fere locis. Etiam Accidentibus divinitatem attribuerunt, templo aedificarunt, ut Tempori, Diei, Nocti, Paci, Concordiæ, Amori, Contentioni, Victoriae, Virtuti, Honori, Sanitati, Rubigini, Febri ; quæ cum optarent aut metuerent, invocabant, quasi impen- dentes capitibus Deos. Etiam Ingenia propria invocabant nomine Musarum ; Ignorantiam propriam nomine Fortunæ ; Luxuriam propriam nomine Cupidinis ; Iram propriam nomine Furiarum ; Pudenda propria nomine Priapi ; proprias denique Pollutiones Incubis & Succubis imputaverunt. Adeo ut nihil esset de quo ut de persona Poëta loqui potuit, quod ab illis aut Deus aut Dæmon non crede- retur.

Iudem Religionis Gentium authores, cum Religionis fundamen- tum animadvertisserent esse Causarum ignorationem, & inde innatum hominibus morem fortunas suas Causis adscribendi, nihil ad Effectum attinentibus, obtrudere ignorantibus ausi sunt pro Causis secundis secundos quosdam & ministrantes Deos, Fæcunditatem Veneri, Artes Apollini, Ingenium Mercurio, Ventos Æolo, aliasque Effectus Diis aliis ascribentes. Adeo ut quot sunt rerum agendarum genera, tot ferè veteres Ethnici habuere Deos.

Etiam ad Cultum divinum quem Natura dicit, nempe Oblatio- nes, Preces, Gratiarum actiones, cæterasque antedictas iidem authores Imaginum tum pictarum & sculptarum, tum fusarum adora- tiones addidere, eo fine ut Populus, id est Ignorantium multitudo Deos ipsos in istis Imaginibus habitare existimaret, & Agris, Tem- plis, Reditibus & Sacerdotibus donaret ; quæ omnia Sacra habe- bantur, id est, solius Sacerdotis commodo destinata, ut Cavernæ, Luci, Sylvæ, Montes, Insulæ integræ quæ illis consecratæ erant. Diis autem istis non modò varias formas ut Hominum, Bestiarum, Monstrorum, sed etiam omne genus Passionum & Facultatum car- nalium, ut Sexum, Sermonem, Cupidinem, Generationem (genera- tionem

tionem non modò mixtione inter se Deorum , unde Dii , sed etiam mixtione Deorum cum Hominibus , unde Hybridæ orti , ut Hercules & Bacchus) attribuerunt. Etiam eosdem Deos Adulteros , Fraudulentos , Fures , omnibusque aliis vitiis conspurcatos faciebant , natis à Potentiâ , & quæ Leges humanas , potius quam honorem videntur violare.

Postremò , ad Prognostica Futuri , quæ præter experientiam Præteriti naturaliter nulla sunt , neque supernaturaliter , præter revelationem divinam , iidem authores Religionum Ethnicarum fabulas excogitantes , & colloquia cum Diis simulantes , innumera addiderunt genera Divinationum , hominibusque persuaserunt , præcognituros se fortunas suas ex Responsis absurdis , vel ambiguis Sacerdotum in Delphis , Delo , aliiisque locis , propter Oracula celebribus , Responsis quæ ad eventus contrarios accommodari possent propter ambiguitatem , vel propter mentem Vatis à Vaporibus perturbatam (id quod in locis cavernosis mirabile non est) absurdis ; vel ex foliis sybillarum , quarum libri aliquot à Civitate Romanâ (quanquam libri qui eo nomine nunc extant videntur subsequentium temporum figmentum esse) pro Vaticiniis habiti sunt ; vel ex hominum mente captorum deliriis , qui dicebatur Enthusiasmus. Hæc omnia Theomantia dici possunt . Deinde , futura prædicebant ex aspectibus stellarum , quæ Horoscopia erat ; vel ex suo cujusque Metu vel Spe , quod Præsigium & Thumomantia appellabatur ; vel ex prædictionibus Sagitarum , quam (propter ficta cum mortuis colloquia) Necromantiam dicebant ; vel ex Volatu aut Pastu Avium , quod erat Augurium ; vel ex Animalium cæsorum Extis , quæ Aruspicina erat ; Etiam ex quolibet Somnio , ex Crocitione Corvorum , ex lineamentis Vultus & Manuum , ex qualibet Voce fortuitâ , ex quolibet insolito Accidente. Adeo facile est , cuius ignorantiam molliter tractare didiceris , quoconque velis ducere.

Fundatores ergo Civitatum , & Legislatores gentium primi , quibus Populum in obedientia continere consilium erat , sedulè providerunt , Primò , ut præcepta Religionis non ab ipsorum ingenio , sed ab alicujus Dei vel Dæmonis dictamine Populus profecta esse crederet , vel seipso melioris naturæ homines esse quam cæteros eo fine , ut Leges suas libentiùs acciperent. Sic Numa Pompilius Religionis Romanæ Ceremonias Nymphæ Egeriæ , Mahometes Religionem suam Spiritui Sancto (apparenti in formâ Columbæ) imputavit. Sic Péruviæ Rex primus , se & Yxorem suam à Sole genitos esse jactitavit. Secundò , ut crederent , quæ Legibus vetita erant , eadem omnia

Diis suis displicitura esse. Tertiò , ut Ceremoniis ritè accurateque peractis placari Deos , neglectis irritari crederent , adeoque Bellorum casus adversos , Pestes , Terræmotus , singulariumque calamitates Cultui neglegto , aut Ceremoniæ alicui prætermislae imputarent. Quamquam autem apud Romanos veteres ea negare , quæ de Gaudiis & Pœnis post hanc vitam à Poëtis scripta erant , non prohiberetur , & multi magni gravissimique viri ea publicè deriderent , Fides tamen illa magis quam contraria semper alebatur.

Per has , similesque Institutiones , ad finem suum , nempe Pacem Civitatis , hoc saltem obtinuerunt , ut Populus calamitates suas errori alicui , vel neglegti in agendis Sacris , vel propriis Legum transgressionibus attribuens , minùs contra Restores suos incitaretur , Ludis , Pompisque Dierum Festorum contentus. Itaque ne statum conturbaret , nulla re præter Dies Festos & Panem indigebant. Omnem igitur Religionem Romani , Terrarum ferè omnium Domini , quæ non habebat aliquid in se Regimini Civili contrarium , facile tolerabant ; neque ullius Gentis Religionem Romæ vetitam esse legimus præterquam Iudæorum , qui (cum essent jamdudum sub Regnum Dei) mortali Regi obedire illicitum esse crediderunt. Patet ergo , Religionem apud Ethnicos Politia partem fuisse.

Vbi vero per revelationem supernaturalem plantavit Religionem Deus , ibi etiam Regnum sibi condidit peculiare ; subditisque suis Leges dedit , non modò circa Officia eorum erga seipsum , sed etiam erga se invicem. Manifestum ergo est , in Regno Dei Politiam & Leges Civiles omnes , Religionis partem esse ; ideoque distinctionem Dominii Temporalis & Spiritualis in Regno Dei nullam fuisse. Deus Terrarum quidem omnium Rex est ; Nil tamen prohibit quin Gentis alicujus peculiari modo Rex esse possit ; nulla enim istuc incongruitas est. Totius Exercitus Imperator , peculiarem tamen sibi habere potest Cohortem aut Centuriam. Sed de Regno Dei tum per Pactum , tum per Naturam fusiū dicetur infra.

A constitutione Religionum apparet etiam modus , quo rursus in Principia sua prima resolvuntur , nempe in agnitionem Divinitatis ; sive Potentia supernaturalis simpliciter ; quæ agnitio nunquam ita aboleri potest , quin inde novæ Religiones (si Cultores acceſſerint idonei) germinaturæ sint.

Cum enim Religio omnis formata , ab initio fundata sit in fide quam habet uni alicui Personæ multitudo hominum , quam Personam non modo virum Sapientem esse , & Benevolum , sed etiam Sanctum , & cui Deus voluntatem suam supernaturali modo dignatus sit.

sit *Revelare*; necessario sequitur, tunc quando Antistitum Religionis aut *Sapientia*, aut *Benevolentia*, aut *Sanctitas suspecta sit*, aut *Revelationis indicium omne deest*, ut Religio quam sustentatam vellent, nisi Gladius Civilis prohibeat, rejiciatur.

Existimatio *Sapientiae* in Doctoribus tollitur quoties credi jubent Contradicторia. Sciunt enim omnes, etiam indocti, qui quid sit Contradiccio nesciunt, in Contradicторiis alterum esse fallum. Itaque utrumque credi velle indicium est Ignorantiae, omnemque eorum Doctrinam suspectam reddit. Quanquam enim vera esse possunt quæ sunt supra Rationem Naturalem, verum tamen contra Rationem nihil est.

Existimatio *Sanctitatis* tollitur faciendo dicendove ea, quæ Doctorum, quæ docet ipsum, non credere indicant. Atque facta & dictata, quia procedentes in via Religionis procidere aut titubare co-gunt, *Scanda*'a dicuntur, qualia sunt Injustitia, Crudelitas, Hypocrisia, Avaritia, Luxuria, &c. Si quis enim ea quotidie faciat, quæ ab his exurgunt radicibus, quis Potentias Invisibiles illas metuendas esse crederet, quibus illi alios terrere vellent.

Existimatio *Benevolentiae* tollitur, quando non Gregis, sed sua bona querunt, id est, quando Credenda prædicant quæ credi sibi solis, vel maximè, utilia sunt ad Potestatem vel Divitias comparandas. A quibus enim rebus cuique bonum nascitur, eas res agere censebitur non aliorum, sed sui ipsius causâ.

Postremò, quia unicum est Revelationis Divinæ testimonium Operatio Miraculorum, si quis præter Religionis receptæ Articulos, Articulos novos introducere conabitur sine miraculo edito, fides illi præter eam quam faciunt, Civitatis Leges & Consuetudinis, vel Sanctitas ferè miraculosa, nulla habebitur. Sicut enim in rebus naturalibus vir prudens argumenta naturalia, ita in supernaturalibus signa supernaturalia postulat.

Deficientis fidei causæ modò dictæ in sequentibus exemplis perspicuè apparebunt. Mōses qui Populum Israēliticum eduxerat ex Ægypto, dies tantum quadraginta aberat, cum Populus ille per seditionem, relicto vero Deo qui paulò ante ipsos à servitute exemerat, fabricatoque Vitulo aureo, in Idololatriam Ægyptiorum relaberentur. Rursus, postquam Mōses, Aaron & generatio illa quæ magnalia Dei viderat in Deserto mortui essent (Iud. 2. 11.) surrexit generatio nova, quæ servivit Baal. Itaque miraculis deficientibus, defecit Fides.

Samuelis filii à Patre Iudices in Bersabe constituti (1 Sam. 8. & 9.)

quia injustè judicaverunt & dona acceperunt , Populus Israëliticus , rejecto Regno Dei , Regem more Gentium poposcerunt . Itaque deficiente Rectorum Sanctitate , unà defecit fides Populi . Etiam quod ad Euangeli prædicationem primam Oracula per Imperium Romanum omnia siluerunt , numerusque Christianorum quotidie & mirabiliter augeretur , magna ex parte tribui potest Sacerdotum Avaritiae , Spurcitie , sicutisque vaticiniis , vel ad promerendos Reges , vel ne nihil prædicere viderentur , ambiguis . Nec multum dissimili de causâ Ecclesiæ Romanæ apud Anglos , nonnullosque alios Populos enormis potestas tandem suppresa est ; cessante scilicet Pastorum Sanctitate , Populi cessavit Fides .

Eadem Ecclesia , introductâ in Religionem Philosophiâ Aristote lis , innumerâs inde contexuerunt Scholastici Doctrinas sibi invicem repugnantes & contradictorias , Clericorum non modò ignorantiam , sed etiam fraudulentiam detegentes . Quæ causa altera erat , quare Populus illorum jugum excuteret , Principibus partim volentibus , ut in Anglia ; partim prohibere non valentibus , ut in Gallia .

Postremò , inter Articulos Fidei quos ad salutem necessarios declaravit Ecclesia Romana , adeo multi ad Papæ , & suorum in Dominiis aliorum Principum habitantium subditorum Spiritualium emolumen tum manifestè tendunt , ut nisi illorum mutua obstat ænulatio , non minus facile esset Principibus quibuscumque Potestatem illam , etiam sine Bello , ejicere ; quam ex Angliâ ejecta fuit . Quis enim , cuius bono creditur Regis autoritatem nullam esse , nisi ab Episcopo coronatus sit , à Christo non esse , causam Ceremoniæ illius in coro nandis Regibus , non animadverterit ? Regi , si Sacerdos fiat , uxorem ducere non licere ; utrum Rêx in legitimo Matrimonio natus sit , judicandum esse à Curiâ Romanâ ; subditos Regis Christiani ab Obedientiâ Civili absolvî posse , si Hæreticus sit Rex ; Regem (ut Chil pericus Rex Galliæ) Regno privari posse ; Clericos & Regulares in causâ Criminis à cognitione Civili exemptos esse ; Indulgentias , Missas privatas , aliaque multa Populo ad salutem non necessaria , quo tendunt , & quantum ad extinguendam Fidem , etiam vivacissimam , vim habeant , nisi à Potestate Civili & Consuetudine foyeretur nemo est qui non intelligit . Itaque Mutationum in Religionibus unam videor mihi causam assignare posse , ingratos Sacerdotes .

C A P V T X I I I .

De Conditione generis Humani quantum attinet ad felicitatem presentis vitaे.

Tum Corporis, tum Animæ facultatibus adeo æquales inter se produxit Natura homines, ut quamvis aliis aliis viribus aut ingeniо præstent, si tamen omnia simul considerentur, differentia tanta non est, ut promittere sibi commodi quicquam possit unus, quod alias sperare æque non potest. Quod attinet ad vim corpoream raro invenias hominem ita imbecillum, ut fortissimum non possit interficere, vel dolo, vel coniunctione cum aliis quibus periculum est commune. Quod autem attinet ad facultates Animi (verborum artibus, id est scientiarum Regulis generalibus exceptis, quas pauci & in rebus paucissimis possident, ut quæ nec nobiscum natæ sint, nec à Prudentia sine studio acquisitæ) majorem adhuc invenio æqualitatem. Prudentia enim omnis ab Experienciam est, & omnibus æquali tempore in iis rebus quibus animum æqualiter applicant, æqualiter tribuitur à Naturâ. Id vero quod æqualitatem hujusmodi dubiam videri facit, Opinio tantum est eorum qui plus iusto se æstimant. Nam ferè unusquisque sapientiorem se esse credit multò quam est quilibet ē vulgo, id est, quām est alias quicunque, præter paucos quos propter famam, vel propter consensum cum ipsis solet admirari. Ea enim est natura Hominis, ut quamquam alium aliquem seipso eloquentiorem vel eruditiorum esse confiteatur, prudentiorem tamen esse quemquam, non concedet. Ingenium enim proprium à propinquuo, alienum à longinquo quisque spectat. Ingeniorum autem æqualitatis argumentum quantum ad præsens Institutum attinet maximum est, quod unusquisque suo contentus est.

Ab æqualitate Naturæ, oritur unicuique ea quæ cupit acquirendi spes. Quoties ergo duo idem cupiunt, quo frui ambo non possunt, alter alterius hostis fit, & ad finem sibi propositum (quæ est conservatio propria) alter alterum conatur subjugare vel interficere. Itaque cui animus est vicinum aggrediendi, si nihil sit, quo deterreatur præter vim unius hominis, quoties unus aliquis agrum paulò commodiorem possederit, conseverit, plantaverit, inædificaverit, expectandi sunt alii viribus coniunctis parati, non modo laboris ejus omnem fructum, sed etiam vitam, vel libertatem sublaturi, idem rursus passuri ipse à se fortioribus.

In tanto , & mutuo hominum metu , securitatis viam meliorem habet nemo Anticipatione ; nempe ut unusquisque vi & dolo ceteros omnes tam diu subjecere sibi conetur , quād diu alios esse , à quibus sibi cavendum esse viderit. Neque hoc majus est , quam & conservatio sua postulat , & ab omnibus concedi solet. Quoniam enim sunt , qui animi & gloriæ causā universum terrarum orbem superare vellet , nisi alii (alioqui modicis contenti finibus) potentiam suam alios invadendo augerent , sed tantummodo se & sua defendere conarentur , subsistere diu non possent. Itaque Dominii acquisitio per vim unicuique , ut ad conservationem propriam necessaria , concedi debet.

Præterea , in Congressibus , ubi potentia nulla est , quæ omnes coërcere possit , voluptas nulla , sed contra Molestia per Naturam esset. Unusquisque enim tanti à cæteris fieri vellet , quanti ipse fese æstimat , & ad signum omne neglectionis conatur quantum audet (id est ubi nulla extat potentia communis) quantum ad mutuas cædes sufficit ulcisci ; scilicet , ut alteri ab alteris majorem sui æstimationem à spectantibus exemplo ultionis extorqueant.

Itaque in Naturâ humanâ simultatum inveniuntur tres præcipuae causæ , *Competitio* , *Defensio* , *Gloria* ; quarum prima ad Dominium , secunda ad Securitatem , tertia ad Famam spectat. A primâ est , quod de Lucro ; à secundâ , quod de Salute ; à tertîâ , quod de Nugis pugnetur ; nimis de Verbo , de Risu , de Opinione , de omni signo , Parvipendii , sive Ipsorum , sive Cognitorum , Amicorum , Patriæ , Professionis vel Nominis.

Manifestum igitur est , quamdiu nulla est Potentia coërciva , tamdiu conditionem Hominum eam esse quam dixi Bellum esse uniuscujusque contra unumquemque. Consistit enim natura *Belli* , non in Pugna , sed in tractu aliquo temporis , quo durante , Voluntas Armis decertandi est manifesta. Itaque in naturâ Belli , sicut in naturâ Tempestatum considerandum est Tempus. Nam ut unus Imber non denominat Tempestatem humidam ; ita neque Pugna quælibet denominat Bellum. Tempus autem Bello vacuum , *Pax* est.

Quicquid ergo Bello omnium contra omnes naturaliter adhæret , idem conditionem hominum , sine aliâ securitate quam quæ à cujusque robore & ingenio expectari potest , necessariò comitatur. In conditione autem tali locus Industriæ nullus est , quia nullus fructus. Nullus ergo Terræ cultus , nulla Navigatio , Ædificia commoda nulla , Instrumenta quibus quæ majoribus indigent viribus moveantur , nulla faciei telluris cognitio nulla , Temporum computatio

tatio nulla, nullæ Artes, neque Societas; sed quod gravissimum est, mortis violentæ metus, & periculum perpetuum, vitaque hominum solitaria, indiga, bruta & brevis.

Illis qui hæc non penitaverunt mirum fortasse videbitur, Naturam homines dissociavisse, & ad mutuam cædem aptos produxisse; & tamen hoc perspicuè illatum est ex natura Passionum, & præterea Experienciarum consentaneum. Cogita enim, quando Iter ingrederis, cur Comites quæris, Arma gestas; quando dormitum is, fores claudis, Arcas obseras, idque legibus & ministris armatis ad omnem violentiam ulciscendam paratis, qualem habeas opinionem de concivibus, de vicinis & de domesticis. Nonne cautelâ istâ tuâ genus humanum æque accusas atque Ego? Neutri Naturam accusamus. Passiones hominum peccata non sunt, neque quæ inde oriuntur actiones, quamdiu, quæ illas prohibeat, potestatem nullam qui faciunt, vident; neque enim Lex cognosci potest quæ non sit lata; neque ferri, quamdiu in legislatorem consensum non sit. Sed quid hominibus doctis conatur demonstrare id quod ne Canes quidem ignorant, qui accedentibus oblatrant, interdiu quidem ignotis, noctu autem omnibus.

Sed omnium in omnes (inquiet aliquis) Bellum nunquam erat. Quid, nonne fratrem suam Abelem invidiâ interfecit Cain, tantum facinus non ausurus, si communis potentia quæ vindicare potuisset tunc extitisset? Nonne hodie, multis in locis ita vivitur? *Americani*, excepto quod per familias parvas legibus paternis subditi sunt, quarum familiarum concordia similitudine sola Cupiditatum sustinetur, ita vivunt. Qualis etiam vita hominum esset nulli potentiarum communi subditorum, ex vitâ eorum cognosci potest, quibus Bellum est Civile.

Quamquam autem tempus nunquam fuerit, in quo unusquisque uniuscujusque hostis erat, Reges tamen & Personæ summam habentes potestatem, omni tempori hostes inter se sunt. Semper enim alii aliis suspecti sunt, more stantes gladiatorio, armis oculisque intentis, id est castellis & præsidiiis ad confinia collocatis, & exploratoribus in hostico latitantibus, quæ est conditio Belli. Sed quia subditorum saluti provideri aliter non potest, non sequitur inde miseria illa, quæ privatorum hominum libertatem plenam sequentia esset.

Præterea Bello omnium contra omnes consequens est, ut nihil dicendum sit injustum. Nomina Iusti & Injusti locum in hac conditio ne non habent. Vis & Dolus in Bello Virtutes Cardinales sunt. Neque sunt Iustitia & Injustitia Corporis aut Animæ facultates; nam si essent, homini inesse possent qui in mundo solitarius esset & unicus.

Leviat.

k k k

Quali-

Qualitates quidem Hominis sunt, non autem quatenus Hominis, sed quatenus Civis. Eadem conditioni hominum consequens est, ut nullum sit Dominium, nulla Proprietas, nullum Meum aut Tuum, sed ut illud uniuscujusque sit, quod acquisivit, & quamdiu conservare potest. Atque haec sufficient dicta de conditione Humanâ merè Naturali; à qua tamen partim à Ratione, partim etiam à Passionibus liberari potuit.

Passiones quibus homines ad Pacem perduci possunt, sunt Metus, præfertim verò Metus Mortis violentæ, & Cupiditas rerum ad bene vivendum necessiarum, & spes per industriam illas obtinendi. Pacis autem articulos quosdam fuggerit Ratio, quæ Leges sunt Naturales; de quibus fusiū dicemus in duobus Capitibus proximè sequentibus.

C A P V T X I V .

De duabus primis Legibus Naturalibus, & de Contractibus.

IUS Naturale est Libertas, quam habet unusquisque potentia suā ad Naturæ suæ conservationem suo arbitrio utendi, & (per consequens) illa omnia quæ eō videbuntur tendere, faciendi.

Per Libertatem intelligo (id quod ea vox propriè significat) exter-
norum impedimentorum absentiam.

At Lex Naturalis Præceptum est, sive Regula generalis Ratione excogitata, quā unusquisque id quod ad damnum suum sibi tendere videbitur facere prohibetur. Etsi autem vocabulis Ius & Lex promiscuè sæpenumerò utantur scriptores, distingui tamen debent. Consistit enim Ius in faciendo vel non faciendo Libertate; sed Lex ad faciendum obligat vel ad non faciendum. Itaque Ius & Lex differunt ut Libertas & Obligatio, quæ circa eandem rem sunt inconsistentes.

Quoniam autem conditio hominum (ut præcedente Capite ostendit) est conditio Belli omnium contra omnes, & propterea unusquisque suā ipsius ratione gubernatur; & quia nihil est, quod in vita contra hostem defendendā utile ei aliquando esse non possit, sequitur in conditione hominum Naturali omnium in omnia Ius esse ipsis hominum corporibus non exceptis. Quamdiu ergo Ius illud retinetur, nulla cuiquam, etsi fortissimus sit, securitas esse poterit. Rationis ergo Præceptum sive Regula generalis est, *Pacem quidem, dum ejus obtinendi spes est, querendam esse; quando autem haberet non potest, auxilia undecunque querere; & illici nisi licitum esse.* Regulæ hujus pars prima.

conti-

continet legem Naturæ primam , Pacem quære & persequere ; se-
cunda est Iuris Naturalis summa , *Omnibus viis & modis seipsum defen-
dendi Ius unicuique esse.*

A lege Naturæ primâ oritur secunda , Oportere unumquemque quo-
ties Paci & defensioni propriæ provisum erit , à Iure suo in Omnia , (cæteris
idem facere paratis) decadere , contentumque esse cædem libertate quam cæte-
ris concedi vellet. Quamdiu enim faciendi omnia , quæ vult , Ius retinet ,
tamdiu Bellum manet. Verùm si cæteri Iura sua in omnia deponere
recusent , neque ille suum deponere obligatur. Alioqui cæteris in
prædam potius se exponere , quod Naturæ non postulat , qnam Pacem
persequi putaretur. Atque hæc Lex eadem est cum illâ Euangelii ,
Quicquid vobis fieri vultis id facite aliis ; & cum illâ omnium Gentium ,
Quod tibi fieri non vis , alteri ne feceris.

In rem aliquam Ius suum depositit , qui libertate illa se privat quam habet
cæteros impediendi quò minus quilibet eorum Iure suo utatur in rem eandem .
Nam qui Iuri suo renuntiat , vel Ius suum transfert , Ius novum quod
per Naturam non ante habuit nemini tribuit , quia omnibus in omnia
Ius erat ; sed cedit ei tantum , eo fine ut Ius quod ante habuit sine
impedimento à se orto liberè fruatur , à se inquam orto , non ab alio.
Itaque quod alteri accedit ex Iure alieno in se translato , nihil aliud est
quam sublatio impedimentorum à parte sòlius transferentis .

Deponitur Ius vel simplici *Renuntiatione* , vel *Translatione* ad alium .
Simpliciter Renuntiat , qui in medium abjicit , nemini tribuens .
Transfert , qui certo alicui concedit . Vtrovis autem modo faciat ,
Ius habentem , quin re utatur , impedire non debet ; esset enim hoc
suum ipsius actum irritum facere . Injustitia enim Injuria etiam dici-
tur ex eo , quod (deposito ante Iure) absque Iure impedimentum fit .
Est enim in controversiis hominum Injustitia similis ejus , quam in
Scholis Absurditatem vocant . Sicut enim iis quæ initio supposita
erant contradicere *Absurdum* ; ita quod faciendum voluntariè suscep-
peris , irritum facere , Injustum appellatur . Modus autem , quo quis
Iuri suo Renuntiat vel Ius suum Transfert , talis est ; signo , vel signis
idoneis voluntariè declarat , tali Iuri se Renuntiare , vel Renuntiisse ;
vel ad hunc Ius suum se Transferre , vel Transtulisse . Sunt autem
Signa illa vel Verba , vel Facta , vel (ut plerumque fit) utraque . Atque
hæc sunt Vincula illa quæ non à suâ Naturâ , sed à Metu damni ; à
Promissi violatione robur habent .

Quotiescumque Ius suum derelinquit quis , vel transfert , eâ causâ
id facere intelligitur , ut sibi reciprocè ab eo , cui translatum est Ius
aliquod vel aliud bonum accipiat . Nam qui prior transtulit , volun-
tariè

tariè id fecit ; Voluntatis autem objectum semper Bonum est aliquod Volenti. Sunt autem res aliquæ, quæ neque Verbis, neque aliis signis transferri aut relinquiri possunt, quia cui bono id fecerit, intelligi non potest. Idem de Vulneribus & Incarceratione dicendum est. Secundò, Ius contra vim se defendendi necessariò retinetur ; Nam qui se defendit, quoisque vis progressura est, ignorat. Tertiò, finis propter quem Relictio vel Translatio Iuris introducta est, alius non est, quam vitæ & mediorum ad vitam conservatio. Si quis ergo Verbis, signisve aliis spoliare se fine, propter quem illis usus esse intelligitur, id fecisse voluntariè existimandus non est, sed (per ignorantiam) verborum & signorum illorum vim non intelligens.

Translatio Iuris mutua *Contractus* dicitur. Differunt autem inter se *Ius transferre* & *Rem transferre*, sive tradere. Traditur Res eodem tempore aliquando quo Transfertur Ius, ut fit in Emptione & Venditione, quando alter Pecuniam alter Mercem simul cum Iure Transfert ; aliquando etiam Transfertur Ius, antequam Tradatur Res.

Præterea, alter Contrahentium ad tradendam Rem, vel ad Contractum exequendum altero prior esse potest ; tunc posteriori *Credere* sive *Fides haberi* dicitur ; & Promissio ejus *Paetum* dicitur ; & non præstisile, *Violatio Fidei*.

Quando Translatio Iuris mutua est, Contrahentium autem alter *Ius* vel *Rem* transfert, sive Amicitia vel Officii ab eo cui transfert, vel existimationis causâ apud alios, vel ex Charitate, talis Translatio *Donatio* & *Gratia* appellatur.

Contractuum Signa expressa, sunt Verba ; debent autem prolatæ esse de Tempore Præsente, vel Præterito, ut *Dō*, *Dedi*, *Concedo*, *Confessi*. Nam si de Futuro sunt, ut *Dabo*, *Concedam*, continent quidem transferendi Iuris promissionem, sed nondum quicquam transferunt.

Contractū Signa per Consequens, interdum sunt *Consequentiae Verborum* ; interdum *consequentialē Silentii*, interdum *consequentialē Actionum*, interdum etiam *consequentialē Omissionum*. In universum autem Signum *Contractū per Consequens*, est quicquid *Contrahentis Voluntatem Contrahendi satis indicat*.

Verba sola, si de Futuro sunt, *Donationis Signum idoneum non est*. Nam Verba hæc *Cras dabo*, significant nondum *Dedisse*, & proinde Ius nondum *Translatum esse*, sed *Manere*. Sin de Præsenti, vel Præterito sit, ut *Do*, vel *Dedi habendum Cras*, tunc Ius *Crastinum recte Transfertur*, idque *Vi Verborum*, etsi Voluntatis Signum aliud nullum sit. Magna enim differentia est inter *Volo hoc tuum esse Cras*, & *Cras tibi hoc Dabo*. Nam illic *Volo*, Præsentem & certam Volun-

Voluntatem ; hic Futuram , id est incertam , id est , nullam indicat ; quia Voluntatis suæ Crastinæ dominus nemo est. Illic ergo Ius de Præsente debet intelligi.

Athlotheta in certamine Cursus pervenienti ad metam primo , præmium promittit Verbis de Futuro ; debitum tamen illi præmium est , quamquam gratis datum , quia nisi id voluisse Athlotheta , illos ad certamen non invitasset.

In Contractibus etiam Ius transit per Verba de Futuro , nempe ubi Translatio Iuris mutua est. Nam qui promisit , ideo Transferre Ius suum velle intelligitur , quia Bonum propter quod promisit jam acceptit. Alioqui is qui promisit præstiturus non esset. In Emptione ergo & Venditione , aliisque Contractibus , Promissio tantum valet , quantum Pactum.

Qui in Contractu prior præstat , præstationem alterius facit debitam . Sic in certamine , vel quando projiciuntur Nummi præcipienti habendi , præmium illud victori , vel præcipienti Iure proprium est. Nam in ipsa certaminis indictione Ius Transfertur.

Verum , si Contractus fiat , quo nentes Contrahentium statim præstare obligantur , sed ad diem certum Futurum , Pactum illud in merâ conditione Naturæ , id est in Bello , si quæcunque interveniat suspicio de præstanto , invalidum est. In Civitate non item. Nam qui prior præstat , in casu priore incertus est , an præstiturus sit alter ; in Civitate certus est , quia est qui cogat. Itaque nisi Potentia communis aliqua sit coerciva , is qui prior præstat seipsum hosti prodit , præter Ius Naturale se & sua defendendi.

Suspicionis autem , quæ Pactum invalidum reddere possit causa debet esse aliquid quod Pactum sequitur , signumque sit Voluntatis non præstandi ; alioqui Pactum irritum facere non potest. Quod enim impedire non potuit quin promiseris , impedire non debet quin promissum præstes.

Qui Ius aliquod transfert , etiam usum rei , quantum in se est , una transfert. Ut qui agrum vendit , herbam & quodcunque agro innascitur vel inædificatur simul vendit ; Et qui Molendinum vendit , aquam , quæ agebatur , avertere non debet. Et qui Regendi summam Potestatem alicui transferunt , intelliguntur iidem Ius dedisse exigendi Pecunias ad Milites alendos , & creandi Magistratus & Ministros publicos.

Pacisci cum Brutis , quia Sermone carent , quo Voluntates significare possunt , impossibile est.

Pacisci cum Deo , nisi mediante aliquo , quem Deus alloquatur ,
k k k 3 vel

vel locum Dei teneat, impossibile est; aliter enim, an Deus etiam pactus sit, nec ne ignoramus. Itaque qui vovet Deo aliquid, quod contra Legem Naturalem sit, frustra vovet, quia illicitum est; Sin Lege Naturali mandatum sit frustra est, quia Vovens, non Voto suo, sed Naturae Lege obligatur.

Materia, sive objectum Pactorum semper aliquid est, de quo deliberari potest, propterea quod Deliberatio, quæ est actus Voluntatis, intelligitur semper de futuro, & de eo, quod à Paciente fieri possibile existimatur.

Itaque Promittere ea, quæ Impossibilia esse scimus, Pacisci non est. At si contingat, post Impossibile esse, quod credebatur Possibile, Pactum validum est, obligatque ad præstandum (non rem Promissam) sed tantundem; sin hoc quoque sit Impossibile; ad conatum præstandi quantum potest.

Pactis liberarum duobus modis, si præstiterimus, vel si condonatum sit. Est enim Præstatio omnis Paeti terminus naturalis; Condonatio autem est Libertatis restitutio, sive remissio Iuris obligacionis constituentis.

Pactum etiamsi Metu extortum sit, in conditione tamen hominum naturali validum est; ut si paciscar cum hoste, servandæ vitæ causâ, pecuniam dare, præstare teneor. Contractus enim est, in quo alter Ius in Vitam, alter in Pecuniam transfert. Itaque ubi nulla Lex alia sit (ut in conditione naturali) quæ Præstationem prohibeat, Pactum validum est. Sic bello captus, si libertatem eà conditione acceperit, ut pretium redemptionis post solvat, solvere obligatur. Etiam Princeps cum Principe fortiore, si Pacem incommodam Metu fecerit, obliuare debet, nisi (ut supradictum est) causa aliqua nova & iusta oriatur, quæ excusat. Item in Civitate, si à Latrone vitam redimere promissâ pecuniâ coactus fuero, præstanta pecunia est, nisi Lex Civilis prohibeat. Quicquid enim facere licitum est non obligato, idem licet pacisci possum propter Metum. Quod autem licitum est pacisci, illicitum est non præstare.

Pactum prius posterius invalidum reddit. Iure enim quod quis transtulit hodie, cras carebit.

Si quis se ipsum non defensurum esse contra vim paciscatur, Pactum invalidum est. Nam (ut ante ostensum est) Ius se defendendi contra Mortem intentatam, vulnera, incarcerationem (quorum fugiendorum causâ Ius in omnia naturali depositum est) deponere nemo potest. Nam etsi aliquis recte pacisci possit sic, *Nisi hoc vel illud fecero occide*, pacisci tamen non potest sic, *Nisi hoc vel illud fecero, occiso*

suro non resistam. Eligit enim homo naturaliter minus malum, id est periculum à resistentia, potius quam malum majus, nempe Mortem certam. Atque hæc norunt omnes qui condemnatos sive ad carcerem, sive ad Mortem armati ducunt.

Si quis paciscatur seipsum accusare, nisi certus venia fiat, Pactum invalidum est. Nam in conditione Naturæ ubi non sunt Iudicia, nullus est accusationibus locus. In statu autem Civili, accusationem sequitur supplicium; cui, cum sit vis, nemo obligatur non resistere. Idem verum est de accusatione eorum quorum condemnatione concipiuntur in Miseriam, quales sunt Pater, Vxor, aliquis Necesarius; testimonium enim eorum, utpote invitius dictum à Naturâ ipsâ corrupti presumendum est, neque ergo recipiendum. Neque accusations expressæ per tormenta pro testimonio habenda sunt: Tormenta enim explorationi tantum inserviunt, & quicquid tortus confitetur, ad relaxationem cruciatum spectat, non ad torquentium instructionem. Sive enim verâ sive falsâ confessione se expediatur, Iure id facit, Iure inquam vitam propriam conservandi.

Verba per se (ut ante dixi) homines ad Pactorum præstationem constringendi vim non habent. Duo autem ei rei auxilia tantum sunt, nimis Metus Damni à violatione Pacti, vel quia fallere (ut signum Impotentiae) dedignentur. Posterior hæc causa Generositas adeo rara est, ut in rationes venire non debeat. Solus Metus considerandus est, isque duorum generum, quorum alter est Metus Potentiarum invisibilium, alter Metus Potentiae humanæ; & prior quidem Metus est majoris Potentiae; posterior autem major Metus. Metus prior à suâ cujusque Religione est, ineratque hominibus ante omnem Societatem Civilem. Posterior Metus cum Civitatibus natus est; sed ad cogendos homines ad Pactorum præstationem non sufficit. In conditione enim Naturæ differentia Potentiarum non discernitur, nisi per eventum Belli. Itaque ante Societatem Civilem, & quoties Societas Civilis per Bellum interrupitur, nihil est, quo Pacta confirmari contra Cupiditates hominum melius possunt, quam Metus Agentis invisibilis, quem vocant omnes Deum, diversis Ritibus adorantes. Ad firmando ergo Pacta Paciscentibus necessarium visum est, ut per Deum quem metuebant Pacta sua se præstituros esse jurarent. Iuramentum autem est *Premissioni adjuncta formula Orationis*, quâ qui promittit, nisi promissum præstiterit, Deum Vtorem invocat. Formula apud Romanos hujusmodi erat, *Mactet me Iupiter*, sicut ego macto hanc bestiam; & apud nos, *Hoc faciam ita me juvet Deus*. Atque hæc facie-

faciebat cum Ceremoniis Ritibusque unusquisque Religionis propriæ , ut tanto magis à Iuramenti violatione deterretur.

Constat hinc , Iuramentum aliâ formâ juratum , quâm quæ est secundum Religionem Iurantis , infirmum esse . Constat item Iuramentum non esse , nisi per Deum Iurantis . Quamquam enim Ethnicorum aliqui per Reges suos Iurare soliti sunt , simul tamen intelligi Divinum illis honorem à se tribui voluerunt . Iuramenta autem illa non requisita , sed voluntaria , frequenter jurata , Iuramenta propriè dicta non sunt , sed Nominis Divini abusio , nata ex pravâ consuetudine omnia nimium vehementer asserentium .

Constat denique , quod Obligationi , à Iuramento nihil additur . Pactum enim , si licitum sit , obligat per vim Legis Naturalis sine Iurejurando ; sin illicitum sit , ne addito quidem Iurejurando obligare potest .

C A P V T X V .

De Legibus Naturæ aliis.

A Lege Naturæ , quæ impeditia Pacem humanam Iura relinquit , qui jubet , sequitur Lex Naturæ tertia , *Præstanta esse Pacta* . Nam atque eo Ius in omnia frustra deponitur , manetque omnium contra omnes Bellum .

Atque in hac Lege consistit natura Iustitiæ . Vbi enim non præcessit Pactum , ibi Ius nullum est translatum , sed omnia omnium sunt . Nihil ergo est Injustum . Manifesta hinc est Injustitiæ Definitione , *Injustitia est Pactorum non Præstatio* , sive (quod idem est) *Fidei date Violatio* . Iustum autem est , quod Injustum non est .

Quoniam autem Pacta Fidei mutuae (ut ante ostensum est) propter Metum unius , ne alter fallat , invalida sunt , et si origo Iustitiæ sit Pactum , Pactum tamen non præstare , ubi causa Metus sublata non est , non est Injustitia . Sublata autem non est , manente Iure omnium in omnia . Vocabula ergo *Iustum & Inustum* ante Potentiam Civilem , quæ Violationem Pactorum ulcisci posset , & cuique Proprietatem suam Pactis acquisitam stabilire , usurpata non fuerunt . Idem intelligitur ex receptâ in Scholis Iustitiæ Definitione , *Iustitia est Voluntas , constans suum cuique tribuendi* . Nam ubi *Suum* non est , id est , ubi *Proprium* non est , ibi *Inustum* nihil est ; & ubi *Civitas* non est , nihil est *Proprium* . Iustitiæ autem essentia consistit in *Præstatione* *Pacto-*

Pactorum, quæ tunc valida esse incipiunt, quando constituta est Civitas; Itaque Civitas, Proprietas Bonorum, & Iustitia simul nata sunt.

Dixit Inſipiens, Non eſt Iustitia. Conservationis ſuæ ſinguli & ſoli curam gerunt. Rationis ergo eſt, ut faciant ſinguli, quicquid eō conducere ſibimet iſpīs videbitur, id eſt, Pačta facere vel non facere, custodire vel non custodire arbitrio ſuo. Pačta facere licitum eſt non negat, nec observationem eorum Iuſtitiam vocari, Violationem Injuſtitiam. Sed Injuſtitiam (ſublato timore Dei) coniſtere aliquando poſſe dicit cum rectā Ratione. Regnum (inquit) Dei acquiritur Violentia; quid ſi ab homine acquiri poſſit per Violentiam injuſtam, anne contra rectam Rationem eſt, cum imposſibile eſt, ut inde ullum ſibi malum, ſed ſummu[m] bonum ſequeretur? Si contra Rationem non eſt, quomodo contra Iuſtitiam eſt? At hujusmodi ratiocinatione ortum eſt, ut ab aliquibus Scelera proſpera Virtutes exiſtimatæ ſint; utque Fides, regnandi ſaltem cauſā violanda eſt. Crediderunt Ethnici, Saturnum cœlo expulſum à Iove eſte, qui Iovem tamen Injuſtitiæ ultorem exiſtimaverunt. Etiam, Iurisprudentium noſtrorum aliqui hæredem Regni, eti[am] Proditor ſit, ſtatim ac moritur Rex, in Regnum ſuccedere debere. Hujusmodi facinora quoqua[m] nomine appellata contra Rationem (inquit) non ſunt; quia omnes omnium Actiones voluntariæ tendunt naturaliter ad bonum ſibimet iſpīs, & maximè rationales ſunt, quæ eō maximè tendunt. Verumtamen ratiocinatio hæc, utcunq[ue] ſpecioſa, falſa eſt.

Quæſtio enim non eſt de Promiſſis mutuiſ in conditione hominum naturali, ubi nulla eſt Potentia cogens; Nam ſic Promiſſa illa Pačta non eſſent; ſed exiſtente Potentiâ, quæ cogat, & alter promiſſum präſiterit, ibi quæſtio eſt, an is, qui fallit cum Ratione, & ad bonum proprium congruentē fallat. Ego verò contra Rationem, & imprudenter facere dico. Primò enim in Civitate, ſi quis id faciat, quod (quantūm Proſpici, & Ratione intelligi potest) ad ſuam iſpius tendit deſtruptionem, quanquam improviſum aliquod accidat, quod eventum felicem efficiat, factum nihilominus fuifile imprudenter, quia improviſum. In conditione autem naturali, ubi unuſquisque uniuſcuſu[que] hostis eſt, ſine ope Sociorum ſecure vivere nemo potest. Hominem autem, qui Pačta fallere Rationis eſte putat, in Societatem (quæ mutuiſ Pačtis ad ſingulorum deſenſionem initur,) quis (niſi per inſciatiā) admittet, aut admiſſum retinebit? Quare, aut ejectus peribit, aut quod ejectus non ſit, aliena[rum] debebit inſciatiā, quod eſt contra rectam Rationem. Etiam iſpa Regni Cœleſtis

per Injustitiam acquisiti Suppositio ridicula est ; per solam enim Iustitiam acquireti potest.

Præterea , Supposito quod Regnum acquisitum sit per Rebellionem , etiam sic contra rectam Rationem acquisitum erit ; tum quia successus tales ab initio incerti sunt, tum quia exemplo suo docentur alii tantundem audere contra ipsos . Pactorum ergo observatio , Rationis præceptum est, id est, Lex Naturalis.

Sunt alii , qui Præcepta , quæ ad conservandam vitam præsentem conducunt , Leges Naturæ esse negant , sed illa quæ ducant ad felicitatem Vitæ æternæ ; ad quam conducere aliquando dicunt Pactorum violationem , quæ violatio propterea Iusta est. Atque hi sunt , qui Pietatis opus esse dicunt , Reges suos prætextu Religionis Bello persequi , deponere & interficere . Sed quoniam statu humani post mortem Scientia nulla est , sed tantummodo Fides , hominibus certis habita , dicentibus se id Scire supernaturaliter , vel accepisse ab aliis supernaturaliter scientibus , & sic alii ab aliis ascendendo , Violatio Pactorum juxta illorum sententiam non Legis Naturalis , sed supernaturalis violatio est. Legem autem supernaturem habemus nullam præter Scripturam Sacram. Ea autem Obedientiam Regibus præstare , & Pacta observare passim præcipit.

Alii rursus , Pacta observanda esse concedunt , præterquam cum Hæreticis. Sed hoc quoque iniquum est. Nam si vitium Personæ fatis causæ sit Pacti violandi , fatis etiam causæ debebat esse non Pascendi.

Iustum & Inustum vocabula , aliud *Hominibus* , aliud *Actionibus* attributa significant. Hominibus attributa Morem vel Habitum significant , ut Virtutem aut Vitium. Sic Homo cui constans est voluntas Ius suum unicuique tribuendi , etsi Actiones ejus aliquando Injustæ fuerint , ipse tamén Iustus est , modo Iustitiam amet , vel quod Injuste fecerat , etiamsi clam sit , ipse damnet , factum nollet , damnum , si quod factum sit , resarciat quantum potest. Iustus contra est , qui Iustitiam negligit , etsi Metu , vel alia causâ sinistrâ nemini unquam Injuriam fecisset ; Id quod Iustitiam veram & facere , & condire sollet , & est Animi generositas quædam quicquam fraudi & perfidiae deberi dignantis. Iustitia autem Actiones denominant hominem (non Iustum sed) *Insontem* ; ut contra Injustitiae Actiones , id est Injuriae , non Iustum , sed *Somem*.

Præterea , Injustitia Hominis est Animi ad Injuriam faciendam Habitum , Inustum faciens etiam ante quam facta sit Injuria propter voluntatem faciendi . Sed Injustitia Actionis Personam aliquam affectam

Etiam Injuria supponit, nempe illum, qui cum pactum est. Itaque contingit aliquando Injuriam alius, Damnum quod ab Injuriâ est, alius facit, ut quando Dominus debitam alicui solvere pecuniam servum iusslerit, si Servus non fecerit, Injuria quæ Creditori fit à Domino est, quæ Domino fit, à Servo est; non enim Servus, sed Dominus cum Creditore pactus est. Similiter, in statu Civili, debita sibi remittere homines privati possunt; sed Latrocinia non item, quia sunt quasi debita publica, ita ut Injuriæ factæ sint Civitati.

Quod Volenti fit, Injuria non est. Nam nisi Pactum sit, ut non faceret, Injuria esse non potest; si Pactum sit, tollitur Obligatio per Voluntatem Obligantis, id ejus quicum pactum est.

Iustitia Actionum dividitur à Scriptoribus in Commutativam & Distributivam; quarum priorem dicunt in proportione Arithmeticâ, posteriorem in Geometricâ consistere; ita ut Commutativam in rerum commutandarum æqualitatem quoad pretium, Distributivam in Beneficiorum æqualiter merentibus æquali Distributione consistere dicant; quasi pluris vendere quam emimus Injustum esset. Pretium omnium rerum Contrahentium appetitu æstimatur, pretiumque Iustum est in quod ambo Emptor & Venditor consentiunt. Meritum autem (præterquam quod in Contractibus qui prior præstat, ut alter quoque præstet post, Mereri dici possit) non ex Iure, sed ex Gratia est. Distinctio ergo illa, illo quo exponi solet sensu, bona non est. Iustitia Commutativa, propriè est Iustitia Contrahentium, id est, Conservatio pactorum de Venditione & Emptione, de mutuo Datione & Acceptione; de Conductione; de Commutationibus, aliisque Actibus Contrahentium.

Iustitia autem Distributiva est Iustitia Arbitri, qui (quia Fides ei adhibetur) si Fidem servat, utriusque parti quod suum est Distribuit; & alia non est quam æquitas.

Vt ab antecedente Pacto Iustitia, ita ab antecedente Gratia dependet Gratitudo, quæ est Lex Naturalis quarta, & comprehendi potest hac Formulâ: *Qui Beneficium gratis datum accipit, conari debet, ne danti justa causa sit Beneficii dati paenitendi.* Nemo enim dat nisi respiens ad Bonum sibi, propterea quod omnis Actionis Voluntariæ finis Bonum volenti est; quod Bonum si frustra expectandum esset, homines scierint, nullum erit Benefaciendi initium, neque Confidentialiæ mutuæ, neque mutui Auxilii, neque Reconciliationis inter inimicos. Manebunt ergo in conditione Belli. Quod est contra Legem Naturæ primam, quæ Pacem quærendam esse dictat.

Lex Naturæ quinta est, ut *Vnusquisque se commodum ceteris prestat.*
Quod
III 2

Quod ut intelligatur, considerandum est, esse in hominum ad Societatem aptitudine Ingeniorum diversitatem, à diversitate Passionum ortam, non dissimilem ejus, quam videmus in congestis ad Domum ædificandam lapidibus. Sicut enim Lapis, qui propter asperitatem & figuræ irregularitatem plus loci proximis adimit quām ipse implet, neque propter duritiam complanari potest, ab ædificantibus ut inutilis & molesta abjicitur: Ita etiam homo, qui propter asperitatem Ingenii de rebus contendit, sibi quidem superfluis, vicina autem necessariis, nec (propter Affectuum contumaciam) corrigi potest, è Societate ejiciendus est. Cum enim unusquisque, Naturæ non modò Lege, sed etiam necessitate, Conservationem propriam, & quæ ad eam necessaria sunt conari intelligitur; is qui ob superflua repugnat, Belli sequuturi reus est, facitque contra Legem Naturæ primam.

Lex Naturæ sexta est, Vt *Vnusquisque acceptâ temporis futuri Causione, præteritas Injurias pœnitentibus & potentibus condonet.* Nam condonare alicui Injuriam, nihil aliud est, quām Pacem potentibus Pax concessa; Quæ tamen perseverantibus in Inimicitia, non est Pax, sed Metus. Pœnitentibus autem non concessa, signum est Animi à Pace alieni, & proinde contra Legem Naturæ.

Septima est, *In Vltionibus non respiciendum esse ad magnitudinem Malorum præteriti, sed ad magnitudinem Boni nascituri.* Lege hac vetitum est pœnam alio consilio infligere, quām ut qui peccavit emendetur, vel moneantur qui vident ut caveant. Sequitur enim Lex hæc ex præcedente, quæ, quando cautum est de futuro, præteriti veniam dare jubet. Vlcisci enim, nisi ad futurum Bonum dirigatur, ἐπιχωρευαντες est; id est, de Malo alieno vanus & inutilis triumphus; & proinde contra Rationem, & Legem Naturæ, quæ de Vanis & Superfluis contendere prohibet. Violatio Legis hujus *Crudelitas* appellatur.

Quoniam autem Odii & Contemptus signa omnia ad Pugnam accidunt, octavo loco pro Lege Naturali ponimus, *Ne quis alium Facto, Verbo, Vultu aut Gestu Odisse vel Despicere se significet.* Lege hac prohibetur Contumelia.

Quæstio de Ordine inter homines in Conditione Naturali nullæ est. Distinctio illa introducta est à Lege Civili. Scio Aristotelem lib. r. Politicorum quasi Principio uti, *Esti* alios à Naturâ factos ad Imperium, nimirum, Sapientes (id est, ut innuere voluit Philosopher, qualis ipse erat) alios ad Serviendum (nempe homines corporibus & ingenio duris) quasi Dominium & Servitus non à consensu hominum, sed à differentiâ Ingeniorum originem habuerint; id quod

quod non modo contra Rationem , sed etiam contra Experientiam est. Quis enim ita stultus est , ut sibi ab aliis imperari mallet , quām à seipso ? Etiam quando vi contenditur inter illos qui habentur Sapientes , & illos qui sunt Robusti , priores illi , raro aut nunquam victoriā potiuntur. Si ergo homines Naturæ æquales fecit , agnoscenda est æqualitas. Sed si inæquales fecit , quia tamen unusquisque unicuique æqualem se esse putat , Pax nisi æqualibus conditionibus non habebitur. Admittenda ergo est Æqualitas , & Lex Naturæ nona est *Homines omnes inter sé Naturā æquales esse.* Hujus Legis violatio Superbia est.

Ex hac Lege sequitur decima , *ut in Pace ineundā nemo reservari sibi poscat Ius aliquid , quod cuiquam cæterorum reservatum nolit.* Cum enim vitæ conservandæ causā , sicut deponi Iura quædam Naturalia , ita retineri quædam necessarium esset , nempe Ius proprii corporis curandi , Igne , Aquā , Aëre fruendi , cæterisque sine quibus Homo vivere non potest ; si jam plus retinere Iuris postulat , aliquis , quām aliis libenter concessum vellet , facilit ille contra Legem præcedentem. Hujus Legis violationem Græci ὀλεονεζίαν , Latini Arrogantiam dicunt.

Si in controversiâ Iuris Sententia alicujus Arbitri fidei permittatur , Lex Naturæ est , undecima , *ut in utramque partem æquus sit.* Nam absque eo finiri Lites non poslunt. Qui ergo Æquus non est , Litigantibus quantum in eo est Arbitria & Iudicia , & per consequens Pacem ipsam tollit , contra Legem Naturæ primam.

Ex hac Lege sequitur duodecima , *Quæ Dividi non possunt , eorum usum communem esse ; idque , si fieri potest , & quantitas rei patiatur , sine restrictione ; alioqui numero utentium proportiona'iter.* Distributio enim æqualis aliter esse non potest.

Sunt autem quædam res , quarum neque Divisio , neque Usus communis esse potest. De his Lex Naturæ statuit decimatercia , ut *Ius integrum* , vel (si usus alternus placet) *possessio prima Sorte determinetur.*

Sortium duo sunt genera , *Arbitrarium & Naturale.* Arbitrarium in quod consentiunt Partes. Naturale est , aut Primogenitura , aut prima Occupatio.

Itaque *quarum rerum neque Divisio est , neque Usus communis , ea res vel primi Occupantis , vel Primogeniti sunt , Sorte acquisitæ : Quæ est Lex Naturæ decima quarta.*

Lex Naturæ decima quinta est , *Vt Pacis-Mediatoribus ire & redire inuò liceat.* Lex enim quæ dictat Pacem querendam elle , ut finem , dictat quoque Mediatorum protectionem , ut Viain.

Quoniam autem inter eos qui Leges Naturales observant, quæstiones nasci possunt, primò, an factum sit; secundò (si factum est) utrum Iure an Injuriâ; quarum prima dicitur controversia Facti, secunda controversia Iuris; nisi Litigantes in sententiâ alicujus tertii acquiescere mutuò paciscantur, Bellum manet. Tertius autem Arbitr̄ dicitur. Itaque Lex Naturæ decimalēcta est in Sententia Arbitri ac quiescere.

Quoniam autem Vnusquisque in omni Actione suâ respicere solet ad Bonum sibi, *Arbiter idoneus in causâ propria nemo est.* Quæ est Lex Naturæ decimalēpta.

Propter eandem causam, pro Arbitro recipiendus nemo est in controversiâ quacunque, cui Lucrum, Dignitas vel Voluptas à Victoriâ partis alterutrius manifeste oritur est. Corruptitur enim talis Arbitr̄ à Naturâ humana. Quæ est Lex Naturæ decimalēcta.

Decimanona Lex Naturæ est, in quæstione Facti judicandum esse secundum Testes. Litigantium enim uni credere potius, quam alteri contra Æquitatem est, nempe Legem Naturæ undecimam.

Atque hæ Naturæ Leges sunt, quæ conducunt ad multitudinem hominum in Pace conservandam. Aliæ autem res sunt, quæ ad singulorum destructionem tendunt, ut omne genus Intemperantiæ. Sed quia Naturam individuam spectant, nec ad institutam doctrinam pertinent, omittantur.

Est hæc, dicet aliquis, Legum Naturalium deductio subtilior, quam ut intelligi ab omnibus possit, quorum maxima pars alimentis studet, aut voluptatibus. Ne tamen etiam tardissimis excusationi locus relinquatur, contraxit eas Scriptura Sacra in unam eamque brevem & perspicuam sententiam, *Quæcumque vultis facere vobis homines, id facite illis;* & Philosophi, *Quod tibi fieri non vis, alteri ne feceris.* Quare ad totam Legem Naturalem perdiscendam, aliâ re opus non est, quam ut Actiones alienas cum nostris penitantes, in alteram lancem transferamus, ne Passiones propriæ ponderi fortè aliquid addiderint.

Leges Naturales obligant in *Foro interno*, id est, earum transgressio, non Crimen propriæ, sed Vitium dicendum est. Sed in *Foro externo* non semper obligant. Nam qui illas observaret tunc, quando à cæteris contemnuntur, cæteris præda esset, contra fundamentum omnium Legum Naturalium, nempe Naturæ conservationem. Attamen, quando de earundem observatione à cæteris cautum est, tunc is, qui eas non observat, Bellum, non Pacem querit.

Legem omnem, in Foro interno obligantem, Factum violat non modò

modò Legi contrarium , sed etiam congruum , si contrarium putet is qui facit. Quanquam enim Actio ipsa fuerit secundum Legem , Voluntas contra erat. Nam in Foro interno solus Animus Reus fit.

Eadem Leges , quia ad Velle tantum obligant , Velle inquam constanter , & sincere , faciles observati sunt ; solus Conatus sufficit. Qui illas observare quantum potest conatus est , observavit , & Iustus est.

Legum Naturalium Scientia vera & sola , Ethica est. Ethica autem aliâ non est , præter Scientiam earum rerum quæ in Congressibus & Societate hominum , bonæ vel malæ sunt. Bonæ autem & Malæ dicuntur eadem res à diversis hominibus , propter hominum Appetitus , Aversiones , Consuetudines & Doctrinas diversas diversè ; & quandoque ab eodem homine , propter mutationem Voluntatis eadem res modò bona modò mala appellatur.

Inde autem oriuntur Disputationes , Controversiæ , & tandem Bellum. Quandiu ergo homines privati Boni & Mali mensuram faciunt , tamdiu homines sunt in conditione Belli omnium contra omnes. Pacem ergo bonam esse confitentur , queruntque omnes. Itaque Media ad Pacem necessaria bona esse negari non potest. Sunt autem illa , Iustitia , Gratitudo , Modestia , Æquitas , & cæteræ Leges Naturæ. Bona igitur Moralia sunt , id est , Virtutes ; & his contraria Mala , id est , Vitia. Scientia autem Virtutum & Vitiorum est Philosophia Moralis. Doctrina ergo de Legibus Naturæ Vera est Ethica. Scriptores Ethici , etsi easdem agnoscant Virtutes , atque eadem Vitia ; in quo tamen consistit Bonitas Virtutis , & quare laudabilis sit non videntes , Virtutes alias non agnoverunt quam Passiones , sed Mediocres ; quasi Fortitudo , non causa , sed gradus Audendi ; & Liberalitas , non causa , sed quantitas dati esset.

Dictamina hæc Rationis nomen quidem obtinuerunt Legum ; sed improprie dictarum. Sunt enim de iis rebus quæ ad Conservationem hominum conducunt tantum Theorematia. Lex autem propriè dicta , est Vox Imperantis , vel prolata , vel scripta , ita ut omnes qui obediunt , sciant vocem ejus esse.

C A P V T X V I .

De Personis & Authoribus.

Persona est *is qui suo vel alieno nomine Res agit*. Si suo , Persona Propria , sive Naturalis est ; si alieno , Persona est ejus , cuius Nomine agit Representativa. Personam Græci vocant *πρέσωμα* , quod significat

cat Faciem hominis Naturalem. Sed à Latinis Persona frequentissimè sumitur pro Facie Fictitiâ , quæ & *Larva* dicitur, quali utebantur in theatris Histriones. A Theatro autem in Forum translata est, etiam sine Larvâ ; adeo ut Persona tum in Theatro , tum in Foro idem significaret quod Actor ; & Personam alicujus gerere aut sustinere diceretur ille, qni Nomine cujuscunque (etsi sine Larvâ) Partes ageret. Atque eo sensu utitur vocabulo *Persona* Cicero ad Atticum , ubi dicit , *Vnus sustineo tres Personas , Mei , Iudicis , & Adversarii.* Itaque Deputati , Procuratores, Prorege s, aliqui qui aliorum negotia faciunt, eorum Personæ sunt Repræsentativæ.

Verba & Facta Repræsentantium , ab iis quos Repræsentant aliquando pro suis agnoscantur ; tunc autem Repræsentans Actor , Repræsentatus Author dicitur, ut cuius autoritate Actor agit. Qui autem in quæstione de Bonis & Possessionibus , Dominus ; in quæstione de Verbis & Actionibus, Author appellatur. Et ut Ius habendi, Dominium, ita Ius agendi, Authoritas dicitur.

Si ergo Actor Paciscatur per Authoritatem sibi datam , Authorum obligat , & Pacti consequentiis omnibus subjicit , tanquam si in Personâ suâ propriâ Pactus esset. Omnia ergo quæ de naturâ Pactorum Capp. 14. & 15. dicta sunt , vera etiam sunt , ubi Pacta fiunt per Personas Repræsentativas , sed secundum Authoritates sibi concessas.

Itaque qui cum Actore Paciscitur , cuius Authoritatem nescit, proprio id facit periculo. Nemo enim Pacto obligatur , cuius ipse non sit Author. Quando ergo aliquis contra Legem Naturæ , Authoritate alienâ facit Actor, non Actor, sed Author Legem violat. Actio quidem contra Legem est , sed non Actoris , sed Authoris Actio est ; quia Legem violasset Actor si non fecisset, cum facere Pactus esset.

Qui cum Actore , Authoritatis illi concessæ incius , verbo ejus credens Paciscitur , nisi Authoritatem Actor rogatus ostendat , non est ulterius obligatus. Pactum enim sine Authoritate invalidum est. Sin qui Pactus sit aliam cautionem non expectabat præter Actoris Verbum, tum cum Paciscebatur, Pactum contra Actorem valet, quia se Authorum fecit. Et sic, ubi Authoritas manifesta est, Author ; ubi ficta est, Actor obligatur.

Paucæ res sunt , quarum non possunt esse Personæ. Quamquam enim Persona sit per Naturam aliquid quod intelligit , id tamen cuius Persona geritur non semper necessariò ita est. Itaque rei Inanimatæ , ut Ecclesiæ , Nosocomii , Pontis Persona geri potest à Rectore vel Curatore aliquo. Authores autem res Inanimatæ esse non possunt ;

verum

verùm Rectores & Curatores qui gerunt Personam rerum Inanimatarum , agent per Authoritatem eorum , quorum est Dominium illarum. Personæ ergo ejusmodi extra Statum Civilem non existunt.

Infantis , & ejus qui mentis compos non est , Persona geri potest per Tutorem ; qui tamen dum Infans mentis impos est , Author non est , nisi per concessionem Civitatis. Authoritas enim Tutoribus & Curatoribus dari non potest nisi Iure Civili.

Idoli , id est meri figmenti , quales erant Dii Gentium , Personæ fuere constitutæ , quæ Bona Mobilia & Immobilia , & Iura tenuerunt Idolis consecrata. Idolum autem , cum sit nihil , nullius rei Author esse potuit. Authoritatem dederunt Civitates.

Etiam Dei veri Persona geritur , & gesta est. Mundum enim in propriâ Personâ creavit. In redimendo genere Humano Personam Dei gessit Iesus Christus. In Electis sanctificandis ejusdem Dei Personam gessit Spiritus Sanctus ; Id quod docemur in Catechismo publico , nempe , *Credere in Deum Patrem qui creavit Me & totum Mundum ; & in Deum Filium qui redemit Me & totum genus Humanum , & in Spiritum Sanctum qui Sanctificavit Me & omnem Electum Populum Dei.*

Etiam plurium hominum fit una Persona , quando repræsentatur ab uno , qui habet à Singulis Authoritatem. Non enim Repræsentati , sed Repræsentantis Unitas est , quæ Personam facit esse Unam ; neque Unitas alio modo in Multitudine intelligi potest.

Quoniam autem Multitudo Naturaliter non Unum aliquod , sed Multi sunt ; non Unus , sed Multi , nempe Singuli , Authores sunt eorum quæ dicit vel facit Actor , qui est Persona ipsos Repræsentans. Unusquisque enim eorum communis Actori suo Authoritatem tribuit suam. Sin Authoritas finita sit quæ tribuitur , Author quisque est illarum solummodo Actionum quæ in Mandatis continentur.

Si Actor , seu Persona non sit Unus homo , sed Coetus hominum , tunc Vox partis Majoris accipienda est pro Voce Personæ. Nam si Pars Minor pronuntiet (exempli causâ) Affirmative , Major Negative , Voces Negativæ abundantes , ut quibus non contradicitur , Personæ , id est , Omnium Vox est ; Nam alioqui (contra Naturam) Persona Muta esset.

Si Persona Repræsentans ex pluribus constet numero paribus , præsertim parvo , continget sæpenumero (Negationibus & Affirmationibus se mutuò extinguentibus) Personam fieri Mutam & proinde inutilē , & Agendi incapacem. Potest tamen fieri ut Voces contradictoriarum , eadēque æquales numero , quæstionem determinent ; ut Leviant.

in Accusationibus , eo ipso Reum absolvunt quod condemnare eum propter voces æquales non possunt ; at contra non absolvere , non est condemnare . Idem contingeret deliberantibus utrum aliquid statim faciendum sit , an in aliud tempus differendum . Eo enim quod præsentem executionem non decernunt , decernunt dilationem .

Porro , si numerus impar sit , ut tres , vel plures ; siquidem vox unius tolleret voces reliquorum contradictoriarum , numerus ille Persona non esset , propter diversitatem opinionum & appetituum in rebus multis & maximi momenti . Muta enim esset & ad Agendum inepta .

Authorum duo sunt genera . Sunt enim alii simpliciter Authores ; de quibus modò dictum est . Alii conditionaliter tantum ; ut qui Pactum præstare in se recipit , si is qui Pactus est , ante constitutum diem non præstiterit . Atque hi , quamquam Fidei habendæ Authores sunt , aliis tamen nominibus pro variis Actionum generibus vocantur , ut Fideiijssores , Sponsores , Prædes , Vades .



D E C I V I T A T E
S I V E
R E P V B L I C A.

C A P V T X V I I .

De Causa, Generatione, & Definitione Civitatis.

Quod homines Libertatis & Dominii per naturam amatores , ex præscripto (ut sit in statu Civili) vivere voluerunt , Finis & Causa fuit cura conservationis suæ Vitæque commodioris , id est , ut è conditione misera Belli omnium contra omnes exirent , quæ conditio Libertati naturali (propter passiones humanas) necessariò tunc adhæret , quando nulla extat potentia visibilis quæ passiones illas terrore pœnarum temporare possit , legesque naturales , & pacta observari faciat . Leges enim naturæ (ut Iustitia , Æquitas &c.) & uno verbo , *Facere aliis quod fieri vellemus nobis* , absque metu Potentiarœ coactivæ , passionibus naturalibus (quales sunt *Ira* , *Superbia* , *Cupiditasque* , *omnis*) contrariae sunt.

Exitum autem è conditione Belli omnium contra omnes Leges & Pacta , per se præstare non possunt . Verba enim sunt , dumque verba tantum sunt , non timentur , ideoque ad securitatem hominum per se sine armis inutilia sunt . Itaque Leges (quas qui observarc , aliis observantibus , conatus est , observavit) quoties potentiarœ cogentis metus abest non obligant , neque impediunt , quin securitatem suam à vi tribus & artibus propriis petere unicuique licitum sit . Idem etiam docent historiarœ veteris Græciæ , ubi cum nulla essent (præter paterna) Imperia , latrocinium mari terraque quæstus non modo licitus , sed etiam (à crudelitate , & ab agri colendi instrumentis abstinentibus) honorificus erat . Quod autem fecerunt tunc Familiarœ parvæ , id nunc faciunt Civitates , id est Familiarœ magnæ , dominia sua securitatis causa , ad omnem periculi vel invasionis hostilis suspicionem augentes ; & tum hostes , tum eos qui hostibus auxiliaturi videntur , quantum possunt vi & astu debellant aut debilitant ; idque , quia aliter securi esse non possunt , justè .

Neque securitatem quam querunt praestare potest paucorum hominum inter se conspiratio, quia in parvis numeris parva Sociorum accessio ad certam sufficit victoriam, animosque addit aggressoribus. Multitudo autem quae securitatis suae spem praestare potest, numero non certo, sed cum viribus hostium comparato determinatur, ut major sit quam ut excessus tanti ei tam conspicui momenti ad Bellum finiendum sit, ut hostis ad aggrediendum provocetur.

Sit autem multitudo quantacunque, si tamen actiones eorum Iudiciis & Arbitriis multorum gubernentur, nullam inde expectare possunt securitatem, neque contra communem hostem, neque contra injurias alter alterius. Dissidentes enim inter se de Virium usu non sibi mutuo auxiliaturi sunt, sed oppositis consiliis vires ad nihilum reducturi. Vnde non modo a communi hoste facile superantur, sed etiam de commodis propriis inter se Bello certaturi sunt. Siquidem enim hominum numerus magnus, sine Potentia communis quae posset omnes cogere, in Aequitatem ceteraque Leges Naturae observandas consentire supponeretur, idem etiam de toto genere humano supponendum esset, itaque Regimine Civili omnino opus non esset, victuris scilicet hominibus in Pace, & sine Dominis.

Neque ad securitatem (quam perpetuam esse volunt) sufficit, ut gubernentur pro certo tantum & determinato tempore, ut in uno prælio, vel Bello uno. Etsi enim (per conatum unanimem) hostem vincant, postea tamen, si communem hostem non habeant, vel si alii hostem, alii amicum, eundem putent, Societas necessariò dissolvetur, & propter voluntatum differentias, inter seipso Bellum renovabitur.

Sed sunt, inquiet aliquis, Animalia quædam bruta, ut Apes, & Formicæ quæ pacificè in eodem Alveari, & in eadem Formicaria inter se vivunt, habenturque ab Aristotele pro Animalibus Politicis, regunturque suo unumquodque Iudicio & Apperitu, idque sine usu Sermonis quo significare alius alii possit, quid ad utilitatem communem conducere, vel non conducere existimant. Quid ergo impedit quo minus homines idem faciant? Ad hoc respondeo.

Primo, Quod Homines inter se de Honoribus & Dignitate perpetuò contendunt; sed Animalia illa non item. Itaque inter homines Invidia, Odium, Bellum, propter eam (inter alias) causam sæpe nascitur; inter illa rarissime.

Secundo, Inter Animalia illa bonum Publicum & Privatum idem est. Ergo ad bonum Privatum dum naturaliter feruntur, simili procurant Bonum Commune. Homini autem in bonis propriis nihil tam jucundum est, quam quod alienis sunt majora.

Tertio,

Tertio , Animalia illa, quia carent Ratione, in rerum suarum communium administratione nihil vident , aut videre sibi videntur , quod culpent ; inter homines autem permulti sunt , qui se cæteris sapientes , & regendæ Civitatis capaciores esse putant , quique dum suo quisque modo reformatre volunt , dissident inter se & Belli causa sunt.

Quarto , Animalia illa (etsi ad cupiditates suas significandas inter se vocis usum habeant quanto egent) verborum tamen arte illa carent , qua Homines alii aliis videri faciunt Bonum Malum , & Malum Bonum ; Magnum Parvum ; & Parvum Magnum ; & alter alterius actiones ita reprehendit , ut inde turbæ oriантur.

Quintò , Animalia bruta inter *Injuriam* & *Damnum* non distinguunt . Itaque quamdiu bene sibi est , cæteris non ivident . Homo autem tunc maximè molestus est , quando otio opibusque maximè abundat . Tunc enim sapientiam suam in Regentium actionibus reprehendendis ostentare amat .

Postremò , Animalium illorum consensio à Natura est ; consensio autem hominum à pactis est , & Artificiale . Mirum ergo non est , si ad firmatatem & durationem ejus , aliud præter pactum requiratur ; nempe Potentia communis quam singuli metuant , & quæ omnium actiones ad bonum commune ordinet .

Communem autem Potentiam constituendi , quæ homines tum ab invasione exterorum , tum ab injuriis mutuis tueri possit , ita ut propriæ industriae & telluris fructu contenti vivant & alantur , unica via hæc est , ut Potentiam & Viam suam omnem in hominem vel hominum Coetum unum unusquisque transferat , unde voluntates omnium ad unicam reducantur , id est , ut unus homo vel cœtus unus Personam gerat uniuscujusque hominis singularis ; utque unusquisque authorem se esse fateatur actionum omnium quas egerit Persona illa , ejusque voluntati & judicio voluntatem suam submittat . Est autem hoc aliquid amplius quam consensio aut concordia . Est enim in Personam unam vera omnium Unio ; quod fit per pactum uniuscujusque cum unoquoque ; tanquam si unicuique unusquisque diceret , *Ego huic homini (vel huic cœtui) Authoritatem & Ius meum regendi meipsum concedo , ea conditione , ut tu quoque tuam Authoritatem & Ius tuum tui regendi in eundem transferas* . Quo facto , Multitudo illa una Persona est , & vocatur *Civitas & Respublica* . Atque hæc est Generatio magni illius Leviathan , vel (ut dignius loquar) *Mortalis Dei* ; cui Pacem & Protectionem sub Deo Immortali debemus omnem . Authoritate enim tanta ab omnibus & singulis collata , tantam Potentiam

& tantarum Virium usum habet, ut terrore earum voluntates omnium ad Pacem inter se, & ad conjunctionem contra hostes conformare possit. In quo consistit essentia Civitatis, quæ sic Definitur. *Civitas Persona una est, cuius Actionum, homines magno numero, per Pacta mutua uniuscujusque cum unoquoque fecerunt se Authores; eo fine, ut Potentia omnium arbitrio suo ad Pacem & Communem Defensionem uteretur.* Is autem qui Civitatis Personam gerit, Summam habere dicatur Poteſtatem. Cæteri omnes Subditi & Cives appellatur. Poteſtas autem summa duobus modis habetur, quarum una est Vis, ut cum Pater Filios suos sibi obedire cogit; vitam enim illis, non alendo, auferre potest. Vel ut, qui victis hostibus ea conditione vitam condonat, ut imperata faciant. Alter modus est, quando homines sponte summam Poteſtatem in unum hominem vel cœtum, spe Protectionis conferunt. Atque hæc Civitatis Institutio; illa Civitatis Acquisitio est. Dicam autem primò de Civitate Instituta.

C A P V T X V I I I .

De Iure habentium Poteſtatem Summam in Civitate per Institutionem.

Inſtituitur Civitas, quando homines sponte sua convenientes singuli cum singulis paciscuntur, ut cuicunque homini vel cœtui pars major suffragiis suis Personam omnium gerendi Ius contribuit, illi omnes obedirent. Obligatur ergo unusquisque eorum, sive suffragium suum in illum contulerit, sive non contulerit, illi quem major pars elegerit obedire, & pro Authorे actionum illius omnium habendus est. Nam nisi in parte suffragiorum majore intelligantur comprehensa suffragia omnium, frustra conventum est, & contra finem ab unoquoque sibi propositum, nempe Pacem & Protectionem omnium.

A forma Institutionis, tum Poteſtas omnis, & Iura omnia summam habentis Poteſtatem, tum Civium omnium officia derivantur.

Primò, ex eo quod Pacti sunt, intelligitur, Quod nullis Pactis prioribus obligati erant ad id quod Pacto præſenti contrarium est. Itaque qui Civitatis alicujus jam Cives sunt, Pactum novum inire non possunt quo Personam suam in aliud transferre, vel cuiquam alii (non permittente qui Summam habet Poteſtatem) in re quacunque obedire obligetur; &, per conſequens, qui sub Monarcha Cives sunt,

sunt , neque Monarchiam rejicere , neque ad Libertatem naturæ relabi , si noluerit qui habet Summam Potestatem , vel quilibet alius Civium , Iure possunt . Violarent enim Pactum initum cum singulis ; & Potestatem Summam Iure jam habenti datam , contra Ius eriperent . Præterea si qui eam eripere conaretur , imperfectus aut quoque suppicio affectus fuerit , supplicii proprii Author esset ; & quia Injustum est , quod facientis ipsius Authoritate punire potest , eo quoque nomine Injustum . Quod autem Cives quidam contumaciæ Pactum prætenderunt novum , non cum hominibus , sed cum Deo initum , id quoque Injustum erat . Pactum enim cum Deo iniri non potest , nisi mediante aliquo , qui Deum representat ; id quod solus facit is , qui Summam sub Deo habet Potestatem . Sed pretensio illa Pacti cum Deo , manifestum mendacium erat , neque Injustum tantum , sed vilissimum factum esse , cognoverunt ipsi prætendentes .

Secundò , Summa Potestas propter malam Reipublicæ administrationem , habenti tolli non potest ; primò quia cum totius Civitatis Personam gerat , quæ ut Actor facit ille , ut Author facit Civitas . Quis autem est , qui Civitatem ream faciet ? Deinde is in quem confertur Potestas Summa , cum nemine paciscitur conferentium ; & proinde nemini eorum Injuriam potest facere propter quam Potestate sua privaretur . Aut enim Pactus est cum tota multitudine quasi cum una Persona , quod non potuit fieri antequam eligeretur , quia multitudo illa una Persona nondum erat ; aut cum singulis seorsim , & sic simul atque electus est , unusquisque malæ administrationis , cuius reum faciunt illum Author ipse est , & accusat seipsum . Velle ergo Pactis illum obligare qui Summam habet Potestatum , est ipsam Civitatem obligare velle . Verùm si concedamus , illum qui Summam habet Potestatem , Pacta cum Civitate & inire & violare posse , is autem cum violaverit violasse negaverit , quis litem hanc determinabit ? Nisi autem determinetur , redditur ad Anarchiam , nec Civitas amplius est . Si determinetur à Civitate , ab ipso determinatur , qui Personam Civitatis gerit , id est à Potestatem Summam jam habente . Quem qui Pactis obligari existimant , eo videntur decepti esse , quod non distinguant inter *obligationes* quæ fiunt per Verba , & *ligationes* quæ fiunt per capistra ; nec cogitant verba per se infirma esse . Postquam autem Summa Potestas constituta & armata est , tum demum vi tantæ Potestatis etiam verba capistra fiunt . Partim etiam eo decepti sunt , quod multitudinem hominum in unum locum convenientium , etiam antequam de Summa Potestate consenserint , non modo Personas , sed Personam esse , & seorsim à singularibus Loqui &

Agere

Agere imaginati sint. Quando vero in cœtu Populari Potestas Summa collocata est, Paetum tale intervenisse nemo dicit. Quis enim adeo hebes est, ut Populum (exempli causa) Romanum, qui Imperium Romæ Summum habuit quondam, Summam illam Potestatem tenuisse per Paetum cum Romanis, & proinde Populum Romanum à Romanis (nisi bene regnasset) deponi potuisse dicat? Quod autem in Monarchia, & Statu Populari quæstionem hanc eandem esse non omnes videant, causa est ipsorum Ambitio, Coetui potius quam uni homini faventium; quia sub uno homine Vulgus sunt, sed sub cœtu Regnantis pars sunt.

Tertiò, Si consensu partis majoris Summa Potestas semel constituta sit, nemini eorum cui factum displicet, suffragii sui in contrarium testes poscere, vel memoriam rei extare, postulare licitum est. Postulatio enim talis factum mutare volentis est, & per consequens; paci factæ renuntiantis, & Bellum contra ceteros denuntiantis, & in conditionem Naturæ, quam fugiebat (contra finem, quem habuit quando cum ceteris in conventum venit) redeuntis.

Quartò, Quoniam per Institutionem ipsam, omnium Actionum illius in quem Summam contulerunt Potestatem, Author est conferentium unusquisque; manifestum est, Quod ab habente Summam Potestatem nemini conferentium fieri posse Injuriam. Nam factum Authoris, id est uniuscujusque est quicquid ille fecerit. Sibi ipsi autem Injuriam facere nemo potest. Quin is qui Summam habet Potestatem facere iniquè possit, non negaverim. Iniquum enim quod contra Legem Naturæ, Inustum quod contra Legem Civilem factum est, appellatur. Nam Iustum aut Inustum ante Civitatem constitutam nihil erat.

Quintò, non potest qui Summam habet Potestatem à Civibus occidi, aut quomodounque Iure puniri. Nam qui Injuriam facere non potest, ne Reus quidem fieri, multo minus condemnari potest. Quicquid enim fecit, facti Author est Civium unusquisque.

Sextò, Quia Civitatis instituendæ finis Pax est & Defensio; & quicunque in finem Ius habet, Ius etiam in media habet, sequitur, ut cuicunque sive Homini, sive Coetui tribuitur Potestas Summa eidem etiam de mediis ad Pacem & Defensionem Iudicatio tributa sit, & ut tum in ipso periculo, tum (præventionis causa) ante periculum, judicet, quid factu necessarium sit, tum ad Pacem Civium inter se, & securitatem contra hostes conservandam, tum ad damna Civitatis resarcienda.

Septimò, Summæ Potestati adhærent, quæ ad conservationem vel viola-

violationem Pacis tendunt decernere , & quando , quatenus , quibus apud multitudinem concionari permittendum sit , & qui libri publicandi , & à quibus examinandi sint . Actiones enim ab Opinionibus ortum habent : In harum ergo regulatione consistit regulatio Ci- vium , unde oritur Pax & Concordia . Quanquam autem Doctrinorum , veritas sola scopus sit , Paci tamen , si veræ sunt , non repugnant . Doctrinæ enim Paci contrariæ veræ esse non possunt , nisi etiam Pax & Concordia contrariæ dicantur Legibus naturalibus . In Civitatibus quidem , Rectorum Doctorumque negligentiâ aut imperitiâ , errores progressu temporis universaliter pro veris recipi , & veritates dis- plere possunt , veritatis tamen novæ utcunque subita apparitio , etsi soplitus Bellum aliquando excitare possit , Pacem tamen nunquam violat . Qui enim adeo remissè regnatur ut Opinionis novæ introducendæ causa , capere arma audeat , etiam tunc animum rebellandi ha- buit . Quod autem non aggressus sit , à metu est , viventis nempe quasi in procinctu prælii . Ad Summam ergo Potestatem attinet Op- nionum & Doctrinarum omnium Iudicatio , ut quæ discordiarum Bel- lique Civilis sœpissimè causa & origo esse solet .

Octavò , ejusdem Summæ Potestatis Ius est , Regulas præscribere , quibus , quid sit suum unusquisque sciat & fruatur , sine molestia à con- civibus ; & quid Agere licetè possit , & quid licetè non possit ; id est regulas præscribere circa rerum Proprietatem . Nam ante Summam Potestatem constitutam Ius erat omnibus in omnia , quod erat causa Belli . Regulæ ergo quibus definitur *Meum* , & *Tuum* ; & in Actioni- nibus *Bonum* , *Malum* , *Licium* , *Illicitum* , à quibus dependet Pax Ci- vium , ab habente Potestatem Summam præscribendæ sunt . Vocan- tur autem Regulæ illæ *Leges Civiles* , sive Civitatis illius Leges cuius Civibus præscribuntur , quanquam nomen illud *Lex Civilis* restrin- gatur hodie ad significandum Leges Romanas antiquas , quia Civita- tis Romanæ propter Imperium Romanum latè expansum nos etiam olim pars fuimus .

Nonò , Summæ Potestatis etiam est , Ius *Indicandi* , id est causas omnes , tum Iuris tum Facti cognoscendi , & controversias omnes de- cidendi . Nam alioqui Civibus ab Injuriis mutuis protectio nulla esset , & Leges de *Meo* & *Tuo* frustra essent , manerentque homines in conditione Belli omnium contra omnes .

Decimò , Ejusdem Summæ Potestatis est cum aliis Civitatibus Bel- lum & Pacem facere suo arbitrio , id est Iudicare utrum Bono an Malo Civitatis Bellum futurum sit necne , quantæque copiæ compa- randæ , & quomodo à Civibus alendæ sint . Civium enim tutela ab

Leviat.

n n n

exerci-

exercitibus dependet , exercituum robur à Civitatis Vnitate , Civitatis Vnitas ab unica Summam habentis Potestatem Persona. Etiam Militiae Ius (etiam solum) Summa est Potestas; quia Ius in milites est, Ius in Potentiam totius Civitatis.

Vndecimò , Ejusdem potestatis est *Consiliarios* , *Magistratus* , Ministrosque omnes tam Pacis quam Belli eligendi Ius. Cui enim Pacis & Defensionis procurandæ imponitur onus , eidem Ius conceditur Mediis quibus se exoneret pro arbitrio suo utendi.

Duodecimò , Ejusdem Potestatis Ius est *Præmia* , ut Divitias Honoresque bene merentibus tribuendi , & transgressoribus Pœnas Legibus præfinitas infligendi. Vel si poena Lege statuta non sit, faciendi Leges pœnales quæ sibi ad excitandos & terrendos improbos videbuntur *commodissimæ*.

Postremò , si cogitemus quanti unusquisque se æstimet , quantumque ab aliis sibi honoris deferri cupit , quibus ipse tantundem tribuere indignum putat , unde Simulcates , Factiones , & Bellum denique nasci solet , fatebimur ad Civitatis dissolutionem tendere etiam controversias de Honore & Ordine Civium , & Potestatis Summæ coërcione indigere. Necessariæ ergo sunt Leges quibus quis cuique Honor tribuendus sit , in congressibus & alloquiis definiatur. Itaque conferendi Titulos , Ordinesque Civium distinguendi , ejusdem Summæ Potestatis Ius est. Atque hæc sunt *Iura* Summam habentis Potestatem principalia , ut ampliter hic demonstratum est , & brevius demonstrari potuit unico hoc argumento. Iura enim hæc omnia quin Civitatis sint negabit nemo ; Civitas autem nisi per Personam suam (nempe eum qui Summam habet Potestatem) neque Loqui neque Agere potest. Sunt ergo Iura hæc omnia illius , qui in Civitate Summam habet Potestatem, sive is Homo sit , sive Cœtus hominum. Sunt autem & alia Iura ejusdem , sed minora , & in diversis Civitatibus diversa , quibus tamen amissis Cives protegendi potentia non amittitur , & quæ transferri possunt ad Cives privatos. Sed illa quæ enumeravimus Iura majora transferri non possunt. Iure enim Militiae amissio , Ius Iudicandi propter defectum Potentiae frustra erit. Iure exigendi pecuniam amissio , milites nulli erunt. Iure Regulandi doctrinas amissio , animabuntur Cives superstitionis ad rebellionem à suis ipsorum Phantasis. Summatim , si Iurium dictorum quodlibet unum desit , cætera cessabunt omnia , fietque divisio de qua Christus ipse loquens dixit , *Regnum divisum in seipso stare non potest*. Nisi enim Iurium horum divisio antecedat , divisio populi in exercitus oppositos nulla erit. Opinio docentium Iura Regni Anglicani divisa esse inter Regem ,

Regem , Proceres , & Cœtum Communium , causa fuit Belli quod sequutum est Civilis ; etiam disputationes de quæstionibus Politicis & Theologicis , quibus tamen populus ita nunc de Iure Regio eruditus est , ut in Anglia pauci (puto) nunc sint qui Iura prædicta inseparabilia esse non videant ; & publice agnitiuri sint simul atque redierit Pax , & quamdiu calamitatem præteritarum meminerint ; sed non diutiū , nisi melius erudiatur populus .

Quoniam autem Iura hæc Summæ Potestati essentialia & inseparabilia sunt , sequitur , ut quibuscunque Verbis separari & aliis concedi videantur , nisi Potestati Summæ simul & expressis verbis renuntiatum sit , concessionem nullam ; esse , sed concessa omnia , Summæ Potestate , id est Personâ Civitatis retentâ , inseparabiliter redire .

Cum ergo Authoritas hæc ingens indivisibilis sit , & habenti Summam Potestatem inseparabiliter adhæreat , quis color inveniri potest opinioni , qui dicunt de Regibus Civitatis Personam gerentibus , quod esti Singulis majores , Universis tamen minores sunt ? Nam si per universos intelligunt Civitatis Personam , ipsum intelligunt Regem . Itaque Rex seipso minor erit ; quod est Absurdum . Si per universos Multitudinem intelligunt solutam , singulos intelligunt . Itaque Rex , qui major singulis est , major quoque erit universis ; quod iterum est absurdum . In Civitate autem ubi Summa Potestas est in Cœtu Populari , absurdum hæc esse satis vident ; in Monarchia non vident , quanquam Potestas Summa ubicunque collocatur eadem est .

Sicut autem Potestas Summa , Civis cujuscunque Potestate major est , ita & Honor ipsi debitus Honore , qui debetur cuicunque & quotunque Civibus major est . Qui Potestatem habet Summam , Honorum & Dignitatum omnium fons est ; & sicut coram Domino familiæ servi filiique omnes inter se æquales , & sine Honore sunt ; ita & Cives coram eo qui gerit Personam Civitatis omnes inter se æquales sunt , quanquam extra præsentiam illius alii aliis magis splendeant ; nam coram illo non amplius splendent quam stellæ præsente Sole .

Dicit fortasse aliquis conditionem Civium esse miseram , ut qui libidini & passionibus Regentium sunt obnoxii . Id autem qui sub Monarchiam vivunt , Monarchiæ ; qui sub Cœtum plurium vivunt , illi regiminis Formæ imputare solent ; quanquam in omni Forma quæ protegere eos possit , potestas æqualis sit . Non enim cogitant quod res humanæ sine incommmodo esse non possunt ; nec quod incommoda quæ in qualibet Civitatis Forma accidere possunt maxima , præ Belli calamitatibus , & quæ in conditione hominum naturali , sine Domino , sine Lege , ex rapto viventium contingunt , vix sensibilia sunt ; nec

denique quod gravissima onera , quæ ab habente Potestatem Summam imponuntur , non ab eo , quod illos aut pauperes , aut debiles fieri cupiat proficiscuntur , quibus divites & fortes eos esse Regentium commodo maximè expedit , sed ab ipsorum Civium tenacitate , ea contribuere quæ ad Pacem & Defensionem suam necessaria sunt , recusantium. Inde autem Regentibus plerumque nascitur , dum Pax est , Pecuniam exigendi quantam possunt , necessitas , ut quæ opus sunt ad Bellum , parata habeant. Sed Civibus data sunt à Natura quasi vitra , quæ Objecta majora , quam sunt , videri faciunt , per quæ si Tributum videant quantulumcunque , magnam putant esse oppressionem. Telescopiis carent , nempe Scientiis , quibus à longinquo prospicere possent miserias illas impendentes , quæ sine pecuniariis contributionibus sunt inevitabiles.

C A P V T X I X .

De Generibus Civitatum per Institutionem , & de Successione ad Summam Potestatem.

Distinctio Civitatum à distinctione oritur Personæ Summam habentis Potestatem. Quoniam ergo Summa Potestas Vnius hominis est vel plurium , & siquidem plurium , aut omnium (ita , ut in Curiam conveniendi unicuique Ius sit) aut certorum hominum à cæteris distinctorum. Tria tantum esse possunt Civitatum genera , nempe Monarchia , ubi Summa Potestas in uno homine est ; Democratia , ubi Summa Potestas in Coetu hominum est (in quem Coetum quilibet Civis admittitur) & Aristocracia , ubi Summa Potestas in Coetu Civium est , qui Optimates dicuntur. Alia Civitatis species nulla est ; cum necessarium sit ut Summam Potestatem habeat vel unus homo , vel plures , vel omnes.

Alia quidem Civitatum in Historiis librisque Politicorum occurserunt nomina , ut Tyrannis , & Oligarchia , sed non sunt propria ; significant enim Affectum , non Conceptum ejus , qui illis utitur. Nam qui Monarchæ irati sunt Tyrannum appellant ; qui Optimates oderunt , statim eorum Oligarchiam dicunt , & qui Demagogos non amant statim Democraticum Anarchiam vocant ; nec tamen inde sequitur speciem aliquam Regiminis esse Anarchiam.

Quod multitudo , antequam in Vnam Civitatem coaluerint , potuit , si voluisse , Potestatem Summam in Vnum hominem , non minore

nore Iure quam in Cœtum contulisse , id est Monarchæ se subjecisse non minus absoluta quam Cœtu manifestum est. Vbi ergo Monarchia semel Instituta est , alia Persona ad multitudinem repræsentandam Iure eligi non potest , nisi ad certa & à Monarcha definita Negotia , neque hoc Monarchæ Injussu. Alioqui enim Summam Potestatem haberent duæ simul aut plures Personæ in eadem Civitate , quæ inde in conditionem Belli omnium contra omnes reduceretur , contra finem Institutionis. Sicut autem in Cœtu populi Summam habente Potestatem , qui Cives sibi subditos , per homines deputatos convenire juberet , ad negotia à Cœtu definita , puta ad consilium in rebus arduis impertiendum , vel ad documenta tollenda , Insanus habetur , qui homines ita convocatos Summam Potestatem habere , & totius Civitatis multitudinem representare & Personam Civitatis gerere arbitraretur ; ita etiam insanus haberi debet si de iisdem negotiis in Monarchia , Monarchæ iussu convenerint , convenientes putaret gerere Personam Civitatis. Atque hoc ita manifestum est , ut mirum sit non animadversum esse ab iis , qui Regem suum post sexcentorum annorum successionem , sine contradictione legitimum , quem & Regem agnoverunt & cui Majestatem attribuerunt , non tamen ut Civitatis Personam consideraverunt , sibimet ipsis totius Civitatis Anglicæ Repræsentationem assumentes. Moneantur hinc qui Summam habent in quocunque Civitatis genere Potestatem , Cives suos Officii tanti Iura edocere , sed eadem Iura ipsis prius doceri , si Potestatem Summam retinere cupiant.

Differentia inter tria hæc Civitatum genera non consistit in diversitate Potestatis , sed in diversitate aptitudinis Civium ad finem suum , nempe Pacem & Defensionem. In comparatione autem Monarchiæ cum duabus reliquis , notandum est , eum qui Personam Civitatis gerit , vel , si Cœtus sit , quemlibet ex Cœtu Personam naturalem esse ; & quanquam in Persona sua Politica , Civitati studeat , non tamen ideo ad rem familiarem suam , & cognatorum , & amicorum minus respicere ; & sèpissimè si contingat Bonum Publicum cum Privato non congruere , Privatum Publico anteferre. Nam Passiones hominum Ratione plerumque fortiores sunt. Quando ergo Bonum Publicum & Privatum arctissimè uniuntur , tunc maximè procuratur Bonum Publicum. In Monarchia autem Bonum Publicum & Privatum idem est. Regis enim Divitiae , Potentia , & Honor à viribus & existimatione Civium profiscuntur. Nam Rex cuius Subditi Pauperes , debiles aut viles sunt , neque Dives , neque Magnus , neque securus esse potest. In Democracia autem Bonum Publicum minus aliquando

hominis improbi , avari , vel ambitiosi Bono Privato expedite , quam Consilium perfidum , actio proditoria , vel Bellum Civile.

Secundò , Monarcha quem , quando , ubi vult consultit. Itaque eorum qui in re de qua deliberat versatissimi sunt , qualiscunque sint ordinis , sine fuso oratorio , ante exequendi tempus , quantum vult , & secretò consilia audire potest. Cœtus autem ubi consilio opus est , consiliarios nullos extra corpus suum habere potest , quorum maxima pars rerum civilium imperiti sunt ; cæteri cum Oratores sint orationibus aut fusosis aut ineptè doctis sententias dicentes , Civitatem aut turbant , aut nihil juvant. Neque omnino Cœtui hominum Consilii quod tacitum esse expedite capiendi , propter multitudinem tempus aut locus est.

Tertiò , Monarcharum decreta inconstantiam nullam habent præster eam , quæ naturam sequitur humanam ; sed in Cœtibus accedit inconstantia alia ab ipso numero hominum. Nam paucis eorum , qui decretum fecerant absentibus , quod decretum est hodie , cras rescinditur.

Quartò , Monarcha à seipso (invidia aut avaritia) dissentire nequit. Cœtus autem dissensionem in seipso habere potest , eamque tantam , ut producat Bellum Civile.

Quinto , In Monarchia Incommode quidem est , ut possit Monarcha ad ditandum amicum aliquem , fortunis omnibus Bonum Ci-vem (quod tamen nunquam factum legimus) spoliare. Sed idem contingit non raro ubi Summa Potestas in Cœtu est. Eadem enim est utробique Potentia , utrique errare possunt ; nec minus facile decipi potest Cœtus à Rhetoribus & Oratoribus blandis quam Monarcha à blanditiis Aulicorum , sed facilius ; nam in Cœtu alter alterius Avaritiae & Ambitioni vicissim inservit. Sunt autem Monarchæ , ut unius hominis cognati & amici quos ditare velit pauci. Qui vero gratia apud Cœtum valent , propter necessitudinem Factiois cognati & amici multi sunt. Is cui Monarcha favet amicis æquè prodesse ; & inimicis obesse potest ; at Oratores , id est quibus favet Cœtus , Potestatis nocendi plusquam satis , juvandi parum habent. Accusatio enim (ut est natura hominum) minore Eloquentia indiget quam Defensio , majoremque habet cum Iustitia similitudinem Condemnatio quam Absolutio.

In Monarchia incommode est , quod Summa Potestas descendere ad Infantem potest , vel ad virum qui inter Bonum & Malum discernere nesciat , unde Potestatis usus in alio erit , puta Curatore aut Protectore. Sed incommode in eo consistit , quod propter tan-tam

tam dignitatem , & Officium tam lucrosum , nascetur inter Potentiores Cives Competitio , & ex Competitione Bellum. Verum quod incommodum hoc non à forma Regiminis Monarchici oritur , arguento est , quod Monarcha præcedens tutelam successuri Infantis quis habiturus sit declaravit , idque vel expresse per Testamentum ; vel tacite , nempe consuetudini circa quæstiones similes non contradicendo ; tunc autem si competitio , vel Bellum subsequatur , forma regiminis Monarchici culpa non est , sed Injustorum & Ambitiosorum Civium. Etsi autem Monarcha præcedens Tutelam nemini commiserit , incommodo tamen huic satis provisum est à Iure naturali , Nimirum ut Tutela illi committatur cuius per naturam maximè intereat , Infantis Iura & personam conservari , & cui minimum à morte vel à diminutione ejus accessurum est emolumentum. Cum enim omnes Bonum sibi quærant , si Tutela Infantis homini committeretur qui se per illius mortem promovere posset , Tutela non esset , sed Proditio , tamquam si quis Tutelam agni committeret impranso lupo. Itaque cum provisum sit ne contentionis de Infantis Tutela causa iusta esse possit , non est , si Pax turbetur , formæ regiminis Monarchici , sed Ambitiosis & Injustis Civibus officia sua ignorantibus attribuendum. Contra autem Civitas magna in qua Summam Potestatem habet Coetus , vix ulla est quæ curatore tanquam Infans aliquando non indigeat , nam ut Infans à consilio curatoris dissentire propter inscitiam non potest ; ita Coeti à sententia majoris partis dissentire non est liberum. Et ut Infantibus dantur Tutores ; ita Coetibus in rebus arduis Dilettatores , Custodes Libertatis , Protectores dari insolitus non est ; quorum regimen pro tempore est Monarchicum ; & à quibus sæpius Coetibus sublata est Potestas Summa quam Monarchiæ Infantibus à Curatoribus suis.

Quanquam Civitatum genera (ut dixi) tria tantum sint , Monarchia , Democratia , & Aristocracia ; considerantibus tamen Civitates singulares quæ nunc sunt , & quæ per terrarum orbem olim fuere , plura fortasse videbuntur. Exempli causa , Regnum quod vocatur Electivum , ubi Summam Potestatem pro certo aliquo tempore habet Rex. Vel qui Potestatem Summam hæreditariam quidem habet , à Civibus autem limitatam ; Quæ formæ regiminis à plerisque Monarchiæ appellantur. Item Civitas Democraticè vel Aristocraticè gubernata , si Civitatem aliam Bello vi etiam sibi obedire cogat , & per Præfectum aliumvè Ministrum regat , videri forte potest (propter Coetum Regentem) regimen Democraticum vel Aristocraticum esse. Sed non est ita. Neque enim Reges temporarii , neque Reges quibus Potestas

Potestas circumscripta est , Summi sunt , sed Summorum Ministri. Neque Provincia quæ Demo aut Optimatibus subiecta est , regitur à Civitate dominante , Democraticè aut Aristocraticè , sed Monarchicè.

Primò autem Rex cuius Potestas cum vitâ terminatur , quales non nulli hodie sunt in orbe Christiano ; aut is qui Summam quidem habet Potestatem , sed post tempus certum , vel ad alicujus alterius voluntatem deponendam , qualis erat quondam Romæ Dictator , si Successoris eligendi Potestatem habeat , non est amplius Monarcha temporarius , sed imperium habet sibi & hæredibus suis. Sin Potestate illa careat , alter habet vel Homo vel Cœtus , qui post illius obitum Regem novum eligere potest. Sed is qui hoc potest Summam Potestatem antè habuit. Dare enim alteri quod ipse non habet nemo potest. Quod si Successionem dare potest alius nemo , is qui Potestatem ante habuit retinere , & Successorem suum eligere potest , immo debet , ne contra Legem naturæ Cives fidei suæ commissos deferta Potestate Summa in conditionem naturæ relabentes perire patiatur.

Secundò , Rex Electus ad Potestatem præscriptam , præscribente (sive is Homo sive Cœtus) minor est , & proinde non est Summus. Potestatem ergo Summam habenti Ius Successoris eligendi semper hæret. Regininis autem ejus forma non propriè Monarchia , sed vel Democratia vel Aristocratisa est.

Populus Romanus viçtam Pompejo duce Iudæam rexit. Regininis ergo Iudæorum forma sub populo Romano quo nomine appellabitur ? Democratia non erat , neque Aristocratisa , quia non regebatur à Cœtu hominum Iudæorum. Quid ergo , an Monarchia erat cum Summa Potestas non in homine uno , sed in Cœtu Romano resideret ? Quidni ? Populi Romani quanquam Summa Potestas in Cives Romanos Aristocratisa erat vel Democratia , in Iudæos tamen Monarchia erat. Tamenim Civitatis unius in Civitates plures , quam unius hominis in plures homines imperium Monarchia est.

Quæcunque Civitatis Forma est , Materia (id est homines) Mortalis est. Nam homines tum singuli tum Cœtus integri morti subjecti sunt. Itaque quemadmodum ad Civitatis constitutionem necessarius erat Artificialis homo , ita etiam ad conservationem Civitatis necessaria erat Artificialis vita , sine qua post ætatem unam , moriente Monarcha Civitas omnis interiret. Vita autem hæc Artificialis ea est , quam vocant Ius Successionis.

Perfecta Civitatis Forma esse non potest , ubi Successorem eligendi Ius

Ius non sit in Antecessore. Nam si in illo non est, in subdito est; ideoque ab eo qui Summam habet Potestatem assumi sibi potest. Illius ergo aut nullius est; & sic Civitas dissolvitur contra instituentium intentionem.

In Democratis Cœtus totus deficere nisi deficientibus Civibus non potest. Quæstiones igitur de Iure Successionis ad Democratiam non pertinent.

In Aristocratiis autem si quis ex Cœtu Summo moriatur, alterum in illius locum à Cœtu ipso, vel ipsius Authoritate, substitendum esse (propter eam quam haber Potestatem Summam) manifestum est.

Difficultas de Iure Successionis maxima in Monarchiis est. Circa quam duæ quæstiones esse possunt, altera an Monarchæ præsenti Ius sit quem vult eligendi; altera quis sit quem vult. Ad primam autem considerandum est, aut Ius illud Monarchæ præsentis esse, vel multitudinis solutæ. Si Monarchæ sit præsentis, moriente illo Civitas dissolvitur, quia nullus est qui Ius illud postulare sibi potest homo singularis; multitudo autem neque agere quicquam aut loqui potest, ut quæ Persona amplius non est. Redeunt ergo omnia ad conditionem belli, & per consequens Successoris constitutionem ad Monarcham præsentem pertinere ex ipsa Civitatis Institutione manifestum est. Quæstio autem quis ille sit, quem Monarcha Successorem, sive Hæredem sibi esse voluit, aut per ipsius Testamentum, aut per alia signa idonea judicandum est.

Per Testamentum, si viva voce Successorem declaraverit, ut fecerunt Imperatores Romanorum primi Hæredibus nominatis. Vox enim *Hæres* non semper filium aut cognatum significat, sed quemcunque quisque Potestatis suæ Successorem esse velit. Si ergo Monarcha Successorem suum dissertè nominaverit, Summa Potestas simul atque mortuus est Antecessor, in nominato est.

Vbi vero Testamentum & verba aperta desunt, ibi voluntatis ejus alia signa naturalia observanda sunt. Quorum signorum unum est Consuetudo loci. Vbi ergo succedere consuevit is, qui genere est proximus, illius est Potestas Summa, Antecessore mortuo; quia si alium succedere sibi voluisset, facile illum vivens nominare potuisset. Eadem autem regula est, sive proximitas illa Maris fuerit sive Foeminae. Consuetudo enim quæ Principis verbo tolli facile potuit, nec tollitur, signum est sublatam esse Nolentis.

Vbi vero neque Testamentum neque Consuetudo anteivit, ibi intelligendum est, Primò, Regimen manere Monarchicum, quia formam

mam illam regnando commendaverat , neque verbo improbaverat . Secundò , liberos suos , potius quam alios ad tantam dignitatem promovere . voluisse ; & ex liberis Marem quam Fœminam , ut per naturam ad sustinenda pericula aptiorem . Tertiò , si prole careat , fratrem quam alium , atque ita semper propinquiores quam remotiores . Præsumitur enim sanguine propinquiores , amore quoque , cæteris paribus , potiorem esse .

Verum si Monarchæ per Testamentum aut Contractum , Successorem constituere quem velit liceat , magnum inde videtur oriri posse Civitati incommodum . Nam Potestatem Summam in hominem alienigenam transferre poterit ; id quod (quia alienigenæ neque eidem forte regiminis formæ assueti sunt , neque eodem utentes sermone se mutuo contemptui aut odio habent) in Civitatis oppressionem tendere verisimile est . Sed incommodum hoc non ab eo nascitur , quod Summam Potestatem habeat alienigena , sed vel ab imperitia regentis , vel à contumacia Civium quorum alteri alterorum mores , ut æquum est , ferre nolunt . Quod incommodum Romani olim ex Civitatibus , quas sibi subjecerant , impertiendo alienigenis multis , & interdum totis Civitatibus Ius Civium Romanorum sustulerunt . Idem etiam conatus est , sed frustra per Regnorum Angliæ & Scotiæ Unionem , Rex noster sapientissimus Jacobus . Quod si perfecisset , Bellum Civile quod utramque gentem miseram facit , nasci potuisse non videtur . Civibus ergo , si Monarcha Successorem alienigenam constitutat , Injuriam nullam facit , quanquam culpa Regentium , vel ipsorum Civium , incommodum inde aliquando oriatur . Idem etiam ex eo manifestum est , quod Regna in alienigenas per cognitionem descendentia , (quanquam eadem sequutura sint incommoda) pro licet acquisitis sine contradictione haberi solent .

C A P V T X X .

De Dominio Paterno & Despotico.

Civitatem per Acquisitionem voco , ubi Summa Potestas acquisita est per vim , ita , ut mortis vel vinculorum metu , imperata facere unius personæ , sive singuli , sive pluralitate suffragiorum cuncti se obligaverunt .

Atque hoc Dominii (sive Summæ Potestatis) genus ab eo , quod sit per Institutionem , in hoc tantum differt , quod hic metu mutuo , ibi metu unius Cives imperium in se admittunt . Vtrique tamen id faciunt

ciant Metu. Id quod ab iis qui Pacta propter metum inita irrita esse universaliter pronuntiare solent, notandum est.

Id enim si verum esset, Civitatis forma nulla esset, in qua obediens Civium Civitas exigere jure posset. In Civitate quidem, ubi vis prohibetur, & latrocinia indicare jubent leges, Promissa terrore extorta irrita sunt, non autem ex natura Pactorum irrita sunt. Etiam ubi Promissa metu facta invalida sunt, Promissorem absolvit non Pacti invaliditas, sed sententia Summæ Potestatis. Alioqui universaliter verum est Promissum licitum illicite violari.

Jura autem Summæ Potestatis sive Institutæ, sive Vi Acquisitæ eadem sunt, neque sine habentis consensu auferri, vel transferri possunt. Itaque qui ea possidet neque puniri, neque Reus fieri jure potest. De Pace & Bello, & de Doctrinis publicè docendis & de controversiis omnibus judicat. Magistratum, Consiliariorum in Pace, Ducum in Bello, Ministrorumque Publicorum constitutor solus est. Premiorum, Pœnarum, Honoris, & Ordinis Arbiter, Legum denique omnium Author Latorque est propter rationes capite præcedente allegatas.

Est etiam Dominii Acquisiti genus aliud per Generationem, quod Paternum dicitur. Cujus jus Patris est, non quia filium genuit, sed quia consensit filius, vel propter alia aliqua argumenta. In unius-cujusque enim filii vel filiae Generatione, duo concurrunt Generantes. Si ergo Dominii Jus sola Generatione definiretur, duo essent Domini, quibus ambobus obediare impossibile est. Quod autem scripsérunt aliqui Dominium Patris esse propter præstantiam sexus, non recte dicitur. Neque enim Mas Fœminæ tantum aut viribus aut prudentia semper præstat, ut Dominium determinare possit sine Bello. In Civitatibus obtinet Jus Civile. Itaque ubi Mas regnat, ibi Mari, ubi Fœmina, ibi Fœminæ Dominium tribuitur in filios regios. Sed quæstio nunc est de Jure Dominii in conditione naturali, ubi Leges Matrimoniales nullæ sunt præter sexum amorem mutuum & prolixi curam naturaliter insitam, ubi Pater & Māter de Dominio in Infantem aut Pacto disponunt, aut omnino non disponunt. Si ergo disponunt, per Pactum id faciunt, & Dominium cuius sit à Pacto indicatur. Sic Amazones cum Maribus vicinorum Pacti sunt, ut geniti pueri ad illos remitterentur, puellæ apud matres remanerent.

Sin Pactum nullum interveniat, Dominium Matris est. In conditione enim naturali, ubi Leges Matrimoniales nullæ extant, quis Pater est ignoratur, nisi indicante Matre. A Matris ergo arbitrio

dependet Dominium. Ipsius ergo est. Rursus Infans in Potestate Matris nascitur, ita ut penes illam sit aut educare aut exponere vel interficere. Si ergo alat, Matri vitam debet Infans, & propterea illi præ omnibus aliis obedire obligatur. Dominum ergo Matris est. Sin exponat illum Mater, alius autem repertum servet alatque, alienis Dominum est. Servati enim semper Dominus est Servator; quia finis propter quem alteri alteris se subjiciunt Conservatio est.

Si Pater Matris Dominus sit, etiam Infantis Dominus est. Sin Mater Patris sit Domina, ut sit quando Regina Summam habens Potestatem subdito suo nubit, Dominus Infantis Mater est, ut quæ Domina est mariti sui.

Si Vir & Vxor Potestatem in diversis Civitatibus Summam habentes Filium habeant, & de Dominio in illum contrahant, Dominum dependet à Contractu. Si non contrahant, Dominus vel Domina est cui Dominium Regni est, in quo nascitur Filius; quia is, qui Civitatis Dominium habet, Civium omnium in ea natorum Dominus est.

Qui Dominus Filii est, Dominus quoque est Filiorum filii; quia qui Jus in personam habet, Jus quoque habet in ea, quæ sunt personæ.

Jus Successionis ad Dominium Paternum, eodem modo procedit, quo in Monarchia per Institutionem, de qua dictum est in Capite præcedente.

Dominium per Victoriam in Bello acquisitum, ab aliquibus Scriptoribus Despoticum appellatur, quod est Dominium Herile in Servos. Per Victoriam autem Acquisitum tunc est, quando vieti vitanæ mortis imminentis causa facturos se paciscuntur, pro Vita & Libertate Corporis concessa, quicquid à Victore imperabitur. Post Pactum illud Victus Victoris Servus est. Quod nomen utrum an à Servare an à Servire derivetur disputent Grammatici. Significat autem non captum illum qui carcere concluditur, aut catenis constringitur, sed captum illum qui Pacto servire obligatur. Vinctus enim vel incarceratus, ut qui cum Victore nihil Pactus est, nullo Iure teneri potest quin carcerem, si potest, effringere, vincula dirumpere, victorem interficere, aut in servitutem vicissim adducere jure possit. Captus autem qui pro Libertate corporea fideliter servire Pactus est, idem facere sine Pacti violatione, id est sine Injuria non potest.

Non ergo à Victoria jus Dominii, sed à Viecti Pacto nascitur; neque eo obligatur quod Captus est, sed quod voluntati capientis se submisit.

submisit. Neque ob submissionem ejus, obligatur Victor vitam ei condonare, nisi antè id promiserit.

Quod soleant homines vitam ab instante hoste petere, ideo faciunt, ut declinata morte quæ ab irato hoste statim expectatur, possint postea aut pecunia aut servitute vitam redimere; non quod Victor redemptionis premium accipere teneatur. Tunc demum servus vitæ securus est quando corpus suum sibi creditur. Sin opus faciat aut quomodounque sine Pacto serviat, non id vi juris, sed metu mortis facit.

Dominus Servi omnium bonorum quæ habet Servus Dominus est, & Domino acquiritur quicquid acquirit Servus. Continetur enim hoc in natura Servitutis.

Jura denique omnia Dominii Paterni tum Despotici sive Herilis eadem sunt quæ Summæ Potestatis in Civitate per Institutionem; & propter rationes easdem; quæ rationes in capite præcedente satis explicatae sunt. Itaque Monarcha qui duarum aut plurium Civitatum summam habet Potestatem, in una per Institutionem, in altera per acquisitionem, si prætextu Victoriæ, uni quam alteri duriorem se præbeat, aut per iniuriam, aut per Iuris naturalis ignorantiam id facit. Constat hinc Familiam magnam, nisi Civitatis alicujus pars sit, quantum ad Iura attinet, Civitatem esse parvam, sive illa Familia ex Patre & Filiis, sive ex Domino & Servis, vel ex Patre & Filiis & Servis constet; & in ea Familia Monarcham Dominum Patremque esse. Familia tamen propriè Civitas non est, nisi tantæ sit Potentia vel per numerum suum, vel per alias oportunitates, ut subjici sine Bello non possit. Ubi enim homines manifestè debiliores sunt quam ut tueri se possint uniti, unusquisque eorum, periculo imminentem, ad vitæ suæ conservationem, sive fuga sive deditione potest pro suo arbitrio jure uti; quemadmodum faciunt milites magno exercitu circumventi, si ipsi pauci sint, arma deponere, vitam petere, vel fugere potius solent quam ab hostibus occidi. Atque hæc de iuribus eorum qui Summam habent Potestatem sufficient ex re natura deducta.

Videamus jam de eadem re quid docent Scripturæ Sacræ. Ad Mosem populus Israeliticus sic loquitur: *Loquere tu nobiscum, & audiemus; sed nobiscum ne loquatur Deus, ne moriamur.* Debebarur ergo Mosis à populo Israelitico plenissima, & absoluta obedientia. De Iure Regum Deus ipse (1 Sam. 8. vers. 11. &c.) per Samuelem dicit: *Hæc erit ratio ipsa Regis qui regnabit super vos; filios vestros accipiet, ut sibi disponat in curribus suis, & in equitibus suis, & ut currant ante cur-*

rum suum; & ad disponendum sibi Chiliarchos, & præfectos quinquagenis; & ad arandum arva sua, & ad metendum messem suam, & ad faciendum instrumenta bellica sua, & instrumenta curraum suorum, Similiter filias vestras accipiet in unguentarias, in coquas, & in pistrices; etiam ayros vestros, & vineas vestras, ac olivetum vestrum optima accipiet, & dabit servis suis; servosque vestros, & ancillas vestras, ac juvenes præstansissimos, & asinos vestros accipiet, adhibebitque ad opus suum. Greges vestros decimabit; denique vos eritis ei servi. Potentia hæc absoluta est, nempe Cives omnes Regis servi sunt. Rursus, audita ratione Regis sui populus assensit tamen dicens, sed Rex præterit nobis, ut simus nos quoque sicut omnes istæ gentes; & vindicet nos Rex noster, & procedens ante nos gerat Bella nostra. Confirmata hic sunt iis, ut habent Summam Potestatem, jura omnia tum *Militia* tum *Iudiciorum*, quæ adeo absoluta est Potentia, ut homo ad hominem, Potentiam majorem transferre non possit. Præterea Potentiam quam à Deo petivit Salomon, hæc erat: *Des servo tuo animum intelligentem ad judicandum populum tuum discernendo inter bonum & malum.* Quamobrem jus Iudiciorum & jus præscribendi regulas Boni & Mali, id est jus Legum ferendarum pertinent ad illum qui Summam habet Potestatem Civilis. Quæsilivit Davidem Saulus ut eum occideret; cum tamen Saulum occidere potuit David, & ut faceret hortati sunt eum servi ejus; vetuit eos David dicens, *abfit ut facerem rem hanc Domino meo, incto Iehovæ, extendendo manum meam contra eum; nam inctus Iehovæ est.* Confirmatur hic Regum impunitas. De Servorum obedientia dicit Sanctus Paulus, *Servi obedite Dominis vestris in omnibus.* De obedientia Filiorum dicit, *Filiii obedite Parentibus in omnibus.* Debita ergo à Filiis & Servis Patribus suis & Dominis est obedientia simplex. Porro (Matth. 23. 2, 3.) dicit Christus, *In Cathedra Mosis sedent Scribæ & Pharisæi; omnia ergo quæ dixerint vobis ut servetis, servate & facite.* Ecce rursus obedientiam simplicem. Etiam Sanctus Paulus Tit. 3. 1. *Ipsius suggerere ut se se subjiciant Principibus, ac Potestatibus obtemperent.* Obedientia hæc simplex est. Postremo Servator noster ipse docet tributa imposita à Summa Potestate Civili solvenda esse, ipse solvens, & date (inquiens) *Cæsari ea quæ Cæsar is sunt.* Item quod quicquid is qui Summam habet Potestatem exegerit à subdito suo rectè exigitur, quando opus erit, & quod utrum opus sit necne ipse judicabit, ostendi potest ex verbis Christi Discipulis suis mandatis: *me in vicum qui vobis est ex adverso, & statim invenietis cænam ligatam & pullum cum ea; solventes eos adducite ad me. Et si quis vobis aliquid dixerit, dicite, Domino his opus est; statim autem mittite eos.* Non interrogabunt utrum necessitas

necessitas illa sive opus jus eos capiendi Domino tribuat , neque utrum Dominus necessitatis illius Iudex sit , sed in voluntate Dei acquiescent.

His locis addi etiam potest quod dicitur Gen. 3. 5. *Eritis sicut Dii, scientes boni & mali ; & vers. 11. quis indicavit tibi nudum esse te ? An de fructu illius arboris , de quo interdixeram tibi ne comedas ex eo , comederis ? Cognitio id est Iudicatio boni & mali vetabatur sub nomine fructus arboris scientia boni & mali , in experimentum obedientiae Adami. Diabolus autem ut ambitionem fæminæ , cui fructus ille pulcher jam visus erat , incenderet dixit , illi fore illos quasi Deos scientes boni & mali. Cum igitur comedissent ambo , arrogarunt quidem officium quod Dei solius erat , nempe Iudicationem boni & mali sibimet ipsis; quanquam facultatem novam discernendi inter bonum & malum nullam acquisierant. Quod dicitur autem , quod cum comedissent , viderunt se nudos esse , nemo locum illum ita interpretatus est , quasi cœci antè fuerint neque suas ipsorum cutes viderint. Sensus autem manifestus est , quod eo primum tempore nuditatem suam (in qua Deo visum est illos creare) indecoram esse judicarunt ; & pudore suo Dei opus tacite condemnarunt. Interrogat ergo Adamum Deus , *Comedisti &c. tanquam si dixisset , Tu qui obedientiam mihi debes , arrogasti tibi Potestatem de actionibus meis Iudicandi ? Vnde perspicue (quanquam Allegoricè) significatur , facta eorum quibus Summa est Potestas , à subditis suis non esse reprehendenda , nec disputanda.**

Iaque manifeste (quantum ego intelligo) non modo ex Ratione , sed etiam ex Scriptura Sacra , Summam Potestatem , sive ea in uno homine , ut in Monarchiis , sive in uno Coetu , ut in Democratiis & Aristocratiis , collocata sit tantam esse appetit quantam facere eam possunt homines. Quanquam autem de Potestate indefinita multa incommoda homines imaginari sibi possunt , incommoda tamen quæ Potestatem limitatam comitantur (nempe bellum uniuscujusque contra vicinum suum) multo sunt majora. Conditio hominum in hac vita sine incommodis nunquam erit. Neque est in Civitate quacunque incommodum magnum , nisi quod plerumque à Civium ipsorum contumacia & à violatione Pactorum illorum in quibus essentia Civitatis constitutum sit. Quicunque autem Potestatem Summam nimiam esse putans , diminuere conabitur , subjiciet se Potestati majori quæ Summam limitare posse videbitur.

Maxima contra Potestatem absolutam objectio desumitur ab eo quod fieri solet , & eorum est qui interrogant ubi & quando Potestas absoluta à subditis agnita fuerit. Sed vicissim ego illos interrogo ubi , &c.

& quando libera à Seditione & Bello Civili extitit Civitas, ubi Potestas absoluta non fuerit. In gentibus illis ubi Civitates diu duraverunt, nec nisi Bello externo perierunt, subditi de Potentia Summa suorum principum nunquam disputaverunt. Argumentum autem à consuetudine hominum sumptum, qui in causas, & naturam rerum Civilium nunquam profundè inspexerunt, invalidum est. Etsi enim homines fundamenta domorum suarum super arenam collocarent, non tamen inde inferri potest, ut ita fieri debeat. Scientia constituendi conservandique Civitates, regulas certas habet & infallibles non minùs quam Arithmetica & Geometria; neque ab usu tantùm dependet. Quas regulas excogitandi otium neque habuerunt pauperes, neque qui otium & voluntatem habuere, quæ methodo id faciendum erat intellexerunt.

C A P V T X X I.

De Libertate Civium.

Libertas significat propriè absentiam impedimentorum motus exteriorum; & dicitur non minus de rebus irrationalibus & inanimatis quam rationalibus. Quicquid enim ita ligatur vel concluditur, ut nisi in spatio ab externis Corporibus determinato moveri nequeat, id ulterius progrediendi *Libertate* carere dicimus. Itaque animalia dum muris includuntur, vel catenis ad locum certum alligantur, eundi quò alioqui itura essent *Libertate* carent. Quando vero impedimentum in ipsa est natura rei, non *Libertate*, sed *Potentia* carere dicitur; sic Homo qui morbo affixus lecto est, eundi *potentia* non *Libertate* privari dicitur.

Iuxta hanc propriam & receptam vocis significationem *Liber* dicitur is, qui ex iis quæ viribus & arte propria facere potest, quin faciat quicquid vult non impeditur. Sed voces *Liber* & *Libertas* qui ad alias res præter corpora applicant, abutuntur. Quod enim motui subiectum non est, non est obnoxium impedimento. Quoties ergo dicunt (exempli causa) *Via Libera* est, non significatur *Libertas Viæ*, sed *Viatoris*. Item quando dicimus *Donum liberum* est, non rei *datae* sed *Datoris Libertatem* intelligimus. Etiam quandoquis *liberè* loqui dicitur, non *Sermonis*, sed *loquentis* *Libertas* est. *Liberum* denique arbitrium, non *Voluntatis* *Libertas* sed *Volentis* est.

Metus & *Libertas* simul consistere in eadem actione possunt, ut quando aliquis Metu Naufragii bona sua in mare projicit; nam libenter

ter id facit , potuitque (si noluisset) non facere. *Liberè* ergo fecit. Sic ille qui Metu carceris debitum solvit , *Liberè* solvit , quia *Liberum* illi erat vel solvere , vel non solvere. Similiter Actiones Civium omnes quas Metu Legum faciunt , si non facere potuerunt , *Liberæ* erant.

EIAM *Libertas* & *Necessitas* consistere simul possunt. Nam aqua per fluminis alveum , tum *Liberè* tum *Necessitate* naturæ versus declivia movetur. Item actiones omnes voluntariæ quæ sua natura *Liberae* sunt , quia tamen causas habent , & causæ illæ alias causas , & sic perpetuò usque ad causarum omnium Causam primam , nempe divinam voluntatem , necessariæ sunt ; adeò ut illis qui causarum omnium connexionem viderent actionum omnium , etiam voluntiariorum manifestè essent. Deus ergo qui videt & disponit omnia , necessitatem videt omnium actionum à sua ipsius voluntate proficentem. Homines enim quanquam multa faciant contra Leges divinas , id est multa quorum Deus non est Author , nullam tamen Passionem , Voluntatem aut Appetitum habent cuius causa prima & plena non sit à voluntate Dei. Nisi enim Voluntas Dei Necessitatem Voluntati humanæ imponeret , & per consequens actionibus omnibus ab ea dependentibus ; *Libertas* voluntatis humanæ omnipotentiam , & omniscientiam & libertatem Dei tolleret. Atque hæc (quatenus ad institutum præsens) de naturali & propriè dicta *Libertate* disputata sufficiant.

Quemadmodum autem homines Pacis & Conservationis suæ causâ Hominem fecerunt *Artificialem* (quem vocant Civitatem) ita etiam Vincula excogitarunt *Artificialia* (quæ vocantur Leges Civiles) quæ Vincula ipsi mutuis inter se Pactis ab una parte ad illius cui Summam dederunt Potestatem Labra , ab altera parte ad suas ipsorum Aures alligarunt. Vincula autem hæc etsi natura sua fragilia , satis tamen tenacia sunt , non à difficultate sed à periculo quo frangantur.

Vincula hæc *Artificialia* ea sunt , quæ opponi intelligo Libertati Civium. Cum enim actionibus Leges præscribere omnibus , impossibile sit ; *Libertatem* habere Civis dicitur ad illas actiones de quibus in Legibus nihil definitur , & ad eas solas. In his ergo unicuique id quod sibi maximè videbitur expedire , facere *Liberum* est. Sin de *Libertate* corporis à carcere & catenis *Libertas Civilis* intelligeretur absurdissimè conquererentur *Libertatemque* flagitarent hodie rebelles nostri qui ea manifestissimè fruentes rebellaverunt. *Libertas* igitur Civium in iis tantum rebus consistit , quas in Legibus ferendis Legislator prætermisit.

Libertas tamen hæc *Civilis* , quin is qui Summam habet Potestatem , vitæ & necis Civium arbiter sit , impedimento non est. Ostensi-

sum enim est , Civibus ab eo qui Summam habet Potestatem (id est à Civitate) Injuriam fieri non posse , et si per Iniquitatem Injurius esse in Deum possit. Contingere ergo potest , & contingit saepe in Civitatibus Iussu Summam habentis Potestatem , Innocentem etiam sine Injuria interfici ; ut quando filiam suam occidi jussit *Ieptha*. Etiam in occisione *Vriae* , et si Rex David iniquè fecit , & contra Deum graviter peccavit , contra Vriam tamen non peccavit , qui facti illius Authorum se fecerat. *Tibi soli peccavi* sunt verba ipsius ad Deum Davidis. Deo enim solo obligari potuit Rex. Etiam Populus Atheniensis cum Civem per Ostracismum in exilium mitteret , non illum criminis accusabat , sed quemcunque exulare voluit , numerus concivium maximus , is exulabat ; non quia violator legum erat , sed quia (propter nimiam potentiam) violare Leges impunè posse videbatur. Itaque Aristidem , cui cognomen Iusti ipsi ante dederant , Cuitate expulerunt. Expulerunt item Hyperbolum imi ordinis hominem scurram , quem nemo metuebat ; quia voluerunt ; joculariter forte , non autem injustè , cum id jure fecerint Civitatis.

Libertas illa , de qua in Græcorum Romanorumque veterum Libris Historicis & Politicis ; hodieque in Sermone & Scriptis eorum , qui Græcam & Romanam Politicam suam faciunt , tam magnifica fit mentio , non Civium singularium , sed Civitatis Libertas est , eademque quæ hominum singularium fuisset , nisi constitutæ Civitates & Leges fuissent. Sicut enim inter homines , sine Lege , sine Imperio , Bellum unicuique contra vicinum est , nulla autem hæreditas filiis transmittenda , nulla Proprietas bonorum , nulla securitas , sed Libertas unicuique plena & absoluta ; ita inter Civitates , quarum una alteri non subiicitur , unicuique Civitati Libertas faciendi quicquid sibi commodum videbitur absoluta est. Sed tamen ita viuunt perpetuò ac si Bellum esset , parati ad pugnam , tormentis Bellicis contra vicinos undequaque collocatis. Itaque neque Atheniensis , neque Romanus quisquam *Liber* (à *Legibus*) erat , sed Civitates eorum. In portis murisque Vrbis *Luccæ* eti inscribatur magnis characteribus *LIBERTAS* , Lucensis tamen nemo majore Libertate fruitur quam Constantinopolitanus , vtrobique enim Legibus Civilibus vinciuntur.

Dulci autem nomine Libertatis , facile decipiuntur homines , qui distinguere nescientes , id quod Civitatis solius Ius est , pro sua cujusque hæreditate privata sibi arrogant. Qui error quoties Authoritate eorum , qui propter ea , quæ scriperunt Politica , celebres sunt confirmatur , mirandum non est si Seditionem & Status mutationem patiat. In partibus orbis terrarum occiduis opiniones nostras de Institutione

titione & Iuribus Civitatum accepimus ab Aristotele, Cicerone, aliisque Græcis & Romanis, qui cum degerent in Civitatibus Democraticis & Aristocraticis jura illa mox à Principiis naturæ deduxerunt, sed usum & consuetudinem Civitatum suarum, in Libros suos Politicos transcriperunt, non aliter, quam Regulas loquendi ex usu temporis sui describere solent Grammatici. Quoniam ergo Athenienses ne Statum mutare cuperent, liberos solos esse eos, qui in Civitate viverent populari, servosque esse, qui sub Monarcha essent, docebantur; ideo Aristoteles in Politicis (Lib. 6, cap. 2) Libertatem supponi in Democratis scripsit, neminemque in alia Civitatis forma esse liberum. Sicut autem Aristoteles; ita quoque Cicero, aliqui Scriptores, Politicam doctrinam suam super Romanorum consuetudinem fundaverunt; qui Romani Monarchiam odisse didicerant, ab illis primis, qui cum Summum Imperantem, nempe Regem suum, deposuerint, Summam Romæ Potestatem inter se diviserant. Lectione autem Librorum horum à Græcis & Latinis Scriptorum, factum est, ut homines nostri ab Infantia opinionibus illis innutriti, sub *Libertatis* falsa specie habitum tandem contraxerint tumultibus favendi, actiones eorum, qui Summam habent Potestatem reprehendendi, & rursus reprehendendi reprehensive illos; idque cum tanti sanguinis effusione, ut verè possim (puto) affirmare nunquam quicquam tam carè emptum esse, quam Græcorum Latinorumque linguis emerunt partes hæ mundi Occidentales.

Ut veniamus jam ad ea in quibus Libertas Civium vera consistit, id est, ut dicamus, quænam illæ actiones sunt, quæ iussæ ab eo qui Summam habet Potestatem, possunt tamen sine Injustitia prætermitti; considerandum est, quænam jura illa sint, quæ in Civitate instituenda deponimus, sive (quod idem est) quas Libertates nobismetipsis denegemus tunc, quando omnium actionum simpliciter Hominis vel Cœtus quem Summum facimus, Authores nos facimus singuli. In ipsa submissione consistit tum *Obligatio* tum *Libertas*. Itaque ex eadem submissione, Obligationis & Libertatis argumenta sumi debent. Nulla enim tenetur Obligatione quisquam, quæ à sui ipsis actione non procedat; cum per naturam homines Libertatem æqualem omnes habent. Quoniam autem argumenta illa vel ab ipsis verbis, nempe *Actionum omnium ejus hominis cui Summam tribuimus Potestatem* Authorem me facio, vel ab intentione ejus, qui Potestati Summæ se submittit, (quæ intentio intelligitur à Fine propter quem se submittit) sumenda sunt; Obligatio & Libertas Civium Singulorum ab illis Verbis vel ab illâ Intentione demonstrandæ sunt Finis au-

tem Institutionis Civilis est Pax Civium inter se, & defensio contra hostem Publicum.

Primo ergo, quia Institutio Civitatis fit per Pacta uniuscujusque cum unoquoque, manifestum est, Libertatem Civi manere circares illas omnes, quarum jus per Pactum transferri vel abjici non potest. Sed ostensum est Cap. 14. Pacta de seipso contra vim non defendendi invalidum esse. Ergo

Si Summam habens Potestatem, Civem (quanquam jure morti condemnatum) seipsum interficere, mutilare vel vulnerare; aut vi personam ejus invadenti non resistere; aut ab alimentis, medicinâ, aëre vel alia re sine qua vivere non potest se abstinere jussit; habet Civis ille recusandi Libertatem.

Si quis Civis interrogetur à Summam habente Potestatem, vel per Authoritatem ejus de crimine quod ipse Civis commisit, fateri Crimen (nisi facti venia datâ) non obligatur; quia nemo (ut ostensum est suprà) obligari Pacto potest, seipsum accusare. Præterea submissio Civis continetur his verbis, *Author sum omnium Actionum ejus cui Summam tribuimus Potestatem.* Sed in his verbis Libertatis naturalis restrictio nulla est. Etti enim ut me occidat concedam, non obligor ut Iussu ejus occidam meipsum. Aliud enim est dicere occide me, vel concivem meum, si vis; aliud autem dicere occidam me aut concivem meum. Sequitur ergo neminem aut ad occidendum seipsum, aut concivem ex ipsis verbis obligari. Itaque obligatio quam quis habere interdum possit, jussu Summæ Potestatis faciendi actionem aliquam periculosa aut indigna, non à verbis dependet expressis quibus se submisit, sed ab intentione; quæ intelligitur ex fine Institutione Civilis. Quando ergo negatio obedientiæ Finem Institutionis Civitatis frustaneam facit, Libertas recusandi nulla est; alioqui Libertate sua naturali uti potest.

Itaque si quis jubeatur contra hostem Publicum pugnare (quanquam si recuset, Potestati Summæ puniendi eum non desit Ius) potest tamen aliquando sine Injustitia recusare, ut quando alium militem non minus idoneum substituit. Tunc enim Civitatem non deserit. Præterea à Summo Iure detrahendum est aliquid propter quorundam hominum timiditatem naturalem, non solum foeminarum (à quibus officia tanti periculi nunquam expectantur) sed etiam virorum quibus animus foemininus est. Quando prælium committitur, fuga tandem fit ab una vel altera parte; si tamen non à perfidia, sed à metu fuga oritur, non *injustè fugere* dicuntur, sed turpitudinē, vel dishonestè. Propter eandem rationem, si quis prælium conetur

conetur evitare Injustitia non est , sed Ignavia. Veruntamen qui militem se conscribi jubet timiditatis naturalis excusationem perdit , obligaturque non modo prælum inire , sed etiam invito ductore suo non fugere. Quando autem defensio Civitatis Civium simul omnium uno & eodem tempore auxilium postulat , unusquisque qui vel arma gestare potest , vel ad victoriæ aliquid quantulumcunque contribueret , ad Militiam obligatur ; quia aliqui Institutio Civitatis quam conservare Cives nolunt , vel non audent , vana esset.

Contra arma Civitatis , defendendi alterius causâ , sive nocentis sive innocentis arma sumere , Liberum nemini est ; quia Libertas talis Summam habenti Potestatem media ad defensionem Civium auffert , ipsamque Civitatis escentiam destruit. Quid autem si multi simul , contra Civitatis Potestatem Summam crimen aliquod commiserint capitale , propter quod , nisi se defendant , expectant mortem , quæret aliquis utrum Libertatem illi conjunctis viribus se mutud defendendi habeant. Habent certè . Nam vitas suas defendunt tantum ; id quod & Innocenti & Nocenti æquè licet. Injustitia quidem erat officii violatio prima ; sed quod arma postea ad se defendendos sumperint , crimen novum non est. Excusatio autem sui defensionis oblatâ veniâ tollitur ; facitque ut si assistere cæteris perseverent Injusti sint.

Reliqua Civium Libertas dependet à Legum Silentio. Ubi enim non definit Lex , unicuique faciendi vel non faciendi Libertas est ; eaque pro arbitrio Summæ Potestatis aliquando major , aliquando minor est. Si inter Civem & eum qui Summam habet Potestatem controversia sit de Iure agros vel bona possidendi , vel de debita pecunia , vel opera , vel de poena corporea , vel pecuniaria quæ in Lege aliqua præcedente fundata sit , Libertas Civi Lege agendi est contra eum qui Summam habet Potestatem eadem quam haberet contra Concivem ; controversiæ autem illius Iudex erit is qui Summam habet Potestatem. Quoniam enim qui Summam habet Potestatem virtute petit Legis præcedentis , non virtute Potestatis Summæ non amplius petere velle intelligitur quam quod Lege illa debitum esse apparabit. Nihil ergo facit Civis à quo petitur contra voluntatem ejus qui habet Summam Potestatem. Sed si qui habet Summam Potestatem virtute Potestatis peteret , agere contra illum Lege Civis non potest. Quicquid enim virtute Potestatis Summæ petit , Authoritate petit ipsius Civis , & proinde qui agit contra Summam Potestatem , contra seipsum agit.

Si Monarcha vel Summam habens Potestatem Cœtus , uni vel pluribus

ribus Civibus Privilegium , id est Ius sive Libertatem privatam concedat , qua concessa salutem populi procurare non potest , Concessio illa invalida est , nisi simul apertis verbis Summæ Potestati renunciet , vel in alterum eam transferat. Eo enim quod potuit (si voluisset) Summæ Potestati verbis perspicuis renunciaſſe , vel eam in alium translufiſſe , nec fecit , intelligendum est neque renuntiare neque transferre voluiffe ; & proinde concessionem illam ab ignorantia profectam esse repugnantia inter concessum privilegium , & Potestatem Summam. Retinetur ergo Potestas Summa , & per consequens Iura omnia retinentur quæ ad exercitium ejus sunt necessaria ; qualia sunt Potestas Belli & Pacis, Iudiciorum, Magistratum & Ministrorum constitutio , & cætera quæ Cap. 18. enumerantur.

Obligatio quam Cives habent erga eum qui Summam habet Potestatem , tam diu nec diutius permanere intelligitur , quam manet Potentia Cives protegendi. Ius enim hominum ſeipſos protegendi naturale , quando à nemine alio protegi poſſunt , nullo Pacto extingui potest. Is enim , qui Summam habet Potestatem , Civitatis Anima est , quæ ſimul atque à corpore separata eſt , membra motum ab illa amplius non accipiunt. Obedientiæ finis eſt Protectio ; quam ubique quis viderit , ſive in ſe , ſive in alio , ad illam , obedientiam ejus & conatum ad illum conservandum applicat natura. Quanquam autem Potestas Summa ex intentione Instituentium immortalis ſit ſua tamen natura , non ſolum morti violentæ à Bello externo ſubiecta eſt sed etiam propter Ignorantiam & Paſſiones hominum , habet in ſe , ab ipla Institutione , ſemina multa mortalitatis à discordiis Civium iplorum.

Si Civis Bello captus ſit ; vel Personæ aut vitæ ejus necessaria intra præſidia hostium ſint ; hostes autem vitam & corporis Libertatem illi permittant , ea conditione , ut Victori Subditus ſit , Civis ille conditionem accipiendi Libertatem habet ; & cum acceptaverit , Victoris subditus eſt ; nam alia ratione conservare , ſe non potuit. Si quis autem ab hoste in carcere aut vinculis detineatur , nec credatur ſibi corpus ſuum , Pacto vincitus non intelligitur , ideoque aufugere vel servare ſe quoconque modo jure potest.

Si Monarcha Summæ Potestati pro ſe & hæredibus ſuis renuntiet , redeunt Cives ad Libertatem Naturæ abſolutam. Quanquam enim , quis illi filius ſit vel cognitione proximus indicet natura ; quis tamen illi hæres ſit dependet (ut ostendum eſt capite præcedente) à ſua ipſius voluntate. Itaque ſi Hæredem habere nolit , Summa Potestas , & Subjectio perit. Idem contingit ſi moriatur ſine cognatis cognitis , & ſine

sine Hæredis declaratione. Tunc enim nulla cuiquam debetur obedientia , cum cui præstanta sit ignoretur.

Si Potestatem habens Summam Subditum in exilium mittat ; manente exilio Subditus ei non est. Sed qui in Civitatem alienam mittitur de negotio aliquo , vel is cui peregrinari permittitur , Civis & Subditus manet. Sed hoc per contractum inter Civitates , vel jure Gentium fit ; non vi Paeti alicujus. Quicunque enim intra fines alienæ Civitatis intrauerit , illius Civitatis Legibus Subjectus est , nisi Ius habeat ab amicitia inter se ambarum Civitatum.

Si Monarcha Bello superatus Subditum se victori faciat , priore obligatione Cives liberantur debentque Victori obedientiam. Verùm si captus detineatur , Potestatem quam habebat in Civitate sua Summam , perdidisse non intelligitur. Quare subditi ejus obligantur obedientiam Magistratibus ab eo ante constitutis & nomine ejus quanquam in captivitate existentis , solitam præstare. Manente enim Iure ejus , quæstio de sola Administratione est , id est de Magistratibus & Ministris ; quos quia ipse constituere suo Arbitrio non potest , illos quos ipse antè contisterat , probare intelligitur.

C A P V T X X I I .

De Systematibus Civium.

DE Generatione , Forma & Potestate Civitatis dictum est. Dicendum nunc est de partibus ejus. Per *Systema* intelligo numerum quemcunque hominum in rem ipsorum communem congregientium. Quorum alia *Regularia* , alia *Irregularia* sunt , *Regularia* quidem ea sunt , in quibus Homo vel Coetus unus Personam gerit omnium. Cœtera autem omnia sunt *Irregularia*.

Regularium alia *Absoluta* sunt sive *Independentia* , id est nemini subdita præterquam suæ propriæ Personæ Repræsentativæ ; quales sunt Civitates , & quidem solæ. De quibus dictum jam est in quinque proximè superioribus Capitibus. Alia sunt *Subordinata* , nempe Summæ Potestati Civitatis , cui tum singuli tum etiam qui ipsorum Personam gerit , subiiciuntur.

De *Systematibus Subordinatis* alia *Politica* sunt , alia *Privata*. *Politica* (quæ vocari etiam solent *Corpora Politica*) ea sunt , quæ ab Authoritate Summæ Potestatis Civilis constituta sunt. *Privata* ea sunt , quæ constituuntur ab ipsis Civibus , vel Authoritate aliqua extranea ; quæ Authoritas quia à Potestate extranea derivatur , *Publica* non est.

Systematum Privatorum alia *Licita* sunt, alia *Illicita*. *Licita* ea sunt quæ probantur à *Civitate*; cætera *Illicita*.

Systemata Irregularia sunt quæ cum Personam non habeant consistunt in concursum tantum Populi; quæ si Lege Civili non sint vetita & sine mala intentione fiant (qualis est confluxus populi ad Forum, vel Pompam, vel alium finem innoxium) *Licita* sunt. Quando autem consilio malo confluunt, vel (si multitudo magna sit) incognito, *Illicita* sunt.

In *Systematis Subordinatis* Potestas personæ eorum semper terminatur à Potestate Civili Summa; alioqui *Systema Subordinatum* non esset, sed *Civitas*, cuius Persona Civium cunctorum Persona est; & proinde pars Civium nulla repræsentari ab alio potest, nisi quatenus Personæ Civitatis visum erit. Permittere enim ut *Systema Civium Subordinatum* partem populi in rebus omnibus repræsentaret, deserere esset Civitatis (quatenus ad partem Civium) regimen & Dominium dividere contra pacem & salutem populi; id quod is qui Summam habet Potestatem, nulla concessione facere intelligitur, qua non perspicuis verbis subjectione sua Cives exonerat; Verborum enim consequentiæ, voluntatis signa non sunt, ubi consequentiæ aliæ signa sunt in contrarium; sed erroris potius & falsæ ratiocinationis, quibus humana natura subjicitur, signa sunt.

Potestatis quam habet *Systema Subordinatum* limites cognoscuntur duabus rebus, nempe Literis ab eo qui Summam habet Potestatem & Lege Civitatis.

Quanquam enim in Civitatis Institutione vel Acquisitione Literis scriptis opus non sit, quia Potestas ibi Summa (ut diximus) limites nullos habet præter Naturæ Legem non scriptam; in *Systematis* tamen Subordinatis, tot limitationes circa agenda, tempora, & loca necessariae sunt, ut neque sine literis scriptis memoria retineri neque nisi Literæ illæ Patentes sint, & Summæ Authoritatis signis signatae, cognosci possint.

Et quoniam Limitationes non semper facile, aut fortasse omnino describi Literis possunt; determinatio quid *Systemati Lictum* vel *Illictum* factu erit, ad *Leges Civiles* (ubi Literæ ipsæ silent) necessaria pertinet.

Vbi in *Systemate Subordinato* Persona est unus homo quicquid ille facit in Persona *Systematis*, absque Literarum suarum & Legum *Civilium* Authoritate, suum ipsius, non *Systematis*, nequ e alicujus ejus membra præterquam sui ipsius, Factum est; propterea quod ultra limites Literis & Legibus præscriptos neminis præterquam suam ipsius

ipsius Personam habet. Quicquid autem juxta Leges & Literas facit Factum est uniuscujusque hominis eorum qui Systema constituant; quod enim à Summa Poteestate fit, ipsum facientem Authorem habet; quia Factum quod à Literis & Legibus Summæ Potestatis non recebit, ipsius Summæ Potestatis Factum est; & proinde singula Systematis membra Authores habet.

At si Persona Systematis Cœtus sit, quicquid ille Cœtus præter Legum & Literarum suarum Authoritatem fecerit vel decreverit Factum est totius Systematis, & præterea uniuscujusque eorum quorum suffragiis decretum fuerit; sed neque hominis contra cuius suffragium Factum aut decretum erat, neque hominis absentis Factum est. Cœtus enim ipsius ideo Factum est, quia majoris partis est; & siquidem crimen sit, puniendus Cœtus est, quatenus poenæ capax est. Exempli causa, per dissolutionem Systematis (quæ quidem ejusmodi Corporibus Fictitiis capitalis est) vel (si modo ærarium commune habeat Cœtus) per multam pecuniariam. Nam hujusmodi Systemata à pœnis corporeis ipsa exemit Natura. Qui autem criminis à Systemate decreto suffragium suum non dederunt, innocentes sunt; & quia Cœtus per Litteras suas neminem in Illicitis repræsentare potest, innocentes illi in suffragiis nocentium non comprehenduntur.

Si Persona Systematis sit in homine uno, & is pecuniam mutuam sumpserit ab extraneo, id est ab eo, qui membrum Systematis ejus non est; debitor est is qui habet Personam Systematis neque ad solutionem tenetur alius quicunque. Alioqui Literarum suarum Authoritate facere posset, ut quicquid ipse mutuum sumeret, alii solverent. Systematis ergo Subordinati membrum ad solutionem pecuniae quam Persona Systematis (quoties homo est) mutuam sumpserit teneri non potest. Qui pecuniam mutuam dat cum Systemati extraneus sit pro debitoribus habet eos solos, qui solvere promiserant, Personam enim, mutuum accipiente, nullam præter ipsius hominis naturam cognoscit. Solus ergo debitor is est, & solvere debet, vel ex communi thesauro, vel ex pecunia propria. Idem dicendum est de Mulcta si contingat Personam Systematis Subordinati, quam gerit homo unus, à persona Civitatis pecuniâ multari.

Quando autem persona Systematis in Cœtu est, debeturque pecunia extraneo, tenentur ad solutionem illi omnes, & soli, quorum suffragiis pecunia mutuò sumpta est. Unusquisque enim eorum eo ipso quod mutuum sumi suffragiis suis voluerunt, ad solutionem obligantur etiam totius debiti, quod cum quilibet unus solverit omnes liberantur.

Quod si pecunia uni alicui ex ipso Cœtu debeatur , ad solutionem tenerur solus Cœtus ipse , id est ipsum Systema . Is enim cui debetur , si pecuniam illam mutuam dari præsens suffragio suo voluit , etiam solvi voluit ; sin Suffragio suo mutuam dari noluit , vel si absens fuerit , quia tamen mutuam dando , mutuam dari voluit , solvi voluit , idem ergo mutuam sumit & dat ; & proinde debitum suum à nemine poscere præterquam à Systemate ipso Iure potest . Itaque si Systema (ex thesauro communi) solvendo non est , remedium habet nullum , neque potest nisi de seipso conqueri , qui sponte sua imprudenter pecuniam suam mutuam dedit .

Manifestum hinc est , in Systematibus Subordinatis , subditisque Potestati Civitatis , interdum privato homini Systematis membro contra decretum Cœtus protestari aliquando dissentire & dissentionis suæ conservari memoriam postulare non modo Licitum esse , sed etiam expedire , ne alioqui debita ab aliis contractata ipse solvere obligetur . Sed in Cœtu Summam habente Civitatis Potentiam , Protestationes hujusmodi Licitæ non sunt , propterea quod Protestatis Summæ totidem sunt negationes ; etiam quia quicquid fit à Summa Potestate , Authoribus fit Civibus omnibus & Singulis .

Systematum Subordinatorum infinita ferè est varietas . Distinguuntur enim non solum ab Agendis , propter quæ constituuntur & multorum generum sunt , sed etiam à temporibus , locis & numeris , quæ omnia definiri debent . Constituuntur enim aliquando ad regendam Provinciam cum Potestate Literis Civitatis terminata . Sed Provinciarum quæ à Cœtibus in ipsa Provincia residentibus gubernantur , pauca sunt exempla . Romani Provincias suas Præsidibus , Prætoribus , vel Procuratoribus administraverunt , non Cœtibus sicut administrabatur ipsa *Roma* . Similiter emissa ad *Virginiam* & *Bermudam* Colonæ , quanquam Summa Potestas in illas commissa esset Cœtui Londinensium , Cœtus tamen ille Colonias illas per Præfectos administravit . Quanquam enim unusquisque regiminis partem exercere cupiat , ubi adesse ipse potest ; ubi tamen adesse non potest , rem communem Monarchicè quam vel Aristocraticè , vel Democraticè administrari mavult naturaliter . Quod manifestum etiam est in privatis hominibus , qui multas habent possessiones ; qui labore administrandi negotia propria levari cupientes Amicum vel Famulum unum potius eligunt , cui possessionum suarum curam committant , quam Amicorum vel Famulorum plurium Systemati . Potest tamen Provinciæ vel Colonæ cura etiam Cœtui committi . Quando autem id sit , quodcumque ab eo Cœtu debitum contractum fuerit ;

&

& quocunque decretum ab eo Cœtu Illicitum fuerit , factum est illorum tantum qui per Suffragia sua assenserunt , non autem ejus qui dissensit vel absuit ; propter rationes supra adductas . Cœtus extra fines Colonie quam administrat , Potestatem in personas vel bona Colonie non habet , qua bona eorum in loco quocunque extra ipsam Coloniam propter debitam pecuniam exigere jure potest ; quia extra Coloniam ipsam Iurisdictionem nullam habet . Idem . Cœtus quanquam multandi membra singularia jus habeat , si Leges suas fregerint ; multam tamen illam exequi extra Coloniam ipsam jure non possunt . Quod autem hic dictum est de administratione Provincie vel Colonie , dicendum quoque est de regimine Oppidi , vel Universitatis , vel Collegii , vel Ecclesie .

In omnibus Systematibus Subordinatis , si quis ex Systemate causam habeat contra Systema ipsum , cognitio causæ pertinet ad Iudicem Civilem qui à Summa Potestate Civitatis ordinatur , non ad ipsum Systema quod membro suo concivis est . In Cœtu Summam habente Potestatem Civitatis , aliter res se habet ; ibi enim is , qui Summam habet Potestatem , etiam in sua ipsius causa Iudex erit , aut Iudex erit omnino nullus .

Systematis Subordinati ad Regulanda negotia Mercatorum constituti Personæ commodissima Cœtus est , Cœtus (inquam) eorum omnium quorum negotia regulanda sunt ; in quem convenire , Suffragia habere unusquisque eorum , qui pecunias suas conferunt , si velit , possit . Mercator , qui navem emere , & mercibus onerare potest , rarus est . Opus ergo habent , ut in unum Systema plures conjungantur . Finis autem Systematis Mercatorii is est , ut possint & facilius & utilius negotiari , juxta regulas à se quidem excogitatas , sed à Summa Potestate Literis confirmatas . Quibus Literis si concessum sit , ut possint ea quæ à Dominio Civitatis exportari expedit , solis emere , & quæ in Civitatis Dominium importari solis vendere juxta Systematis sui regulas ; duplum habebunt Monopolium . Quorum utrumque ipsis Mercatoribus lucrosum est ; sed Civibus ceteris ex parte noxiū . Quoniam enim soli bona Civium domi emunt , vilius emunt ; id quod sibimet ipsis lucro , reliquis autem Civibus damno est . Similiter quia in Dominiis externis soli vendunt , carius vendunt ; id quod sibimet ipsis rursus lucro , exteris damno est . Tertiò quia Merces externas soli emunt , vilius emunt ; id quod sibi quidem utile , externis autem noxiū est . Quartò quia Merces externas soli vendunt domi , carius vendunt ; id quod sibi adhuc lucrosum , sed concivibus suis damnosum est . Bono ergo Civitatis eslet , si Literis

concessum esset , ut soli foris Civitatis suæ Merces venderent , & Merces externas soli emerent ; sed ut domi arbitrio suo , quo velint pretio importata venderent , civibus malum esset . Expedit autem singulis hujusmodi Systematis membris , ut qui pecunias suas contulerunt , & expectant lucrum singuli pecuniaæ suæ collatæ proportionale , consultationibus Systematis adesse , librosque Rationum suarum inspicere , id est ut persona Systematis sit in ipso Cœtu seu Curia , ad formam Democratiæ .

Si Systema Mercatorum homini , qui Systematis membrum non sit , sed extraneus , pecuniam debeat , unumquodque membrorum seorsim obligatur ad solutionem totius debiti . Is enim , qui Systematis membrum non est Personæ artificialis notitiam nullam habet , sed Personas naturales eorum omnes obligari sibi supponit . Verum si Creditor sit Systematis membrum , Debitor quoque idem est , neque debitum suum nisi à Systemate ipso , id est à communi pecunia , si quam habet , postulare Iure potest . Si Civitas à Systemate virtute Poteſtatis Summæ pecuniam exigat , solvenda à membris est , collatis à singulis ad Mercaturam pecuniis proportionaliter . Nam communem pecuniam nullam habet Systema Mercatorium , nisi quæ à singulis ad Mercaturam collata est .

Eidem Systemati si imponatur ob crimen aliquod mulcta pecunaria , illi soli ad solutionem tenentur , quorum Suffragiis fieri crimen decretum erat , vel quorum auxilio commisum erat . In cæteris enim crimen non erat , nili crimen sit , quod membra essent Systematis peccantis . Id autem crimen non est , quia Systema ipsum Civitatis auctoritate constitutum est .

Si unus ex membris pecuniam Systemati debeat nec solvat , Systema contra illum Lege Civili agere debet . Neque enim Bona ejus capi , nec persona ejus in carcerem conjici ipsius Systematis , sed Civitatis folius Authoritate potest . Concives enim sunt Systema & membrum ejus .

Systemata Subordinata etiam pro tempore præfinito constitui possunt . Exempli causa , si Monarchæ , Dominii sui partibus singulis , ut Provinciis & Oppidis mandare visum fuerit , per Deputatos suos convenire ; ut illum de conditione Dominii sui certiore faciant , & ei circa Legum novarum constitutionem consilium suum impertiant , vel propter aliam causam quamcumque colloquanturque cum illis tanquam cum una Persona Cives omnes repræsentatura ; Deputati illi simul ac loco & tempore à Summa Poteſtate constituto convenerint , ibi & tunc Systema sunt Regulare , & Personam gerit . Systema totius Domi-

Dominii Civium , quantum attinet ad ea quæ à Monarcha Summam habente Potestatem tractanda proponentur ; ad alia autem non item. Etiam quando nihil amplius tractandum esse à Monarcha declarabitur , Systema illud dissolvitur. Si enim Civium omnium , & quoad negotia omnia , Personam gereret , Potestas Systematis Summa es-
set, essentque in eodem populo Summæ Potestates duæ ; id quod cum Pace & Salute Populi fieri non potest. Quæ autem tractanda sunt in Systemate tali præfinita sunt in ipsis Literis quibus convocantur. Po-
pulus enim Deputatos suos eligere ad alium finem non possunt quam qui in ipsis Monarchæ Literis continetur.

Systema Privatum Regulare , idemque licitum , illud est , quod sine Literis aut mandato Summæ Potestatis , præterquam Legibus omnium Civium communibus , constituitur. Quod cum una Persona factum sit , Regulare est. Qualis est Familia , in qua Pater Familias (quatenus Leges Civiles non prohibent) Personam gerit totius Familiæ ; & illi Filii servique obedire in omnibus rebus , quæ non sunt contra Leges Civiles , obligantur. Nam ante institutionem Civitatum , Patris erat in Filios & Servos Potestas Summa , neque Pote-
statis ejus partem ullam amisérunt Patres , nisi quam sustulerunt ipsorum consensu Leges Civiles.

Systemata Regularia quidem , sed Illicita , ea sunt , quæ fiunt ab hominibus in unam personam coeuntibus , sine omni Authoritate Pu-
blica. Qualia sunt , Systemata Mendicorum & Furum , eo fine ut mendicent furenturque commodiùs. Eriam Privata & Illicita sunt Systemata ea sive Fraternitates authoritate externâ constitutæ ad pro-
pagationem Doctrinarum , vel ad Factioñem , contra Civitatis Po-
testatem Summam.

Systemata Irregularia , quæ sua natura Fœdera tantum sunt , & interdum concursus tantùm Populi , sine certo Consilio , & sine obli-
gatione mutua , procedentia à sola voluntatum morumque similitudi-
ne Licta aut Illicita sunt , prout Singulorum consilia Licta sunt vel Illicita. Consilium autem cujusque quale sit ab occasione intelligen-
dum est.

Fœdera Civium (quoniam propter mutuam defensionem fieri Fœ-
dera solent) in Civitate (quæ Civium omnium Fœdus commune est) necessaria non sunt , sed suspecta sunt Consilii contra Civitatem initi ; & propterea sunt Illicita , vocanturque vulgo Conjuraciones & Fa-
ctiones , quoties autem Civium vires suas conjungentium incognitum est , ut Civitati periculosem , injustum & injustè celatum est.

Si Potestas Summa in Cœtu magno sit , parsque illius , cæteris in-
sciis;

sciis, consilium seorsim capiant quomodo coetum totum ad arbitrium suum gubernent, Factio est & conventus Illicitus, hominum per fraudem ad seditionem, ambitionis propriè causa, decipere cupientium.

In Civitatibus omnibus, si quis Civis plures habeat famulos & servos, quam conditio ejus & res agendæ postulant, Factio est illicita. Cum enim protectionem habeat Civitatis, defensionis causâ, vi privatâ non indiget.

Concursus Populi Systema est, sed Irregulare, quia sine Personæ unitate. Licitum autem vel Illicitum est, prout causa concurrendi Licta vel concurrentium numerus Civitati periculosis est. Si causa justa & cognita sit, concursus Licitus est; qualis est concursus hominum ad Pompas, & ad Theatrum numero non insolito. Nam si numerus solito insigniter major sit is qui causam legitimam, quare multitudini tantæ interfuit reddere non potest; Consilii seditionis conscientius judicabitur. Ut cum mille homines Magistratui vel Iudici supplicationem offerant, Lex fortasse civilis nulla prohibet, concursus tamen ille tumultus est seditionis, quia per unum vel duos homines idem fieri potuit. Multitudo autem quæ concursum illicitum reddit, non numero certo definitur, sed tanta videri debet, quantam, si opus est, publici Ministri consueti superare sine periculo non possunt. Similiter si numerus hominum insolitus ad Tribunal concurrunt, alicujus hominis accusandi causa; concursus ille Illicitus est, quia paucis vel unico homine accusare illum potuerunt. Talis in *Epheso* erat concursus contra Discipulos, infidelium clamantium, *Magna est Diana Ephesiorum*. Ubi causa (consideratis Civitatis illius legibus) justa erat; concursus tamen illegitimus fuit & à Magistratu reprehensus.

Abt. c. 19. vers. 39. *Quod si Demetrius & quicum eo sunt artifices; negotium habent cum aliquo, agitur forum, & Proconsules adsunt, alii alios postulanto. Si quid autem de rebus aliis requiritis, in legitima concione explicabitur. Nam periculum est, ne postulamur seditionis propter diem hodiernum; quam nulla subsit causa, ob quam possimus reddere rationem concursus istius.* Haec tenus de Systematibus dictum est, quæ partibus humani corporis Similariibus comparari possunt; nempe ea, quæ Legitima sunt, musculis; quæ legitima non sunt, Apostematibus, Tuberibus, tumoribusque à confluxu humorum noxiorum generatis.

C A P V T X X I I I .

De Potestatis Summe Ministris Publicis.

Minister *Publicus* is est qui in rebus , quæ ad Civitatem pertinent per Authoritatem Summam habentis Potestatem , Civitatis Personam repræsentat. Quoniam autem , qui Summo loco Imperat , Personas duas gerit , sive (ut loquuntur multi) duas habet Capacitates , aliam Naturalem aliam Politicam ; ille qui Summam habenti Potestatem Minister est ut Personæ Naturali , Minister *Publicus* non est. Qui vero Minister ejusdem est in Administratione Rei *Publicæ* , ille Minister *Publicus* est. Ianitores ergo Nuntii , aliqui Ministri qui inserviunt Coetui Summo , propter nihil aliud præter commoditatem ipsorum qui congregati sunt , Ministri *Publici* non sunt. Idem de Servis & Famulis domesticis Monarchæ , in Persona naturali considerati , dicendum est.

Ministrorum *Publicorum* aliquibus totius Dominii administrandi cura committitur ; ut quando Protectori Monarchæ Infanti ab Antecessore suo , committitur Tutela cum tota Regni administratione. Quando id fit , Civis unusquisque illi obedire obligatur , & Imperata ejus facere , quatenus in Regis Infantis nomine imperabitur , & quatenus imperata ipsa Potestati Summæ Infantis non repugnabunt. Ministris aliquibus Provinciæ tantum committitur administratio ; ut quando Monarcha vel Coetus Summus , Provinciæ alicujus Praefectum , Locum tenentem , vel Pro-regem facit. Quod cum fit unusquisque Provincialium tenetur illi obedire in omnibus quæ Monarchæ vel Summi Coetus nomine imperabuntur , nec Potestati Summæ contraria sunt. Eiusmodi enim Ministri Ius nullum habent , quod non dependeat à voluntate Summæ Potestatis. Hujusmodi autem Ministri *Publici* Nervis Tendinibusque , quibus corporis humani moventur artus , comparari possunt.

Administrationem habent alii negotiorum certorum domi , alii foris. Domi Minister *Publicus* est ad oeconomiam Civitatis , *Thesaurus* , cui Civitatis Reditus recipiendi , servandi , erogandi , Authoritas est data à Summa Potestate , & cui redditum Rationes reddendi onus imcubit. Minister autem *Publicus* èst , quia Summæ Potestati servit , ut Personæ Civitatis.

Secundò , quibus Armorum , Castrorum , Portuum commissa est custodia ; quibus Milites Conscribere , Ducere , Salarium solvere Autho-

Authoritas data est , vel necessaria ad Bellum sive Terra sive Mari procurare , Ministri Publici sunt. Miles autem et si pro Civitate pugnet , Personam Civitatis coram nemine repræsentat. Neque ergo Minister Publicus est. Sed Dux , quia Imperium habet Personam Civitatis repræsentat coram Militibus , quibus imperat , & Minister Publicus est.

Etiam quibus Populum docendi Authoritas concessa est , Ministri Publici sunt ; quia negotium publicum est , & Authoritate Publica administrandum. Populum enim docendi Monarchis solis & Coetibus Summis Authoritas à Deo immediate concessa est , ut qui soli dicantur simpliciter *Dei gratia* docere & imperare. Minister autem docendi Potestatem immediate à Summa Potestate , quanquam etiam mediate à Deo accipit. Itaque Potestatem habet suam , *Dei & Regis gratia* , vel *Providentia Divina & voluntate Regis* , vel *Civitatis*.

Item illi quibus Iurisdictio à Civitate data est , id est Potestas Causas cognoscendi , Ministri Publici sunt. Personam enim Summam habentis Potestatem in Tribunalibus suis sedentes repræsentant ; & sententiæ eorum , sententiæ sunt Civitatis , id est Summam habentis in Civitate Potestatem , cui causas cognoscendi jus adhærere supra ostensum est. Sunt ergo Ministri Publici. Quoniam autem Iudicia duorum generum sunt , Facti & Iuris ; tam Facti quam Iuris , Iudex Minister Publicus est.

Etiam Ministri Publici illi sunt , quibus à Summa Potestate , cura imponitur Iudicia exequendi ; iusta Summæ Potestatis publicandi ; Tumultus supprimendi , malefactores capiendi , & incarcerandi ; aliarumque rerum ad conservationem Pacis pertinentium. Hujusmodi enim actiones Civitatis actiones sunt , ipsique Ministri hujusmodi , corporis humani *Mamibus* comparandi sunt.

Foris Ministri Publici sunt illi , qui Personas Monarcharum suorum vel Summorum Coetuum repræsentant ad Civitates externas ; quales sunt Legati , Nuntii , Agentes , & Heraldi , Authoritate publica , de negotio publico missi. Qui autem ad Civitates externas à Civitatis suæ editione laborantis , Factione aliqua legantur , quanquam recepti sint , neque Ministri publici neque privati sunt ; qui à Civitate missi non sunt. Etiam Legatus à Principe ad Principem congratulandi vel condolendi vel in festinitate aliqua assistendi causa missus , et si Authoritatem habeat publicam ; quia tamen negotium privatum est , Minister Publicus non est. Neque Minister Publicus is est , qui ad externas Civitates mittitur consilia eorum explorandi causa. Quanquam enim tum Authoritas tum Negotium publicum sit,

fit, quia tamen Personam Civitatis non gerit, Minister privatus est; & corporis humani Oculo comparari potest. Consiliarius autem, si sine Imperio & Iurisdictione de rebus arduis & publicis habenti Potestatem Summam consilium tantum dandi jus habeat, Minister Publicus non est; neque vero Consiliariorum Cœtus ipse. Consilium enim Imperanti Summo coram ipso datur; Personam autem ejus coram ipso repræsentare nemo potest. Neque in Cœtu ipso Summam habente Potestatem, ullus homo singularis est Minister Publicus; quia nemo eorum Cœtus ipsius Personam in Cœtu ipso repræsentare potest.

C A P V T X X I V.

De Civitatis facultate Nutritiva & Generativa.

Civitatis Nutritio à *Copia* & *Distribuzione* rerum ad vitam necessariarum dependet, & ab eorum *præparatione*, & *applicatione* ad usum publicum.

Quarum rerum *copia*, nempe Nutritionis Materia, terminata ab ipsa Natura est; constatque ex fructibus, quos, à communis matris nostræ Vberibus Terra & Mari, procedentes, humano generi aut libere donat aut solo labore vendit Deus. Sunt autem Animalia, Vegetabilia, & Mineralia, quæ omnia non longè collocavit Deus à Superficie Telluris; adeo ut ad ea habenda, alia re opus non est, quam ut accipere velimus. Dependet ergo rerum necessariarum copia à sola (post benevolentiam divinam) industria & labore hominum.

Materia hæc, id est ea quæ proveniunt à Terra, Mari, & eorum Cultura *Bona*, partim *Nativa* Civitatibus singulis sunt, partim *Externa* in Civitates singulas importata. Quoniam autem Terra nulla sub unius Civitatis Dominio (nisi valde magna sit) necessaria omnia ad alimenta & motum Civitatis producit; neque rursus ulla quæ non aliqua producat superflua; bona illa superflua quæ *Nativa* sunt, superflua amplius non sunt, sed *Commutatione* vel *Bello*, vel *Labore* (nam etiam labores hominum, non minus quam res aliæ cum bonis aliis quibuscumque commutabiles sunt) bonorum *Nativorum* defectum supplent.

Bonorum autem distributio, est *Mei, Tui, Sui* constitutio; vocaturque *Proprietas*. *Proprietas* autem in omni genere Civitatis originem habuit à Summa Potestate. Vbi enim Civitas non est, ibi omnia

omnium sunt , & Bellum perpetuum est ; & Bonum unumquodque illius est , à quo rapitur & armis conservatur ; quod neque Proprietas neque Communitas est , sed Concertatio. Id quod ita manifestum est , ut etiam ipse Cicero (Libertatis defensor vehementissimus) Proprietatem omnem attribuat Legibus Civilibus , quibus sublatis , vel negligenter custoditis nihil esse dicit , quod quis aut à Majoribus accipere aut filiis relinquere pro certo possit. Et rursus tolle inquit *Leges Civiles* , quid suum , quid alienum sit , sciet nemo. Quoniam ergo constitutio Proprietatis Civitatis opus est ; illius opus est , qui Summam in Civitate habet Potestatem. Dependet enim Proprietas à Legibus Civilibus ; & is qui Summam habet Potestatem in omni Civitate Legislator est. Id quod observasse videntur illi Græci veteres , qui Legem nominaverunt *Népsos* (id est Distributionem) & Iustitiam (consequenter) esse cuique Distributionem *Sui* definiverunt.

Itaque si Civitas terram vacuam , aut Bello superatam acquisierit , distributio terræ illius inter Cives dependet ab eo , qui Summam habet in Civitate Potestatem ; habebuntque portiones suas , non ut cuiquam Civi , aut Numero Civium æquum esse , vel ad Bonum Publicum conducere videbitur , sed ut videbitur Summam habenti Potestatem. Populus Israëliticus cum in Deserto esset , Civitas erat , Promissæ autem Terræ Dominus nondum erat. Postea tamen , cum illam acquisissent , non suo , sed Eleazari Sacerdotis , & Ducas Iosuæ arbitrio distributam possederunt. Ex quo intelligi potest , Proprietatem terrarum quam habet Civis , in eo consistere , ut ab illarum usu concives suos omnes prohibere jure possit ; non autem ut cum excludat , qui Summam habet Potestatem , sive is Coetus sit , sive homo unus. Habet enim is Potestatem totius Civitatis , & Terras distribuisse , ut & alia omnia fecisse in ordine ad Pacem & Bonum Civitatis intelligendus est. Quin Monarcha vel Coetus Summus facere multa possit contra Bonum suum ; etiam contra suam ipsius conscientiam , contra fidem datam , & contra Leges Naturales , non negaverim ; sed ut ob eam causam Cives arma contra eum sumere , aut Reum facere , aut quocunque modo male de eo dicere , negandum est ; propterea quod omnium quæ fecerit , Authores singuli fererunt seipsoſ.

In distributione Terrarum , partem sibi ipsi quam velit reservare potest & colere qui Summè imperat , sicut unus ex Civibus. Quanta autem cunque portio illa sit , ad onera Civitatis omnia sustinenda , & ad ejusdem defensionem sufficere non tenebitur. Talis enim est natura hominum , ut certarum agrorum vel certorum reddituum possessio iniuti-

inutilis esset, tenderetque ad dissolutionem Civitatis. Simul enim ac Potestas Summa in manus veniret vel Monarchæ, vel Cœtus qui pecuniam Publicam negligentius custodiret, aut qui Civitatem temerè in nimis longum, aut nimis sumptuosum Bellum conjiceret, Civitas periret. Diætam non patiuntur Civitates; cum enim lūptus Publicus non ab ipsorum voluntate, sed ab externis Accidentibus & voluntate vicinorum terminatus sit, ab iisdem etiam definiri debent Divitiæ Publicæ. Itaque Civitati Divitias certas assignare, quas qui Summam habet Potestatem vendere vel dono dare possit, & vendit donatque aliquando, frustra est.

Ad eandem Summam Potestatem pertinet quæ Bona, & in quas terras, Civis vel Civium numerus quicunque exportabit, & quæ importabit definire. Nam si unicuique in hac re suo ipsius arbitrio uti permitteretur, non deessent qui lucri sui causa hostibus ea venderent, quibus Civitati nocere possent, eaque importarent quæ Civibus fortasse grata, sed noxia vel faltem inutilia essent. Ad Summam ergo Potestatem pertinet tum de locis, tum de materia negotiandi constituere.

Præterea cum Civibus satis non sit, proprios sibi habere Agros & certa Bona, nisi & ea habeant quæ per mutuos contractus commutent, prout singulis ad bene vivendum necessarium videbitur; hoc quoque in Summæ Potestatis arbitrio est, quo modo & forma contrahere debeant Cives quando vendunt, emunt; mutant, mutuò accipiunt, & dant; locant & locandum sumunt, ut quæ faciunt valida sint. Atque hæc de Materia & Distributione Alimentorum Publicorum (pro instituti operis modulo) dicta sufficiant.

Per *Concoctionem* intelligo Bonorum omnium quæ non illico consumenda sunt, sed conservanda ad alimentum futurum, reductionem ad aliquid quod cum tanti quidem sit, facilius à loco ad locum transferri possit; ne Civium motus necessiarum rerum pondere impediatur, utque in omni loco alimenta Civis unusquisque habeat de suo. Hoc autem præstare nihil potest, præter ex Auro & Argento Monetam. Contingit enim per totum fere terrarum orbem duo hæc Aurum & Argentum non modo Summè æstimari propter materiam ipsam, sed esse etiam Bonorum cæterorum omnium Mensuram commodissimam. Intra ipsam quidem Civitatem Moneta cujuscunque materiæ, modo Signo Publico signetur, mensuram rerum communicularum satis idonea est; sed Aurea & Argentea ubique valet; Civitatem permeat; singulis Civibus permeando partem sui, qua alendi sunt impertit, & est quasi Civitatis Sanguis. Sanguis enim etiam ex

Terræ fructibus nascitur in homine naturali ; & per membra ejus singula circulando pervadit, singula obiter nutriendis.

Pecunia Aurea & Argentea, quia propter ipsam materiam aestimantur, eximum habet, ut penes unam, aut paucas Civitates non sit, pretium ejus aut augere aut minuere. Pecunia autem ex materia viliore facta facile quoad pretium elevatur & deprimitur ; neque efficere potest ut Civitatis vires, si opus erit, in externas Civitates extendantur, exercitusque foris alat, armetque, sicut potest Aurea & Argentea ; sed domi manet cœli mutationis impatiens, modo cum majore, modo cum minore estimatione, ad dannum aliquando possidentium.

Publici hujus sanguinis ductus duplex est, alter ad exteriora alter versus interiora, id est Exitus & Reditus. Reditus fit per Collectores, Receptores, ad Thesaurarios ; Exitus fit per Thesaurarios, ad Ministros illos, qui pecuniam publicam erogant, & ab illis ad Cives privatos. Atque in hoc quoque hominis Artificialis appareat similitudo cum Naturali ; cuius Venæ Sanguinem à partibus corporis exterioribus recipientes ferunt ad Cor ; unde rursus per Arterias fertur, membra vivificans, & singulis motum tribuens.

Civitatis denique proles, *Coloniae* sunt, sive quas vocamus *Plantationes*, nimirum missi à Civitate Civium numeri sub Conductore vel Rectore, terram externam habitaturi culturique. Hujusmodi autem *Colonia*, aut Civitas est, ut quando à Civitate unde missa est emancipatur. Quod cum fit Civitas unde missa est, Metropolis *Coloniae* dici solet, neque amplius à *Colonia* postulat, quam à filiis emancipatis postulare solent Patres, nempe Honorem & Amicitiam ; aut Civitatis unde mittitur pars est, sive Provincia. *Coloniæ* ergo jus dependet à Literis Publicis earum à quibus sunt conditæ Civitatum.

C A P V T X X V .

De Consilio.

DE Natura rerum ex loquendi consuetudine judicare, quam sit fallax, nusquam magis appetet quam in vocibus *Consilium*, & *Imperatum*; quorum utrumque significatur dicendo *Hoc fac*, quæ vox non modo Imperantis, sed etiam Consulentis & Hortantis est. Pauci tamen sunt qui diversa esse Imperatum, & Consultum non sat sciant, vel (quoties quis ad quem loquitur cognoscunt) non satis inter ea possunt discernere. Sed in Scriptoribus voces illas negligentes.

ter prætereuntes , multi Præceptum illius qui Consilium dat , & Præceptum illius qui imperat idem esse putant . Ut ergo recte intelligatur quid sit Imperare , quid sit Consilium dare , & quid Hortari , voces illas sic definio . Imperare dicitur qui dicit Hoc fac , vel non fac , ad illum qui rationem dicti in voluntate dicentis sitam esse scit . Sequitur hinc eum qui Imperat sui ipsius boni causa id facere , cum voluntatem propriam pro ratione haberi postulat . Objectum autem Voluntatis semper aliquod Volenti Bonum est .

Consilium dare dicitur , quando quis dicit Hoc fac vel non fac Consilii rationem ab eo ducens , quod bonum ei sit , cui Consilium datur . Vnde manifestum est Consilium dantem , bonum prætendere solius accipientis .

Itaque inter Consilium & Imperium differentia una magna est , quod hoc ad proprium , illud ad alienum bonum tendere intelligitur . Atque hinc differentia oritur alia , quod is cui imperatur ad obedientiam obligari possit , nempe si obedire pactus fuerit . Sed is cui Consilium datum est , ut juxta Consilium datum agat obligari non potest . Si enim obligaretur Pacto , non amplius Consilium sed Imperium esset . Tertia inter eadem differentia est , quod jus Consilii dandi postulare nemo potest , quia bonum sibi ex Consilio postulare se negat .

Ad naturam Consilii pertinet etiam hoc , quod dantem , is qui petit neque punire , neque accusare jure potest . Nam qui petit , Consilium arbitrio dantis dari voluit . Itaque qui Monarchæ , vel Cœtui Consilium dat petenti , sive placeat , sive displiceat , puniri non potest ut quod volentibus datum est . Cæterum si Civis Civi Consilium det faciendi aliquid , quod lege prohibitum est , sive Consilium illud à prava intentione , sive ab ignorantia tantum procedat , puniri à Civitate potest ; quia ignorantia Legis illum , qui Legis notitiam habere debuit , non excusat .

Hortatio & Dehortatio Consilium quidem est , sed ut fiat , quod fieri consulit vehementer cupientis . Nam qui hortatur , severitate ratiocinationis non atitur , sed quibuscumque potest argumentis , ad actionem incitat . Itaque in Hortationibus à Passionibus & opinonibus communibus argumenta ducunt , utunturque persuadendi causâ Similitudinibus , Exemplis , Metaphoris , aliisque artis Orationis & Consiliorum .

Constat ergo Hortationes & Dehortationes ad Hortantis & Dehortantis bonum non nihil respicere , cum homines in suis plerumque rebus vehementiores sint , quam in alienis .

Hortationes & Dehortationes in multitudine tantum efficaces sunt .

Vbi enim hominem singularem alloquitur aliquis, s^epenumero interrumpitur; ex Oratione perpetua fit Dialogus; rationes rigidius persitantur quam in Cœtu.

Petenti Consilium, is qui Hortationem offert, Consiliarius bonus non est. Corrumperit enim à cupiditate illa (quæcunque ea fuit) quæ vehementiam & artificium in Orationem intulit; quibus factum est, ut quanquam Consilium bonum fuerit, ipse tamen bonus Consiliarius non sit, nisi etiam qui accepto dono, justè Iudicaverit, bonus sit Iudex. Illius autem qui jure Imperat, ut in Familia Paterfamilias, in exercitu Dux, Hortationes aliquando non modo laudabiles, sed etiam necessariae sunt; nimirum, si labor imperetur durus, interdum necessitas, humanitas semper requirit, ut consulentium dulci emolliatur potius quam aspero Imperii stilo fiat durior.

Differentiæ inter Imperatum & Consilium exempla è Sacris Scripturis sumi possunt: *Ne habeas alios Deos coram me. Ne facito tibi sculptile, &c. Ne assumito nomen Dei tui in vanum. Sanctifica Sabbatum. Honora Patrem tuum. Ne Occidito. Ne scortator. Ne furator, &c.* Imperata sunt; quia ratio obedientiæ à voluntate ducitur Dei cui obedire obligamur. Sed verba hæc *Vende omnia quæ habes, da pauperibus; & sequere me*, Consilium est, propterea quod ratio propter quam ita faciendum est, à Bono nostro derivatur, nempe ut *Thesaorum in Cœris habeamus*. Sed verba hæc Christi Matth. 21. 2. *Ite in vicum qui vobis ex adverso est, & invenietis asinam & pullum cum ea, solvite & adducite, pro Imperio dicuntur, quia Domini sunt; Verba autem hæc, Resipiscite & Baptizamini in nomine Iesu*, Consilium est, quia non ad Bonum aliquod, quod ad Deum perveniat (qui quantumcunque consumaces sumus semper regnabit;) sed ad Bonum nostrum, qui pœnam propter peccata nostra alia via effugere non possumus.

Differentia inter Consiliarios idoneos & ineptos, à differentia dependet inter Virtutes & Defectus (de quibus ante loquuti sumus) intellectuales. Illi enim qui Summam habet Potestatem pro Memoria & Intellectu sunt. Sed cum similitudine hac inter Civitatem & Hominem, dissimilitudo quædam magni momenti conjuncta est. Memoriam enim & Intellectum habet Homo ab ipsis rebus, quæ Sensuum objecta sunt; quæ objecta illum sine omni Passione, & Boni sui respectu quid agendum sit docent, nec aliter docere possunt; sed qui Civitati Consilium dat, habere potest, & s^epissimè habet scopum proprium, nec semper cum scopo Civitatis congruentem. Itaque pro virtute prima Consiliarii boni habendam censeo; ut Fines ejus & Bonum proprium non sint Finibus & Bono publico repugnantem.

Secundò

Secundò quia quoties de Actione aliqua agenda deliberatur, Consiliarii boni officium est Actionis consequentias, sive ea, quæ Actionem verisimiliter sequutura sunt, ita declarare, ut is cui datur Consilium ea perfectè intelligat; Consilium suum forma Orationis tali explicare debet, qualis veritati & perspicuitati maximè consentanea est, id est perspicuè loqui & firmè ratiocinari. Itaque *illationes temerarie* (quales sunt Illationes ab Authoritate Librorum) obscuræ & ambiguæ; item dictiones Metaphoricæ, & quæ Passiones hominum excitare solent, cum officio Consiliarii boni consistere non posunt.

Tertiò, Quoniam, ut quis Consilium Civitati rectum dare possit, non modo Experientia multa, sed etiam Meditatione longa opus est; nec quæ ad Administrationem publicam necessaria sunt, omnia scire quisquam præsumi debet; *Consiliarium bonum, nisi circa res in quibus* *din versatus fuerit, & de quibus din cogitaverit, neminem esse, presumendum est.* Ad Administrationem autem publicam scitu necessaria sunt, hominum (id est Materiæ ex qua Civitas constituitur) Ingenium, Iura Summæ Potestatis, Æquum, Iustum, Honestum, & eorum contraria quid sunt; quæ multam postulant ut rectè cognoscantur experientiam. Item quæ sint tam suæ, quam vicinarum Civitatum Vires, Opes, Præsidia, Classes, & Oportunitates; etiam qui Socii, qui Aditus, qui Affectus, quæ Factiones, & quæ agitent Consilia. Quazrum rerum sine multorum simul hominum observationibus cognitione haberi non potest. Denique cognita hæc omnia, nisi recta adhibeat ratiocinatio, inutilia sunt. Utile enim, nescienti rectè uti, nihil est.

Quartò, Ut quis in rebus maximi momenti Civitati consulat, vidisse debet Civitatis Archiva, Fœderum vicinarum Civitatum exemplaria, Ministrorumque ad Civitates vicinas ad earum Consilia exploranda emissorum Literas. Quæ nemini præter eos, quos vult is, qui Summam habet Potestatem, videre permisum est; ita ut, nisi qui ad Consilium vocari consuevit, Consilium rectum ne sapiens quidem dare possit.

Quintò, Monarchæ cui Consiliarii sunt, audire illos satius est seorsim unumquemque, quam in Coetu cunctos. Nam seorsim singulos audiendo Consilium multorum habet; Coetus autem audiendo unius tantum. Coetus enim persona una est, cujus membra non ex suo ipsorum sensu, sed ex aliorum eloquentia, vel potentia, vel amicitia sententiam dicunt, eam aliquando (ne ingenii tardi esse videantur) quam non intelligunt. Plurimi etiam eorum, commodo suo publi-

publicum postponunt. Quod, si sententias seorsim sine testibus dicant, minus noxium est. Passiones enim hominum singularium moderatores sunt per se, quam in Coetu (non aliter quam torres igniti disjuncti quam conferti minus ardent) ubi se nonnunquam flatu Rhetorico ad incendium Civitatis mutuo inflammant. Præterea sententiarum quas dicunt seorsim, rationes facilius examinantur, quam in Coetu, ubi multitudo & varietas Orationum auditores stupere potius quam intelligere faciunt. Nonnulli etiam sunt, qui cum convocantur ad Consilium, doctrinæ aut eloquentiæ famam captantes, ad ea quæ deliberantur impertinenter dicunt, quod in Consilio unius ad unum fieri non potest. In deliberationibus denique quæ tacenda sunt, (cum in Coetu sententiæ dicantur palam) periculum est ne hostibus patefiant.

Postremò, nemo est qui in rebus suis privatis Consiliariorum Coetu libenter uti vellet, quanquam id facile posset. Si dubitaret Pater familias cui vito filiam daret, quam uxorem filio sumeret, quibus & quanti locaret agros, quem Oeconomum, quem villicum sibi faceret, à Consiliariorum Coetu nunquam quereret, præsertim si in Coetu esse crederet qui ipsi malum optarent. Etsi ergo multorum Consilium Consilio paucorum anteferendum sit, tunc tamen tantum anteferendum est, quando Consilia singuli sua seorsim explicant. In deliberationibus enim simile aliiquid video ejus quod fit in ludo pilæ; ubi optimè facit qui Secundis utitur proprias habentibus stationes. Deinde qui propriæ confidens peritiz solus sine secundis ludit. Sed is qui in rebus propriis agendis à formato Consiliariorum Coetu circumfertur, ubi partes dissentientes mutuo se impediunt, pessimè omnium facit; similisque est Lusori, qui in machina aliqua rotulis imposita, gravi quidem ipsa, tardiore autem propter judicia eorum, qui illam huc & illuc movent discrepantia, ad pilam admovetur.

C A P V T X X V I .

De Legibus Civilibus.

SIicut *Leges Naturæ* illæ sunt, quibus obedire tenemur quatenus Homines; ita *Leges Civiles* eæ sunt, quibus tenemur obedire, quatenus Cives. De quibus, non quænam illæ sint, in hac vel illa Civitate, sed *Lex Civiles* quid sit, considerandum est. Scio in Civitatibus, quæ Civitati Romanæ subditæ olim erant, *Leges Civiles* plerumque

rumque dici Civitatis Romanæ Leges Antiquas. De illis disputare hujus instituti non est, sed (quod fecerunt Plato, Aristoteles, Cicero aliique multi, qui Iuris peritiam tamen professi non sunt) generaliter de Lege.

Manifestum autem est Legem Consilium non esse; sed Imperatum; quod (ut in præcedente Capite dictum est) à Consilio differt.

Legem igitur *Civilem* sic definio: *Lex Civilis unicuique Civi est Regula qua, Civitas Verbo vel Scripto, vel alio quocunque Volumatis signo idoneo, ad distinctionem Boni & Mali, uti imperat.*

In qua Definitione ambigui nihil est. Legum autem, alia Civibus statuitur universis; alia certis Provinciis; alia certo hominum generi; alia homini quandoque singulari. Quibus autem Lex ponitur, illis solis Lex est. Neque Injustum facit quisquam, quod non sit contra Legem sibi meti ipsi positam. Quod autem Signis idoneis declarari ex Legis Natura beat Lex, manifestum ex eo est, quod injustum nihil est, quod non sit transgressio alicujus Legis. Quicquid ergo à definitione hac inferri potest, negari non debet, quin sit verum. Infero autem primò, Legislatorem in omni Civitate eum esse, sive homo, sive Coetus sit, qui Summam habet Potestatem. Civitatis enim solius est præscribere Civibus Leges. Illa autem neque præscribere, neque dicere aut facere quicquam potest, nisi per Personam ejus, id est per illum, qui Summam habet Potestatem. Is ergo Legislator solus est. Ob eandem rationem solus etiam Legem abrogare potest; quia Lex abrogari non potest, nisi per aliam Legem.

Secundò, is qui habet Summam Potestatem Legibus Civilibus non subjicitur; cum enim arbitrio suo Leges & facit & abrogat, potest quoties visum erit, subjectione illa & molestia se liberare. Legibus ergo ante solitus erat. Liberi enim sunt, qui quando volunt esse, possunt; nec potest quisquam sibi ipsi obligari; quia qui obligare, idem liberare potest.

Tertiò, quando consuetudo longa vim obtinuit Legis, non à longitudine temporis vim Legis habet, sed à voluntate ejus, qui Summam habet Potestatem, per Silentium ejus significata; voluntatis enim signum aliquando etiam est Silentium. Neque diutius vim Legis consuetudo habet, quam silentium illud durat. Itaque si quæstio Iuris inter Civem & Summam Potestatem oriatur, longitudo temporis Summae Potestati pro Præjudicio non habebitur; sed quæstio secundum æquitatem terminabitur. Actiones enim & Sententiae multæ sine animadversione & correctione negliguntur longiori tem-

pore, quam ut homines meminerint; neque rationis est, ut consuetudines malæ unquam omnino in Leges transeant. Iudicare autem quid rationis sit, quid non sit, ad eum pertinet, qui Summam habet Potestatem.

Quartò, Leges Naturæ & Leges Civiles in eadem Civitate se mutuò continent. Lex enim Naturalis omnis, virtus moralis est, ut *Æquitas, Iustitia, Gratitudo* quæ (ut dictum est in fine Cap. 15.) Leges propriè dictæ non sunt; sed Qualitates. Tum, vero Leges sunt, exdemque Civiles, quando à Civitate observari imperantur. Leges ergo Naturales etiam Civiles sunt, quod autem omnis Lex Civilis etiam Lex Naturæ sit, ex eo patet, quod Pactum violare, & per consequens Legem Civilem transgredi Legis Naturæ transgres-sio est. Itaque ut Legibus Civitatis obediamus, Lex Naturalis est; neque diversa genera Legum sunt Lex Naturæ & Civilis, sed diversæ partes; quarum una scripta est, quam Civilem, altera non scripta, quam Naturalem vocant. Leges itaque Naturales à Lege Civili non mutantur, neque restringuntur; sed *Ius Naturale* tantum. Imò Legum Civilium ferendarum Finis erat restrictio Iuris Naturalis, sive Iuris omnium in omnia, quo stante, pax nulla esse potuit.

Quinto, Si is, qui Summam habet in Civitate Potestatem, armis vel hereditate Civitatem aliam sibi subjectam habeat, nec Leges illius mutet, Legislator tamen ipse est. Non enim is, cuius authoritate Leges ab initio institutæ sunt Legislator est, sed is, cuius authoritate retinentur. Vbi ergo sub eadem Civitate partes plures sunt, quæ diversas habent Leges, Legum earum authoritas, etsi antiquissimæ sint, vim Legum, non à Consuetudine, sed à voluntate Summæ Potestatis præsentis habent.

Sexto, quoniam Leges omnes tam scriptæ, quam non scriptæ, vim suam à voluntate Civitatis habent, eorum qui illas mutari aut corrigi à quantocunque Civium numero, sine consensu Summam habentis Potestatem posse dicunt, Sententia quanquam Iurisperitissi-morum rejicienda est.

Septimo, Legem contra Rationem esse non posse, & Legislato-ris Intentionem, non Literam scriptam esse Legem, Iurisperitis in confessio est. Manifestum autem est Authoritatem Legis à privati hominis Ratione non pendere, neque ex Iurisprudentia alicujus in Legibus peritia; nam si verum id esset, non pauciores de authoritate Legum inter Cives contentiones esissent, quam circa quæstiones Phi-losophicas & Theologicas inter Scholasticos. Non ergo Iudicūm subordinatorum, sed Civitatis, id est ejus, qui habet in Civitate Sum-mam

mam Potestatem Prudentia , Prudentiam facit Legis ; & Iudex sub-ordinatus non suam , sed ejus qui habet Summam Potestatem , pro Tribunal Sententiam dicere intelligendus est.

Octavò , Ab eo , quod Lex Imperatum est , Imperatum autem non est , ubi voluntas Imperantis non sit vel voce , vel scripto , vel alio signo idoneo declarata , inferimus , Civitatis Imperata , id est Leges Civiles illis solis Leges esse , quibus fuerunt declaratae. Itaque infantibus , mente captis , quæ Imperata intelligere non possunt , neque quid sit Iustum & Injustum sciunt , neque Pacta intelligunt , Leges Civiles non ponuntur ; neque propterea illis , quibus etiā hæc omnia intelligant , declaratæ sive promulgatae non sint , ita ut eas , si voluissent cognoscere , potuissent. Considerandum ergo est , quæ argumenta vel signa ad Legem promulgandam , idonea censenda sint.

Primo , si Lex ea talis sit , ut Cives omnes sine exceptione obliget , nec scripta sit ; dubium non est , quin Lex Naturæ sit. Quod enim pro Lege habere debemus , non propter Dictamina aliorum hominum , sed propter suam uniuscujusque Rationem , consentanea esse debet universaliter Rationi humanæ , & per consequens Lex Naturalis est. Leges itaque Naturales Publicatione , Proclamatione , Promulgatione non indigent ; ut quæ in unico præcepto continentur , *Quocunque vultis ut faciant vobis homines , id vos facite illis.*

Secundò , Si Lex aliqua non omnes , sed certum genus hominum , vel certum hominem obliget , nec sit scripta , neque promulgata , Lex Naturæ est. Etiam Leges omnes non promulgatae , si obligent , Leges Naturales sunt. Iusta enim omnia Homines obligant vel quatenus Homines , vel quatenus Cives , vel non omnino obligant. Itaque si publico Ministro negotium quodcunque imponat faciendum , Civitas , sine scripta regula , erit illi pro regula dictamen Rationis , Legato quidem Civitatis bonum , Iudici autem , id quod sibi æquum videbitur. Civitas enim & Bonum sibi , & Civibus Æquum velle intelligitur.

Legibus Naturæ exceptis , de Natura & Essentia Legum aliarum omnium est , ut promulgentur ; alioqui enim observari non possunt , Temporibus antiquissimis , Literis nondum vulgo cognitis , Leges memoriaræ causa , Carmine conscribabantur. Propter eandem causam Iudæos , ut Decalogum digitis suis alligarent jussit Salomon. Israëlitis ut Leges Deuteronomii filios suos docerent , easque Postibus & Ianuis domorum inscriberent jussit Moses. Est ergo de Essentia Legum , ita declarari ut transgressionis earum nullam habeant Cives ab ignorantia excusationem.

Neque satis est , ut Lex ipsa à Civibus cognoscatur , sed etiam , ut ab Authoritate processerit illius , qui Summam habet Potestatem . Legislator quidem quis sit , in omni Civitate notum esse supponitur , ex eo quod consensu singulorum Civium omnium constitutus erat ; cognoscere autem , quod Lex ab illo , qui Summam habet Potestatem profecta sit , difficilis est ; & propterea signis indiget , id est testimoniorum , quibus Verificetur , id est verum esse sciatur , Legem à Summa Potestate latam esse ; quæ quidem signa plerumque sunt , vel Archiva publica , vel Civitatis sigilla , vel Ministri , quibus Authoritas jus dicendi data est per Literas Sigillo publico signatas .

Quando ergo quæstio est de Injuria in Lege Naturali , Iudex talium causarum Legem Naturæ , quæ sit , explicabit .

Sin in Lege Civili quæstio eadem sit , consulenda sunt Archiva , ubi Leges scriptæ , eo ipso fine conservantur , ut in dubiis consulantur ; quas , si quis de Actione quam meditatur , an licita an illicita sit dubitat , consulere potest , imò debet ; quia qui dubitat bonum an malum sit , quod aggreditur , & tamen facit , Legem contempfit .

Si dubitetur , an alicui , ut Ministro Publico præstanta sit obediencia , ex Literis ejus , Civitatis sigillo signatis , vel ministerii sui signo publico id sciet .

Legibus & Legislatore cognitis , restat adhuc (si Leges obligatoriae futuræ sint) ut vera intelligatur earum Interpretatio , in qua sola consistit Legis Essentia . Ejusdem autem Personæ est & Imperare & Imperata sua interpretari , sive Iubere & Iussa explicare . Interpres ergo Legum omnium is solus est , qui Summam habet Potestatem , aut ab illo acceperit Authoritatem .

Leges omnes Scriptæ & Non Scriptæ Interpretatione indigent . Leges Naturæ , quanquam intellectu faciles sint illis quidem , qui causas cognoscunt alienas ; difficiles tamen sunt illis , quorum ipsorum causæ cognoscuntur , & fortasse Legum omnium difficilimæ , & maximè opus habent Interpretatione . In Legibus Scriptis , si breves sint , unius tamen aut duarum vocum ambiguitas facere potest , ut sint obscuræ ; si longæ sint , obscuriores eas reddit multarum vocum ambiguitas . Itaque Lex Scripta nulla , sive multis sive paucis verbis contineatur , intelligi potest nisi ex Legis ipsius causis Finalibus ; quarum causarum cognitio in Legislatore solo est ; & illi soli difficultates Legum , nodique aut extricando aut secando solubiles sunt .

In Civitate constituta , Legum Naturæ Interpretatio non à Doctribus & Scriptoribus Moralis Philosophiæ dependent , sed ab Authoritate

thoritate Civitatis. Doctrinæ quidem veræ esse possunt; sed Authoritas non Veritas facit Legem.

Legis cujuscunque Naturalis Interpretatio recta , Sententia & ejus qui Summam habet Potestatem , vel ejus , qui Authoritatem ab eo habet causas cognoscendi ; qui tunc Interpretatur cum Legem Facto applicat. Interpretatio autem illa Authentica est , non quia sua , sed quia Civitatis Sententia est ; & Lex fit illis inter quos Lege agebatur , non autem Civibus universis.

Quoniam autem Iudex nullus est neque Subordinatus neque Supremus , qui interdum non erret & iniquam Sententiam ferat ; idem si postea in quæstione simili errorem suum cognoscat , sententiam ferre æquorem obligatur. Suus enim sibi error Lex non est , neque eum obligat ad persistendum in iniquitate sua. Multo minus Iudices alios obligabit. Quanquam enim Sententia , etiam iniqua , per Authoritatem Summam tacite probata in Legibus quæ mutabiles sunt , instar novæ Legis sit ; in Legibus tamen immutabilibus , quales sunt Leges Naturales , transfire in Legem non potest , ut obliget ad similem sententiam semper ferendam , eundem aut alium Iudicem. Leges Civiles , & Civilia omnia transeunt & mutantur ; sed Leges Naturales , cum sint divinæ transfire aut mutari non possunt. In Iudiciis ergo Præjudicia valere non debent , neque sententiam iniquam excusare possunt. Vnicuique ergo Iudicii incumbit , ut sententiam ferat ex sua ipsius Conscientia , & Ratione Naturali , peritiaque propria circa Äquum & Bonum , nec à Præjudiciis Iudicum præcedentium. Exempli causa *puniri innocentem* , contra Legem Naturæ est. Innocens autem est , qui coram Iudice absolutus est. Accusatur quidam Criminis capitalis , qui inimicorum suorum potentia & malitia , Iudicunque iniquitate solita cognitis , metuens , ne condemnaretur affigit ; tandem retractus ad Tribunale sistitur reus ; causam dicit ; absolutus est. Cæterum quoniam obtinuerat in Civitate consuetudo ex multis Præjudiciis præcedentium Iudicum , ut qui fugerit , quanquam postea absolutus fuerit , bonis suis omnibus mulctaretur , Bonis suis exutus est. Consuetudinem hanc , quorumcunque & quoteunque Præjudiciis fieri Legem potuisse nego. *Puniri enim innocentem* vetat Lex Naturæ æterna & divina. Metu potentium inimicorum fugere Lex nulla prohibuerat. Innocens autem cù erat quod absolutus est . Præsumptionem criminis Absolutio abstulerat. Itaque iniquè & contra Legem Naturæ bonis omnibus mobilibus spoliatus est. Præjudicia ergo in Iudiciis considerare , aut imperiti , aut iniqui Iudicis est. Etiam Axioma illud Legistarum : *nullam Probationem contra Præ-*

sumptionem Legis admittendam esse. Iniquum est; Injusti enim Iudices sunt, qui quod ad sui defensionem producit reus, audire nolunt.

Similiter quando sententia queritur Legis scriptæ, Interpres non erit, qui in Legem Commentarios scribit. Commentarii enim obscuriores plerunque sunt ipso Textu; & proinde opus habent Commentariis; adeo ut interpretandi nullus sit finis. Nisi ergo Authoritate Summæ Potestatis Interpres aliquis constitutus sit, à cuius Interpretatione Iudicibus Subordinatis discedere non liceat, ipsi Iudices Subordinati Interpretes erunt, ut in Legibus Naturalibus; & eorum Sententia ad præsentis litis decisionem, pro Legibus habendæ erunt. Sed Iudices alii in similibus quæstionibus non eo obligabuntur casus similes similiter judicare.

Differentiam inter Literam & Sententiam ponere solent Scriptores. Literam, sive verba Legis per se sumpta, sensum literalem vocant; sed Legis Sententiam eam esse dicunt, quam intelligi voluit Legislator. Et rectè quidem distinguunt. Legislator autem, quid per verba Legis intelligi voluit, unde cognoscitur? Ex eo cognoscitur, quod Legislator, (id est Persona Civitatis) semper intelligendus est velle id, quod æquum est. Itaque si Sententiam æquam non suggerant Verba ipsa, Leges Naturales consulendæ sunt; alioqui contra injuriā remedium haberi non posset; id quod esse contra voluntatem Legislatoris, supponendum est. Facultates in bono Legis Interpretæ, id est in bono Iudice, requisitæ, eadem non sunt, quæ requiruntur in bono Patrone, vel Advocato, nempe ut Legum periti sint. Iudex enim, sicut de facto nisi à Testibus nihil intelligere debet; ita de Iure nihil constituere debet, nisi quod Leges scriptæ & Civitatis Constitutiones ante definierint, quæ Leges & Constitutiones palam allegantur, explicanturque coram ipso, in ipsa causæ cognitione, unde ita instruitur Iudex, ut quanquam peritiam Legum valde mediocrem habeat, satis tamen instructus esse possit ad Sententiam ferendam Iustitiae & Æquitati consentaneam.

Quæ bonum faciunt Iudicem hæc sunt; Primo ut Legem Naturæ præcipuam, nempe Æquitatem in Controversiis omnibus bene intelligat; id quod à multa Librorum lectione non dependet, sed à bonitate facultatis Rationalis, & à cujusque Meditatione propria; quas illis adesse maximè præsumitur qui ad Scientiam Æqui & Boni ingenio suo maximè feruntur, & maximum meditandi habuere otium. Secundo, ne divitiarum nimis cupidi sint. Tertio, ut in causis cognoscendis possint metum, iram, odium, amorem, misericordiam excire. Quartò, ut patienter audire possint, diligenter animum advertere, quæ audierit memoria retinere, disponere & applicare.

Divi-

Divisio Legum varia est, propter varias Scriptorum methodos. In *Institutionibus* Legum genera enumerantur septem.

1. *Edicta, Constitutiones, & Epistolæ Principum*, id est Imperatorum Romanorum, qui Summam habuere in Civitate Romana Potestatem. Similia his sunt *Edicta* sive *Proclamationes Regum nostrorum*.

2. *Decreta Populi Romani* quæ Leges primum erant virtute residentis in Populo Summæ Potestatis; quarum quæ ab Imperatoribus abrogatae non fuerunt, Leges propter Authoritatem Imperiale remanserunt. Hæ autem cum Actis Parlamenti comparari possunt.

3. *Decreta Plebis Romanae* (Senatu excluso;) Horum quoque illæ quæ ab Imperatoribus abrogatae non sunt, Legum vim retinuere.

4. *Senatusconsulta*. Nam cum numerosior jam factus esset Populus Romanus quam ut commodè congregari potuerit, visum Imperatori est, ut pro Populo consuleretur Senatus. Leges ergo erant quales fere sunt acta Consilii Regis privati.

5. *Edicta Prætorum*. Qui Romæ erant idem ferè quod Iudices Præcipui apud nos.

6. *Responsa Prudentum*. Quæ responsa erant sententiae Iuris-prudentum eorum quibus Authoritas de Lege consulentibus respondendi, ab Imperatore concessa est. Leges ergo erant.

7. *Consuetudines* denique non-scriptæ Leges erant. Non tamen naturâ suâ, sed consensu tacito Imperatoris.

Divisio Legum alia est, in *Naturales & Positivas*. Naturales quænam sint, dictum jam est, Æternæ sunt.

Positivæ sunt, quæ ab æterno non fuerunt, sed voluntate Summarum Potestatum factæ Leges.

Legum Positivarum aliæ sunt *Humanæ*, aliæ *Divinæ*. Humanarum aliæ sunt *Distributivæ*, aliæ *Pœnæ*. Distributivæ sunt, quibus Iura Civium definiuntur; quæque Civibus præscribuntur universis.

Pœnæ sunt quæ pœnas violatoribus Legum infligendas definiunt; quæque Ministros quorum officium est pœnas exequi solos alloquuntur, & cum Legibus Distributivis conjunguntur.

Leges Positivæ Divinæ (Naturales enim omnes Divinæ sunt) sunt illæ, quæ à Deo ipso positæ sunt, (non ab æterno nec universis hominibus sed populo certo;) ut pro Divinis declaratæ, per illos quibus Deus declarandi eas Authoritatem dedit.

Authoritas autem declarandi Leges Divinas ita ut Obligatoriæ sint, unde cognosci potest? Modo quidem supernaturali, homini alicui ut Leges Divinas aliis Prædicet Imperare potest Deus. Sed quia de Essentia Legis est, ut neminem obliget qui Prædicantis Authoritatem,

tem, quod à Deo sit, scire non potest, unde oritur obediendi obligatio? Quid Deus aliis dicat scire non possumus naturaliter; neque sine Revelatione Divina nobis concessa, supernaturaliter. Quanquam enim à Deo Revelatum esse alicui aliquid credere inducatur aliquis, vel propter Miracula, quæ ab eo facta esse viderit, vel propter egregiam Sanctitatem, vel egregiam Sapientiam, vel propter egregiam felicitatem, quæ omnia gratiæ divinæ signa sunt satis magna, certitudinem tamen non efficiunt? Miracula enim ex quo tempore nobis Christianis positæ sunt Leges Divinæ, cessaverunt. Miracula narrantibus credere non obligamur. Etiam ipsa Miracula non omnibus Miracula sunt.

Cæterum ut Divina Supernaturalia Prædicantibus obedire aliquando, & alicubi debeamus, causa in promptu est; Nempe si ea quæ Prædicant pro Legibus haberí jussérunt Civitas. Est enim de Lege Naturali, quæ Divina etiam est, ut in iis omnibus quæ jussérunt Civitas, Civitati obediamus, quanquam non, ut credamus. Credere enim animi actus est, non à Deo iussus sed factus, quem quando & quibus vult, Deus dat negatque; & Non credere, Legum Divinarum Positivarum, Negatio, non Transgressio est. Pactum, quod modo supernaturali cum Abrahamo Pactus est Deus tale est: *Fædus meum inter me & te & semen tuum post te, quod servabitis hoc est.* Semini Abrahæ nondum existenti Pactum hoc revelatum esse non potuit. Quare ergo pro Lege Divina habere obligati fuerunt Israëlitæ, id quod pro Lege divina ab Abrahamo declaratum est, nisi quia in filios & servos suos summam habuerit Abrahamus Potestatem? Rursus ubi Deus de Abrahamo loquens (Gen. 18. 18.) *In eo, dicit, benedicendæ sunt omnes gentes terræ.* Nam agnovi eum, ut quum præcepérunt filiis suis & familiae suæ post se, etiam observent viam Iehovæ, &c. Manifestum est obedientiam Abrahamo à familia sua debitam dependisse ab obedientia autem ipsi debita ut Summam habenti in ipsis filios & servos suos Potestatem. Nulla enim Familiae facta est Revelatio Divina. In montem Sinai ad Deum ascendit solus Moses; populus ne ascenderet vetitus est ne moreretur. Obligabatur tamen. Cur? quia ipsi Moysi promiserant facere omnia quæ imperaret, dixerantque *loquere tu nobiscum & audiemus; sed ne loquatur nobis cum Deus, ut non moriamur.* Ex quibus duobus locis, satis constat, in omni Civitate, Civem cui non sit facta Divinæ voluntatis Revelatio certa & immediata, debere pro voluntate Divina, Legibus obedire Civitatis. Nam si pro mandatis Dei, sua vel privatorum hominum quoru[m]cunque somnia, & Phantasmatu[m] Cives sumerent, vix duo essent, qui de mandatis Dei inter-

ter se non dissidentirent, imò etiam Mandata Civitatis non contemnerent. Dico ergo, in rebus omnibus Legi Morali, id est Legi Naturæ non contrariis, Cives omnes obligari ut pro Lege Divina habeant, quicquid à Lege Civili pro Lege Divina declaratur. Manifestum enim est, id quod non est contra Legem Naturalem, fieri posse à Summa Potestate Legem Civilem. Neque in ulla parte orbis Terrarum permisum est, aut fuit Civibus Mandata Divina alia factis suis prætendere, præter ea, quæ à Civitate approbantur. Et ut Civitates Christianæ, deficientes à Religione Christiana, ita Civitates non Christianæ, à Religione sua deficientes puniri solent.

Distinxerunt Leges alii, in *Fundamentales*, & *non Fundamentales*. *Fundamentalis* in unaquaque Civitate illa est, quæ sublatâ Civitas dissolvitur. Lex autem unica *Fundamentalis* est, ut singuli Cives Personæ Civitatis, id est Summam habenti Potestatem obedientiam præstent. Nam eâ sublatâ, Civitas nulla est; ea stante Civitas manet. De Divisione Legum tantum esto.

Invenio voces *Legem Civilem*, & *Ius Civile* à Scriptoribus promiscè usurpatas esse; quod fieri non debet. *Ius enim Libertas* est, id est à Legibus Civilibus exemptio. Contrà, Lex Civilis *Obligatio* est, Libertatem à Natura datam tollens aut restringens. Per naturam enim unicuique *Ius erat viribus & facultatibus suis*, sui ipsius arbitrio utendi; id quod Lex Civilis, nisi quibus Legis Civilis protectionem tutum non erat expectare, sustulit.

C A P V T X X V I I .

De Criminibus, Excusationibus, & Extenuationibus.

IN Transgressione Legis non modo Peccatum ineſt, sed etiam Legislatori contemptio aliqua, quæ Legum ejus simul omnium instar violationis habita est. Peccatum ergo est, non solum quod factum, dictum, aut neglectum est contra Legem, sed etiam ipsa transgrediendi Intentio, sive propositum. Si quis tamen Bona, Servos, Uxorem videns proximi sui, frui illis, cum delectatione imaginatus tantum fuerit absque omni intentione vel consilio per fraudem aut vim ea occupandi, Peccatum non est, neque Præcepti *Non concupisces* violatio. Neque Voluptas quam quis habere potest dum inimici, à quo vivente nihil expectat nisi malum, mortem imaginatur, vel somniant, modo nihil contra illum moliatur, Peccatum est. Nam Iucundi etiam imaginatione delectari ita homini naturale est, ut Lex quæ id *Leviat.*

prohiberet, etiam Hominem esse prohiberet. Sententia igitur eorum qui *Motus animi primos peccata esse ajunt*, tum aliis tum sibi meti ipsiſ nimium severa mihi videtur. Magnum enim est, si homo existens malum facere quo delectatur ne quidem velit. Aliud enim est Imaginantem delectari; aliud velle.

Crimen omne Peccatum quidem est; ut quæ sit Legis alicujus violatio. Non autem vicissim omne peccatum Crimen est. Velle occidere vel furari peccatum est, etiamſi neque facto neque dicto voluntas occidendi vel furandi patefiat. Nam à Deo, qui consilia hominum intuetur, Reus fiet. Sed ab hominibus consilium hominis neque dicto neque facto cognitum accusari non potest. Neque ergo Crimen vocari solet. Peccatum ergo & Crimen distinguuntur, eo quod Peccatum est Legis transgressio quælibet; Crimen autem transgressio ea ſola, quæ coram Iudice homine judicari potest, sive, cuius Homo hominem insimulare potest. Quanquam ergo Intentio male agendi Peccatum sit, si tamen ſigno nullo innotescat, Crimen non est.

Ubi Lex non est, Peccatum non est. Sed quia Lex Naturæ æterna est, transgressio ejus Peccatum ſemper erit. Cefiantibus Legibus Civilibus cefiant Crimina. Nulla enim præter Naturales existente Lege, unusquisque ſui ipſius Iudex est, & ſola ſui ipſius conſcientia judicatur. Cefante Potestate Civili, cefant Crimina; Iustum & Injuſtum, propter Ius omnium in omnia, nihil est. Verum ſi Civitas per ſeditionem diſſoluta fuerit, Crimen in diſſolventibus permanet; quia ab initio quod fecerunt Crimen erat; & à Civitate reſtituta Iudicari & puniri potest.

Crimina à tribus maximè cauſis oriuntur; vitio intellectus, quæ eſt Ignorantia; Imperitia ratiocinandi, id eſt errore; & vi Paſſionum. Ignorantia autem eſt vel Legis, vel Legiflatoris, vel Poenæ. Ignorantia Legum Naturalium excusat neminem; illi enim, qui Rationis Naturalis uſum aſſequutus eſt, Leges Naturales quænam ſint, cognitum eſſe præſumitur; nimirum alteri faciendum non eſſe, quod ſibi factum eſſe nolleſt. Ubiunque ergo aliquis fuerit, ſi Legem loci ignorañs violaverit, ſine Crimine non erit. Exempli cauſa ſi quis ad nos ab Indis adveniens, Religionem ſuam noſtræ contrariam prædicaret, quæſtio de Veritate Doctrinæ nulla fieret; ſed quod noſtram violaverit Legem pro Crimine habebitur, & juxta Statutas Lege poenias punietur. Nam & iſ concivium ſuorum animos novis Religionibus ſollicitari non æquo animo ferret.

Si qui Civitatis ſuæ Legem, quæ non ſatis promulgata fuerit violaverit, nec fecerit aliquid contra Legem Naturalem, ab Ignorantia excusabitur.

Si

Si quis loci in quo versatur imperium cui sit ignorans , Civitatis Authoritati resistat , non excusabitur ; quia à quo Protectionem aliquamdiu acceperat ignorare non debuit.

Ignorantia Pœnæ excusat neminem. Cognita enim Lege , cognitoque quod Crimini Pœna debetur et si ignota , aliqua ; qui Crimen committit , pœnæ etiam ignotæ obnoxium se facit volens. Rationis enim est , ut qui arbitrio suo injuriam terminat , pœnas det terminatas arbitrio Civitatis.

Ubi verò Lege vel Consuetudine poena limitatur , ubi majoris pœnæ inflictio iniqua est. Nam pœna , quæ major est , quam ut à Crimen deterreat , ad Crimen hortatur. Comparantes enim , quod in Crimine Iucundum , cum eo , quod in poena Molestem est , id quod sibi optimum esse putant necessario eligunt. Itaque qui pœnas luunt , majores quam quas Lex præscriperat , à Lege ipsa quasi Crimen suadente , decepti sunt.

Quod ante Legem latam factum est , Crimen per Legem illam fieri nequit. Ante Leges Naturæ æternas factum nihil est. Lex autem post Factum lata , quia cognosci non potuit , obligatoria non est. Quod autem contra Legem fit jam latam sine pœna definita , pœna quæ post definietur , nisi solita major sit , obnoxius fiet propter causam modo supra allegatam.

Ab errore nascuntur Crimina hominum , quibus illudunt aut falsa Principia , aut falsa Legum interpretatio , aut à veris Principiis falsa Ratiocinatio. Qui ad consuetudinem hominum animum adverterunt Virtutes & Crimina prosperis vel adversis successibus metientium , videntiumque Leges à potentibus perrumpi , quibus vulgus implicatur , ut Leges parvi pendant difficile non est ; & propterea plures esse solent qui vitio Legum , quam vitio hominum id fieri arbitrantur. Quorum nonnulli quasi Axiomata quædam pronuntiant , *Institiam præter Vocabulum nihil esse.* *Suum esse cniue , quod industria , aut periculo suo occupat , & tenet.* *Consuetudinem in omni gente obinentem , inquam esse non posse.* Exempla longi temporis pro Legibus habenda esse , aliaque his similia , vitam hominum ad feritatem & cædes mutuas reducentium. Eorum qui sic sentiunt , quis nisi meta à quantumvis magno Crimine se abstinebit.

Secundò , qui Leges Divinas tum Naturales tum Positivas , ad commoda sua torquentes , ita interpretantur , ut cum Legibus Civilibus , & populi tranquillitate non consistant , Civibus ab Principiis suis resistendum colorem prætextumque perpetuò præbent , vel à Religione , vel à Iure Naturali , vel Civili.

Tertiò, à mala ratiocinatione quanquam à veris Principiis, nascuntur Crimina, quando qui in doctrinis Fidei rectè sentiunt, in diversa sentientes, eo nomine sæviunt, quod errant, sævitiam suam zelum Dei nominantes. Quorum hominum aliquem libenter sic compellare rem. Errant, esto; sed quid ad te? Populum corrumpunt; Quid hoc ad te cui salus Populi non committitur, sed Regi? Sed ad me sub-Rege. Doce ergo. Doceo sed frustra. Ergo perfunctus officio, docere desinens accusa; nam quæcunque ulterius sæviens feceris Crimina sunt.

Passionum quæ Crimina potentissime suadent, sunt *Ira, Avaritia, cæteræque cupiditates vehementiores*, sed non sine *Spe*. Nemo enim eujuscunque boni causa Crimen committeret, cuius potundi spem haberet nullam. Faciunt autem Spem, Divitiæ, Potentia Amicorum, Aura popularis, & Effugia quæcunque. Iudices & Testes corrumpuntur à Divitiis. Pœnam Amici deprecantur; etiam aliquando Reum per vim eripiunt. Favor Populi impunitatis spem à multitudine ostendit, quam puniri sine multo sanguine difficile est, nec Civitatem puniantur semper expedit. Amor & Admiratio Sapientiæ propriæ, quia plausum à multitudine hujusmodi homines expectare solent, facit ut temerè loquuntur de Statu & Regimine Civitatis, & Religionis publicæ, id quod per se Crimen magnum, & magnarum seditionum causa frequentissima est. Quibus autem nec Divitiæ sunt, nec Authoritas, nec Gratia Popularis, Spem impunitatis præterquam in latebris, aut fugæ oportunitatibus, nullum habent. Initium quidem scelerum omnium à cupiditatibus esse manifestum est; sed nisi impunitatis antecedat Spes, nunquam fere ad finem perducuntur.

Passionum autem omnium innocentissimus est Metus; imo solus est qui homines omnes (paucis exceptis qui excelsiore animo sunt, quam ut velint debere aliquid Injustitiæ) à Criminibus committendis prohibet. Aliquando tamen in Crimen inducit etiam *Metus*.

Actionem enim non omnis excusat Metus, sed corpori tantum suo metuentis; cuius defendendi Ius unicuique naturale semper manet. Attamen si quis se ab inimico suo nondum aggrediente, interfici aliquando Metuens, Metusque sui justissimam causam habens, ipsum occupans interficiat, Crimen erit; nec Metu, sed odio fecisse judicabitur; propterea quod protegi, si expectasset, potuit à Civitate. Sed si illum aggredientem occidisset, Crimen non fuisset; quia auxilium à Legibus expectari non potuit. Civis à Cive verba audit plena contumeliæ, quæ nulla tamen Lege lata puniuntur; metuensque, nisi armis vindicet, pro homine haberi timido, ad arma provocat & illum inter-

interficit, Crimen est; nec Metu ejusmodi excusabitur. Quare? Quia Civitas verba Publica, id est Leges, apud Cives plus valere vult, quam verba hominis singularis; cuius verbis poenam constituere ideo neglexit, quia eos qui ne verba quidem tolerare possunt, pro molliissimis omnium hominum habet Civitas. Crimina ne Metus quidem Dei excusat, multo minus Metus earum rerum, quæ sub nomine Spirituum formidabiles multis fiunt, quales habentur Lemures, Animæ mortuorum, aliaque Phantasmatu dormientium vel dormitantium hominum Superstitionum. Crimen enim omne Injustum est; ideoque non qui Crimen facit, sed qui fugit, Deo placet. Itaque metuendum à Deo hominibus justis nihil est, quicquid illis comminatur quidam sub prætextu Religionis à vi Spirituum.

Ab his Criminum fontibus diversis manifestum est, falsum esse quod tenuerunt olim Stoici, Peccata omnia esse æqualia. Est enim non solum *Excusationi* locus aliquando, ubi quod Crimen videbatur, rectè factum esse ostenditur; sed etiam *Extinuationi*, qua Crimen quod videbatur magnum, apparet minus. Quanquam enim Crimina omnia æqualiter Injusta appellantur, quemadmodum omnis à rectitudine deviat vocatur curvitas; non tamen sequitur inde omnia Crimina esse æqualiter Injusta, magis quam omnia curva æqualiter esse curva.

Id quod factum aliquod planè Excusat, naturamque Criminis ipsam tollit, nihil esse potest præter id, quod Legis obligationem simul tollit. Quod enim contra Legem semel commissum est, in eo qui ad Legem servandam obligatur, necessariò Crimen est.

Legem cognoscere non potuisse totaliter excusat. Illi enim Lex nondum est.

Qui Bello captus, vel in manibus hostium utcunque existens (in manibus autem hostium esse dico, qui vel ipse vel bona sua ad vivendum necessaria ab hoste occupantur. Nec sua ipsius culpa in manus hostium venerit) non amplius Lege Civitatis obligatur. Hosti enim obediendum est necessariò, aut moriendum; vitam autem conservare omni modo licitum est.

Si quis ad faciendum aliiquid contra Legem, mortis imminentis metu compulsus sit, plenè excusat; quia vitae suæ conservationem negligere nemo obligatur. Supposito enim, quod obligatus esset, cogitaret tamen, *Nisi faciam, statim morior; si faciam post moriar.* *Faciendo ergo vitam aliquamdiu produco.* Compellet ergo ad faciendum Natura ipsa.

Qui alimentis, aliisve rebus ad vitam necessariis destitutus est, ne-

que sine Legum violatione vitam sustinere potest (quod in magna Fame aliquando accidit , ubi neque venalia , sunt neque alio modo obtineri alimenta possunt) alienum ad sui defensionem aut conservationem si furto vel vi eripiat, totaliter excusatur.

Facta contra Legem authoritate alienâ excusantur contra Authorrem ipsum ; quia Actorem suum Author accusare non debet , sed contra tertium factò lassum non excusantur ; neque ergo contra Civitatem, cujus Leges violatæ fuerint. Itaque si homo vel Cœtus , qui Summam habet Potestatem Legem ante latam violare jussit , violatio Excusatur totaliter. Factum enim , cuius Author est is , qui Summam habet Potestatem, ab ipso condemnari non potest ; & Legem, quantum attinet ad factum illud particulare, Summæ Potestatis Authoritas abrogare censembitur.

Si qui Summam habet Potestatem Homo vel Cœtus , Civi Privilium sive Libertatem concesserit , quæ cum Potestate Summa consistere non potest, ut quæ Summæ Potestatis exercitium impedit , is qui Libertatem talem exercebit , peccat , & contra officium Civis facit. Scire enim debent Cives omnes , quid Iuri Civitatis congruum sit , & quid incongruum ; quia Civitas à singulis Civibus pro sua ipsorum salute , & consensu singulorum instituta erat, Libertatemque illam , quatenus Summæ Potestati repugnat , concessam esse scire per ignorantiam Concedentis , qui consequentia inde Civitati pericula non viderat. Siquidem autem Libertate sua uti pergens Ministro publico restiterit, Crimen est.

Criminum gradus variè mensurantur. Primò , per Fontis sive Causæ unde oriuntur pravitatem. Secundò , per Exempli contagium. Tertiò , per damnum inde natum. Quartò , per circumstantias Temporum, Locorum , & Personarum.

Contra Legem factum idem , si à præsumptione oriatur virium vel divitiarum , vel amicorum , quibus qui facit fretus Ministris publicis resistit , majus Crimen est , quam si à spe latendi , vel fugiendi ortum esset. Impunitatis enim præsumptio natæ à fiducia potentiaz Radix est , unde omni tempore & oportunitate omnium Legum nascitur contemptio. Quod autem fit , propter spem latendi vel fugiendi , periculi agnitionem arguit , quo Legibus in futurum redditur obsequentior.

Crimen qui esse scit & facit, Crimen auget , quod si prosectum esset ab opinione quod licitum esset , minus fuisset. Nam qui male facit contra suam ipsius Conscientiam , viribus confidit quibus excitatur ad idem sæpius faciendum ; sed qui errore facit , cognito errore ad Leges conformatur.

Is cuius error ab Authoritate Doctoris vel Legum interpretis publicè constituti oritur , minorem habet culpam , quam si natus esset à propriorum Principiorum , & rationum prosecutione obstinata . Quod enim docetur per Authoritatem publicam , à Civitate ipsa docetur , & similitudinem aliquam habet (dum non prohibetur) Legis Civilis ; & Crimina , quæ negationem non continent Summæ Potestatis , neque repugnant Legi manifestæ , totaliter excusat ; qui autem proprium Iudicium sequutus peccat , per proprium Iudicium , aut stat aut cadit .

Item factum , si in aliis constanter punitum est , Crimen majus est , quam si multa antecessissent impunitatis exempla . Quæ exempla totidem sunt factæ ab ipsa Summa Potestate impunitatis spes . Cum ergo is , qui spem & præsumptionem peccandi facit , in ipso Crimine partem habet , contra rationem est ut totum in Actorem conferat .

Quod à subita passione oritur , quam quod à longa meditatione , minus Crimen est ; illic enim locus est Extenuationi super humanæ naturæ omnibus communem infirmitatem ; sed qui meditatio facit , circumspexit , oculos conjectit in Legem , in Poenam , & in damnum Societati humanæ sequuturum ; quæ omnia simul contempst & cupiditati propriæ postposuit . Verumtamen Passio nulla ita subita esse potest , ut totaliter excusat . Nam tempus quod intercedit inter Legis cognitionem , & criminis commissionem , omne censebitur pro tempore Deliberandi ; quia unusquisque per meditationem Legum , corrigere debuit passionum suarum irregularitatem .

Ubi Lex publicè , & assiduè coram populo legitur & explicatur , Crimen quod fit contra Legem majus est , quam ubi absque tali instructione relinquuntur Cives cum difficultate , in certitudine , & occupationum propriarum cessatione , quæ sint Leges ab hominibus privatis quæsitiuri . Pars enim Criminis infirmitati communi tribuenda est . Sed in casu priore negligentia manifesta est , quæ sine Summæ Potestatis contemptu aliquo esse non potest .

Facta contra Legem disertis verbis vetita , si tamen à Legislatore manifestis signis tacite approbentur , minora sunt Crimina , quam si Legislatori viderentur displicere . Cum enim Legislatori , id est Summi Imperantis voluntas cognita instar Legis sit , quam sæpius observant Cives , quam Legem scriptam ; apparent in hoc casu duæ Leges contrariae ; itaque qui Legem scriptam violant , totaliter excusarentur , nisi quod voluntas Summi Imperantis aliter , quam ex verbis Legis cognoscenda non sit . Quoniam autem non modo transgressionem Legis , sed etiam neglectam Regis voluntatem , consequitur poena .

pœna aliqua, (favoris enim Regii jactura pœna quædam est) Crimen totum Delinquenti imputari iniquum est. Exempli causa, singularium Civium digladiationes Lex scripta prohibet, & capite punit; contra, qui hujusmodi certamen vel recusat vel declinat provocatus, contemptui habetur, neque existimationis læsionem Lex ulla scripta reparat; etiam aliquando ab ipso qui Summam habet Potestatem munere omni militari indignus existimatur. Quamobrem si existimationis causa provocationi respondeat, quandoquidem Principibus suis placuisse non modo licitum, sed etiam laudabile plurimis videatur, Crimen (etsi non excusat) extenuatur tamen, quia exoneratur culpa partem in Summum Imperantem, id est in ipsum punientem. Quod tamen non ita accipi vellem, ut vindictæ privatæ excusationem parerem, sed Rectores moneam ne factò obliquè faveant, cui directè & apertis verbis interdixerunt. Exempla enim Principum sunt & semper fuere ad actiones Civium regendas, potentiora quam sunt ipsæ Leges. Rursus, si Crimina damno comparemus, idem factum, si multos, gravius est quam si paucos lædat. Itaque si factum non modo in præsenti, sed etiam per exemplum in futuro tempore damnum faciat, majus Crimen est, si in præsenti tantum lædat, id est gravius est Crimen foecundum quam sterile.

Doctrinas Religioni Civitatis contrarias docere, Crimen majus est in Doctore publicè constituto, quam in Cive privato; sicut etiam in honestè vivere, aut actionem agere impiam quamcunque. Similiter in Professore Legum, doctrinæ Civilis articulum aliquem sustinere, aut actionem agere quæ ad Summæ Potestatis diminutionem tendit, majus Crimen est, quam si idem factum esset à quavis alio. Hujusmodi enim homines non solum Crimina ipsi faciunt, sed aliis ut faciant Authores sunt; & in universum augentur Crimina à scandalo. Indocti enim homines in tenebris existentes, non tam viam qua inceditur, quam lumen quod præferunt Doctores sui spestant.

Facta hostilia contra statum Civitatis, majora sunt Crimina, quam quæ facta sunt contra hominem privatum. Damnum enim Civitatis ad Cives omnes extenditur; qualia sunt locorum munitorum proditiones, secretorum Civitatis ad hostem detectio, conatusque omnes contra illum sive Hominem, sive Cœtum, qui Personam gerit Civitatis; sive vi, sive dolo ad diminutionem Summæ Potestatis committantur; & sunt ea Crimina, quæ vocantur *lesæ Majestatis*.

Item Crimina illa, quæ vim tollunt Iudiciorum, majora sunt, quam injuriæ privatæ; ut Iudicium vel Testimonium falsum pecunia emere, vel vendere, Crimen gravius est, quam tantundem pecuniæ ab homine

homine privato fraude eripere. Non enim damnum à falsis Iudiciis Civibus singulis tantum fit ; sed etiam ipsa Iudicia redduntur inutilia ; & privatis ultiōnibus , & tandem bello præbetur color & opportunitas.

Item Depeculatio thesauri Publici Crimen majus est , quam furtum vel defraudatio privata ; nam Civitatem spoliare , multos simul spoliare est.

Ministerii Publici usurpatio falsa , item Sigillorum publicorum vel Monetæ Civitatis Simulatio , majus Crimen est , quam Simulare Sigillum vel Personam hominis privati ; damnum enim ab illiusmodi fraudis pertinet ad multos.

Fæctorum contra Leges quibus lœduntur Cives privati , Crimen illud majus est , cuius damnum magis est sensibile ; & proinde

Occidere contra Legem , Crimen gravius est , quam alia injuria (salvâ vitâ) quæcumque.

Et Mutilatio majus Crimen quam bonorum ereptio.

Et bonorum ereptio per Mortis , & Vulnerum intentionem , majus Crimen quam per surreptionem clandestinam.

Et per clandestinam surreptionem quam per consensum fraude acquisitum.

Item violatio pudicitiae per vim , majus Crimen quam per blandicias , & majus adhuc si Nupta , quam si Innupta violetur.

Atque hæc ita æstimantur vulgo ; quanquam eadem damna aliis magis , aliis minus sensibilia sint. Sed Leges non ad Civium singulare , sed ad humani generis sensum generalem componuntur.

Quanquam autem sunt qui contumeliam in verbis tantum , vel gestu , pro damno & læsione habere solent , læsiones tamen hujusmodi Græci , Romani , aliæque tam veteres quam hodiernæ Civitates in legibus condendis neglexerunt , ut qui doloris à verbis tantum , causam veram non verba contumeliosa (quæ à propriæ virtutis consciis statim ut dicta sunt excutiuntur) esse putaverunt , sed pusillanimitatem hominis verba non ferentis.

EIAM Crimen contra Civem privatum , multum augetur à circumstantiis Personæ , Temporis , & Loci. Nam occidere Parentem suum multò gravius est Crimen , quam occidere hominem privatum quemcunque. Patri enim debetur post Civitatem honor summus , ut cui in filium ante constitutas Civitates Potestas erat Summa. Spoliare pauperem , Crimen majus est , quam tantundem eripere diviti. Nam pauperi damnum idem sensibilis est.

Item Crimen Tempore aut Loco factum divino cultui consecrato ,
Leviat .

majus est , quam si alio tempore aut loco factum esset ; proficiscitur enim à majore Legum & cultū Divini contemptione.

Multa alia Aggravationis & Extenuationis exempla adduci possent ; sed per ea, quæ adducta sunt, obvium cuique est cujuscumque Criminis propositi altitudinem investigare.

Postremò , quia in omnibus fere Criminibus , injuria inest , non modò homini privato facta, sed etiam Civitati ; idem Crimen , quando accusatur à Persona Civitatis , *Crimen publicum* appellatur ; & Iudicia publicorum Criminum , *Iudicia publica* , quæ nostri appellant *Placita Coronæ*.

C A P V T X X V I I L

De Pœnis & Præmiis.

Pœna , *Malum* est , *transgressoris Legis Authoritate publica inflatum* , eo fine , ut terrore ejus voluntates Civium ad Obedientiam conformentur.

Antequam ab hac definitione quicquam deducam , quæstioni non nullius momenti respondendum est , nempe unde Civem puniendi jus , in casu quoconque , ortum sit. Manifestum enim est , Pacto obligari posse neminem , vi illatæ non resistere ; itaque ut quis cuiquam jus dederit , vim sibi inferendi , intelligi non potest. In Civitate instituenda , unusquisque alium quidem defendendi jus deponit , sed non seipsum defendendi jus relinquit. Seipsum etiam , in puniendo Cive alio quoconque , illi qui Summam habet Potestatem auxiliari obligat ; sed non in seipso puniendo. Sed auxilium ferre Summo Imperanti non est jus illi dare quemquam puniendi. Manifestum ergo est jus Punieri quod habet Civitas (id est is qui personam gerit Civitatis) fundatum non esse in Concessione sive gratia Civium. Sed ostensum etiam supra est , quod ante Civitatis constitutionem unicuique quidlibet agendi quod ad conservationem sui videretur ipsi necessarium , jus erat naturale. Atque hoc juris , quod habet Civitas Civem puniendi , fundamentum verum est. Nam ut Cives Civitati tale jus concederet , frustra esset , quia jus illud unicuique ante à natura datum erat. Eo tamen , quod jus suum unusquisque deposuerat , is qui Summam habebat Potestatem tantum virium naectus est , ut jure suo naturali ad præservationem Civium omnium arbitrio suo uti potuit. Itaque jus illud illi non datum , sed relictum est ; & illi soli , nec minus integrum , quam fuit ante Civitatis institutionem.

A Definitione Poenæ deduco , Primò , neque injurias , neque ultiones privatorum hominum propriè vocari posse Poenas , quia non procedunt ab Authoritate Civitatis.

Secundò , à Summo Imperante negligi , aut non promoveri , Ci- vi Poenam non esse ; quia malum nullum illi inflictum est , sed in sta- tu quem prius obtinuit relinquitur illæsus.

Tertiò , malum inflictum Authoritate publica , nisi Publica ante- cedat Condemnatio , nomen Poenæ non habere , sed factum esse ho- stile. Quia factum quod punitur probari & judicari prius debuit Au- thoritate publica.

Quartò , malum inflictum ab eo , qui Summam Potestatem injuriâ usurpat , vel à quocunque , sine Authoritate concessa à Civitate , Poenam non esse , sed factum hostile ; quia actiones ejus , qui injuriâ imperat Authorem non habent personam condemnatam ; neque ergo habent Authoritatem publicam.

Quintò , malum inflictum absque consilio Cives reformandi , Poë- na non est sed factum hostile ; quia de essentia Poenæ est , ut terrore ejus Cives ad obedientiam conformatur.

Sextò , cùm actionibus quibusdam consequentia mala sæpiissimè ad- hærent naturaliter ; ut cum quis vim alii inferens occiditur vel vulne- ratur ; vel quando quis ab actione aliqua illicita in morbum incidit ; malum illud , quamquam respectu Authoris Naturæ dici rectè possit Poena Divina , non continetur tamen nomine Poenæ respectu homi- num ; quia non inflictum est Authoritate Civili.

Septimò , si Malum inflictum minus sit , quam bonum , quod Cri- men commissum naturaliter sequitur , Malum illud sub definitione Poenæ non comprehenditur ; nam Pretium potius est sive redemptio Criminis , quam Poena. Nam natura Poenæ finem ejus continet nem- pe reformationem Civium. Sed Poena quæ minus molestiæ habet , quam habet Crimen jucundi , effectum contrarium operatur.

Octavò , si Poena Lege ipsa præscripta & terminata sit , post Cri- men autem commissum infligatur Poena major , excessus Poenæ po- sterioris supra priorem Poena non est , sed factum hostile. Cum enim Punitorum finis , ultio non sit , sed terror ; terror autem Poenæ ma- joris nondum cognitæ , minoris Poenæ determinatione tollitur , ad- ditio illa , Poena non est. Ubi vero Poenam nullam Lex præscripsit , ibi quicquid à Civitate infligitur naturam Poenæ habet. Qui enim Legem , cuius violatio Poenam meretur , quæ tamen scripto nondum definitur , violat indefinitam expectat Poenam , id est arbitriarum.

Nonò , Malum inflictum ob factum nondum Lege vetitum , Poena
u u u 2 non

non est , sed factum hostile. Nam ante Legem , transgressio Legis esse non potuit ; Pœna autem factum supponit probatum & judicatum , violationem Legis esse.

Decimò , Malum inflictum in Personam Civitatis , Pœna non est , sed factum hostile , ut quod Authoritate publica , id est Authoritate ipsius Personæ Civitatis non infligitur.

Postremò , Malum inflictum hosti manifesto , nomine Pœnæ non comprehenditur ; quia hostes Cives non sunt. Quanquam autem Cives ante fuerint , si se hostes tamen post declaraverint , non ut Cives , sed ut hostes patiuntur. Sequitur hinc si Civis facto aut verbo , sciens . & deliberatò Personæ Civitatis Authoritatem negaverit (quæcunque Pœna Crimini læsæ Majestatis Lege præscripta fuerit) puniri tamen , cum se jam hostem Civitatis esse declaraverit Pœnâ arbitrariâ jure potest tanquam hostis.

Pœnæ *Divinae* sunt vel *Humanæ*. De illis dicemus alio loco magis proprio inferiùs.

Humanæ sunt illæ Pœnæ , quæ Authoritate humana infliguntur ; suntque vel *Corporales* , vel *Pecuniariae* , vel *Ignominia* , vel *Incarceratio* vel *Exilium* , vel ex his mixta.

Pœna Corporalis est quæ infligitur in corpus per voluntatem infligentis ; qualia sunt verbera , vulnera , & earum rerum ablato , quæ corpori jucundæ existentes , prius possidebantur.

Quarum Pœnarum aliæ capitales , aliæ minores sunt. Capitalis , est mortis inflictio , sive simplicis , sive cum cruciatu. Minores Pœnæ sunt verbera , vulnera , vincula omnisque alia corporis afflictio , quæ sua natura non sunt lethales ; et si enim per accidens aliquod non prævisum mors sequatur , non dicetur Pœna Capitalis.

Pœna pecuniaria est ablato non solum Summæ alicujus Pecuniæ , sed etiam cujuscunque rei Pecunia commutabilis. Quod si Lex Pœnam definiat Pecuniariam , eo fine ut à transgressoribus Legis Pecuniæ auferat , Pœna propriè loquendo non est , sed Privilegii , sive exemptionis à Lege Pretium ; quia factum ipsum non absolutè verat Lex talis Civibus omnibus , sed illis tantum qui pecuniam definitam non possunt solvere. Sed in Legibus Naturæ , & Legibus de cultu Divino aliter se res habet. Nam si in eos qui sine causa juraverint , multæ statueretur pecuniaria , pecunia illa pro Legis dispensatione haberi non posset , cum Leges Divinæ & Leges Naturæ sint indispen-sabiles.

Ignominia inflictio est mali , cui à Civitate nota apponitur turpitudinis , vel deprivatio Boni quod à Civitate pro Honore concessum est.

est. Sunt autem quædam naturaliter honorifica , ut Fortitudo , Magnanimitas , Prudentia , aliæque aliquæ Corporis & animi facultates. Aliæ honorifica facta sunt à Civitate , vt Insignia , Tituli , Officia , & quæcunque gratiæ apud illum qui Summam habet Potestatem , signa singularia. Priora illa tolli Lege non possunt. Posteriora à Civitate , propter Crimina , tolli possunt ; & Poenæ propriè sunt.

Per Incarcerationem intelligo quamcunque Libertatis Corporalis ablationem , quam duabus de causis Civitas propter Crimen tollit. Quarum altera est , ut custodiat reus ne aufugiat , altera ut sit pro Poena condemnati. Prior harum Poena non est ; quia antequam Iudicetur nemo justè puniri potest. Malum itaque quod quis reus antequam audiatur & condemnetur , per custodiam patitur , plus quam custodiæ necessarium est , contra Leges Naturæ infligitur ; Posterior , Poena est ; quia à Civitate , & propter Crimen auditum & judicatum infligitur.

Exilium est , quando propter Crimen condemnatur Civis ad exeundum è dominio Civitatis , sive pro tempore , sive in perpetuum ; videoturque sua natura sine aliis circumstantiis , Poenam non esse , sed potius Aufugium , vel mandatum publicum fugiendi Poenam. Hujusmodi Poenam in Civitate Romana negat esse Romanarum Legum scien-tissimus Cicero ; Exiliumque periclitantium Civium Refugium vocat. Nam qui exulet , si tamen bonis suis redditibusque frui permittatur , solam cceli mutationem patitur , quæ Poena non est ; neque ad Civitatis tendit utilitatem , quæ Poenarum finis est , sed potius damnum. Qui enim à Civitate expellitur hostis fit Legitimus. Verum si quis non modo in Exilium missus sit fortunis autem suis simul mulctatus fuerit , Poena ejus inter Pecuniarias numeranda est.

Punitiones Civium innocentium , sive graves , sive leves , sunt omnes contra Leges Naturæ , & actiones hostiles. Punitio enim illorum tantum est , qui Crimen commiserunt.

Cæterum in hominem Innocentem Mali cujuscunque infliccio , si Civis non sit , si sine præcedentis alicujus pacti violatione fiat , si denique eo fine fiat ut juvetur Civitas , Legis Naturalis transgressio non est. Omnes enim homines aut Cives sunt aut hostes , aut pacto inter Civitates amici sunt. Sed contra hostes à Civitate Iudicatos , à quibus damnum Civitati expectatur , Iure Naturæ bellum facere licitum est ; in quo bello neque gladius judicat , neque Victor distinguit quatenus ad tempus præteritum inter Nocentes & Innocentes , neque cuiquam parcit , nisiquatenus conductit ad salutem Civium. Hinc enim manifestum est in Cives eos qui Authoritatem Civitatis pernegaverint vin-

dictam extendi licetè posse , non solum ad ipsos , sed etiam ad posteros eorum usque ad tertiam & quartam generationem nondum existentes , & per consequens facti à patribus suis commissi infantes ; quia Criminis hujus natura consistit in eo , quod Civitatis regimini renuntiant , id est se Civitatis hostes esse profitentur . Qui autem sic faciunt , non ut Cives , sed ut Hostes puniri jure possunt .

Præmium dici solet , tum quod gratis , tum quod ex Pacto datur . Quando autem ex Pacto , pro mercede sumitur , & beneficium est pro bono præstito vel promisso debitum . Quando autem gratis datur , beneficium est à dantis gratia protectum , eo fine ut cæteri Cives ad Civitati bene serviendum excitentur ; & propriè Præmium appellatur , differtque à mercede , quæ debita est . Etsi enim Cives omnes , desertis rebus domesticis , servire Civitati etiam sine Mercede , si opus sit , obligentur : id tamen non à Lege Naturæ neque Civitatis institutione est , nisi Civitas defendi aliâs non potest . Supponitur enim , illum qui Supremam habet Potestatem fortunis Civium omnium æquè uti posse , quibus , qui Civitatem defendunt , suis ipsorum rebus relictis remunerari debent : adeo ut militum infimus Militiæ Mercedem ut Iure debitam postulare potest .

Beneficium à Summo Imperante in Civem collocatum , metu ne Civitati noceat , Præmium non est : quia metu extorquetur : neque in Imperante gratia est , sed potius sacrificium , quo Civem malevolum eundemque potentem placare cupit : nec ad obedientiam , sed contra ad majorem contumaciam Cives alios excitat .

Mercedem autem aliæ certæ sunt , solvunturque ex Thesauro publico : aliæ incertæ , oriunturque ab executione ipsius Ministerii : sunt autem sæpiissimè Civitati noxiæ : ut in Ministerio Iudiciorum , ubi duo inde oriri solent Incommoda : Quorum alterum est Incrementum litium . Vbi enim ex multitudine litium oritur Iudicibus Beneficium . Solent plerique numerum litium quantum possunt reddere majorem . Alterum est quod diversorum Tribunalium Iudices certaturi sunt inter se quis ad Tribunal suum ab aliis Tribunalibus plurimas lites retrahat . Sed in Ministeriis Executionis incommoda illa locum non habent . Atque hæc dicta sint de Poenis & Præmiis , quæ sunt quasi Nervi & Tendines , quibus moventur Civitatis artus .

Hactenus de naturâ Hominis , quem superbia aliæque Passiones suæ ad submittendum se regimini alicui compulerunt : & Rectoris sui Potentia ingente differui , comparans illum magno illi Leviathan : de quo cap. 41. Iobi . Dicit Deus Non est Potestas super Terram , que comparetur ei . Factus est , itani non metuat . Videt sublimia omnia infra se ;

Et Rex est omnium filiorum Superbiae. Quoniam autem mortalis est , & ut alia terrena omnia corruptioni obnoxius : & quia in cœlis (quanquam non in terris) est quod metuat , & cuius Legibus obedire debet : dicam in duobus Capitibus proxime sequentibus de morbis , & causis mortis ejus , & de Legibus Naturalibus quibus obedire obligatur.

C A P V T X X I X.

De iis rebus quæ Civitatem labefactant , tenduntque ad dissolutionem ejus.

Quanquam immortale nihil sit , quod mortales faciunt , si tamen rationis usum , quem sibi arrogant homines haberent , fieri posset Civitas adeo firma , ut ab internis saltem morbis interire non posset. Nam si Institutionis ejus spectemus finem , videbitur facta ad vitam generis humani , vel Legum Naturalium , vel Iustitiae ipsius (à quibus vitam accipit) durationi æqualem. Quoties ergo non vi externa sed seditionibus internis Civitas destruitur , culpa est Instituentium. Homines enim , quamquam conligendo , seque mutuò vulnerando defessi , in unum ædificium libenter coalescent : condendarum tamen Legum ad eum finem conducentium & quibus actiones suas regerent necessiarum imperiti , patientiaque & humilitate carentes quoties amplitudinis suæ rudes & molestas eminentias refescandas esse videant , in Civitatem nisi ab architecto peritissimo compingi non poslunt , quæ firma futura sit , nec vel ipfos , vel eorum posteros ruina opprimat.

Inter Infirmitates Civitatis primo loco ponendæ sunt illæ , quæ ab imperfecta nascentur Institutione , similesque sunt corporis naturalis morbis illis , qui procedunt à Generatione vitiosa.

Quarum una est , quod qui Regnum obtinere conatur , contentus quandoque fit Potestate minore , quam quæ ad salutem Civitatis necessariò requiritur. Contingit inde ut Potestas illa quæ neglecta erat , quando ad publicam salutem resumenda est , resumptio ejus injusta visa , multos simul Cives ad seditionem (data occasione) provocet ; eodem planè modo quo corpora puerorum à Parentibus morbosis , aut morti immaturæ subiecta sunt , aut humores noxii à prava generatione orti erumpunt in scabiem & ulceræ. Quod autem hujusmodi jura necessaria Summi Imperantes sibi negent , non semper ab ignorantia id faciunt , sed aliquando ab eo , quod eadem jura arbitrio suo recipere se posse sperant. Sed rem non rectè supputant. Cives enim , qui illum

illum impedianc, à Civitatibus aliis, qui ad Civium suorum salutem vicinos debilitandi opportunitates raro prætermittunt, sustinebuntur. Sic Thomas Archiepiscopus Cantuariensis contra Henricum Secundum à Papa sustentatus est, eo nomine quod Gulielmus Rex Libertates Ecclesiæ Romanæ non violaturum se esse juramento promiserat. Eodem modo Baronibus Angliæ (quorum ope Gulielmus Secundus ad Regnum in se à fratre suo majore transferendum usurps erat) potestas ab ipso Gulielmo aucta est in tantum, ut non consisteret amplius cum Potestate Regia; unde rebellio contra Regem Iohanne in orta est, & adjuta viribus Regis Galliarum.

Neque in solis Monarchiis contingit hoc, nam in Civitate Romana, sub Senatu populique Romano, (ubi neque Senatus neque Populus Summam habuit Potestatem) seditiones innumeræ indies nasciebantur, & bella Civilia à Gracchis, Saturnino, Mario, Sylla, Pompejo, Cæsare, quibus extincta tandem est Democratia Romana.

Secundo loco Civitatis morbos illos noto, qui oriuntur à veneno doctrinarum seditionarum; quarum prima est, bonarum & malarum actionum Iudicem esse Civem privatum quemlibet. Quæ quidem in conditione naturali, nondum existentibus Legibus Civilibus, atque etiam in Civitatibus quod attinet ad actiones quæ nulla Lege prohibentur vera est. Manifestum alioqui est, mensuram Boni & Mali in actionibus, esse Legem Civilem; Iudicemque esse, qui Summam habet Potestatem. Ab hac doctrina est, quod Cives mandata Civitatis judicare & disputare discunt; deinde obedire vel repugnare arbitrio proprio; unde Civitas in factiones discinditur & debilitatur.

Doctrina alia quæ obedientiæ Civili repugnat, est, quicquid faciat Civis quicunque contra Conscientiam suam, Peccatum esse; quæ doctrina ab eo nascitur, quod Iudices se faciunt homines Boni & Mali. Conscientia enim & Iudicium hominis eadem res est, & erroribus obnoxia. Etsi ergo is, qui nulla Lege Civili obligatur, contra Conscientiam agens peccet, propterea quod actionum suarum regulam aliam non habet, præter suam ipsius Rationem, aliter tamen se res habet in iis, qui Legibus Civilibus se submisserunt: ubi non privata sed publica Lex unicuique Civi pro Conscientia habenda est. Alioqui in tanta Conscientiarum id est Opinionum privatrum varietate, necessariò Civitas dividetur, nec Summæ Potestati obediet quisquam, nisi quatenus sibimet ipsis visum erit.

Tertio est, quod docetur vulgo, Fidem & Sanctitatem acquiri Studio & Ratione non posse, sed supernaturaliter Inspiratas, vel Infusas esse. Quæ

Quæ si concedatur , non video quare Fidei suæ rationem quisquam reddere teneretur ; aut cur homines Christiani non essent omnes Prophetæ ; vel cur unusquisque Inspirationem propriam legibus Civitatis non præponeret ; id quod iterum est Iudicium Boni & Mali sibi arrogare , neglectisque Civitatis Legibus regendos se præbere ab arbitrio proprio , vel aliorum privatorum hominum , qui se supernaturaliter Inspiratos esse mentirentur. Fides ab auditu nascitur ; auditus autem uniuscujusque à rebus contingentibus est , quibus in præsentiam eorum , quos audire utile est , conducimur. Quæ res contingentes respectu nostri , à consilio Dei proficiuntur , non sunt tamen supernaturales , sed tantum propter multitudinem non facile observabiles. Fides & Sanctitas etiæ rarae , non ideo sunt Miracula , sed procedunt ab educatione , disciplina , correctione , aliisque causis naturalibus , quibus Deus uititur in illis quos elegit , quo tempore ipsi visum est , instruendis.

Repugnans obedientiae Civilis doctrina quarta est , *Legibus Civilibus subditum esse illum , qui Summam habet Potestatem*. Subditum esse illum Legibus Naturæ verum est ; Leges enim illæ Divinæ sunt , neque poslunt ab Homine vel Civitate quacunque abrogari. Sed Legibus quas Civitas , id est quas ipse tulerit subditus non est. Non est enim cui subjiceretur præterquam sibi. Qui autem suis ipsius tantum Legibus obligatur liberrimus est. Non viderunt autem qui Summum Imperantem obligare voluerunt , erigendam sibi esse Potestatem quæ ipsum puniret , & ad hunc puniendum Potestatem aliam , ita ut nullum omnino constaret Civitas.

Eodem tendit doctrina quinta , *Civem unumquemque Bonorum suorum ita absolutum esse Dominum , ut Dominium Civitatis in Bona eadem excludatur*. Civem quidem unumquemque in bona sua Dominium proprium , quod Ius Civium cæterorum omnium excludit , habere non negamus. Sed Dominium illud à Summa Potestate habet , sine cuius protectione quicquid habet non alio jure haberet quam quicunque alias ; quia omnia essent omnium. Verum si Ius etiam ejus qui Summam habet Potestatem excluderetur , protegere Cives non posset , neque ab hostibus externis neque ab injuriis mutuis , & profinde non amplius esset Civitas.

Doctrina sexta est quæ contra Essentiam Civitatis apertè , pugnat , nempe , *Summam Potestatem posse dividiri*. Quid enim aliud est Potestatem Civitatis dividere , nisi dissolvere ; Potestates enim divisæ multò se destruunt.

Quemadmodum autem doctrinæ erroneæ , ita etiam aliquando Leviat.

exempla Civitatum vicinarum ad mutationes Politiae præsentis hor-tari solent. Ita populus Israeliticus ab imitatione Gentium vicinarum à Deo rege suo deficientes , Prophetam Samuelem eligere sibi Re-gem novum compulerunt. Sic etiam in Græcia antiqua , Civitates minores perpetuò turbabantur à Seditionibus Civium , quorum alii Lacedæmonios imitati Aristocratiam ; alii Athenienses admirantes, Democratiam postulaverunt. Neque dubito quin nostrorum multi-bellum , quod nunc geritur in Anglia libenter videant ; nihil ad di-vitias comparandas amplius opus esse arbitrati , quam ut exemplo Batavorum Regem suum exuerent , mutationi regiminis divitias im-putantes , quas homines illi , sua industria acquisiuerant. Homines enim Natura sua novitatis avidi , turbarum initia amare solent , etsi earundem duratione offendantur ; quemadmodum qui à calore san-guinis laborant prurigine , propriis unguibus se se lacerant , ita ut do-lorem tolerare amplius non valentes morbum agnoscant.

Seorsum in Monarchiis , inter Rebellionis causas maximas nu-merari potest Librorum Politicorum & Historicorum quos scripse-runt veteres Græci & Romani , lectio ; Iuvenes enim , aliquie qui-cunque Rationis solidæ Antidoto muniti antè non fuerint , rerum ab illis bello magnificè gestarum , vividam jucundamque impressio-nem concipientes , cæteras eorum actiones sicut admirantur , Civita-tumque illarum magnitudinem imputant , non (ut oportuit) virtuti-quorundam Civium , sed regiminis formæ populari. Ab horum Li-brorum (inquam) lectione est , quod nonnulli homines Regem suum interfecerunt , quia facinora talia apud scriptores illos non flagitia , ut sunt , appellantur , sed maximis laudibus extolluntur , modo antequam interficiant , Tyrannum appellant. A lectione eorundem librorum est , quod qui sub Monarcha vivunt , se quidem servos , il-los autem qui Democraticè gubernantur , solos esse liberos dicant. Mihi ergo Monarchiis nihil videtur damnosius esse posse , quam per-mittere , ut hujusmodi libri publicè doceantur , nisi simul à Magi-stris sapientibus quibus venenum corrigi possit remedia applicentur. Morbum hunc comparare libet cum Hydrophobia , nempe morbo , qui oritur à morsu canis rabidi. Quemadmodum enim is quem canis rabidus momordit , perpetuò siti cruciatur , aquam tamen qua sola-sanari potest horret ; ita is qui opinione illa de Tyrannicidio infectus est , contra Monarchs latrare non definit ; & quanquam nisi à Mo-narchæ potentia , sanari non possit , propter tamen Tyrannophobia-quietam , habentes horret.

Sicut extiterunt Doctores quidam , qui tres Animas in eodem Homine .

Homine esse docuerunt ; ita etiam sunt qui plures Animas (id est plures summè Imperantes) in una & eadem Civitate esse sustinuerunt, *Supremum Summo, Canones, Legibus, & Authoritatem quandam Spiritualiēm Civili apponentes*, & fanè multis id persuaserunt orationibus, quibusdam ne à seipsis quidem intellectis, obscuritate tali degentes esse in regnis Regum Christianorum , regnum aliud Spirituum sive Lemurum , ambulantium in tenebris. Itaque in omni Civitate duæ essent Summæ Potestates ; quod cum essentia Civitatis stare nullo modo potest. Illa enim *Temporalis & Spiritualis* distinctio inanis, nihil impedit, quin Civitates duæ sint, & unusquisque Civis subditus sit duobus dominis. Cum enim Potestas Spiritualis Ius declarandi quid sit *Peccatum*, sibi vendicat, vendicat per consequentiam Ius declarandi, quæ sint Leges ; quia Peccatum nihil aliud est, præter transgressionem Legis. Rursus, Potestas Civilis Ius sibi assunit Legislationis. Omnis ergo Civis duobus Dominis obedire obligatur. Quod est impossibile. Ubi ergo Potestates illæ in eadem Civitate se mutuò opponunt, imminet perpetuò periculum à bello Civili unde tandem dissolvatur. Authoritas enim Civilis cum visibilior & in luce clariore posita sit, magnum ad se numerum hominum adductura est. Potestas contra Spiritualis, quanquam in Distinctionum Scholasticarum & verborum nihil significantium tenebris delitescat, ad se quoque hominum numerum attrahet, qui sufficiat ad turbandam, si non ad destruendam Civitatem, propterea quod magis metuuntur *Spiritus* quam Homines. Atque hunc Civitatis morbum Epilepsia, sive morbo caduco (quo qui apud Iudeos laborabant, inter Dæmoniacos numerabantur) comparare licet. Sicut enim in Epilepsia Spiritus sive ventus quidam præternaturalis in capite, Nervorum radices obstruens concutientisque, motumque eorum naturalem tollens, illos, qui hoc morbo laborant, aliquando in aquam aliquando in ignem conjicit ; ita etiam in corpore Civitatis, quando membra movet Potestas Spiritualis per terrorem Pœnarum æternarum, & spem Præmiorum, aliter quam à Potestate Civili (quæ Anima Civitatis est) moveri debent, verbisque novis & peregrinis intellectum suffocat, sequentur (quasi convulsiones) disidia Civium ; unde Civitas aut fluctuantibus legibus diluetur, aut in Belli Civilis incendium conjicitur.

Est etiam in Civitatibus aliquando morbus Febri tertianæ comparandus, nempe quando mali Cives odio Regiminis vel Regentis, vel eò quod utile sit ipsis bellum Civile, Pecuniarum necessiarum ad salutem Civitatis à Civibus conferendarum collationem calumniis

regentium impediunt. Itaque qui Summam habet Potestatem , Pe-
cuniæ ad Thesaurum publicum affluxum impeditum videns , primo
se contrahit ; deinde quando vim & motum postulent negotia publi-
ca , cogitur ad stratagemata politica , quibus supplementa parvi
momenti cum multa difficultate , & sœpius exigat , nec ea gerendis re-
bus sufficientia. Itaque vi tandem obstrœctio illa tollenda est , & Pe-
cuniis ad publicum Thesaurum via aperienda , aut Civitati pereun-
dum est. Eodem modo in Febri , quando musculi humore venenato
obstruuntur , Venæ quæ sanguinem naturaliter in cor infundunt , non ,
ut solet fieri , supplentur ab Arteriis , inde algor sequitur primo ,
artuumque tremor & contractio ; deinde ardor vehemens , & cordis
labor , sanguinis per musculos transitum vi aperientis , & exiguis
interim contenti refrigeriis ; donec aut (vincente Natura) perrum-
pat sanguinis , humorque venenatus excludet ; aut (victa Natura)
sequatur mors.

Est & alius morbus , præsertim in Civitate populari , qui Pleu-
ritidem refert ; nimirum , quando divitiae publicæ , extra alveum
proprium in unum vel paucos Cives confluit ; quemadmodum in
Pleuride extravasatur sanguis in Membranas pectoris.

Etiam Civis unius nimirum popularitas morbus Civitati periculoso-
sus est. Populus enim qui Civitatis Legibus regendus est , ad obe-
dientiam uni Civi præstandam , blanditiis , ab obedientia Legibus Ci-
vitati debita abducuntur. Sed hic Civitatis popularis potius quam
Monarchiæ morbus est , cuius exempla habemus in Civitate Roma-
na , Manlium , Marium , Cæsarem aliosque ; & in Civitate Athe-
niensi Alcibiadem , Pisistratum , &c.

Morbus alijs , præsertim in Monarchiis , est magnitudo immoder-
ata unius alicujus Vrbis ; nempe quando tanta est , ut possit ex se
ipsa exercitum subito & conscribere & alere ; item oppidorum in-
corporatorum multitudo. Sunt enim totidem Civitates minores in
majore ; quasi in hominis Naturalis intestinis totidem lumbrici. Etiam
disputandi libertas de summæ Potestatis Iure , morbus satis molestus
est , qui genitus ab iis qui sibi videntur docti Politici , in fæce po-
puli , facit ut perpetuè de Legibus fundamentalibus garrientes , Ci-
vitatem inquietam faciant ; referunturque ad vermiculos quos Asca-
ridas vocant Medici.

His addi possunt *Bulimia* id est appetitus insatiabilis Dominii dilan-
tandi , quo perierunt olim Civitates Atheniensis & Carthaginensis ;
item Civitatum viutarum retinendarum , quæ quasi *Tubera* adhærent ,
procuratio ; & præterea *Otii* & *Luxuriæ* quasi Lethargia.

Postremò , quando in Bello sive externo sive intestino superatur Civitas , ita ut Cives à Civitate protectionem ulterius expectare non possint , Civitas dissolvitur ; & Civi unicuique protectionem sibi arbitrio suo quærere liberum est. Is enim qui in Civitate Summam habet Potestatem , anima publica est , quæ Civitati dat vitam & motum ; quæ cum expirata sit , non amplius ab ea reguntur Cives , quam regitur ab anima quam expiravit cadaver mortuum. Quanquam enim Summi Imperantis Ius , nisi à seipso extingui non potest ; obligatio tamen Civium per Civitatis dissolutionem omnino tollitur.

C A P V T X X X .

De Officio Summi Imperantis.

Summi Imperantis Officia (sive is Monarcha sit sive Coetus) manifestè indicat Institutionis Finis nimirum *Salus Populi* : quam Legi Naturæ obligatur quantum potest procurare : & cuius rationem Deo , & illi soli tenetur reddere. In *Salute autem Populi* comprehendo non solum Civium vitam , sed etiam Commoda vitae , quæ Cives singuli , sine Civitatis damno vel periculo sibi justè acquisita tenuerint.

Sed faciendum ita esse intelligitur , studium suum non Individuis applicando : sed Providentia universalí , per instructiones publicas tum à Doctrinis , tum ab Exemplis , tum etiam per Leges salubres quibus Cives singuli actiones suas applicare possunt.

Quoniam autem Iuribus Summæ Potestatis Essentialibus de quibus dictum est Cap. 18. sublatis , Civitatis dissolvitur , redditque omnium in omnes belli calamitas (id quod Civitati malum maximum est) Summi Imperantis Officium est Iura illa retinere integra. Itaque contra Officium facit , primò , si ea vel aliqua eorum deponit , vel ad alium transfert. Qui enim Media , idem Finem deserit. Et per consequens , Legibus Civilibus se subjecere ; Potestati Iudicandi ; Bellum indicendi , vel Pacem faciendi ; Milites alendi , quando & quomodo ipsi visum fuerit ; Ministros tum Pacis , tum Belli eligendi ; & quæ Doctrinæ Paci , & Bono publico conformes sunt , statuendi Potestati renuntiare contra Officium est. Secundò , contra Officium ejus est permettere , ut Iurium horum Essentialium causas & fundamenta populus ignoret ; quia per ignorantiam harum rerum Cives seduci ad seditionem facile possunt & solent.

Horum autem Iurium fundamenta eo magis doceri debent quod

Iuris naturalis sunt, non Civilis; & punienda eorum transgressio, non ut transgressio Legum Civilium, sed vindicanda ut facta hostilia. Continent enim rebellionem, id est Legum Civilium simul omnium transgressionem vel potius repudiationem; & propterea Lege Civili frustra prohibentur.

Sunt qui Iura hæc Essentialia, quibus rectores Civitatum Potestatem absolutam habent, nullis rationibus probari posse dicitant. Nam si possent, in aliqua saltu Civitate, aliquo tempore, agnita tandem ab aliquibus essent. Sed non rectè arguunt, tempus enim erat, in quo ne ædificare quidem mediocriter potuere homines; atqui qui inde fundamenta & principia artis ædificandi nulla esse concluderet, absurdè ficeret. Tempus, & Industria novas iudicis scientias in lucem proferunt. Etsi ergo homines Civitates suas sine perfectione ultima instituerunt, ita ut alia citius, alia tardius vitio ab institutione corruant, impossibile tamen non est, ita Civitatem instituere, ut (nisi per vim externam) nunquam peritura esset. An Principia quæ supra posui, hæc præstare possint, nescio; talia tamen sunt, qualia inveniuntur in Scripturis Sacris; ut manifestum erit, cum de Regno Dei (ministrante Moysi) in Iudeos populum suum, per paustum vetus, peculiarem disseruero.

Rursus dicunt, etsi Principia aliqua essent, quæ id præstare possent; quoniam tamen hujusmodi Principiorum capax non est vulgus hominum, frustra essent. Utinam non minus doctrinæ Civilis incapaces essent Cives divites & potentes, iisque qui habentur Docti quam sunt Plebeji. Constat enim, Doctrinæ Civilis difficultatem non tam oriri ab obscuritate, quam ab eorum, qui docendi sunt Cupiditatibus: Potentes enim Potentiam aliam, quæ cupiditates suas refrænare possit: & Docti Doctrinas quibus Errores sui possunt detegi, non facile patiuntur, ne Authoritas eorum apud populum inde minuatur. Hominum autem ex plebe, animi, nisi à Potentioribus distorqueantur, aut Doctorum opinionibus scribillati sint, instar chartæ puræ impressionem ab Authoritate publica quamlibet accipiunt. Nationes integræ, ut in Religionis mysteriis maximis & difficillimis, & supra rationem positis, acquiescant, docebuntur? prædicando autem & docendo ea, quæ cum ratione naturali exquisitè congruunt, Doctores non se facient intelligi? Constat ergo in Iuribus Summæ Potestatis (quæ sunt Leges naturales) intelligendis nullam esse difficultatem (dum illi, qui Summam habet Potestatem, manet Potentia integra) quam quæ vel ab ipsius, vel ab ipsorum quorum opera in administracione Civitatis utitur, culpa oritur. Illius ergo est, videre, ut Cives rectè

rechè doceantur: nec Officium tantum, sed etiam Beneficium est, quod maximè omnium ad sui ipsius & Civium suorum vitam sèpissimè pertinet.

Ut veniam jam ad doctrinas particulares quas populus docendus est, prima erit, ne Formas Regiminis, quas in gentibus vicinis conspicunt, plusquam formam Civitatis propriæ adament, aut imitari cupiant, quantumcunque Gentium illarum prosperitatem videant. Non enim ab Aristocratia, vel Democratia, aut Monarchia, sed ab obedientia & concordia Civium in quacunque Civitate res secundæ oriuntur. In omni Civitatis genere, sublata obedientia (& proinde concordia) Civium, non modo non florebunt Cives, sed Civitas brevi tempore dissolvetur: iisque qui sine Summæ Potestatis Authoritate corrigere tantum Civitatem vellent eam tandem non corrident sed destruent: quemadmodum (in fabula) Pelei, filiæ decrepiti Patris-juventutem renovare cupientes, consilio Medæ illum dissecuerunt, & nescio quibus herbis commissis coquentes, occiderunt, non renovarunt. Hujusmodi reformandæ Civitatis studium, simile ejus quod prohibetur à Deo in Decalogi mandato primo, *Non habebis coram me Deos alienos.*

Secundò, docendi sunt, ne alicujus Civis vel Cœtus (præterquam summi) quantumcunque conspicui, aut virtutibus admirandi cultu, ita seducantur, ut illi obedientiam aut honorem Summæ Potestati proprium, deferant, & pro persona Civitatis repræsentativa habeant. Signum enim est, populum suum amantis, Zelotypia: Cives autem blanditiis & Popularium adulazione ut seducantur pati, quasi Civitatis prostitutio quædam est, & transgressio Mandati secundi.

Tertia est, ut doceantur quam grave sit peccatum Summo Imperanti (sive is Monarcha sit, sive Cœtus) maledicere, de potentia ejus disputare vel quoctunque modo illum nisi honoris causa nominare, quibus rebus contingat ut à Civibus parvi fiat & obedientia eorum, in qua consistit Civitatis salus remittatur, quæ Mandati tertii transgressio est.

Quarta est, ut, quia populus officia sua doceri non potest, neque quis sit cui obedire debeat scire nisi à propriarum occupationum temporibus, tempora quædam eximantur, quibus ad audiendum Doctores suos convenires debeant & ubi Leges recitentur & explicentur, & cujus Authoritate latæ sint, doceatur: officium Imperantis est in hanc rem loca, tempora, & Doctores constituere. Apud Iudeos, septimo quoque die (quod Sabbathum vocabatur) Lex eorum Civilis legebatur in Templo, vel in Synagogis explicabatur: quo die à laberibus

ribus suis omnibus requieverunt : Rex iis quis esset ostendebatur , nempe Deus : Deum adoraverunt : eidem gratias pro redemptione eorum à servitute Ægyptiaca , aliisque ejus beneficiis reddiderunt : & tandem quod diei reliquum erat , gaudiis non prohibitis consumperunt . Itaque potestatis Dei absolutæ , non modo ut Dei , sed etiam ut Pacto Iudæorum Regis Ius in Decalogi Tabula prima continetur .

Et quoniam Puerorum institutio prima dependet à cura Parentum suorum solorum : doceri illos voluit quinto loco Deus , ut Parentibus pro illo tempore obedirent , & in perpetuum honorarent . In principio enim apud omnes gentes Pater in filios Summam habuit Potestatem , vitæque necisque arbitrium . Itaque etsi in constituendis Civitatibus , Potestati tali necessariò Patres renuntiaverint , honorem tamen propter alimenta & educationem debitum derelinquere , necessarium non erat . Officium ergo Imperantis est , ut mandatum hoc Decalogi quintum imitetur .

Porrò , Officium Imperantis est , ut Cives Iustitiam doceantur : id est , ut primò , ne quis Civis Civem alium occidat , aut corpori damnum inferat sine Authoritate publica : quod est Mandatum sextum : violatur autem non modo ab iis , qui dolo aut (ut ajunt) turpiter interficiunt , sed etiam ab iis , qui hoc facere se nécessariò tuendi honoris causa dicunt : homicidiumque est tota illa vanorum hominum provocantium ad gladios consuetudo : quam Civitates ferè omnes sub gravissimis poenis haetenus frustra prohibuerunt . Nec quibus omnino Legibus extingui possit video , nisi forte Legibus jam factis addatur quoque hæc : ut quicunque nobiles sunt aut haberi cupiunt , juramento obstringantur , ne aut concivem ad certamen singulare provocent , neque provocanti respondeant : quo fiet ut laudis illa Hectoreæ (etsi Civem quemquam ab Hectore occisum esse nusquam legimus) aviditas , non modo poenis aliis , sed etiam infamia perjurii temperetur , & provocatus pugnam declinandi prætextum habeat honestissimum .

Docendi præterea Cives sunt , quam gravia mala sint , in primis honoris conjugalis , & deinde bonorum quorumcunque concivis tum violenta tum fraudulenta ablatio : quantoque damno Iustitiae publicæ & Pacis communis , in cognoscendis litibus , aut testes , aut judices corrumpuntur . Atque hæc continentur in Decalogi Mandatis septimo , octavo & nono .

Postremò docendi sunt , non solum Facta Injusta , sed etiam faciendo consilia & proposita Injusta esse , etsi factum ipsum contingat impediri . Atque hoc est quod prohibet Mandatum decimum . Summa denique

denique Tabulæ secundæ ad unum reducitur Præceptum , Diliges proximum tuum sicut te ipsum.

Vnde autem hæc & alia Civium Officia doceri possint , cognosci potest , si tot opiniones Paci generis humani contrariae , à Principiis falsis unde receptæ & retentæ sint intelligatur : falsæ , inquam , opiniones , quas præcedente Capite numeravimus , nempe *Civem unum quenque Iudicem esse Boni & Mali. Legem sibi esse cuique Conscientiam suam. Ius Civitati in Bona Civium nullum esse. Tyrannicidium esse licitum.* Doctrinas has illi , quos necessitas aut studium lucri labori & occupationibus attentos facit : & illi quos aut abundantia , aut ignavia vel luxuria voluptatibus suis tradidit (quæ duo hominum genera , maximam partem faciunt generis humani) cum neque otium , neque voluntatem meditandi habeant , officiorum suorum regulas à Theologis publicè , aut privatum ab iis accipiunt , quos de doctrina Legum & Casibus Conscientiæ concionari & disputare eloquentissimè audiunt. Theologi autem & qui literas profitentur , Doctrinas suas ab Universitatibus & Scholis Legum Civilium , & ex Libris à Doctoribus illis editis acceperunt. Manifestum ergo est , populi instructionem dependere omnem à rectitudine opinionum , quas docent Universitates. Ante omnia ergo illæ reformandæ sunt. Quid autem , inquiet aliquis , docendæne sunt Universitates ? Et siquidem docendæ sunt , tu ne is es qui illas doceas ? Quæstiones molestæ. Sed ad primam respondeo. Ante tempora Regis Henrici Octavi , in quæstione de Potestate Pontificia in Reges Christianos , cum Potestatem Papæ in ordine ad Spiritualia , Summam in Anglia esse , docuerunt Universitates omnes ; rectè docuerunt ? Negabis. Doceri ergo potuere Ministri illi qui (magno numero) Concionibus suis contra Regem optimum populum instigaverunt , unde doctrinas suas seditiones , in Pulpita attulerunt ? Unde Doctorum & Magistrorum Titulos (id est Authoritatem apud populum) obtinuerunt , nisi ab Universitatibus ? Rectè hoc ? Negabis. Doceri ergo potuerunt. Ad quæstionem secundam respondere non est meum ; nec ut respondeam opus est. Nam qui legit quæ scribo , facile intelligat quæ sentio.

Summam habentis Potestatem Officium præterea est providere , ut pœnæ , quæ per Leges constitutæ sunt in omnes Cives , qui illas transgressi fuerint , æquè ab omnibus exigantur. Crimina quidem contra Summos Imperantes , ab ipsis sine iniquitate ignosci possunt ; ejus enim est ignoroscere qui injuriat pauplus est. Sed injuria facta contra Civem , sine consensu ejus , vel compensatione æqua , à nemine alio condonari potest. Quid enim ? qui Patris vel Filii mei interfectori impuniteriat.

nitatem præstat , nonne ipse quodammodo interfecisse dicetur ? Eiusdem est videre , ne vulgus Civium à Magnatibus opprimatur , multò magis ne eorum consilio ipse opprimat , exemplum spectans Rehobohami ; Sunt enim Civitatis robur homines plebeji . Curare etiam , ne Cives magni modicos laceſſunt opprobris . Civi quidem infami turpitudinem suam obiicere , is qui in Civitate Authoritatem habet , recte potest , sed loci humilitatem pro convitio dicere , & iniquum , & Civitati periculosum est . Si Cives magni quia magni propter potentiam coli postulant , Quidni & plebs quia multi , & potentior multo coli debeat , Quam autem Civium modicorum vilipendium Civitati periculosum est lēditio eorum in Batavia , quæ Mendicorum dicta est , monere debet . Civium inæqualitas non à re aliqua in seipsis eximia , sed à voluntate Summi Imperantis profecta est , id est à voluntate Civitatis ; tantoque minus , facere debent fastum incivile . Irritandum vulgus , ne à Regibus quidem est ; multo minus à concivibus quantuncunque sint potentes , ne dum illos ulcisci cupiat vulgus , Civitatem simul , quæ illos non prohibuerit , aggrediantur .

Ad æquitatem Imperantis pertinet etiam exactio æqualis Tributorum . Æqualitas autem illa non à Civium divitiis , sed ab eo quod unusquisque eorum , propter Protectionem suam Civitati debet . Civibus enim ad vitæ necessaria cōparanda , non sufficiunt labores sui , nisi etiam ut laborent , & pugnent . Aut faciendum est , quod fecerunt à captivitate redeuntes Iudæi , quando altera tantum manu lapides composuerunt , altera (propter metum incursionis hostilis) tenuerunt gladium Tributa enim Civium pro mercede sunt , illi qui teneat gladium Civitatis , quo Civium industria protegatur . Itaque pro vitæ suæ conservatione idem debet pauper & dives , nisi quod qui multorum Civium opera simul utitur , pro multorum simul conservatione solvere debeat . Quod cum manifestum sit , hoc tantum quærendum restat , quomodo illa in Tributis solvendis æqualitas observari potest . Rationis enim non est , ut is qui industria & parsimonia alimenta acquisierit , quām is qui inertia & luxuria , quod habuit decoxerit (cum à Civitate æqualiter uterque protectus sit ,) magis oneraretur . Æqualitas ergo pensionum in Publicum alia esse non potest , nisi ut unusquisque solvat pro ratione eorum quæ consumit , id est nisi ut Tributa , non personis sed rebus ipsis quæ consumenda sunt , imponantur .

Quoniam autem sunt , qui nullo suo vitio , sed accidentibus quæ prævidere non potuerunt , in calamitates incident , ita ut alimenta sua nulla industria procurare valeant ; ad Summi Imperantis officium etiam

etiam pertinet, ne quæ ad vitam necessaria sunt, illis desint. Cum enim in Summa necessitate existentibus, aliena surripere, aut etiam rapere, jure naturæ permisum sit, ne Civitati aliæ molesti sint, à Civitate alendi sunt, neque singularium Civium incertæ charitati relinquenti.

Idem autem si corpora idonea habeant, ad laborem compellendi sunt; & ne se excusent, dicendo, *nemo conductus*, ferendæ sunt Leges quibus Navigandi, Agriculturæ, Piscaturæ, aliæque artes omnes quæ laborem postulant, foveantur. Si tamen indigorum continuo crescat numerus, in terras nondum satis inhabitatas transferencendi sunt; non tamen ut incolas veteres exterminarent, sed compellerent in habitationem arctiorem, ne magna agri spatia percurrentes, à fructibus sponte natis viverent, sed alimenta à singulis agellis cultu sedulo impetrarent. Si quando autem alimentis hominum terra non sufficeret, remedium ultimum à Bello erit, omnibus vel Victoria, vel Morte suffecturo.

Ad curam etiam Summi Imperantis pertinet, ut bona fiant Leges. Sed Lex Bona quænam est? Per Bonam Legem intelligo non Legem Iustam. Injusta enim non potest esse Lex; ut quæ fit uniuscujusque Civis consensu, in seipsum. Lex Bona est illa, quæ ad salutem populi *necessaria* est, & simul *perspicua*.

Finis enim Legum is non est, ut populum ab innoxia Libertate cohiberent, sed ne ab impetu passionum, temeritate, & stultitia in pericula & damna sibimet ipsis & Civitati incurrerent; quemadmodum Viæ non ut Viatoribus impedimento sunt, sepiuntur, sed ne cum Injuria concivim extravageantur. Lex itaque quæ *necessaria* non est, nec Legis finem spectat, non est Bona. Lex si Summo Imperanti utilis sit, etsi *necessaria* non sit, Bona tamen alicui videri potest. Sed non est ita. Bonum enim Populi, & ejus qui habet Summam Potestatem, separari à se invicem non possunt. Princeps enim, qui subditis misericordia imperat, miser est; & Populus debilis est, ad quos regendos arbitrio suo, is, qui Summam habet Potestatem, non habet Potentiam. Leges non-necessariæ aliæ plerumque non sunt, quam laquei ad capiendam pecuniam; quæ ubi Imperanti Summo obeditur, superfluæ sunt; ubi non obeditur, ad defensionem Populi non sufficiunt.

Legis Perspicuitas consistit non tam in ipsis verbis, quam in causarum propter quas Lex lata est narratione perspicua. Inde enim Legislatori voluntatem cognoscimus, qua cognita facilius intelligitur Lex paucis quam multis verbis. Verba enim omnia ambigua sunt; multi-

plicando ergo verba , multiplicatur ambiguitas. Præterea verborum diligentia nimia , plerisque pro argumento accipitur , quod si verba obſervant , Legem non transgrediuntur ; unde multæ oriuntur lites minimè necessariæ. Dum enim cogito , Leges antiquæ quam brevi oratione scriptæ fuerint ; & ut gradatim creverint; videre mihi videor certamen quoddam inter Legum Scriptores , & Advocatos ; ubi illi hos circumscribere , hi illos declinare student ; & vincunt Advocati. Officium ergo est Legislatorum , id est Summè Imperantium , causas uniuscujusque Legis perspicuè scribi , Legesque ipsas breves , sed verbis propriis facere , quantum possunt.

Summi Imperantis etiam est Poenas & Præmia rectè dispensare. Cum autem Poenarum Finis Ultio non sit , & exoneratio bilis , sed peccantis ipius , aut (exemplo ejus) aliorum emendatio; illis Criminibus Poenæ maximæ constituendæ sunt , quæ Civitati sunt damnosissima ; qualia sunt ea , quæ ab odio Regiminis ; quæ à contemptu Iustitiae oriuntur quæ multitudinem irritant ; & quæ nisi punita sint , vide ri possunt à Regente approbari. Indignatio enim populum non in Actores tantum ; sed etiam in Authores Injustitiae manifestè incitat ; & in Potentiam omnem , qua videntur posse suffulciri. Criminibus autem quæ à Communi hominum infirmitate profiscuntur , qualia faciunt homines insigniter laceſſisti , & in magno metu , vel magna necessitate existentes , vel qui quod faciunt , utrum Crimen necne sit ignorant , Lenitati locus est , à Lege naturæ exigitur. In seditionibus , punitio Ductorum , & instigantium , non seducti vulgi , Civitati (per exemplum) utilis est ; nam quid faciunt ignorant. Ignorantia autem , præſertim Civitati ipſi , cuius culpa erat , quod melius dicerentur imputanda sit condonari vel levius puniri debet.

Ejusdem Summæ Potestatis est , ita semper bonos remunerari , ut Præmia (per exemplum) ad bonum redundant Civitatis. Id quod fiet , si qui de Civitate bene meruerunt , ita promoveantur , ut alii Civitati bene ſerviendo promoveri sperent. Ab homine ambitioso , ne Civitati nocere velit , pecunia vel promotione emere , nihil habet in ſe de Natura Præmii , neque de natura Gratia , ſed timoris ; (Civitas autem *Rex* eſt filiorum *superbia* , & ſatta ita , ut timere non debeat ;) neque ad utilitatem , ſed ad damnum Civitatis ſit ; & certamen quoddam eſt , Summorum Imperantium cum cive ambitioso , ſimile ejus , quod fuit inter *Herculem* & *Hydram* multicipitem , cuius uno Capite abſciffo , in locum ejus tria ſubnascebantur. Eodem enim modo , si Ambitiosus unus Præmio victus fuerit , conſurgent (exemplo ejus) plures , eadem ſpe , eadem facturi ; nam ſicut cætera venialia omnia , ita

ita etiam flagitia pretio crescunt. Quanquam autem malorum hominum promotione Bellum civile differri aliquando possit, periculum tamen crescit, certiorque redditur ruina publica. Itaque contra Officium Summi Imperantis est, illos qui per turbas publicas ad Potentiam aspirant, Præmiis afficere, & non potius in principiis parvo periculo, quām postea periculo majore opprimere.

Ad Officium Imperantis etiam pertinet bonos sibi eligere Consiliarios; id quod de Monarchis intelligendum est. Nam in Cœtibus Summis, nulli sunt præter ipsos Consiliarii. Boni autem Consiliarii sunt, qui in omni genere negotii publici, maximè versati sunt, quibusque à Consilio pravo minima sit lucri spes. Quis sit qui à malo publico sibi expectet Bonum, scitu difficile est; cavendum tamen est ab iis quibus turbæ possunt esse utiles. Scire autem, qui Civitatis Consiliarii periti, & publicis negotiis pares, etiam difficilis est. In omni enim Arte, qui Artificem peritum ab imperito dijudicare potest, Artifex ipse est.

Quantumcunque autem periti in quoconque negotio publico, Consiliarii sint, Civitati melius consulent, si Consilium, Consiliique causas & rationes seorsim impertiant, quām omnes simul per longas Orationes; meliusque præmeditatō quām ex tempore; nam & plus habent singuli temporis ad agendorum consequentias percurrendas, & minus facile per Invidiam, Æmulationem aliasque passiones quæ nascuntur à diversitate sententiarum, seducuntur.

In iis rebus, quæ Civitates externas non respiciunt, sed Civium commoda illa, quæ ex Legibus introrsum tantum spectantibus obtineri possunt, Consilium optimum est, quod à desideriis & querimoniosis sumitur à singularum Provinciarum incolis; illis enim maximè cognitum est, quibus rebus ipsi maximè indigeant. Itaque si nihil petant quod cum Iure Summae Potestatis non consistit (quod, ut sèpius dictum est) integrum servari debet, diligenter audiendi sunt.

Dux Belli nisi Popularis sit, neque amabitur neque timebitur quantum opus est ab exercitu suo; nec proinde munere suo rectè perfundetur. Industrium, Fortem, Affabilem, Benignum, Fœlicem esse oportet, ut & Famam habeat Boni Imperatoris, & ut Milites suos diligere existimetur. Popularitas est, facitque ut milites gratiæ sive se commendent. Eadem Imperatoris, in militibus, quando opus est, corrigendis severitatem tutam efficit. Veruntamen Imperator, favore militum, nisi fidelitatis ejus cautio adhibeatur, Civitati periculosus fit; & maximè Civitati Democraticæ. Ad officium ergo ejus,

qui Summam habet Potestatem pertinet, ne exercitum suorum imperium, nisi & Ducibus idoneis, iisdemque bonis Civibus mandare velit.

Quando autem qui Summam habet Potestatem Popularis ipse est, à popularitate cuiuscunque Civis periculum nullum est. Duce enim quantumcunque amatum, contra Regem suum, nisi eum aut factum ejus aliquod milites sequitos esse nusquam legimus. Imperandi enim Ius manifestum, res adeo popularis est, ut ad consiliandos sibi Cives, solum sufficiat.

De officiis Summorum Imperantium versus se invicem nihil dicam, nisi quod contineantur in Legibus Naturæ supra commemoratis. Nam *Ius Gentium* & *Ius Naturæ* idem sunt. Quod potuit fieri ante Civitates constitutas, à quolibet homine, idem fieri potest per *Ius Gentium* à qualibet Civitate; & Lex quæ homini ante Iura Civilia, quid agendum, & quid fugiendum sit definit, eadem Civitatibus, per Summè Imperantium Conscientias dictare intelligitur. Curia enim Iustitiæ Naturalis præter Conscientiam nulla est, quam regit solus Deus cuius dictamina respectu Dei, Naturæ Authoris, regnantisque in cordibus hominum, Leges sunt Naturales. De Regno autem Dei dicemus in sequentibus.

C A P V T X X X I.

De Regno Dei Naturali.

Conditionem hominum purè Naturalem, id est Libertatem integrum, qualis est eorum qui neque regnant, neque regnantur, Anarchiam esse & Bellum; Præcepta, quæ quomodo conditio talis fugienda sit docent, Leges esse Naturales; Civitatem, sine Summa Potestate unius Hominis vel Coetus, vocabulum Inane esse; Cives habenti Potestatem Summam simplicem debere Obedientiam, præterquam in iis rebus, quæ pugnant cum Legibus Divinis satis ostensum est in Superioribus. Ad Officiorum Civilium doctrinam integrum, restat, ut quænam sint Divinæ Leges inquiramus; quibus ignoratis, utrum is qui Summam habet Potestatem, congrua an incongrua Legi Divinæ imperet ignoratur; & proinde Cives, aut nimia obedientia Civili in Deum peccaturi, aut metu peccandi contra Deum, mandata Civitatis transgressuri sunt. Ad scopulum utrumque fugiendum, necessarium est ut Leges Divinæ quæ sint cognoscamus. Quoniam autem cognitio Legis à cognitione

tione dependet Summæ Potestatis , dicendum est in sequentibus de Regno Dei.

Dominus regnavit, exultet terra. Psal. 91. Rursus, Dominus regnavit, irascantur populi. Qui sedet super Cherubim moveatur terra. Psal. 98. Homines Divinæ Potentia velint nolint subjiciuntur ; & qui existentiam, vel Providentiam Divinam non agnoscent , non jugum excutient, sed propriam ipsorum tranquillitatem. Potentia hæc Divina , non modo super genus humanum , sed etiam super animalia cætera , atque etiam super res inanimatas , metaphoricè tantum Regnum dicitur. Regnare enim propriè verbo , est imperando , minando , promittendo , regere. Subditi ergo in Regno Dei non sunt res inanimatæ, neque creaturæ irrationalis ; quia præcepta Divina nulla intelligunt; neque Athei , aut qui actionum humanarum curam Deo esse non existimant ; propterea quod nullum agnoscant Præceptum Divinum. Qui ergo credunt Deum esse , & generis humani curam gerere , & Præcepta Dei agnoscent , in regno Dei soli Cives sunt ; reliqui pro hostibus censeri solent. Ut quis Verbis regatur , requiritur ut verba intelligat ; quia illi , nisi hoc fiat , Leges non sunt ; cum ad Essentiam Legis pertineat perspicua Promulgatio , qualis Ignorantiæ excusationem peccantibus tollere sufficiat. Promulgantur autem Leges Divinæ tribus modis ; nempe per dictamen *Rationis Naturalis* ; per *Revelationem* ; vel per vocem alicujus hominis cui fidem apud cæteros fecit Deus , per operationem Miraculorum. Triplex ergo quodammodo dici potest esse Verbum Dei ; *Nimirum Rationale , Sensibile , & Propheticum* , cui responderet triplex genus audiendi Deum ; nempe *Recta Ratio , Sensus Supernaturalis , & Fides*. Sensus autem *supernaturalis* , cum sit nihil aliud , quam *Revelatio* homini singulari facta , illum solum obligat , cui facta est.

A differentia inter reliqua duo verbi Divini genera , *Rationale & Propheticum* , attribui Deo potest Regnum duplex , *Natura'e & Propheticum*. *Naturale* , quatenus illos regit , qui Providentiam ejus agnoscent , per dictamen *Rectæ Rationis*. *Propheticum* quatenus populum suum Electum , nempe primò Israelitas ; & deinde Christianos ; quos non solum per dictamina rationis Naturalis regit , sed etiam per Leges Positivas , illis datas per Prophetas suos. De Regno Dei Naturalis tractabimus in capite præfenti.

Regni Divini Naturalis Ius , quo Deus illos qui Leges Naturales violant , affligit , non ab eo derivatur ; quod illos creaverit cum non essent ; sed ab eo , quod Divinæ Potentia resistere impossibile est. Ostensum supra est Potestatem Summam apud homines à *Patio esse* ; ad

ad intelligendum autem quomodo Ius idem oriri à Natura potuit, considerandum est, in quo casu sempiternum esse potuit. Cum enim per Naturam Ius erat omnibus in omnia, & per consequens Ius Regni haberet per Naturam et si (propter mutuam resistentiam) inutile unusquisque si quis eorum tantam habuisset potentiam, ut certam inde sibi in Bello victoriam contra omnes homines promittere potuisset, quæ ratio excogitari potest, quare non potius & se, & omnes alios homines ipse suo arbitrio, regnando in omnes, defendere vellet, quam ad sui ipsius defensionem Iura Civilia constituens, Leges in se ipsum accipere? Naturæ ergo omnipotenti, cui resisti non potest Regnum & Dominium in genus humanum universum adhæreret naturaliter. Atque Iuris, quo quem velit affligit, & cui velit ignoscit Deus, Fundamentum hoc est; non autem, ut multi arbitrati sunt, Peccata hominum.

Quæstio enim, quare malis secundæ, bonis adversæ res contingunt, vestissima est, & difficultatis tantæ, ut non modo vulgi, sed etiam Philosophorum, & quod majus est, Sanctorum, fidem conculerit. Quam bonus Israhel Deus (inquit Psalmista Psal. 72. vers. 1, 2, 3) his qui recte sunt corde. *Mei auem pene moti sunt pedes, pene effusi sunt gressus mei.* Quia zelavi super inquos, pacem peccatorum videns. Etiam Job, Cum Deo quem acriter expostulat, quod justus existens, tam graviter afflictus fuerit. Quæstionem autem de quærimonia Job, decidit Deus, non argumentis à peccato ejus, sed ab omnipotentia sua derivatis. Cum enim amici Job ab afflictionibus ad peccata argumenta sumerent, ille autem ab Innocentia sua se defenderet, Deus ipse sententiam latus, afflictiones illas ab omnipotentia sua comprobavit. Dicendo *Vbi eras tu, quando ponebam fundamenta terræ,* alisque similibus à Potentia ductis utendo; tandemque defensionem quidem Jobi confutavit, innocentiam vero approbavit, doctrinamque Amicorum ejus erroneam condemnavit. Atque cum sententia bac Dei congruit Servatoris nostri sententias de homine nato cœco his verbis, neque peccavit hic, neque patres ejus; sed ut opera Dei manifestarentur. Quanquam autem dictum sit, intrasse in mundum mortem per peccatum (id est nisi peccasset Adam, mors non fuisset) non tamen inde sequitur, quod Deus illum justè affligere non potuisset, nisi peccasset, sicut cætera animalia affligit, quæ peccare non possunt.

Proximo loco considerandum venit, quænam sint Leges illæ Divinæ, quæ ad officia hominum spectant mutua; & quæ sint illæ quæ spectant ad cultum Dei naturalem. Priores illæ sunt, de quibus dictum est capitibus 14, & 15. Considerandum ergo restat, quæ sint Naturalis

Naturalis Rationis (absque alio verbo divino) dictamina circa Majestatis Divinæ Honorem & Cultum.

Consistit Honor in cogitatione honorantis interna , nempe in opinione quam de Potentia & Bonitate quisque habet illius quem honore dicuntur. Honorantis ergo Deum , est de Potentia & Bonitate Divina , quantum possibile est magnificentissime sentire. *Cultus* autem signa illa sunt , quibus ita sentire aliis indicatur. Cultus enim propriè opera vel labor ille est , quem quisque in rem impendit quamcunque ut ab illa sibi bonum aliquod obtineat. Res autem illæ unde Bonum expectamus , vel in nostra potestate sunt , ita ut bonum quod præstant , laborem nostrum sequatur naturaliter ; vel in potestate nostra non sunt , & proinde labori nostro , pro voluntate nostra , non respondent , sed pro natura Rerum. In sensu primo , quem terræ impendimus laborem , *cultus* , & *cultura* dicitur. In sensu secundo , ubi animi hominum ad voluntatem nostram ducendi sunt , non per vim , sed per officia , *Cultus* est omne officii genus , quo ipsis placandi studium indicatur ; qualia sunt ipsos laudare , magnificare , admirari , &c.

Ab Honore interno , nempe opinione magnifica de rei honorandæ Potentia & Bonitate , nascuntur tres Affectus ; *Amor* , qui refertur ad Bonitatem ; & *Spes* , & *Metus* quæ respiciunt ad Potentiam ; item tres partes *Cultus* externi , *Laus* , *Magnificatio* , & *Benedictio* , sive , ut loquuntur Græci , *μαραζεσμος* ; quarum una Bonitatem altera Potentiam , tertia fœlicitatem attribuit.

Signa honoris aliqua sunt (tum in Attributis tum in Actionibus) quæ ita sunt naturaliter ; ut in Attributis , *Bonus* , *Iustus* , *Liberalis* , & similia ; in actionibus , ut *Preces* , *Gratiarum actio* , & *Obedientia*. Alia signa Honoris fiunt per Voluntatem vel Consuetudinem hominum ; & proinde in temporibus quibusdam , & locis honorifica sunt , in aliis non sunt ; qualia sunt Ceremoniae , & Gestus , quibus inter precan-dum homines diversis temporibus & locis , utuntur diversis ; & dici possunt *Cultus Arbitrarius*.

Cultus Arbitrarius alias est *imperatus* , ut qui fit arbitrio imperantis ; alias voluntarius.

Rursus alias est *Publicus* , alias *Privatus* ; *Publicus* est *Cultus Civitatis* ; *Privatus* , Hominis Privati , sive *Civis*. *Publicus* respectu Civitatis liber est. Item *Cultus privatus* secretus quidem liber , in præsentia autem multitudinis nunquam est sine metu aliquo , vel à Legibus vel à reverentia astantium , quorum utrumque Libertatem aliquatenus diminiuit.

Finis propter quem coli se velint homines , est Potentia. Quem
Leviat.

enim coli vident Potentem esse intelligunt. Finem autem propter quem coli se velit Deus Omnipotens , nullum video , præterquam ut benefaciat nobis ; Cultusque noster debitus est ; & illi juxta honorandi regulas , quas ratio Naturalis dictat Potentioribus à minus Potentibus observandas esse , boni adipiscendi , vel damni vitandi causa exhibendus. Inter Attributa , quæ Deo debita esse lumine naturali intelligimus , primum est *Existentia* , id est ut confiteamur *Deum esse*. Honorare enim , quod non putamus esse , impossibile est.

Secundum est *Omnipotentia* , & quod omnium rerum Conditor est , & Rector. Qui dicunt ergo Mundum æternum esse , Deum non honorant , quantum possunt. Neque illi , qui Deum rerum humanarum curam habere negant.

Tertium , Deum non honorant quantum possunt. qui Finitum esse dicunt. *Finito* enim addi potest. *Figuram* ergo Deo attribuete , est contra honorem Dei ; properea quod *Figura* omnis Finita est ; & propter eandem rationem contra honorem Dei est , dicere quod illum concipimus , imaginamur , vel aliquam ejus in animo habere *Ideam*. Quicquid enim concipimus Finitum est. Dicere item Deum *totum* ; quia *totum* de Finito tantum dicitur. Dicere item quod Deus in loco hoc vel illo est ; nam quicquid in loco est , circumscribitur , & Finitum est.

Quartum , contra Dei honorem est dicere plures esse Deos. Plura enim Infinita esse non possunt.

Quintum , contra honorem Dei est (juxta propriam verborum significacionem) Deo attribuere Passiones , quæ subindicant Dolorem ; ut *Pœnitentiam* , *Iram* , *Misericordiam* ; vel quæ significant Indigentiam ; ut Appetitum , Spem , Cupidinem ; vel facultatem quamcunque Passivam. *Patitur* enim est Potentia ab agente alio terminata. Itaque quando Deo attribuimus *Voluntatem* , non debemus per *Voluntatem* Appetitum Rationalem intelligere qualis in homine est , sed Divinam Potentiam quâ omnia quæ sunt efficit. Similiter qui Deum *Videre* , *Sentire* , *Scire* , *Intelligere* dicunt (quæ facultates in hominibus nihil aliud sunt , quam animi ab Agentibus externis per corporis humani partes Organicas excitatus tumultus) nisi per ea verba intelligent Divinam & incomprehensibilem Potentiam , Deum non honorant.

Is qui Deo attribuere nomen nullum vellet nisi , quod naturali Rationi conforme sit , Nominibus uti debet vel Negativis , *Infinitus* , *Æternus* , *Incomprehensibilis* ; vel Superlativis , ut *Altissimus* , *Maximus* , vel Indefinitis , ut *Bonus* , *Justus* , *Sanctus* , *Creator* ; idque eo censu , ut non velit declarare quid sit Deus , sed quantum ipsum admiramur & veneramur nos. Unicum enim Naturæ suæ Nomen habet E S T .

Actiones autem quæ ad Cultum Divinum pertinent, Rationis est, ut signa sint Honoris; quales sunt primo loco *Preces*. Secundo loco, *Gratiarum actiones*; quæ tamen à *Precibus* in Cultu Divino non aliter differunt, nisi quod beneficium præcedant *Preces*, *Gratiarum Actiones* sequantur; cum tam harum, quam illarum finis unicus est; nempe, ut beneficiorum tam præteriorum, quam futuorum, Deum Authorem esse agnoscamus. Tertio loco, *Dona*, id est *Sacrificia & Oblations* (si in suo genere sunt optima) signa honoris sunt, & Cultus Divini pars Rationalis. Quartò, signum Honoris Deo exhibendi est, non *Iurare nisi per Deum*; illum enim solum esse scrutatorem cordium, jurando confitemur. Quintò, pars Cultus Rationalis est, de Deo non nisi consideratè loqui; signum enim est Timoris, & Timor Potentiaz Divinæ Confessio. Nomen ergo Dei non temerè usurpandum est, de Deo non nisi consideratè loqui; signum enim est Timoris, & Timor Potentiaz Divinæ Confessio. Nomen ergo Dei non temerè usurpandum est, neque sine causa necessaria; nempe inter Cives ad certitudinem Iudiciorum, aut inter gentes ad evitanda bella. De Natura autem Divina disputare honori Deo debito contrarium est; supponitur enim, de Regno Dei sciri nihil posse, nisi per Rationem Naturalem, id est per Principia Physica, quæ tantum abeat, ut naturam Divinam patefaciant, ut ne nostram quidem aut cujusquam rei minimæ naturam nos docere possint. In Attributis ergo Divinis respiciendum non est, ad Definitiones vocabulorum, sed ad quam significant honoris Intentionem. Sextò, in *Precationibus*, *Gratiarum actionibus*, *Oblationibus*, & *Sacrificiis* dictamen Rationis Naturalis est, ut sint omnia in suo genere optima. In *Precationibus* & *Gratiarum actionibus* Dictiones, Verba, & Oratio tota si subita, levia aut rustica sint, è cultu Divino, ubi omnia pulchra & decenter composita esse debent, ejicienda sunt; nam Deum alioqui non honoramus quantum possumus. Quod Gentes Imagines pro Deo coluerunt, fecerunt absurdè; sed quod Carminibus & Musica, tum Vocali tum Organica id fecerint, laudabile erat. Septimò, dictat ratio Naturalis non solum ut secreto colamus, sed etiam, & præcipue in publico coram hominibus. Nam absque eo, id quod in Cultu gratissimum est, nempe ut alii ad colendum Deum perducantur, perit. Postremò, Legibus obedire (nempe Legibus Naturæ; nam loquimur hic de Cultu Naturali) optimus omnium Cultus est; sicut enim apud Deum acceptior est *Sacrificiis* omnibus Obedientia; ita etiam mandata Dei parvi facere, maxima est contumeliarum. Atque hæ sunt Divini Cultus Leges Naturales. Quoniam autem Civitas Persona unica est, unicum exhibere Deo cultum potest

poteſt, id eſt Cultum Legibus Civilibus imperatum; qui Cultus publicus dicitur, nec poteſt eſſe, niſi uniformis.

Cumque Verba omnia (& proinde Attributa Dei) ſignificationem ſuam habeant à consenſu & conſtitutione hominum, Attributa illa pro ſignis honorandi habenda ſunt, quæ ita haberſi volunt homines. Quodcunq; autem voluntate hominum fieri poteſt, ubi nulla alia Lex eſt præter Rationem; fieri etiam poteſt, volente Civitate, per Leges Civiles. Quod autem à Civitate fieri poteſt, idem etiam per illum qui Summam habet in Civitate Poſteſtatem fieri poteſt. Signa ergo honoriandi Deum, quæ conſtituit iſi, qui Summam habet Poſteſtatem, pro talibus in cultu Divino publico, à privatis hominibus accipienda ſunt. Sed quia non omnes actiones poſtunt Honorificæ fieri per conſtitutionem hominum, (cum aliae Honoris, aliae Contumeliae naturaliter signa ſint) de iis actionibus ſolis, an in Cultum Diuinum admittendæ ſint, conſtituere poteſt Civitas, quæ ſuā Naturā nec Honorem nec Contumeliam significant; & quod statuerit Civitas obſervari debet.

Hactenus de Regno & Cultu Dei Naturali dictum eſt. Addam de pœnis Naturalibus hoc tantum, quod peccata non conſtitutione conſequantur, ſed natura. Nulla ferè eſt humana Actio quæ initium non fit catenæ cuiusdam conſequentiārum, adeo longæ, ut ad finem ejus proſpicere Providentia humana nulla poſſit. Concatenantur autem accidentia jucunda & moleſta adeo inſolubiliter, ut qui jucundum ſumit, moleſtum quod adhæret, quanquam improviſum, neceſſariò etiam accipiat. Quemadmodum vim inferentes punit vis aliena; intemperaniam puniunt morbi, &c. & tales ſunt quas voco Pœnas Naturales.

De Civitatis Conſtitutione, de Iure Summam habentium Poſteſtatem, & de Officiis Civium, quæ à Principiis Rationis Naturalis deducenda erant, quæ dicenda habui dixi omnia; firma, perſpicua, & Ingeniis liberis (ut puto) placitura.

Sed dum multitudinem eorum cogito, quorum Consiliis ut ſint falſa, expedit; quando illos qui doctrinas contrarias ſuſtinent, ne Bello quidem Civili punitos, emendari video; cumque doctrinis Græcorum & Romanorum veterum ſeditioſis Ingenia optimæ innutriri in telligo, vereor, ne ſcriptum hoc meum rei publicæ *Platonice*, *Vtopia*, *Atlantidi*, ſimilibusque ingeniorum lufib⁹ annumeretur. Non despero, tamen, quin Regibus integris in ſua Iura; Doctoribus in officia ſua, & Civium attentiis inspicientibus, hæc ipsa Doctrina conſuetudine mihi faſta, tandem aliquando ad bonum publicum communiter recipienda ſit.

DE CIVITATE CHRISTIANA.

CAPVT XXXII.

De Politicæ Christianæ Principiis.

Hactenus Summarum Potestatum Iura , Civiumque officia à Principiis purè Naturalibus deducta sunt ; nimirum à Definitionibus vocabulorum consensu hominum approbatis. Sed ad ea , quæ dicenda sunt de Natura & Jūribus Civitatis Christianæ , cuius cognitio dépendet magna ex parte à Voluntatis Divinæ revelationibus supernaturalibus , adhibenda sunt Principia alia , nempè verbum Propheticum.

Veruntamen Sensibus , Experienciæ , & (quod Verbum Dei indubitatum est) rectæ Rationi , renuntiandum non est. Sunt enim illa instar Minæ , quæ à Servatore nostro hominibus ad negotiandum data est , nec in Fide implicita , quasi in sudario involuta , reponenda ; sed ad Iustitiam , Pacem , veramque Religionem expendenda. Quanquam enim in Verbo Dei Rationem humanam superantia multa sint , id est , quæ Ratione Naturali neque demonstrari , neque confutari possunt , contra tamen rectam Rationem nihil reperitur.

Quoties ergo in locum aliquem difficiliorem , quam ut à nobis examinari possit inciderimus , intellectum nostrum verbis ipsis sine examine Philosophico , (propter mysteriorum Divinorum incomprehensibilitatem) debemus subjecere & captivare. Mysteria enim ; ut pillulae quas morbo laborantibus præscribunt Medici , si deglutiantur integræ , sanant ; mansæ autem plerumque revomuntur.

Subjectio autem intellectus non ita intelligitur , ac si teneretur aliquis , alicujus alterius sententiæ consentire ; nam Sensus , Memoria , Intellectus , & Ratio nostra in Potestate nostrâ non sunt ; sed tales sunt , quales res ipsæ necessariò in nobis efficiunt. Intellectum tunc subjecere dicendi sumus , quando illis , quorum est de doctrinis statuere , non contradicimus.

Alloquitur homines Deus aut Immediate , aut alterius hominis , cui Immediate loquutus ante erat , Mediazione. Quo modo hominem Immediate alloquatur , intelligi fortè potest ab iis , quos ita alloquutus

est; sed idem ut ab alio intelligatur, si non impossibile, certè difficilimum est. Nam si quis mihi diceret, Deum sibi supernaturaliter, & immediatè loquutum esse, dubitanti an id verum esset, non facile intelligo, quibus argumentis mihi Fidem faceret. Siquidem ita dicit is, cui debo obedire, obedire teneor, eatenus, ut neque verbo, neque facto dissensum meum patefaciam. Ut credam autem, non potest cogere. Quod si, qui Authoritatem nullam habeat, hujusmodi aliquid dicat, causa nulla est, neque ut credam, neque ut obediam.

Quibus Deus loquutus est in Scripturis Sacris, non Immediatè loquutus est, sed per Prophetas, idque omnibus æqualiter. Qui Deum in Somnio ad se loquutum esse dicit, Deum ad se loquutum esse somniast se dicit. Somnia autem aliena pro Verbo Dei nemo accipiet, præsertim si somnia maximâ ex parte naturalia esse, & ab arrogantia & superbia somniantis procedere posse sciat. Qui Visionem à Deo vidisse, aut Vocem audisse se dicit, somniast credetur; saepè enim & facile vanis & imperitis hominibus somnia illudunt. Qui supernaturaliter inspiratam sibi esse à Deo doctrinam aliquam novam dicit, à sapientibus, ingenii sui admiratione insanire intelligetur. Quanquam autem in Somnio, in Visione, per Vocem, & per Inspirationem hominem alloqui potest Deus omnipotens dicenti tamen Deum sibi ita loquutum esse, credere obligatur nemo, homini scilicet qui & errare, & (quod pejus est) mentiri potest. Quibus ergo rationibus sine Divina revelatione intelligere possibile est, quis sit vel non sit Propheta verus? In quadringentis Prophetis quos consuluit Rex Israelis de bello gerendo contra Ramoth-Gilead, verus erat unicus *Micaiyah*. Propheta ille, qui missus à Deo est, ad Prophetandum contra Altare, quod extruxerat Ierobeam, Propheta Dei erat, & miracula operatus est coram Rege; idem tamen ab alio Propheta deceptus est, qui Divino nomine abusus est. Si Propheta Prophetam non cognoscat, quomodo possibile est, ut voluntas Dei certò, præterquam Ratione Naturali, cognoscatur? Respondeo, duo esse in Scripturis indicata Prophetæ veri signa, quibus conjunctim (non seorsim) Propheta verus dignoscatur. Seorsim (inquam) neutrum horum signorum sufficit. Si surrexerit (dicit Deus Deut. 13.) in mediotui Propheta, aut qui Somnium vidisse se dicat, & prædixerit signum atque portentum, & evenierit quod loquutus est, & dixerit tibi, Eamus & sequamur Deos alienos quos ignoras, & serviamus eis; non audies verba Prophetæ illius aut Somniatoris &c. Propheta autem ille & fictor Somniorum interficietur; quia loquutus est, ut vos averteret à Domino Deo vestro.

In his Verbis notanda duo sunt ; primum , quod Deus miraculorum operationem solam pro nota Prophetæ veri haberi non vult, sed quod miraculum fieri patitur , ut constantiam populi sui experimento tentet. Miracula fecerunt etiam Incantatores Ægyptii , non tamen illis credendum erat. Secundum , quod quantumvis magnum sit miraculum , si tendat tamen ad rebellionem contra Regem , aliud non est præter fidelitatis populi probationem. Similiter , postquam servator noster Jesus Christus pro vero Messiah , id est pro Rege à Discipulis agnitus esset , monere illos de Miraculorum periculo non omisit. *Nolite (inquit) credere ; surgent enim Pseudochristi & Pseudoprophetæ , & dabunt signa magna & prodigia , ut in errorem inducantur (si fieri potest) etiam electi.* Unde constat fieri posse miracula etiam à Pseudo-prophetis , nec tamen ut doctrina eorum pro Verbo Dei recipienda fit. Et S. Paulus ad Galatas cap. 1 , vers. 8. *Si ego , aut Angelus de Cœlo Euangelium alind prædicaverit vobis , quam quod ego prædicavi , Anathema sit.* Quid autem erat , quod prædicaverat Paulus , nisi quod Jesus Christus erat Rex Judæorum ; adeò , ut prædicatio omnis contra Potestatem Regiam , juxta sententiam S. Pauli Anathematizanda sit.

Sicut autem miraculorum operatio , si doctrina , quam operator introducere conatur , contraria sit Doctrinæ , jam à Deo institutæ ; ita veræ Doctrinæ prædicatio sine miraculi operatione , Revelatio-nis immediata signum est insufficiens. Itaque qui Doctrinam veram prædicat , si sine dato Miraculo sibi credi , ut Prophetæ postulareret , audiendus non esset , ut patet ex Deut. 18, 21. *Quod si tacita cogitatione responderis ; Quomodo possum intelligere Verbum , quod Dominus non est loquutus ; hoc habebis signum.* *Quod in nomine Domini Propheta ille prædixerit , & non evenerit , hoc Dominus non est loquutus , sed per turorem animi sui Propheta confinxit , & idcirco non timebis eum.* Sed poterit aliquis hæc objecere , Cum Propheta prædixerit aliquid futurum , quomodo scire possumus , utrum futurum sit , necne. Prædicere enim potest , quod post tempus longissimum futurum sit ; vel indefinite , quod futurum sit aliquando. Itaque signum hoc inutile erit. Quare ut Prophetæ aliquis agnoscatur , confirmari debent , quæ prædictit , per eventum , aut præsentem , aut paulò post futurum. Patet ergo , duo hæc signa , nempe Religionis receptæ prædicationem , & Miraculorum operationem , conjunctim attendere , non seorsim , quis verus sit Propheta , id est , quis sit , ad quem Deus immediate loquutus est.

Cessantibus autem jam pridem Miraculis , signum , quod Revelatio-nem ,

nem , aut Inspirationem hominis cuiusquam privati cognoscamus , aut ad Doctrinam ejus recipiendam obligemur , habemus nullum , præter Scripturas Sacras , quæ à tempore Apostolorum , miraculorum locum supplent , & Prophetiæ cessationem satis compensant . Ex quibus Scripturis , per interpretationem rectam , cautamque ratiocinationem , præcepta & regulæ ad scientiam officiorum nostrorum , tum erga Deum , tum erga homines , necessariæ , sine Enthusiasmo , aut Inspiratione supernaturali facile depromi possunt . Ex illis ergo eorum , quæ de Iure Summæ Potestatis Civitatis Christianæ dicturus sum , Principia sumenda sunt . Itaque in Capite proximo , de Libris , Scriptoribus , Scopo & Authoritate Sacri Biblii dicendum est .

C A P V T X X X I I I .

De numero , Antiquitate , Scopo , Authoritate , & Interpretibus Librorum Sacrorum .

Libri Sacri illi sunt , qui pro vitæ Christianæ Canone sive Regulâ habendi sunt . Quoniam autem vivendi Regulæ , illis quibus præscribuntur , si illas observare obligantur Leges sunt ; quæstio oritur de Legibus per totum orbem Christianum , tum naturalibus tum ci-vilibus , quanam Authoritate Leges factæ sint . Quanquam enim in Scriptura Sacra , quas Leges unuquisque Rex , sive Cœtus Christianus constituere in Dominio suo debeat , definitum non sit ; quas ta-men constituere non debet , definitum est : Cum autem ostendit sit supra , illos , qui Summam habent in Civitate sua Potestatem solos Legislatores esse ; sequitur , Libros illos solos Canonicos , id est Leges esse in unaquaque Civitate , quæ Summi Imperantis Authoritate latæ sunt . Imperantium omnium Imperator Deus quidem est , & illi à Civibus præstanta est obedientia ; quicquid in contrarium jubet Rex terrenus . Sed de obedientiâ Deo præstandâ controversia nulla est , sed quando & quid loquutus sit Deus ; id quod ab iis , quibus nulla data est Revelatio supernaturalis , sciri non potest , nisi per Rationem illam naturalem , qua Pacis & Iustitiæ obtainendæ causa , Authoritati Summarum Potestatum fœse submisserunt . Quare nullos ego Libros pro Scriptura Sacra agnoscere debeo , præter eos , quos fancivit Ecclesia Anglicana . Quinam autem illi Libri sunt , non est opus hoc loco recen-sere . Testamenti Veteris numerat Iosephus viginti & duos : nempe *Mosis* quinque , Prophetarum tredecim & reliquorum quatuor . Eos-dem numerat Hieronymus , nimirum , *Mosis* quinque ; Prophetarum Octo ,

octo, & Hagiographorum novem. Vterque Librum *Sapientiae Solomonis*, *Ecclesiasticum*, *Judith*, *Tobiam*, primum & secundum *Machabaeorum*, à Canone, excludit. Eosdem solos transtulerunt *Septuaginta Interpretes* in linguam Græcam, homines Iudæi Græcæ linguæ periti, iussu Regis *Ptolomei*. De Libris Testamenti Novi inter Ecclesias Christianas controversia nulla est. Librorum Sacrorum Scriptores qui fuerint, ex Historiis ostendi non potest; ipsorum ergo Librorum lumine investigandi essent, si omnino investigari possent, quod lumen et si uniuersusque Libri Scriptorem non ostendat, ostendit tamen, quo ferè tempore quisque Scriptus fuerit.

Liber *Pentateuchi* Scriptorem habuisse *Mosim* non videtur, sed potius de *Mose*, quam à *Mose* scriptum esse. Legimus Capite ultimo Deuteronomii vers. 6. *Et non cognovit homo Sepulchrum ejus usque in praesentem diem*, id est, usque in diem, in quo Liber ille scriptus erat. Scriptum ergò esse, longo post mortem Mosis tempore, manifestum est. Quod Mosem verba hæc scripsisse per Prophetiam dicant, ineptum est. Rursus in libro Genesios cap. 12. vers. 6. legimus, *Pertransivit Abram terram usque ad locum Sichem, usque ad convallem illustrem; Chananeus autem tunc erat in terra.* Quæ verba esse non possunt, nisi ejus, qui tunc scripsit, quando in ea terra Chanaeus non erat. Non sunt ergo ea verba Mosis. Rursus Num. 21. vers. 14. sic legimus: *Dicitur in Libro bellorum Domini. Sicut fecit in Mari rubro, sic faciet in torrentibus Arnon.* Quæ scribi à Mose ipso non potuerunt. Ea sola scripsit Moses; quæ à Scriptore Pentateuchi scripsisse dicitur, nempe volumen Legis, quæ habetur in Deuteronomio à Capite undecimo usque ad finem Capitis vicesimi septimi, & quam in aditu terræ Chananeæ lapidibus inscribi jussit Deus. Volumen hoc scripsit ipse Moses, tradiditque Sacerdotibus, Senioribusque Israelis, Israelitis omnibus in festo Tabernaculorum septimo quoque anno recitandum. Atque hæc Lex ea est, quam Deus à sacerdotibus & levitis transcriptam, à Regibus populi Israelitici futuri legendam esse jussit.

Quod Liber *Iosua* longo tempore scriptus sit post mortem ejus, ex Libro ipso colligi potest. Cum in medio alveo Iordanis erexisset *Iosua*, in monumentum transitus Hebræorum duodecem lapides; scriptor Libri de illis dicit, *Et ibi sunt usque in praesentem diem.* Ios. 4, 9. Similiter Ios. 5, 9, cum dixisset Deus ad Iosuam, *Hodie abstuli opprobrium Ægypti à vobis.* Dicit Scriptor, *Vocatum est nomen loci illius Galgala, usque in praesentem diem.* Hæc & alia argumenta similia, ex aliis locis Libri *Iosuae*, ut Ios. 8, 29: 13, 13: 14, 14: 15, 63.

ostendunt Librum Iosuæ scriptum esse satis longo tempore post illius mortem.

De libro *Iudicum* ex cap. 18, 30, manifestum est quod post Captivitatem decem Tribuum scriptus sit. Vbi dicitur, *Posuerunt sibi scutpile, & Ionathan ac filios ejus Sacerdotes in tribu Dan, usque ad Diem captivitatis sue.*

Liber *Ruth* scriptus est, ut videtur ex cap. 1, 1. post Librum *Iudicum*.

Quod Libri *Samuelis* post mortem illius scripti fuerint, ostendunt loci sequentes 1 Sam. 5, 5: 7, 13, 15: 27, 6: & præterea 30, 25, ubi, postquam David partem spolii illis qui remanserunt ad sarcinas æquam cum descendantibus ad prælium adjudicasset, dicit scriptor, *Et factum est hoc, ex die illa, & deinceps constitutum & præfinitum quasi Lex in Israel usque in diem hanc. Item 2 Sam. 6, 4. ubi David propter Mortem Vzzæ contristatus est, dicit Scriptor, *Vocatum est nomen loci illius Percusso Vzzæ usque in diem hanc.**

Loci ex Libris Regum & Paralipomenon similes ante dictis, nempe 1 Reg. 9, 13: 9, 21: 10, 12: 12, 19: 2 Reg. 2, 22: 8, 22: 10, 27: 14, 7: 16, 6: 17, 23: 17, 34: 17, 41: 1 Paral. 4, 41: 5, 26. ostendunt Scriptos esse illos Libros longo tempore post res ipsas gestas. Quod autem etiam post Captivitatem Babylonicam, argumento est, quod ipsa historia in Captivitatem definit. Facta enim vetustiora esse necesse est, quam historiam, multò magis, quam Libri illi, qui Historiam citant, ut faciunt hi Libri, qui citant Annales Regum Israel, Librum Prophetæ *Samuelis*, Librum Prophetæ *Nathan*, Librum Prophetæ *Abijah*, Visionem *Iehdo*, Libros Prophetæ *Serviah*, & Prophetæ *Addo*.

Quod Libri *Ezdra* & *Nehemiae* scripti fuerint post redditum à Captivitate ex Libris ipsis manifestum est, reædificationem murorum & domum Ierusalem, & Pacti renovationem, & Politiae ordinacionem enarrantibus.

Liber *Esther* in ipsa Captivitate, vel post eam scriptus est.

Temporis, in quo scriptus fit Liber *Job*, notam in ipso nullam inventio. Quanquam autem personam veram, non fictam fuisse *Jobum* (ex *Ezekiel* 14, 14. & *Iac.* 5, 11.) certissimum sit; Liber tamen ille Historicus non videtur, sed Tractatus Moralis de Quæstione antiquâ, *Quare improbis in hac vita bene, probis autem plerumque male est.* Id, quod ex eo probabilius fit, quod à principio Libri usque ad tertii Capitis, verbum tertium, nempe querimoniarum *lobi* initium, oratione prosa Hebraice, scriptus est; inde autem usque ad ultimi Capitis

Capitis versum sextum Versu Hexametro , & rursus quod ultimi Capitis restat oratione prosa. Ita ut disputatio circa quæstionem tota Versus sint ; prosa autem in sola Præfatione & Epilogo inveniatur. Versus autem neque illis , qui in magnis doloribus constituti sunt , ut *Job* , nec illis qui consolaturi miseris veniunt , ut amici ejus , stili usitatus est , sed Philosophis moralibus priscis frequentissimus.

Psalmi maxima ex parte à *Davide* scripti sunt ad usum Chori , alii non multi alias Authores *Mosem* , Sanctosque homines alias habent ; quorum aliqui vixerunt post reditum à Captivitate , ut *Psalmus 137* , & *Psalmus 126* , & temporibus Antiochi scriptus *Psalmus 79*.

Maxima item pars Proverbiorum *Solomonis* sunt ; sunt autem eorum aliqua scripta ab *Agnus* , aliqua à matre Regis *Lemuel*. Collecta autem in Librum unum tuisse à Solomone verisimile non est. Liber ergo ille post tempora *Solomonis* scriptus est.

Ecclesiastes & *Cantica Canticorum* , quin *Solomonis* sint , dubium nullum est.

Prophetarum antiquissimi sunt *Sophonias* , *Ionas* , *Amos* , *Hosea* , *Isaias* , & *Micajah* , vixeruntque temporibus *Amasæ* , & *Azariæ* (alias *Ozïæ*) Regum Iudææ. Liber *Ione* non tam Prophetia ejus est (continetur enim tota his verbis , *quadragesima dies & Ninive destruetur*) sed perversitatis & contumaciae ejus Narratio historica. Author ergo Libri illius non fuit Prophetæ ipse. Liber *Amos* prophetia ipsius est. An tamen ab ipso scriptus , sit non appareat.

Ieremias , *Abdias* (five *Obadias*) *Nahum* , & *Habacuc* , *Iosïæ* temporibus Prophetaverunt. Vtrum autem Prophetias suas ipsi scriptas ediderunt , sciri non potest. Id quod etiam de *Ezechiele* , *Danielie* , *Aggeo* , & *Zacharia* , qui vixerunt in Captivitate ipsa , dicendum est.

Quando autem prophetaverunt *Ioel* & *Malachias* , ex ipsorum Prophetiis non appetet. Veruntamen manifestum satis est veteris Testamenti Scripturam totam , ea forma , quam nunc videmus , neque ante reditum à Captivitate Babylonica , neque post *Ptolomæi Philadelphi* tempora editam fuisse. Quod si Libris Esdræ Apocryphis fides habenda sit , ab ipso Esdra edita est ; nam Libri secundi Cap. 14. vers. 21,22, &c. sic scribitur : *Quoniam Lex tua incensa est* , propter quod nemo scit quæ à te facta sunt , vel quæ incipient opera . Si inveni in te gratiam , immittit in me Spiritum Sanctum , & scribam omne quod factum est in seculo ab initio , que erant in Lege tua scripta , ut possint homines invenire semitam , & qui voluerint vivere , in novissimis , vivant. Deinde vers. 45. Et factum est , cum complevissent quadragesima dies , loquutus est Al-

tissimus dicens : priora quæ Scriptisti , in palam pone , & legant digni & indig-
nati ; novissimos autem Septuaginta conservabis , ut tradas eos sapientibus de
populo tuo.

Scriptores Testamenti Novi vixerunt omnes tempore ipsius Christi ,
& (exceptis Paulo & Luca) illum viderant . Tempus autem , in quo
Testamenti Novi Libri primum ab Ecclesia pro ipsorum scriptis agni-
ti & recepti sunt , tempore Apostolorum aliquantò posterius erat . Sic-
ut enim Libros Testamenti Veteris altius derivare non potuimus ;
quam ab Esdra , qui auxilio Spiritus Sancti , perditos restituit ; ita
Libri Testamenti Novi ab altiore tempore derivari non possunt , quam
ab eo , quo Rectores Ecclesiarum illos collegerant , probaverant ; &
ut scriptos ab Apostolis & Discipulis Christi , quorum nominibus in-
scribuntur , nobis commendaverant . Enumeratio Librorum tum Ve-
teris tum Novi Testamenti prima , est in Canonibus Apostolorum
facta à Clemente primo (post Petrum) Episcopo Romano . Sed quo-
niam de Canonibus illis controversia est , Scripturæ Sacræ , qualem
habemus nunc , receptio publica , Concilio Laodicensi attribuenda est ;
quod Concilium habitum est Anno post Christum natum 364 . Quan-
quam autem eo tempore apud Doctores Ecclesiæ ambitio prævalue-
rat , in tantum , ut Imperatores etiam Christianos , pro Oibus , non
pro Pastoribus , & Imperatores non Christianos , pro Lupis habe-
rent , Doctrinasque suas pro Legibus non pro Consilio valere vellent ;
& de piis fraudibus cogitare inciperent ; non tamen adducor , ut illos
credam exemplaria Testamenti Novi corrupisse , in manibus eorum
foliis tunc ferè existentia . Nam si hoc facere voluissent , Doctrinis suis
multis fecissent illa magis favorabilia . Dubium igitur non est , quin
Testamenta Vetus & Novum , ut nunc extant , Monumenta vera sint
earum rerum quæ dictæ & factæ sunt à Prophetis , & Apostolis , &
aliis Scripturæ Sacræ Scriptoribus . Dubium etiam non est quin po-
tuerit Ecclesia in Canonem etiam alios Libros recipere à Iudeis quan-
quam lingua Hebræa non scriptos , si modo ceteris Doctrinam non
contrariam continuissent . Non enim à Scriptoris Dialecto , sed à
Doctrina , partimque etiam à tempore scriptionis , an Liber aliquis
in Canonem recipi mereatur , judicandum est . Erant autem in Ju-
dæa Sancti viri Iudæi , qui linguam Græcam perfectè calluerunt . Sed
Libri non à Scriptoris , sed ab Ecclesiæ Authoritate recipiendi sunt .
Librorum autem Sacrorum Authoritati non parùm addit , quod eis
diversis temporibus à diversis hominibus scripti sint , eodem tamen
Spiritu omnes scriperint , & in unum & eundem Scopum conspirâ-
rint , nempe explicationem Iuris Regni Cœlestis , in Deo Patre , Filio , &
Spiritu

Spiritu Sancto. Nam Liber Genesios Genealogiam populi Dei dedit ad Creatione usque ad exitum eorum in Ægyptum. Reliqui quatuor Libri Mosis explicant Regni Cœlestis Institutionem & Leges. Libri Iosue, Indicum, Ruth, & Samuelis, populi Dei gesta narrant usque ad Regem Saul, quo tempore Regnum Dei recusantes, Regem postularerunt ad morem Gentium vicinarum. Reliqua Historia Veteris Testamentis, Davidis Lineam per Reges Iuda describit, usque ad Captivitatem; ex qua Linea oriri debuit Regni Cœlestis restitutor, Servator noster Dei filius: cuius adventus in Libris Prophetarum prædictus est. Hujus vitam & facta scripsierunt Euangelistæ. Postremò, Apostolorum Acta, & Epistolæ adventum declarant Spiritus Sancti, & ab eo datam Ecclesiæ Authoritatem, & Gratiam, ut prædicatione suâ homines ad salutem in Christo invitarent.

Quæstio hodie disputatur inter Christianæ Religionis Sectas: Vnde habeant Scripturæ Sacræ, eam quam habent Authoritatem; quæ quæstio proponi solet sic, *Qui scimus Scripturas esse Verbum Dei;* difficultatemque habet tantummodo à quærendi modo. Nam quod Deus ipse Scripturæ Sacræ Author sit agnoscunt omnes, & credunt. Quod autem id sciant, nisi à Deo ipso supernaturaliter revelatum esset, impossibile est. Quæstionem hanc proponunt alii sic; *Cur credimus Scripturas esse Verbum Dei?* Cui quæstioni, quia, ut id credant diversi homines propter causas diversas inducuntur, responsio universalis dari non potest. Quæstionis status verus hic est, *qua Auctoritate Scripturæ Sacræ sunt Leges.*

Quatenus non differunt Scripturæ à Legibus Naturæ, dubium non est, quin sint Leges Dei, Auctoritatemque habent, omnibus, qui Ratione Naturali prædicti sunt manifestam. Sed Authoritas hæc alia non est, quam quæ Doctrinæ omni morali, si vera sit, attribuenda est.

Si Leges à Deo ipso factæ sint, nempe Leges Divinæ positivæ, nulla accedente Authoritate humana, illis solis Leges sunt, quibus Deus ipsas ita promulgavit, ut nulla illis per ignorantiam relinquatur exclusio.

Illi igitur quibus Deus non revelavit supernaturaliter, quod Scripturæ ab illo sint, vel eos, qui illas prædicant, ab eo missos esse, nullæ, ut eas recipient, Authoritate obligantur, præterquam ejus, qui Summam habet in Civitate Potestatem. Is enim Legislator solus est. Rursus, si Authoritas Civitatis non sit, quæ Scripturas facit esse Leges, Authoritate aliquâ aliâ vel privatâ vel publicâ id fiet. Si privata, si solus ad obedientiam tenetur, cui Deus illas supernaturaliter

pro Legibus dictavit. Nam si unus quisque pro Legibus Divinis habere obligaretur , quicquid aliquis prætextu Inspirationis vel Revelationis obtruderet (in tanto hominum numero , qui per arrogantiam , vel ignorantiam , somnia , phantasmata Insaniamque pro Spiritus Divini testimoniis accipientium , vel per Ambitionem falsò jactitantium) impossibile esset , ut Leges ullæ pro Divinis agnoscerentur. Sin Scripturæ Leges fieri non possunt sine Authoritate publica , Authoritas illa *Civitatis* erit , vel *Ecclesiæ*. At *Ecclesia* si una Persona sit , eadem res est cum *Civitate* ; quæ quidem quia constat ex hominibus *Civitas* ; quia constat ex hominibus Christianis *Ecclesia* appellatur. Totus autem numerus Christianorum hominum , nisi unâ *Civitate* comprehendantur , non est Persona una ; neque ulla existit *Ecclesia Vniversalis* , cuius Authoritate regendi sunt. Scripturæ ergo non fiunt Leges per Authoritatem *Ecclesiæ Vniversalis* , Quod si *Civitas* una esset per totum orbem *Ecclesia Vniversalis* ; sequeretur Reges Cœtusque Summos , pro privatis personis habendos esse & ab una Vniversalí Poteſtate per totum Orbem Christianum judicandos , deponendos & puniendos esse. Quæſtio igitur de Authoritate Scripturarum reducitur ad hanc , *Vtrum Reges Christiani , iisque Cœtus , qui in Civitatibus Christianis Summam habent Poteſtatem , liberi sint in suis iporum Dominiis ; an uni Vicario Christi subditi sint ab eo judicandi , condemnandi , deponendi , interficiendi , prout Vicario illi expedire bono communi Spirituali viſum erit.*

De qua Quæſtione determinandum non est , antequam propius inspexerimus in Iura Regni Dei ; ut sciamus inde , cuius sit Scripturas Sacras interpretandi Authoritas. Quicunque enim Poteſtatem habet legitimam faciendi , ut Scriptura aliqua pro Læge habeatur Poteſtatem etiam habet , ejusdem Scripturæ Interpretationem approbandi & improbandi.

C A P V T X X X I V .

*De Significatione quam habent in Scripturis Sacris Vocabula
Spiritus , Angelus , Inspiratio.*

CUm rectè ratiocinandi fundamentum positum sit in significatio-
ne Vocabulorum ; quorum Definitiones in Doctrina sequente
non dependent (ut in Scientiis Naturalibus) ab arbitrio hominum ,
aut vulgi usu , sed à sensu , quem habent in Scriptura Sacra ; necessa-
rium est , antequam ulterius progrediar , ut ex Scriptura Sacra , Ver-
borum

borum eorum Significationem stabiliam , quibus per ambiguitatem suam , ea , quæ ab illis illaturus sum , reddantur obscura aut dubia. Incipiam autem à Vocabulis *Corpus & Spiritus*, quæ in sermone Scholastico appellari solent *Substantia Corporea & Incorporea*.

Corpus significat universaliter id quod *locum* aliquem certum implet sive occupat ; nec dependet (ut locus ipse) ab imaginatione nostra , sed pars est *realis* ejus , quod vocamus *Vniversum*. *Vniversum* enim , cum sit Corporum omnium Aggregatum , nullam habet partem , quæ non sit etiam *Corpus* ; neque dicitur propriè *Corpus* , quod non sit totius Universi aliqua pars : Quoniam autem *Corpora* , variè apparent , dicuntur etiam variis *Subjecta* esse Accidentibus , nimirum aliquando quiescere , modo Calida , modo Frigida ; interdum Coloris , Odoris , Saporis vel Soni unius interdum alterius , & propter eam causam nominantur *Substantiae*. Diversitas autem hæc Apparitionum (quæ oritur ab operatione varia corporum extérnorum in Organâ sentiendi) facit , ut illas mutationibus Corporum Agentium attribuamus , & *Accidentia* esse putemus ipsorum corporum. Iuxta hanc Vocabuli *Corporis* acceptionem , *Corpus & Substantia* idem significant ; & proinde , vox composita *Substantia Incorporea* est insignificans , æque ac si quis diceret *Corpus Incorporeum* ; neque illa neque vox *Immaterialis* in Scriptura Sacra usquam invenitur.

Iuxta sensum autem vulgi , non totum *Vniversum* pro Corpore haberi solet , sed partes ejus illæ tantùm quas agere in se ipsos aut Tactu sentiunt , quando resistunt , aut Visu , quando prospectum Impediunt. Itaque in Sermone vulgi *Aer & Substantia Aeris* , non habentur pro Corporibus , sed (quoties ab illis aliquid patiuntur) *Ventus & Spiritus* dicitur ut *Spiritus Vitalis & Spiritus Animalis*. Quod autem attinet ad *Idola Cerebri* , sive *Phantasmatata* , quæ videntur & non sunt ; qualia in Speculis vel Somniis , vel etiam aliquando per *Cerebri* intemperiem vigilantibus apparent , Spectra sunt , & (quod Apostolus *Vniversaliter de Idolis* dicit) *Nihil*. *Nihil* , inquam , omnino ibi ubi videntur esse , neque in Cerebro ipso aliud quam tumultus ortus ab Organorum agitatione. Homines autem quorum animis aliis cogitationibus occupati , rerum causas non inquirunt , nesciunt , quomodo vocanda sint , & proinde facile persuaderi possunt ab illis , quorum Scientiam reverentur , ut vocent illa , non Spectra , sed *Corpora* ; potentque compacta esse ex Aëre per Potentiam aliquam Supernaturalem ; etiam persuaderi possunt alii , quod sunt *Spiritus* ; propterea , quod in loco ubi videntur esse , Tactu percipere nihil possunt. Propria ergo significatio *Spiritus* in Sermone vulgi , aut *Corpus subtile , fluidum*,

fluidum , & invisibile est , aut Spectrum , id est Idolum seu Phantasma . Significationes autem Metaphoricae , praesertim in Scriptura Sacra , multae sunt . Sumitur enim aliquando pro Disputatione sive Inclinatione ; ut quando dicimus *Spiritum contradictionis* , *Spiritum immundum perversum* , *Spiritum Dei* , pro contentiouso , pro immundo , pro perverso nomine , pro eo qui se dispositus ad serviendum Deo . Aliquando etiam accipitur pro eminentे qualibet facultate , vel etiam pro morbo animi insolito ; ut ubi *Egregia Sapientia* appellatur *Spiritus Sapientie* ; & ubi homines *mentis capti* *Spiritu* dicuntur possideri .

Vocabuli *Spiritus* Significationes in Scripturis Sacris alias non invenio . Siquidem ergo Scripturæ loco alicui nulla harum significacionum sufficere potest , locus ille intellectum nostrum superare existimandus est . Nec mirum , cum Natura Dei incomprehensibilis sit , & Nomina ei attribuenda sunt , non tam ad naturam ejus , quam ad honorem quem illi exhibere debemus congruentia .

Gen. 1. 2. Et *Spiritus Domini* ferebatur super aquas . Per *Spiritum Dei* , si intelligatur Deus ipse , *Motus Deo* , & per consequens *Locus* attribuitur ; quæ de Incorporeis intelligi non possunt . Gen. 8. 1. Ubi quando terra aquis (ut in principio) contesta erat , Deus diminuere illas volens *Adduxit Spiritum super Terram* & imminutæ sunt aquæ . In quo locus *Spiritus* videtur intelligentus esse pro *Vento* . Quid ni ergo pro eodem ponatur etiam prædicto Capite primo vers. 2. ?

Gen. 41. 38. Sapientiam Iosephi appellat Pharaoh *Spiritus Dei* . Cum enim Iosephus ei consuluerat , ut virum Terræ Ægypti præficeret Sapientem , & industrium , respondit Pharaoh , *Num invenire poterimus talēm virum qui Spiritu Dei plenus est* . Exod. 28. 3. Loquacis cunctis Sapientibus corde , quos replevi *Spiritu Prudentiae* , ut faciant vestes Aaroni in quibus sanctificatus ministret mibi . Ubi rursus Prudentia , quamquam in re vestiaria tantum egregia , nominatur à Deo *Spiritus Dei* . Eodem sensu accipitur *Spiritus* , Exod. 31. ver. 3. 4. 5. 6. & 36. 31. Isa. 11. 2. 3. Et requiescat super eum *Spiritus Domini* , *Spiritus Sapientie* & *Intellectus* , *Spiritus Consilii* & *Fortitudinis* , *Spiritus Scientie* & *Pietatis* ; & replebit eum *Spiritus Timoris Domini* . Ubi manifestè intelliguntur , non totidem Spectra , sive Substantiae Incorporeæ , sed *Graiae* excellentes in illum à Deo collocandæ .

In Libro Iudicium , Zelus & Fortitudo in populo Dei propugnando egregia vocatur *Spiritus Dei* , Iudic. 3. 10 : 6. 34 : 11. 29 : 13. 25 : 14. 6. 19 : De Saule , cum nuntiaretur illi Ammonitarum in homines ex Iabesk Gilead contumelia , dictum est 1. Sam. 11. 6. *Quod insiluit Spiritus Domini in Saulem* , cum audisset verba hæc , & iratus est furor ejus

eius nimis. Intelligi autem hoc loco Phantasma , verisimile non est , sed zelus ingens crudelitatem Ammonitarum puniendi. Similiter per *Spiritum Dei* qui venerat super *Saulem*, cum Prophétis intererat, canticis & musicā (1 Sam. 19. 20) laudans Deum , non Spectrum intelligitur, sed subitus & improviso Deus colendi zelus.

1 Reg. 22. 24. Interrogat Michaiah, Pseudopropheta *Zedekias* , Mene ergo divisit *Spiritus Domini* & loquutus est tibi ? Intelligi autem hoc de Phantasmate non potest , quia *Michaiah* eventum prælii , non ab *Inspiratione* , sed à *Visione* prophetaverat.

Etiam in libris Prophetarum , qui per *Spiritum Dei* , id est per Donum Dei speciale Prophetabant , præscientia , quam habuerunt rerum futurarum , non à Substantia aliqua Incorporea sibi infusa , sed à Somnio vel *Visione* supernaturali profecta est.

Gen. 2. 7. Legimus , Fecit Deus hominem ex pulvere terræ , & spiravit in nares ejus spiraculum vitæ , & factus est homo in animam viventem. Vbi per spiraculum vitæ significatur hoc tantum , Deum illi dedit esse vitam. Et Iob. 27. 3. quamdiu *Spiritus Dei* est in naribus meis , significat quamdiu vixero ; & Ezech. 1. 20. *Spiritus Vitæ* erat in rotis , id est rotæ viventes erant ; & (Ezech. 2. 3.) & ingressus est in me *Spiritus* , postquam loquutus est mihi , & statuit me super pedes meos , id est recepi robur vitale , non quod ingressa sit in illum Incorporea aliqua Substantia.

Num. 11. 17. Ausseram de Spiritu in te , tradamque eis , ut sustinent tecum omnis populi , & non tu solus graveris ; nempe Septuaginta Senioribus. Tunc vero duo ex illis Septuaginta, in castris dicuntur prophetæ ; quod cum *Iosua* Moysi narrasset , monuissestque ne permetteret , Moses non consensit. Constat hinc nesciisse *Iosuam* , quod per Authoritatem *Mosis* prophetarent. *Spiritus* ergo hoc loco , pro Authoritate ponitur. Eodem sensu legitur Deut. 34. 9. *Iosua* verò filius Nun repletus est *Spiritu Sapientiae* , quia *Moses* posuit super eum manus suas ; & obedierunt ei filii Israël. Accepit enim *Iosua* à *Mose* Authoritatem regendi (post seipsum) populum Israëliticum.

Rom. 8. 9. *Nisi quis Spiritum Christi habeat , non est ejus.* Vbi non intelligitur Phantasma Christi , sed Doctrina Christiana. Item 1 Iohann. 4. 2. In hoc cognoscitur *Spiritus Dei*. Omnis *Spiritus* qui confitetur *Iesum Christum* in carne venisse , ex Deo est. *Spiritus* hoc loco significat Fidem Christianam , sive confessionem non fictam , articuli hujus *Iesus est Christus* ; non pro Substantia Incorporea.

Verba illa (Luc. 4. 1.) *Iesus plenus Spiritu Sancto* , pro zelo perficiendi opus , quod ipsi à Patre suo mandatum erat , intelligere facile est ;

Leviat. b b b b

est; sed de Christo dicere, quod plenus erat Substantia Incorporea duriusculum est. Spiritus hactenus non Substantiam incorpoream, sed vel Substantiam, propriè dictam & realem significat Metaphoricè *gratiam* aliquam excellentem.

Discipuli Christi cum illum viderent (Matth. 14. 26. & Marc. 6. 49.) ambularem super mare, dixerunt Spiritum esse; non quod eum Phantasma esse existimarent, dictum enim est; quod viderunt illum omnes; id quod à natura Phantasmatum alienum est. Potuerant tamen forte credere, quod esset ex Aëre compactum Corpus. Quod de illis quoque dici potest qui Petrum è carcere à Deo liberatum, dixerunt esse Angelum ejus; nam de Substantiis Incorporeis in Scripturis Iudæorum mentio omnino nulla est; sed tota illa Doctrina à Philosophis Græcis originem dicit. Negandum tamen non est, quin Apparitiones aliquæ Substantiales esse possint. (Quid enim est quod Deus perficere non possit?) Neque quin sint (quoties eorum opera Deus utitur) Angeli; habent tamen dimensiones, & siquidem finiti sunt, locum implet & moveri possunt, sed non Incorporei, id est, non sunt *nullibi*, nec cum videantur esse *aliquid*, sunt *nihil*.

Angelus, vox Græca, apud scriptores tam sacros quam prophanos, significat Nuncium; in Scripturis autem Sacris, plerumque *Nuncium à Deo*. Nuncius autem à Deo, est omne id, per quod Deus supernaturaliter præsentiam, sive Potentiam ejus extraordinariam manifestat, præcipue vero in Somniis & Visionibus.

De Creatione Angelorum in Scripturis Sacris disertis verbis nihil traditur. Scriptores igitur Ecclesiastici de Naturâ Angelorum discentiunt. Veterum autem Patrum aliquot eminentissimi corporeos eos esse putaverunt, alii nonnulli Incorporeos. Vocantur passim in Scripturis Spiritus. Sed Spiritus tum à Scriptoribus Iudæis tum Græcis, modo corpora subtilia, ut Aér, Ventus, Spiritusque animalium, modo Phantasmata existimantur; quæ nec realia sunt, nec diutius permanent quam Somnium & Visio in quâ apparent. Quæ Phantasma, sive Apparitiones, et si substantiæ non sint, sed Accidentia Organorum sentiendi; quando tamen à Deo ad Voluntatem suam significandam, supernaturaliter producuntur, non impropiè Nuncii à Deo, id est Angelii appellantur.

Et sicut Gentes Phantasmata somniantium Substantias reales esse existimaverunt, & inde doctrinam suam de Bonis & Malis Dæmonibus deduxerunt: ita etiam Iudæi sine Veteris Testamenti Authore, tenuerunt ferè omnes (exceptis Sadducæis) apparitiones illas esse Angelos; nec dependere omnino à Phantasiâ, sed esse Dei creaturas

turas permanentes ; & , ut Græci , alios eorum Bonos esse , & Angelos Dei ; alios Malos , qualis erat Spiritus Python , & Spiritus hominis mentecapti vel Lunatici & Epileptici . Nam hujusmodi homines apud Iudeos habebantur pro Dæmoniacis .

Si loca Testamenti Veteris ubi Angelorum mentio fit , considere-
mus , inveniemus , plerumque si non semper per Angelum Ideam ali-
quam , in Phantasiam excitatam à Deo ad significandam præsentiam
Divinam in operatione ejus aliqua supernaturali denotari .

Legimus Gen. 16. Apparitionem unam & eandem , & Angelum vocari & Deum , nam (vers. 7.) Angelus Domini vocatur ; sed vers. 10. dicit idem Angelus ad Agar , *semen tuum multiplicabo valde* , quæ verba dici nisi à Deo non posſunt . Constat ergo Angelum nihil aliud hoc loco significare , præter Apparitionem Divinam , per vocem à Cœlo præsentiam Dei testantem extraordinariam . Angeli , qui appa-
ruerunt Lot , & vocantur Gen. 19. 13. *Viri* ; & quibus , cum esissent duo , loquitur Lot , ut ad unum , & appellat Dominum , imagines erant in Phantasia ejus formatae à Deo , non minus quam apparitio vocatur Angelus , quæ facta est ad Agar per *Vocem* Angelus , qui apparuit Abra-
hamo (Gen. 22. 11.) sacrificaturo filium suum Iſaac , Vox erat ; atta-
mèn satis propriè Angelus appellatus est , ut qua nunciatum est illi ne filium interficeret . Angeli , quos vidit Iacob ascendentēs & descendēntes de Cœlo per scalam (Gen. 28. 12.) in somno apparuerunt . Fue-
runt ergo Somnium & Phantasma ; quia tamen supernaturalia erant , & signa præsentia Divinæ , etiam Angeli . Item intelligitur ubi Iacob (Gen. 31. 11.) sic dicit , *Angelus Domini apparuit mihi in somno* . Illum au-
tem quem hoc loco Iacob appellat Angelum , ipse se appellat Deum , dicens (vers. 13.) *Ego sum Deus Bethel* . Nec tamen hinc colligendum est Deum aut à Somniantibus aut à Vigilantibus videri posse .

Exod. 14. 9. Angelus qui exercitum Israëliticum per mare ru-
brum , primo anteivit , & mox sequutus est , dicitur (vers. 19.) Do-
minus ipse , apparuitque non in forma humana , sed in forma Co-
lumnæ , interdiu quidem *Nubis* , noctu autem *Ignis* ; apparitio ta-
men hæc Angelus erat , quem Deus Mōsi promisit conducendo exer-
citui ; eademque descendisse dicitur , & stetisse ante ostium Taberna-
culi , & cum Mōse colloquutum esse . Itaque Motus & Sermo qui
Angelis attribui solent , etiam *Nubi* , quando præsentia Divinæ
Signum est Nubes , attribuuntur ; Angelusque erat Nubes , non mi-
nūs , quād si visus esset in specie formosi pueri , vel alatus , ut pingi
solent Angeli . Non enim Forma , sed Vtus facit Angelum . Vtus au-
tem
b b b b 2

tem eorum est , ut præsentiam Divinam in Divinis operibus , homini-
bus significant.

Exod. 33. 14. Moses rogaverat Deum , ut castra Israëlitarum comitaretur , ita ut ante Vituli Aurei adorationem semper comitatus erat ; & illi respondit Deus *præsentia mea comitabitur te* ; non dixit Mittam Angelum. Sed cum instaret Moses , promisit illi Deus mis-
surum qui exercitum duceret ; & postquam Tabernaculum juxta præceptum Domini instruxerat Moses , misit Deus super Tabernacu-
lum Nubem , qua manente maneret , & decedente castra moverent Israëlitæ.

Loca Veteris Testamenti , ubi nominatur Angelus , omnia percur-
rere longum esset. Dico ergo summatim , textum in Testamento Vetere nullum esse , ex quo inferri potest , quicquam sub nomine *Spiritu* , aut *Angeli* significari , quod non haberet Quantitatem , aut quod ab intellectu considerari non posset per partes , ita ut pars ejus una sit in uno loco , & pars proxima in loco proximo , & denique quod non sit corpus , prout corpus significat aliquid reale , & alicubi existens. Vbicunque autem Angelus in Scripturis legitur , ut *Nun-
cius* perspicue intelligitur. Itaque *Johannes Baptista* appellatur *Ange-
lus*. Christus vocatur Angelus Testamenti. Neque dubito quin (e-
cundum hanc Analogiam) *Columba* , & *Linguæ Igneæ* in Euangelio ,
cum signa essent Divinæ præsentiaæ , possent , nec impropriè vocari
Angeli. Quod Legimus (Dan. 8. 16. & 12. 1.) nomina Angelorum
Michaïlem & *Gabriëlem* , visio erat ; dicit enim *Gabriël* , fac in intelli-
gat is *Visionem hanc*. Deus enim opus non habet , ut servos suos cœle-
stes distinguat Nominibus , quæ ad Memorias Mortalium adjuvandas
inventa sunt.

Neque in Testamento Novo locus ullus invenitur , unde probari
possit , Angelos res esse permanentes & simul Incorporeas. Quod
quidem Angeli aliqui Substantiæ sint , & permanentes , colligi potest
ex verbis Servatoris nostri , *Ite maledicti in ignem æternum , qui paratus
est Diabolo & Angelis ejus* ; qui locus si malorum Angelorum perma-
nentiam probat , corporeitatem unâ probat. Ignis enim rerum In-
corporearum , id est impatibilium pæna non est. 1 Cor. 6. 3. *Nescitis
quoniam Angelos Iudicabimus.* 2 Petr. 2. 4. Si enim Deus Angelis pec-
cantibus non pepercit , sed rudentibus inferni detraçtos in Tartarum tradidit
cruciandos in judicium reservari. Iud. 1. 6. Angelos vero , qui non ser-
verunt suum principatum , sed dereliquerunt suum domicilium , in judicium
magni diei , vinculis æternis sub caligine reservavit. Quæ verba et si na-
turam

turam Angelicam permanentem esse evincunt , materialitatem simul probant. Item (Matth. 22. 30.) *In resurrectione neque nubent , neque nubentur , sed erunt sicut Angeli Dei in Cœlis;* unde colligitur , quod sicut homines , ita quoque Angeli in resurrectione erunt non incorporei , sed permanentes. Angeli itaque neque ex Veteri neque ex Novo Testamento probantur esse Incorporei.

Significatio vocis *Inspiratio* dependet à voce *Spiritus*. Significat autem propriè inflationem corporis alicujus subtilis , ut Aëris in locum aliquem ubi antè non erat ; eo modo quo quis spirando vesicam inflat ; id quod de rebus Incorporeis intelligi non potest. Vox ergo *Inspiratio* in Scripturis Sacris Metaphorice tantum usurpatur : Vt (Genes. 2. 7.) ubi Deus dicitur inspirasse in Adamum Spiraculum vitæ , per *Inspirationem* intelligitur *vivificatio*. Et (2 Timoth. 3. 16.) *Omnis Scriptura data est per Inspirationem Divinam*. Item est ac si dixisset , Deus Spiritus sive Animos Prophetarum per suam gratiam dispositus , quæ utilia futura essent ad Doctrinam , reprehensionem , correctionem , & instructionem in via ad salutem ubi autem S. Petrus (2 Petr. 1. 21.) sic dicit : *Non enim voluntate humana allata est aliquando Propheta , sed Spiritu Sancto Inspirati , loquuntur sancti Dei homines , per Spiritum Sanctum intelligit vocem Dei in Somnio vel Visione supernaturali ;* sic enim loquutus est Deus ad Prophetas , non autem spirando. Item quando Servator noster spiravit in Discipulos suos dicens , *Accipite Spiritum Sanctum* , non voluit halitum suum , sed Divinam gratiam intelligi. Item Servator noster ipse , quando dicitur plenus Spiritu Sancto , non intelligitur Substantiam Divinam , eo tempore infusam esse (nam Deus erat Christus ab æterno) sed Divinas gratias in humanitatem ejus accumulatas. Postremò , Ioël. 2. 28. cum dicit Deus *Effundam de Spiritu meo super omnem carnem , & prophetabunt filii vestri , & filiae vestrae , seres vestri Somnia somniabunt , & juvenes vestri Visiones videbunt.* Non intelligit juxta sensum literalem Spiritum effundi posse quasi aquam , sed intelligit ipsa Somnia & Visiones supernaturales.

Inspirationem igitur intelligere , tanquam Spiritus Dei in illos intraret propriè dictus , per quem prophetarent , vel Spiritus mali intrarent in Phreneticos , Lunaticos , vel Epilepticos , non est verbo illo uti secundum Sensum Scripturæ Sacrae. Nam Spiritus Dei pro gratia sive Potentia Dei sumitur operantis per modum nobis ignotum. Etiam (Actor. 2. 2.) Ventus qui dicitur domum illam impluisse ubi congregati erant Apostoli in die Pentecostes , non ita intelligendus est , ac si Spiritus Sanctus , id est Substantia Divina ipsa Ventus esset ,

eslet, sed pro signo externo præsentia Divinæ, efficientis in illis virtutes illas Sacras, quæ ad functionem Apostolicam erant necessarie.

C A P V T X X X V .

De significatione in Scripturis Sacris vocabulorum Regnum Dei, Sanctum, Sacrum & Sacramentum.

Regnum Dei in Scriptis Theologorum, præsertim in Concionibus & Libris Devotionum, sumitur pro Fœlicitate Æterna, qua post hanc Vitam Electi in summo Cœlo fruituri sunt; quod *Regnum Gloriarum* vocant. Sumitur etiam pro Fœlicitatis hujus arrabone, nempe Gratia sanctificante, quod appellant *Regnum Gratiae*. Sed pro Monarchia Civili propriè dicta, id est, pro Summa Potestate super Civites, per ipsorum suffragia acquisita, quæ est significatio Regni, nunquam sumitur. Contra in Scripturis Sacris invenio *Regnum Dei*, ubi qui ferè significare *Regnum propriè dictum*, nempe Regnum quod constitutum est consensu populi Israëlitici, qui Deum in Regem sibi Pacto elegerunt. Pactum autem erat hoc, quod Deus Israëlitis tradiceret terram Chanaan in possessionem æternam; & quod populus Deo obediret. Ab ipsa creatione mundi Deus in omnes homines regnavit non modo naturaliter sive jure Omnipotentiæ, sed etiam in quosdam homines quibus Voce imperavit. Sic regnavit super Adamum, Imperans, ne comedetur de arbore Cognitionis Boni & Mali, & puniens eum, cum imperatum ejus transgressus esset, nempe cum arrogasset sibi judicare de Bono & Malo, non per Creatoris sui mandatum, sed per suum ipsius Sensem; privavit enim illum vitam æternam, quam habere potuit propter arborem Vitæ.

Rursus regnavit Dens in Noah & familiam ejus; qui quamquam octo tantum essent personæ, erant tamen *Regnum Dei* propriè dictum.

Postea alloquutus est Deus Abrahamum (Genes. 17. 7, 8.) fecitque cum illo Pactum in hac verba, *Statuam Pactum meum inter me & te, & inter semen tuum post te in generationibus suis, fædere sempiterno: ut sim Deus tuus, & semini tui post te. Daboque tibi, & semini tuo terram peregrinationis tue, & omnem terram Canaan in possessionem æternam.* Abrahamus in hoc Pacto promittit, pro se & posteritate sua Deo obedire illi, qui ipsum alloquutus est. Ex altera parte paciscitur Deus dare Abrahamo terram Canaan in possessionem æternam. Pro monumento

numento autem Pacti hujus (vers. 11.) instituit Deus Sacramentum Circumcisionis. Atque hoc illud est, quod vocatur Pactum & Testamentum Vetus. Quanquam autem nomen *Regis* in eo Pacto non sit, res tamen manifeste appetit. Etiam nomen *Regni* expressè ponitur in Pacto hoc, ministrante Moše, postea renovato. Sacramentum autem Circumcisionis aliud non erat, quam Sacramentum Fidelitatis, ut nunc sub Testamento novum est Baptinus.

Pactum ad montem Sinai cum Moše renovatum (Exod. 19. 5.) tale est, *Si ergo audieritis vocem meam, & custodieritis Pactum meum, eritis mihi in peculium de cunctis populis; mea est enim omnis terra. Et vos eritis mihi in Regnum Sacerdotale & gens sancta.* Idem narratur, Tit. 2. 14. ubi dicitur Christum dedisse se pro nobis, ut purificaret sibi nos, in populum περιστον, id est peculiarem, id est (ut sequitur Exod. 19.) non sicut gentes aliae meas sunt. Cæteræ enim gentes potentia quidem Divinæ subditæ erant per naturam, non autem per consensum & Pactum sicut Israëlitæ. Dicitur autem in textu prædicto *Regnum Sacerdotale, &c* (1 Petr. 2. 9.) *Sacerdotium Regale*, Propterea quod Summam Potestatem post Deum, habuere in illo Regno summi Sacerdotes. Manifestum ergo est *Regnum Dei* usque ad Samuëlem fuisse Regnum propriè dictum. Nec dissentire videntur Potestatis Pontificiæ propugnatores, qui argumenta sua pro Potestate Papæ pleraque deducunt ab exemplo Summorum Sacerdotum populi Israëlitici. Rursus, idem confirmatur ab eo, quod populum suum appellat gentem sanctam. *Sanctum enim significat, id quod Dei est Iure speciali.* Dei est omnis terra; sed non omnis terra *Sancta* dicitur, sed ea sola quæ separatur & consecratur ad usum Divinum specialiter. *Regnum Dei & Civitas Dei* idem significant; nec modo Leges Ceremoniales & Cultum Divinum apud Israëlitas ordinavit Deus, sed etiam Leges Civiles, quibus scirent Israëlitæ officia sua erga se invicem.

Rursus (1 Sam. 12. 12.) alloquitur Samuël populum dicens, *Videntes quod Naas Rex filiorum Ammon venisset adversum vos, dixistis mihi, Nequaque sed Rex imperabit nobis: cum Dominus Deus vester regnaret in vobis.* Vnde constat eorum Regem propriè dictum fuisse Deum.

De loco Regni Dei loquitur *Ier. 24. 23: Erubescet Luna, & confundetur Sol, cum regnauerit Dominus exercituum in monte Sion, & in Ierusalem*, id est super Terram. Et *Micajas 4. 7: Et Dominus regnabit super illos in monte Sion, id est in Terra.* Et *Ezech. 20. 23: Vivo ego, dicit Dominus Deus, quod in manu forti, & in brachio extento, & in furore effuso, regnabo super vos.* & versl. 37: *Subjiciam vos sceptro meo, & indi-*

*E*s inducam vos in vinculis fæderis, id est faciam, ut stetis Pacto quod pepergitis mecum per Mosem.

Etiam in Testamento Novo de Servatore nostro, dicit Angelus Gabriël Luc. 1. 32, 33: *Erit magnus, & filius Altissimi vocabitur, & dabit illi Dominus Deus sèdem David patris ejus, & regnabit in domo Iacob in æternum.* Regnavit autem David in Terra. Adde, quod eo nomine ad mortem condemnatus sit, quod regnum Iudeorum postulaverit sibi, & ut inimicus Cæsaris; quod titulum in cruce ejus scripserit Pilatus, *Iesus Nazarenus Rex Iudeorum;* quod corona ex spinis per ludibrium coronatus sit; quodque Discipuli ejus (Acto. 17. 7.) in crimen vocati sint à populo clamante, *Hi qui orbem concitant hoc venerunt, quos suscepit Iason, & hi omnes contra decreta Cæsaris faciunt, Regem a'ium dicentes esse Iesum.* Regnum ergò Dei in Scripturis, propriâ, non metaphoricâ significatione dicitur. Idque agnoscunt, qui cunque in Oratione Dominica dicunt: *Tuum est Regnum, Potentia, & Gloria.* Iesum confirmatur à prædicatione Apostolorum, *appropinquit Regnum Cœlorum;* & ab omnibus Christianis precantibus, *adveniat Regnum tuum.*

Idem confirmantia, loca Scripturæ Sacræ, adeo multa sunt, ut quod interpretatio contraria reciperetur, mirandum esset, nisi Regibus Christianis, ut Iura sua in regenda Ecclesia perspicerent, Lucem nimiam præferrent.

Concludimus ergo Regnum Dei, Regnum esse Civile; primum in populo Istrælitico, ubi à Mose Leges Civiles receperunt; & Pro-regem Dei primum fuisse Mosem, & post eum Summos Sacerdotes singulos, usque ad tempus electionis Regis Saul quando abolitum est; & quod prædixerunt Prophetæ restituendum esse; & quam re-stitutionem à Deo rogamus, quoties dicimus in Oratione Dominica *Adveniat Regnum tuum;* & cuius Ius agnoscimus dicendo, *tuum est Regnum Potentia, & Gloria in secula seculorum;* & cuius Promulgatio facta est ab Apostolis; & ad quod præparandi sunt homines per Euangelii prædicationem. Item Regnum Dei (propter Divini Throni celitudinem dictum Regnum coeleste) si à Proregibus & Vicariis suis administrandum non esset in terris, tanta contentio tum Scriptis tum Bello, quantam videmus, de quæstione per quem Deus nos alloquitur, non fuisset; neque tantum curarum sibi dedissent Sacerdo-tes circa Iurisdictionem Spiritualem, quantum prætendunt; neque Iurisdictionem in Cœlo Rex quisquam illis indidisset.

Ab hâc interpretatione secundum literam vocabuli *Regnum Dei*, manifesta fit significatio vocabuli *Sanctum.* *Sanctum enim in Regno Dei,*

Dei , respondet vocabulo *Publicum* , in Civitatibus humanis.

Rex in omni Civitate est persona *Publica* ; In Civitate Dei appellatus est Deus *Sanctus Israëlis*. Populus ubique Civitatis , populus est ejus , qui personam gerit *Publicam* ; Israëlitæ autem , nempe populus Dei , dicuntur (Exod. 19. 6.) *Gens Sancta*. Nihil enim in Scripturis Sacris *Sanctum* dicitur , præter id , quod Dei est peculiariter vel ipsum Deum ; sicut *Publicum* semper est vel Civitatis ipsius persona , vel aliquid , quod illius est ita proprium , ut nemo privatus in eandem rem jus ullum habeat.

Itaque Sabbathum (dies Dei) est *dies Sanctus* ; Templum Dei (quod est Dei domus) *Domus Sancta* ; Sacrificia , Decimæ & Oblationes (quæ sunt vestigalia Dei) *officia Sancta* ; Sacerdotes , Prophetæ , Reges uncti (Ministri Dei) *Viri Sancti* ; Spiritus Cœlestes , qui Deo ministrant (Dei nuncii) *Angeli Sancti*. Vbicunque denique vox *Sanctum* propriè sumitur , ibi significatur aliquid quod Dei est proprium.

Vox *Profanum* in Scripturâ *Sacram* sumitur pro eo quod est *Commune* ; & per consequens *Sanctum* , & *Proprium* in Regno Dei idem sunt. Metaphoricè autem *Sancti* vocantur etiam viri devoti , qui rebus mundanis renunciantes , Deo se totos dedicaverunt. *Sanctificari* autem dicitur , quod dedicando vel consecrando servitio divino , *Sanctum* factum est ; ut Septimus dies in præcepto Decalogi quarto ; & ut Eleæti in Testamento Novo , quando prædicti Spiritu Pietatis , dicuntur *sanctificari*. *Sacrum* autem est , quod Deo ab hominibus datum & dedicatum , sive *Sanctum* factum est , ita ut in solo cultu Divino utendum sit ; qualia sunt *Templa* , aliæque *domus Orationis* , una cum *Vtensilibus* , *Ministris* , *Victimis* , & *Oblationibus*.

Sanctitatis gradus sunt. Earum enim rerum quæ ad usum Divini cultus separantur , aliquæ separari rursum possunt ad servitium vel cultum magis speciale. Tota gens Israëlitarum gens *Sancta* erat ; erant tamen inter Israëlitas , Tribus Levi speciatim tribus *Sancta* ; & inter Levitas sanctiores cæteris erant Sacerdotes ; & inter Sacerdotes *Sanctissimus* erat Sacerdos summus. Terra Iudæorum erat Terra *Sancta* , sed Vrbs , in qua colendus erat Deus magis *Sancta* erat ; & Vrbe *Sanctius* erat *Templum* ; & Templo *Sanctior* ea pars , quæ appellabatur *Sanctum Sanctorum*.

Sacramentum est , quod à communi usu separatum Deo consecratur , in signum admissionis in Regnum Dei (quæ est quasi Naturalizatione sive Iuris Civitatis acquisitione) vel in memoriam tanti beneficij institutum. In Vetere Testamento signum *Admissionis* erat *Circumcisio*,

Leviat.

cccc

in

in Testamento Novo, *Baptismus. Commemoratio in Vetere Testamento erat Agni Paschalis* elus, per quem renovabatur noctis illius memoria in qua liberati erant à servitute Ægyptiaca; in Testamento novo, celebratio *Cenæ Dominicæ*, in qua memoratur liberatio nostra per mortem in cruce Servatoris nostri, à servitute peccati. Sacramentum Admissionis semel tantum fit, propterea quod semel tantum Admit-timur. Sed quoniam ut beneficium Dei in hominibus servandis, & debitum nostrum fidelitatis opus habet, ut sæpe inculcetur, Sacra-mentum commemorationis sæpius repetendum est. Atque hæc duo Sacra-menta præcipue sunt, & quasi Iuramenta solennia Fidelitatis nostræ erga Deum nostrum Regem & Redemptorem. Actio quidem consecrandi omnis Sacramentum dici potest; sed Sacramentum id est Iuramentum Fidelitatis in Civitate Dei aliud nullum erat, in Vetere Testamento, præter Circumcisōrem & Pascham; neque in Novo Te-stamento præter Baptismum & Cenam Dominicam.

C A P V T X X X V I.

De Verbo Dei & Prophetis.

QUANDO in Scripturis Sacris reperitur *Verbum Dei*, vel *Verbum Hominis*, non intelligendum est pro parte Orationis, ut sumi-tur *Verbum* apud Grammaticos; sed pro Sermone perfecto, signifi-cante aliquid; ut quando is, qui loquitur, affirmat, negat, jubet, pro-mittit, minatur, optat, vel interrogat. In quo sensu *Verbum* non est vo-cabulum, sed sermo, Græcè λόγος.

Rursus, *Verbum Dei*, vel *Hominis* intelligitur aliquando pro eo, quod Deus vel Homo loquutus est. Sic Euangelium Matthei, *Ver-bum* est Matthei; aliquando pro eo, de quo loquutus est. Atque hoc sensu, ubi legimus in Vetere Testamento, *Verba dierum Regum Israëlis*, intelligenda sunt res illis diebus gestæ quæ Verborum illorum Subiectum erant.

In Testamento Novo Græcè scripto, *Verbum Dei* sæpe ponitur, (non pro eo, quod loquutus est Deus) sed pro eo, quod de Deo, & de Regno ejus; id est pro doctrina Christiana dictum est.

In hoc autem sensu idem significant λόγος Θεός & Theologia, ut manifestum est A&tor. 3. 46. *Tunc constanter Paulus & Barnabas dixerunt, Vobis oportebat primùm loqui Verbum Dei. Sed quoniam repellitis illud, & indignos vos judicatis eternæ vitæ, ecce convertimur ad Gentes.* Id quod appellatur h̄ic *Verbum Dei*, Doctrina erat Christiana. Item (A&tor. 5.

(Acto. 5. 20.) ubi Angelus Apostolos alloquitur dicens, *Ite, & stan-
des loquimini in Templo plebi omnia verba vita hujus: verba hujus vita
significant Doctrinam Euangelicam; ut patet ex eo, quod versu ult-
imo fecisse dicuntur, nempe, Omni autem die non cessabant in Templo
docentes & prædicantes Iesum Christum.* Christus itaque subiectum erat
Verbi Vitæ. Porro (Acto. 15. 7.) *Verbum Dei* appellatur *Verbum
Euangelii*, quia continet Doctrinam de Regno Christi. Idem verbum
(Roin. 10. 1, 9.) vocatur *Verbum Fidei*, id est, ut ibi explicatur,
Doctrina de Christo venturo & à mortuis suscitato. Et (Matth. 13.
v. 19.) appellatur idem *Verbum Regni*, id est Doctrina, quam docuit Deus circa Regnum Dei. Idem denique Verbum (Acto. 12. 24.)
Crevisse & multiplicatum esse dicitur. Id quod de Doctrina Euange-
lica intelligere facile est, sed de Voce Dei difficilimum. Etiam ubi
Sanctus Paulus loquitur de doctrina Dæmonum, non intelligit id, quod
dictum est de Dæmone aliquo, sed Dæmonologiam Gentium.

Ex his duabus *Verbi Dei* significationibus, posterior, ubi sumitur pro Doctrina Christiana, continet Scripturam Sacram totam. Prior non item. Quanquam enim verba hæc, *Ego sum Dominus Deus tuus &c.* usque ad finem Decalogi, verba sunt ipsius Dei Mosem alloquentis; præfatio tamen illa *Loquutus est Dominus cunctos sermones hos*, sunt verba ejus, qui Historiam conscriperat. *Verbum Dei*, quando sumitur pro eo, quod loquutus est Deus, significationem habet interdum *Propriam*, interdum *Tropicam*. Propriam, ut verba, quæ loquutus est ad Prophetas suos: Tropicam, quando ponitur verbum pro Sapientia, vel Potentia Dei, vel pro Decreto ejus æterno de condendo mundo. Atque hoc sensu Verbum Dei est *Fiat lumen, Fiat firmamen-
tum, Faciamus hominem.* Eodem sensu (Ioh. 1. 3.) de Verbo Dei dictum est, *Omnia per illud facta sunt, & sine illo factum est nihil eorum quæ
facta sunt.* Et (Heb. 1. 3.) *Per quem fecit secula, & portat omnia verbo
virtutis sua.* Et (Hebr. 11. 3.) *Fide intelligimus aptata esse secunda Ver-
bo Dei.* Verbum autem hoc sensu verborum omnium quæ Deus lo-
quutus est, est primum, ut in ipso principio mundi pronuntiatum.
Etiam Latini Ethnici vocabulo *Fatum* in eodem sensu usi sunt.

Sumitur etiam sæpiissimè in Scripturis Sacris *Verbum* pro Verbi effectu vel eventu, id est pro eo, quod verbo Affirmatur, Imperatur, vel promittitur; ut (Psal. 105. 19.) ubi Ioseph dicitur in carcere re-
tentus, donec Verbum ejus venerit, id est donec factum esset, quod prædixerat Pharaonis pincernæ circa restitutionem ejus in ministerium suum. Item i Reg. 18. 36, dicit Elijah Deo, *feci omnia verba
tua, pro feci omnia quæ jussisti.* Et (Ier. 17. 15.) ubi est Verbum Do-
mini,

mini, ponitur pro, ubi est malum quod minatus est Dominus. Et (Ezek. 12. 28.) & quodcumque loquuntur fuero Verbum, fiet. Non prolongabitur amplius, Verba ponuntur pro factis, quæ facere populo promiserat. Etiam in Testamento Novo (Matth. 24. 35.) Cœli & Terra transibunt, sed mea verba non transibunt, id est quicquid promisi fiet. Item Iohannes Euangelista (Ioh. 1. 1.) in hoc sensu, Verbum Dei appellat ipsum Christum, & paulò post Verbum factum est Caro. Christus enim à principio promissus est, (Gen. 1.) eratque in principio apud Deum, nempe venturum illum ab æterno decreverat Deus, & assumptum carnem humanam. Itaque Servator noster eo loco appellatur Verbum, non quia Christus Promissio, sed res Promissa. Verbum hoc, idem Iohannes in Epistola prima, appellat Verbum Vitæ, & Vitam æternam quæ erat apud Patrem; & in Apocalypsi 19. 13. Nomen ejus est Verbum Dei, quasi diceret, hic est quem venturum esse Deus ab æterno decreverat, & in principio mundi promiserat. Nihil ergo hic dicitur de incarnatione promissione, Vocis, aut Soni, sed de Incarnatione ipsius Dei Fili.

Sunt etiam loca nonnulla in Scriptura Sacra, ubi Verbum Dei ponitur pro Verbis Æquitatis & Rationis, et si neque à Prophetâ prolata neque à viro Sancto. Nam Pharaoh Necho Idololatria erat; quando tamen Nuntio misso Iosiam monuit, ne sibi invadenti Carchemish opponeret, Verba ejus profecta esse dicuntur ab ore Dei; etiam Iosias, quia verbis illis non obedivit, prælio occisus est, ut legere est 2. Chron. 35. vers. 21, 22, 23.

Verbum Dei aliquando etiam sumitur pro dictamine rectæ Rationis; ut quando, in cordibus hominum scriptum dicitur, ut Psal. 36. 31. Ierem. 31. 33. & multis aliis locis.

Vox Prophetâ in Scripturis Sacris significat aliquando Prolocutorem, id est, illum, qui alloquitur homines, ut missus à Deo; vel Deum alloquitur ab homine. Significat etiam aliquando eum, qui futura prædicit. Aliquando etiam illum, qui (ut mente captus) alloquitur verba incohærentia. Sæpius autem ponitur pro eo, qui in nomine Dei alloquitur populum. Quo sensu Moses, Samuel, Elijah, Isaiah, Ieremias, aliique Prophetæ erant. Etiam in hoc sensu Summus Sacerdos Prophetâ erat, ut (Ioh. 11. 15.) hoc autem (Caiphas) à semetipso non dixit, sed cum esset Pontifex anni illius, Prophetavit. Etiam qui populum in Ecclesiis Christianis docuerunt (1 Cor. 14. 3.) dicuntur Prophetæ. Eodem sensu ad Mose dicit Deus (Exod. 4. 16.) de Aarone, erit tibi pro Prolocutore ad populum; eritque tibi instar oris, & eris ei tu instar Dei. Et cap. 7. 1. Ecce feci te Pharaoni Deum, & frater tuus Aaron erit Prophetâ tuus. Abraham autem idèo Prophetâ dicitur, (Gen. 27.) quia

quia loquutus est pro homine ad Deum. Deus enim *Abimelecum* in somnio alloquens dicit, *nunc ergo restitue homini uxorem suam, nam est Propheta, & orabit pro te.* Intelligi hinc potest illos, qui in Ecclesiis Christianis, ad officium vocati sunt publicè precandi, non impropriè Prophetas dici. Prophetæ etiam erant, quibus immisicuit se *Saul.* (*1 Sam. 10. 5, 6.*) Eodem sensu *Miriam* (*Exod. 15. 20.*) dicitur *Prophetissa.* Ita quoque sumi debet (*1 Cor. 11. 4, 5.*) ubi dicit S. Paulus, *Vnusquisque qui pricatur vel prophetat capite opero, &c.* Prophetia enim aliud non significat eo loco præterquam *Psalmis & Cantilenis Sacris laudare Deum;* id quod facere in Ecclesiis etiam fœminis licuit.

Prophetia, quatenus sumitur pro Prædictione futurorum Contingentium, non solum veris Prophetis, sed etiam aliquando Impostoribus attribuitur, qui prædicere se futura dicunt per Spiritus, & per Divinationem superstitionis, idque multis modis, ut supra (*Cap. 12.*) speciatim diximus. Atque hi existimationem Prophetiæ majorem per unum aliquem eventum fortuitò prædictum sibi acquirunt, quam quæ innumeris prædictionibus rerum quæ non evenerunt, potest tolli. *Prophetia* non est Ars, neque (ut sumitur pro Prædictione) negotium constans, sed onus temporarium atque extraordinarium impositum à Deo, plerumque viris bonis, sed interdum etiam malis. Mulier illa ab *Endor*, quæ dicta est suscitasse Phantasma Samuelis per Spiritum familiarem, prædixitque mortem Saulis, non ob eam rem *Prophetissa* erat. Neque enim Scientiam aliquam habuit, per quam id potuit facere, neque appareret iustu Dei factum esse, et si Imposturam illam ita rexit Deus, ut Saul inde territus debilitatusque animo, prælio victus caderet. Etiam Sermones incohærentes apud Gentes habebantur pro *Prophetia*; Prophetæ enim Oraculorum suorum, tunc prophetabant, quando vapor aliquis animos eorum expulerat, ita ut verba quidem protulerint inter se incohærentia, & ex quibus, ut ex *Materia prima*, fieri posset quicquid quisque velle.

Quanquam autem in Scripturis Sacris, vocabuli *Propheta* tot sint significationes, frequentissima tamen ea est, in qua sumitur pro eo cui Deus illud immediatè loquutus est, quod is homini vel hominibus loquutus erat. Sed quomodo (dicet aliquis) propriè dici potest loquutum esse Deum, qui linguam, aliaque organa loquendi non habet, sicut homo. *Quid autem, qui fecit ocul'um* (dicit David) *non videbit?* *Is qui fecit aurum non audit?* Etsi nec videt nec audit Deus ut homo, scit tamen quæ dicimus & facimus. Cæterum verba illa *Davidis* non ponuntur ad naturæ Divinæ declarationem, sed ad voluntatis nostræ

in Deo honorando significationem. *Videre enim & audire* sunt Attributa honoris, & Deo attribui possunt. Sed si in propria & stricta significatione sumerentur, à cæteris etiam partibus corporis humani argumenta similia sumi possent, tribuendi Deo cæteras omnes actiones humanas; quarum plurimæ turpes sunt, & proinde attribuere illas Deo contumelia maxima esset. Itaque vocem Dei ad homines immediatam sumere oportet eo modo (quicunque is sit) per quem facit Deus, ut voluntas sua intelligatur. Modi autem quibus id facit, multi sunt, & in Scripturis Sacris solis reperiendi.

Ad *Adamum*, *Evanam*, & *Cain* loquitus est Deus, voce supernaturali. Quomodo loquitus est Deus *Abrahamo*, antequam è patria sua venisset ad Sichem Chananæorum, non dicitur; tunc autem (Gen. 27. 7.) dicitur *apparuisse* ei. Unus ergo modus, quo Deus præsentiam declaravit, erat *Apparitio* sive *Visio*. Rursus (Gen. 15. 1.) Verbum Domini venit ad Abrahamum in *Visione*, id est signum aliquod illi apparuit præsentia Divinæ. Deinde Dominus (Gen. 18. 1.) apparuit *Abrahamo* in *Visione* trium Angelorum; & *Abimelecho* (Gen. 23.) in Somnio; & ad *Lot* (Gen. 19. 1.) in Apparitione duorum Angelorum; & ad *Hagar* (Gen. 21. 17.) in Apparitione unius Angeli. Iterum ad *Abrahamum* (Gen. 20. 11.) in *Voce à Cœlo*; & ad *Isaac* (Gen. 26. 24.) noctu in *Somnio*; & *Iacobo* (Gen. 18. 12. & Gen. 32. 1.) in *Visione* Angelorum. Ad *Mosèm* (Exod. 3. 2.) in *Visione* flammæ & Rubo. Etiam post ævum Moli (ubi modus Divinæ loquutionis immediatae in veteri Testamento exprimitur) semper loquitus est per *Visiōem* vel per *Somnium*; ut *Gideoni*, *Samueli*, *Eliæ*, *Elishæ*, *Isaiae*, *Ezechieli*, cæterisque Prophetis; & in Novo Testamento, ut *Josepho*, *Petro*, *Paulo*, & *Iohanni* Euangelistæ in *Apocalypsi*.

Soli *Mosi*, modo extraordinario loquitus est in monte *Sina*, & in *Tabernaculo*; & Summo Sacerdoti in *Tabernaculo*; & in *Sancta Sanctorum*. Sed *Mosès*, & post eum Summi Sacerdotes, Prophetæ erant eminentioris gradus quam cæteri, & gratiam apud Deum majorem invenerunt. Nam Deus ipse de *Mose* id testatur (Num. 12. 6, 7, 8.) dicens: *Si quis fuerit inter vos Propheta Domini, in Visione apparebo ei, vel per Somnium loquar ad illum. At non talis servus meus Moses, qui in omni domo mea fidelissimus est; ore enim ad os loquor ei palam, & non per ænigmata & figuræ Dominum videt;* Et (Exod. 33. 11.) Dominus loquitus est ad *Mosèm* os ad os, sicut homo loquitur ad amicum suum. Veruntamen *Mosèm* non aliter alloquitus est Deus quam per Angelum vel Angelos; ut habetur verbis perspicuis (Act. 7. 35.) ubi Stephanus de *Mose* loquens, *Hic est* (inquit) *qui fuit in Ecclesia in solitudine cum Angelo qui loque-*

loquebatur ei in monte Sinai. Ubi Paulus de Lege dicit; *Ordinata erat per Angelos in manu Mediatoris. Mediator autem ille erat Moses. Quid ergo dicendum est de modo quo Deus loquutus est Moysi, nisi quod Visio erat, sed clarior quam cæteris Prophetis data est. Deut. 13. 1. Si surrexerit inter vos Propheta vel Somniator Somniorum, vox posterior, interpretatio tantum est prioris.* Ioël. 2. 28. dicit Deus, *& erit post hæc, effundam de Spiritu meo super omnem carnem, & prophetabunt filii vestri, & filii vestre. Senes vestri somnia somniabunt, & juvenes vestri visiones videbunt, ubi rursus Prophetia exponitur per Somnia & Visiones, & Spiritum.* Item quando Deus Solomoni promisit sapientiam, somnium erat, ut constat ex verbis ipsis, (1 Reg. 3. 15.) *E vigilavit Solomon & intellexit quod esset somnium.* Manifestum ergo est Prophetas extraordinarios Veteris Testamenti Vocem Dei non aliter intellexisse, quam per Somnia & Visiones, id est à Phantasiis supernaturalibus. Quæ vocabantur etiam *Spiritus Dei*, ut (Zach. 7. 12.) ubi dicit Deus, *Cer suum posuerunt in adamantem ne audirent Legem & verba que misit Dominus exercituum in Spiritu suo Sancto per manum Prophetarum priorum.*

Prophetarum autem in Veteri Testamento habentium Vocacionem perpetuam, alii *Supremi*, alii *Subordinati* erant. Supremorum primus erat Moses, & post eum *Summi Sacerdotes*, suo quisque tempore, dum Sacerdotium regale erat. Postquam autem jugum Dei excusserant Israëlitæ, & factum est Officium Summi Sacerdotis Ministeriale; quoties consulendus erat Deus, Sacerdotes Israëlitarum vestimenta sacra induerunt, & consuluerunt Dominum, non suo arbitrio, sed iussu Regum, à quibus aliquando etiam Sacerdotio privabantur. Nam *Saulus* (1 Sam. 13. 9.) Holocaustum afferri jussit sibi, & (1 Sam. 14. 18.) Sacerdoti imperat, ut Arcam afferret sibi, & (vers. 19.) ne afferret. Etiam in eodem Capite, consuluit Deum *Saulus*. Idem fecit *David*, postquam unctus fuisset, etsi ante quam Regnum possedisset; quæsivit enim à Domino (1 Sam. 23. 2.) utrum pugnaret necne contra Philistæos in Keilah. Item (vers. 10.) imperavit *David* Sacerdoti ut Ephodum opportaret ipsi, ut Dominum consulueret. Præterea Rex *Solomon* (1 Reg. 2. 27.) Sacerdotium *Abiatharo* auferens, dedit *Zadocho*. *Moses* ergo, *Summi Sacerdotes*, & *Reges Pii*, qui Deum semper in rebus difficilibus consuluerunt, Prophetæ erant *Supremi*. Quod Prophetis extraordinariis loquutus sit, dictum est supra. *Quomodo autem loquutus est ad Prophetas hos, Vocationis perpetuæ?* Si dicamus Deum loquutum esse, vel apparuisse eis, prout in sua natura existit, negabimus Deum infinitum, invisibilem, incomprehensibilem esse. Si dicamus loquutum esse per Infusionem

sionem *Spiritus Sancti*, quatenus *Spiritus Sanctus* significat Divinitatem ipsam, æquabimus Mosem Christo, in quo solo Divinitas (Coll. 2.9.) habitat corporaliter. Postremò si dicamus loquutum Deum esse per *Spiritum Sanctum*, quatenus *Spiritus Sanctus* significat Gratiæ Divinas, nihil illis attribuimus supernaturale. Homines enim ad Pietatem, Iustitiam, Misericordiam, Veritatem, Fidem, & Virtutum genus omne, tum Morale tum Intellectuale disponit Deus per Doctrinam, Exemplum, aliasque vias naturales & quotidianas. Quomodo ergo Deus Prophetas perpetuæ Vocationis alloquutus est, quatidio ab illis consulebatur, scriptum non invenio, nisi quod Summis Sacerdotibus in *Sancto Sanctorum* per vocem, ex inter Cherubinos loquutus est; sed vox illa, ut & cætera omnia Divinæ præsentiae signa, Angelus dici potest, quemadmodum Somnia & cætera signa supernaturalia.

Prophetis autem vocationis perpetuæ, sed subordinatis loquutum esse Deum supernaturaliter, in Scripturis nusquam constat, sed naturaliter tantum, eo modo quo ad Pietatem Fidem, & Iustitiam disponit Deus quos ad salutem destinavit. Qui modus, et si consistat in Instruccióne, Educatione hominum, verè tamen dici potest *Spiritus Sancti* operatio; nam inclinatio omnis tum ad sanctitatem tum ad virtutem à Deo est; quando igitur Propheta loqui dicitur per *Spiritum Dei*, intelligere débemus, ita illum loqui, ut Deus per Prophetam suum summum (cui Propheta subordinatus obediens obligatur) loqui illum jussit.

Vivente *Mose*, præter ipsum, in castris Israëlitarum Septuaginta erant viri qui prophetaverunt. Quo modo illos Deus alloquutus sit, declaratum est Num. 11. 15: *Descendit Dominus per nubem, & loquitus est ad Mosem, auferens de Spiritu qui erat in Mose, & dans Septuaginta viris.* Cumque requievisceret in eis *Spiritus*, prophetaverunt, nec ultra cessaverunt. Ex quibus verbis manifestum est, primò, Prophetationem eorum ad populum, subservientem & subordinatam fuisse Prophetationi *Mosis*, per cuius *Spiritum* prophetaverunt, id est, ita ut voluit *Moses*; quod confirmatur (verl. 27.) ex eo, quod cum *Mosè* dixisset *Iosua* prohibe illos, noluit *Moses*, dicens: *ne emulare pro me.* Secundò, ex eodem loco colligitur, *Spiritum Dei* non aliud ibi significare, præter parendi voluntatem, & adjuvandi *Mosem* in administratione Regiminis. De substantia enim Divina intelligi non potest, quæ solummodo in Christo habitavit corporaliter. *Spiritus* ergo ibi significat Donum sive Gratiam Divinam, qua ducti cum *Mose* cooperabantur, cuius habebant *Spiritum*; Septuaginta enim illi

illi viri , electi à Mōse antè erant , quām Spiritum Mōsis accepissent . Etiam (1 Sam. 16. 13, 14.) Spiritus Dei eandem habet significatiō nem , ubi ablatus à Sāulo , in Dāvidem collatus est , nimirum , quem ad populum suum regendum elegerat Deus , eidem gratiam suam , qua id rectē facere posset , impertivit .

Loquutus Deus est etiam aliquando per Sortes ; quæ Sortes per illos semper ordinabantur , qui Summam in populo habuerunt potestatem . Sic manifestam fecit per Sortes , quos ordinavit Saulus (1 Sam. 14. 43.) culpam Iōnāthani filii Sāuli ; & (Iosh. 18. 10.) divisit Deus terram Cananæorum per Sortes , quas Iosūa ordinavit coram Domino in Shiloh . Videtur etiam per Sortes fuisse , quod detexit Deus (Iosh. 17. 16.) Achanī furtum . Atque hi modi sunt per quos voluntatem suam patefecit Deus in Testamento Veteri .

Iisdem etiam usus est in Testamento Novo . Nam Virgini Māriæ loquutus est per Visionem Angeli ; Iosepho per Somnium ; Paulō proficiēnti Damascum in Visione ; Petro in Visione linteī magni emissi ē cœlo ; eidem in carcere per Visionem Angeli : Apostolis & Scriptoribus Testamenti Novi per Gratias varias Spiritus Divini ; & Apostolis rursus (cum Matthiam in Apostolum eligerent) per Sortes . Cum ergo omnis Prophetia præsupponat Visionem , vel Somnium , vel Gratiam aliquam Divinam egregiam ; cumque tam hujusmodi Gratiae quam Somnia vel Visiones , proficiēti possint , non solum supernaturaliter & immediatē , sed etiam naturaliter , & per Causas secundas ; judicio & ratione naturali opus est , ut inter Gratias , Visiones , Somnia naturalia & supernaturaalia rectē distinguamus ; debemusque cauti esse in obedientia præstanta homini qui Prophetam se esse dicit , jubetque ut in via ad salutem æternam , illum sequamur . Nam qui ducem se offert viæ ad fœlicitatem , regere & regnare vult ; cuius rei per naturam homines omnes avidi sunt , & per consequens Ambitionis & Imposturæ merito suspecti ; & proinde ab unoquoque , antequam obedientiam præstat examinandi , nisi forte regere in via salutis is vult , qui in Civitate Summam habet Potestatem , vel qui ab eo Authoritatem acceperit . Nisi enim examinatio Prophetarum , & Spirituum , unicuique ex populo permitta esset , notæ & signa omnia quibus Prophetæ veri à falsis distinguuntur , frustra fuissent . Quoniam ergo signa distinguendi Prophetas & Spiritus , exposita sunt Deut. 13. 1. & 1 Ioh. 4. 1 ; & quoniam tanta erat sub Veteri Testamento , & in Novo , tanta prædicatio contra Prophetas ; & quoniam major plerumque est Prophetarum falsorum , quam verorum numerus , obligatur unusquisque periculo animæ suæ Doctrinas Prophetarum examinare , & quem sequatur

tur diligenter considerare. Tempore Regis Achab (1 Reg. 12.) in quadringentis Prophetis unicus erat verus Michaías. De Prophetis Jeremias Propheta cap. 14. 14. dicit à Deo, *Falsò Prophetæ vaticinantur in nomine meo, non misi eos & non præcepí eis, neque loquuntur sum ad eos; visionem mendacem, & divinationem fraudulentam, & seductionem cordis sui prophetant vobis;* Et (cap. 23. 16.) jubet Deus ipse ne illos audiamus. *Nolite* (inquit) *audire verba Prophetarum, qui Prophetant vobis, & decipiunt vos: Visionem cordis sui loquuntur, non de ore Domini.*

Quoniam igitur sub Testamento Veteri inter Prophetas Visionarios tot erant rixæ, contendentium inter se, & querentium, *Quando discessit à me Spiritus iturus ad te, vocantiumque se mutuò mendaces* (ut Ierem. 14. 14.) totque controversiae hodie sunt sub Testamento Novo, prætentendum Spiritum Sanctum; unusquisque tunc obligabatur, & nunc obligatur Ratione sua naturali uti, ad regulas illas, quas nobis præscripsit Deus, ad distinguendum inter verum & falsum Prophetam, Prophetarum Doctrinis applicandas. Quarum regulam sub Testamento Veteri, una erat, ut Doctrina Prophetæ conformat esset Doctrinæ, quam docuerat Propheta supremus Moses, nempe qui Summam habuit in castris Israëlitarum Potestatem. Regula altera erat, ut posset Miracula operari, ut ostensum est supra ex Deut. 13. 1, &c. Sub Novo Testamento unica distinguendi inter Prophetas regula reperitur, nempe si Doctrinam hanc prædicaret Iesum esse Christum, id est Iesum esse Iudæorum Regem, quem venturum Prophetæ Veteris Testamenti prophetarunt. Quicunque autem Doctrinam hanc negaret, quæcunque Miracula videretur facere, Propheta falsus est. Nam Iohannes Euangelista (1 Epist. 4. 2, &c.) de examine Spirituum, an ex Deo essent necne differens, *In hoc (inquit) cognoscitur Spiritus Dei. Omnis Spiritus qui confitetur Iesum Christum in carnem venisse, ex Deo est*, id est, Propheta Dei est Concionator Euangelicus ille, qui confitetur prædicatque Iesum esse Christum, sive Concionator talis sit vir pius, sive impius. Propheta enim non per suos ipsius mores, aut fidem, sed per Authoritatem Legitimam Propheta fit. Loquitur enim interdum Deus per Prophetas, quorum personas reprehavit, ut per Baalam, & fœminam ab Endor maleficam. Rursus versu proximo Iohannes idem, *Omnis (inquit) Spiritus qui solvit (id est non prehendit) Iesum, ex Deo non est; & hic est Antichristus.* Regula ergo utrinque recta est, nempe eum, qui Messiam jam venisse prædicat in persona Iesu, Prophetam verum esse; eum autem, qui venisse negat, sed venturum expectat in persona alicujus Impostoris futuri, Prophetam esse falsum. Uniuscujusque ergo hominis Christiani, & de

& de salute animæ suæ solliciti interest , conari scire , & diligenter considerare , quis sit in Civitate sua Propheta Summus , id est , quis sit ille homo , vel Cœtus hominum , qui in Civitate gerit Personam Dei ; & quando illum cognovit , Doctrinam quam doceri ille jussit in Dei nomine , pro regula habere in Doctrinarum earum discussione , quæ à Prophetis , sive cum , sive sine Miraculo proferuntur . Quod si Prophetam aliquem contra regulam hanc docentem audierit , non ipse vindicabit , sed faciet quod fecerunt illi qui in castris Israëlitarum prophetantes audierunt ; id est Summo Imperanti indicabit , atque illi permettit statuere ut vult ; & siquidem doctrinas eorum improbet , improbat ; si probet , sequetur , illisque obediet , ut quibus Deus Spiritum dedit ex Spiritu ejus cui Summam dederat Potestatem . Nam homines Christiani , nisi Regem suum , vel Cœtum Supremum , pro Propheta Dei agnoscant , necesse est , ut sua ipsorum somnia , & cordium suorum tumorem , pro Spiritu Dei habeant , & sequantur ; vel ut duci se finant à Potestatis externis , contra salutem Civitatis ; vel à concivibus suis ambitiosis , per calumnias , ad fationem excitari , sine alio , quod doctrinam eorum confirmet , Miraculo , præter successum , & impunitatem aliquando admirabilem .

C A P V T X X X V I I .

De Miraculis, & eorum usu.

PEr *Miracula* intelliguntur opera Dei mirabilia. Quoniam autem dubitare solent homines suam ipsorum sequuti Rationem naturalem, utrum quod à Propheta pro mandato Dei pronuntiatur, mandatum ipsius Dei sit necne, *Miracula* in Sacris Scripturis vocantur Signa, ut quæ voluntatis Dei signa sunt; sicut etiam apud Scriptores Ethnicos, propter eandem causam vocantur *Ostenta & Portenta*. Ut intelligatur ergo, quid sit *Miraculum*, observandum est, quænam opera ea sint, quæ homines *Admirantur*. Sunt autem, quæ faciunt, ut opus aliquod admirantur, duæ tantum res. Altera si sit rarum, cuius simile raro aut nunquam ante factum viderant; altera, si postquam factum est, concipere non possunt per causas naturales factum esse, sed solummodo per operationem Dei immediatam. Nam si facti causas naturales intelligimus, utcunque opus rarum fuerit, vel si factum simile sæpe viderimus, et si causam ejus naturalem non concipiimus, non amplius admiramur, nec *Miraculum* appellamus.

Itaque si Bos aut Equus loqueretur, *Miraculum* vocaretur, quia d d d d 2 farum,

rarum , & cujus causam naturalem non possumus imaginari. Similiter in generatione animalium , naturæ deviatio omnis insolita , pro Miraculo haberetur. At si Homo vel animal aliud sui simile generet , quanquam & hoc & illud quomodo factum sit æquè nesciamus , Miraculum esse non putamus. Item si homo transformaretur in lapidem , Miracul'um esset ; quia rarum. Sed si lignum ita mutaretur , quia sæpe fit , Miraculum non est ; æquè tamen ignoramus , quomodo id in hōmine & ligno Deus operetur.

Arcus primus in Cœlo apparens , Miraculum erat ; quia primus , id est insolitus ; & quia pro signo in Cœlo à Deo ostensus est , ad significandum non amplius diluvio peritum esse mundum. Verum hodie , quia arcus coelestes videntur sæpe , Miracula nemini sunt. Rursus opera Mirabilia Arte humana multa producuntur ; quia tamen postquam facta sunt , quomodo facta sunt , intelligimus , non habemus ea pro Miraculis.

Admiratio dependet plerumque à scientia & experientia hominum , ita ut alii videatur , quod vidit Miraculum , alii non videatur. Itaque homines imperiti & superstitionis pro magnis Miraculis habere solent ea , quæ periti doctique omnino non mirantur. Eclipses Solis & Lunæ pro operibus supernaturalibus à vulgo habitæ quotdam sunt ; quarum causas naturales docti viri intelligentes , eas prædixerunt. Etiam homines callidi inter se confederati , secretas actiones incauti & imperiti hominis exquirentes , easdemque ipsis post narrantes , magna admirationi fuerunt , cum cautis prudentibusque viris non tam facile imponere potuissent.

Ad naturam Miraculi etiam pertinet , ut eo fine factum sit , ut Nunciis , Ministris & Prophetis Dei fides apud populum habeatur , sciatque inde populus missos illos esse à Deo. Itaque Creatio Mundi , & postea Diluvium universale mirabilissima opera erant ; quoniam tamen non eo fine à Deo facta erant , ut Ministro suo fidem facerent , Miracula appellari non solent. Sed opera Dei in Ægypto per Mosem , Miracula erant ; propterea quod eo fine facta sunt , ut crederet populus Israëliticus venisse ad eos Mosem , non consilio suo , & commodi sui causa , sed misericordia à Deo. Quando enim jussserat illum Deus Israëlitas à servitute Ægyptiaca liberare , dixit Deo Moses , Non mihi credent , sed dicent , Dominus non apparuit mihi. Potestatem ergò illi dedit Deus convertendi Virgam , quam in manu habebat , in Serpentem , & rursus Serpentem convertendi in Virgam ; & manum suam leprosam faciendi , & rursus sanandi , eo fine ut crederent Israëlitæ Deum Patrum suorum illi apparuisse. Cum autem Miracula hæc coram

coram populo operatus eslet, tunc dicitur *populum illi credidisse*. Populus tamen illi non statim obedivit, metuens Pharaonem. Alia igitur *Miracula* fecit Deus, percutiens Ægyptios, sed de eo fine ut *Mosè* Israëlitæ crederent. Similiter si *Miracula* facta à Deo per *Mosèm*, Prophetasque, usque ad Captivitatem; atque ea, quæ facta sunt à Servatore nostro, & Apostolis ejus, consideraverimus, inveniemus facta esse eo fine omnia, ut fidem facerent, vel confirmarent, non advenisse eos sua ipsorum causa, sed à Deo missos fuisse. Nec tamen *Miraculorum* scopus erat universim in omnibus fidem facere, sed in Electis tantum, nempe iis, qui salvandi erant. Plagarum enim Ægypti finis non erat conversio *Pharaohnis*, cuius cor obduraturum se esse prædixerat Deus, ne populum abire sineret; & *Pharaoh* cum eos dimisit, non *Miraculis*, sed Plagis motus id fecit. Item de Servatore nostro (Matth. 13. 58) scriptum est, non multa *Miracula* operatum illum esse in patria sua, propter eorum incredulitatem; & (Marc. 6. 5.) scribitur, non poterat ibi virtutem ullam facere, nisi paucos infirmos imposuis manibus curavit, & mirabatur propter incredulitatem eorum. Absit, ut putemus Potentia caruisse; aut finem *Miraculorum* alium fuisse, quam convertere incrédulos. Nam quæ fecerunt *Miracula* Moses & Prophetæ, & ipse Christus, & Apostoli ejus, homines ad Ecclesiam aggregandi causa omnia fecerunt. Quid ergo dicendum est, nisi quod Servator noster missus à Patre, Potentia à Patre data aliter uti non potuit, quam ad conversionem eorum tantum quos Pater ejus non reprobaverat. Quod locum hunc S. Marci exponentes quidam poni dicunt, non poterat, pro non voluit, non necessariò id faciunt, & sine exemplo lingue Græcæ. Ab his, quæ jam dicta sunt de natura *Miraculi*, definiri potest, *Miraculum* esse opus Dei (præter operationem naturæ in Creatione ordinatam) eo fine factum, ut cognoscerent Electi Nuncium à Deo extraordinarium ad eos salutis eorum causa missum esse.

Ab hac autem definitione inferimus, primò, *Miraculum* non esse effectum Virtutis alicujus in ipso Propheta, ad cujus verbum factum est, sed opus Dei immediatum.

Secundò, neque Diabolum, neque Angelum, neque Spiritum creatum quemcunque *Miraculum* facere posse. Nam neque si virtute Naturalis alicujus Scientiæ id faciunt, neque si Incantatione, aut Excantatione, id est Virtute Verborum *Miraculum* dicendum est. Si propria Potentia id facere possit Incantator, Potentia aliqua eslet, quæ à Deo non dependeret; quod omnes negant. Sin Potentia à Deo data extraordinaria faciat, *Miraculum* eorum non est, sed Dei factum immediatum.

Sunt Scripturæ Sacrae loca aliqua, quæ *Miraculorum* operationem attribuere videntur Incantationibus, & Artibus Magicis; ut ubi legimus quod postquam *Mosè* Virgam suam projiciendo in terram convertisset in Serpentem, *Magi* Ægyptii simile fecerunt Incantationibus suis. Et quod postquam *Mosè* aquas Ægyptiorum convertisset in Sanguinem, idem fecerunt *Magi* Incantationibus suis; & postquam *Mosè* per Potentiam Dei in terras Ægyptiorum induxit ranas, simile fecerunt *Magi*; Nonne *Miracula* efficaciam habere à sono verborum, & ab his locis satis probari existimabimus? Attamen nullus Scripturæ locus docet, quid sit Incantatio. Itaque si Incantatio non sit (ut multi esse putant) effectio Mirabilium per Verba & Sonos, sed Impostura, & modis naturalibus facta illusio, adeoque procul ab operatione supernaturali, ut Impostores ipsi scientia nulla causarum naturalium, ut ea faciant nec alia re indigeant, quam ignorantia, stupore, & superstitione communi generis humani; loca illa, quæ opinioni de Magica & Incantationibus favere videri possunt; alium sensum habere debent, quam primo intuitu habere videantur.

Satis enim manifestum est Verba effectum, nisi in eos qui intelligunt, habere nullum. Neque effectum in ipsis intelligentes ullum, præter declarationem quid cogitant illi qui loquuntur. Itaque quando Virga videtur Serpens, aut Aqua sanguis, aut aliud *Miraculum* factum videtur per Incantationem; nisi fiat ad populi Dei ædificationem, neque Virga neque Aqua, neque aliud Incantatur præter Spectatorem, totumque *Miraculum* Incantatoris in eo consistit ut Impostor hominem deceperit; quod *Miraculum* non est.

Tanta enim est humani generis ignorantia, & ad errandum proclivitas, sed maxima eorum qui causarum naturalium, & consiliorum humanorum imperiti sunt, ut infinito numero fallaciarum obnoxii perpetuò vivant. Sed Thaumaturgorum genera persequi longum esset; hi tamen quicquid fecerunt, sua singuli agilitate fecerunt. Sed si Imposturas eorum consideremus, qui federati faciunt, nihil factu impossibile videbitur, quod possibile est credi. Homines enim improbi si duo tantum conspirarent, unus ut simularet se claudum esse, alter ut Incantatione illum sanet, multos deciperent: sed si conspirarent multi, ut unus simularet se claudum esse, alter ut eum sanet, & reliqui omnes, ut testimonium dicant, decipient multo plures.

In tali generis humani proclivitate, fidem *Miraculis* temerè adhibendi, cautela melior esse non potest, quam quæ à Deo per Mosem (ut ante dictum est) docetur in Cap. 18. Deuteronomii initio, & fine; nempe, ne pro Prophetis habeamus illos, qui Religionem aliam

aliam docent , quām quæ ab eo , qui personam Dei in Civitate gerit , Legibus permittitur ; neque etiam illos , si novum aliquem articulam obtrudere conentur , pro Prophetis habeamus , sine *Miraculo* indubitato. Itaque ut *Moses* suo tempore , & *Aaron* Successoresque ejus temporibus suis ; ita Summi Imperantes in populo Christiano , id est Ecclesiarum Summi rectores omnibus temporibus consulendi sunt , quas doctrinas doceri permiserunt , antequam *Miraculis* aut Prophetis ignotis fidem habeamus. Etiam *Miracula* , quæ prætenduntur doctrinis novis , debemus videre ipsi , & quantum possumus excutere , & examinare , & secundum Rationem publicam , id est secundum rationem ejus qui Summam habet in Civitate Potestatem , de veritate *Miraculi* judicare. Exempli gratiâ , si quis dicat , quod post certa verba ab ipso prolatâ super buccam Panis , non sit amplius Panis , sed Deus , vel Homo , eti oculis , ut ante , Panis videatur ; causa nulla est , cur quis ita factum realiter esse putet , neque illum timeat , donec à Deo per illum , qui locum ejus in Civitate tenet , utrum realiter factum sit necne , inquisierit ; & siquidem ille negat , tunc sequitur id , quod à *Mose* dictum est Deut. 18. 22. temere loquuntur est , non timebis illum ; si factum esse realiter dicat , acquiescendum est. Item in *Miraculis* quæ non vidimus facta , sed fama tantum audivimus , consulenda est Ecclesia Civitatis , id est is , qui Summam in ea habet Potestatem , quoisque famæ Authoribus credendum sit. Atque hæc illis præcipue dico , qui vivunt in Civitatibus Christianis. Hodie enim ne unum quidem hominem cognosco , qui per Incantationem , vel ad vocem , aut ad Orationem hominis , opus ita mirabile factum vidiit , ut homini mediocriter cauto videri posset supernaturale. Quæstio ergo hodie non est , utrum *Miraculum* , quod vidiimus , vel legimus , vel fama audivimus realiter factum sit ; sed utrum *Miracula* quæ legimus , aut fama accipimus , non sint linguae aut calami solius opera. In qua quæstione , non Rationis vel Conscientiæ privatæ Iudicium est , sed Rationis (ut dixi) publicæ , id est Rationis illius Hominis vel Coetus , quem in omni quæstione Iudicem antè constitueramus. Privato autem homini (quia cogitatio omnis libera est) credere vel non credere quæ pro *Miraculis* approbata sunt , liberum semper est , atque de illis judicare intra pectus suum , prout narrantibus bonum inde proventurum vel non proventurum est , licitum est. Verum quando ad fidei Confessionem ventum erit , Privato Iudicio amplius locus nullus est ; sed adeundus est is , qui Summam sub Deo in Ecclesia habet Potestatem. Quis autem ille est , suo loco infra considerabitur. Nam Præstigiatori , aut Ventiloquo Artifici ,

Fictori callido, & narratori Mirabilium impudenti, Perjuro strenuo, Simulatori sanctitatis Histrionico, vel (maxime) multis simul nebulo-nibus foederatis, quis non credat homo malarum artium imperitus?

C A P V T X X X V I I I .

De significatione quam habent in Scripturis Sacris Vocabula Vita æterna, Infernum, Salvatio, Mundus venturus, & Redemptio.

QUONIAM Societatis Civilis conservatio dependet à Iustitia; & Iustitia à Potestate Vitæ & Necis, aliarumque Poenarum leviorum (quam Potestatem habet is, qui Summam in Civitate Potestatem possidet) impossibile esset conservari Civitatem illam, in qua Persona alia sit, quæ Potestatem habeat majoris infligendi poenas quam est mors, vel majora præmia tribuendi, quam est vita. Cum ergo Vita æterna præmium majus est quam Vita præsens, & CruciatuS æterni poena gravior, quam mors naturalis; res diligentia multa digna est, illis, qui per obedientiam civilem, confusionem calamitatesque belli civilis vitare cupiunt, quid sit quod in Sacris Scripturis per Vitam æternam, & CruciatuS æternos intelligendum est perscrutari; & propter quæ crimina, & contra quos commissa, cruciandi in Æternum sunt; & propter quæ facta Vita æterna fruituri sunt.

Adamum ea conditione creatum esse legimus, ut nisi mandatum Dei violasset, potuisset in æternum vixisse in Paradiso, ubi à Deo ab initio collocatus erat. In Paradiso enim erat Arbor Vitæ; cuius esus illi tamdiu permisus erat, quamdiu ab esu fructus Arboris Scientiæ Boni & Mali se abstinuisset. Itaque quam primum ex fructu Arboris hujus vetito comedisset, Deus illum è Paradiso expulit, ne forte nittat manum suam, & sumat etiam de ligno Vitæ & comedat & vivat in æternum. Constat ergo *Adamum* non creatum esse immortalem virtute naturæ suæ, sed per gratiam Dei adventitiam, nempe, virtute Arboris Vitæ, cuius comedendi dum copiam haberet, non potuit mori. Videtur ergo *Adamus* nisi peccasset vinctus fuisse in terrestri Paradiso in æternum; Mortalitatem autem in se & posteros suos intrasse per hoc peccatum ejus primum; Mortalitatem, inquam, tunc statim intrasse, non Mortem ipsam. Vixit enim longo post tempore, suamque vidit antequam moreretur posteritatem numerosam. Vbi autem dicitur, *in quocunque die comedeleris ex eo, morte morieris.* Inteligen-

ligendum est , non de morte in illo die , sed de certitudine mortis , id est de Mortalitate . Quod autem non dicitur simpliciter mori^ris , sed morte mori^ris , ita intelligendum est (ut interpretatur Athanasius) quando morieris , non revivisces . Cum ergo Vita æterna per peccatum amissum esset , manifestum est , quod quicunque peccatum illud aboleret , Vitam illi æternam , quam perdiderat , restiturus esset . Sed Iesu Christus peccatum illius , & omnium in ipsum credentium abolevit , & proinde omni bus credentibus Vitam illam æternam , quam perdidit Adamus recuperavit , nempe Vitam in Paradiso futuram . In quo sensu S. Pauli rectè stat comparatio Rom. 5. 18, 19. Igitur sicut per unius delictum in omnes homines Condemnatio ; sic & per unius Iustitiam in omnes homines Iustificatio vitaे . 1 Cor. 15. 21, 22. Cum quidem per hominem mors , & per hominem resurrectio mortuorum . Et sicut in Adam omnes moriuntur , ita & in Christo omnes vivificabuntur . Quod attinet ad locum in quo Vita illa æterna homines fruituri sunt , duo illi Scripturæ Textus significare videntur fore locum illum in Terra . Siquidem enim perdidit Adamus Paradisum , & Vitam illic æternam ; Paradisum & Vitam illic æternam , credentibus in ipsum Christus recuperavit , nec aliam . Cui doctrinæ congruere videtur quod dicit Psalmista (Psal. 133. 3.) Dominus , qui fecit Cœlos & Terram , benedic tibi è Zion . Alioqui dixisset benedicat tibi è Cœlo ; item Iohannes Apoc. 2. 7. Illi , qui vincit dabo comedere ex fructu Arboris Vitaے , quæ est in medio Paradisi Dei , quæ Arbor , Adamo Arbor Vitaے erat , sed in Terra . Idem confirmari videtur à Iohanne Apoc. 21. 2. Et ego Iohannes vidi sanctam Civitatem Ierusalēm novam descendentem de Cœlo , à Deo paratam sicut sponsam ornatam viro suo , & audivi vocem magnam de Throno dicentem ; Ecce Tabernaculum Dei cum hominibus . Id est Ierusalem nova (in quo est Mons Zion) nempe locus Electorum descendit in Terram . Item Angeli duo in vestimentis albis dicunt (Acto r. 1. 11.) Hic idem Iesu qui assumptus est in Cœlum , ita veniet sicut vidistis ipsum ascendere . Quæ verba ita sonant ac si dixissent venturum esse ad populum Dei Patris sui regendum hic ; non quasi illos in Cœlo regendos , in Cœlum sublaturus esset ; quod etiam Regni Dei sub Mose instituti restitutioni consentaneum est . Regnum autem illud erat Civitas Iudæorum in Terra . Porrò , id quod dicit Servator noster Matth. 22. 30. In resurrectione neque nubent neque nubentur ; sed erunt sicut Angeli Dei in Cœlo , descriptio est Vitaæ æternæ , similis ejus , quam perdidimus in Adamo , quatenus attinet ad Matrimonia . Nisi enim peccâissent Adamus & Eva , vixissent in Paradiso terrestri ipsi sine prole in perpetuum . Nam si sicut homines nunc , ita immortales generarent ,

nerarent, deesset non magno tempore locus hominibus, ubi pedes ponerent. Iudæi qui *Christum* interrogaverant, cuius Vxor futura esset fœmina illa in resurrectione, de consequentiis *Vite æternæ* non cogitaverant; itaque docet illos *Christus* generationem hominum non magis futuram esse in Resurrectione quam Angelorum. Comparatio hæc inter *Vitam æternam* ab *Adamo* amissam, & à *Christo* morte sua restitutam, etiam in hoc congrua est, quod sicut *Adamus*, et si *Vitam æternam* peccato suo perdidit, vixit tamen postea aliquamdiu; ita *Christiani* fideles *Vitam æternam* morte Christi receperunt, & tamen moriuntur morte naturali, & mortui aliquamdiu manent, nimirum usque ad Resurrectionem. Sicut enim Mors computata est in *Adamo*, non à Condemnatione, sed ab ipsa Morte; ita etiam Electorum Vita ab Absolutione sive remissione peccatorum, non à Resurrectione computatur.

Quod locus, in quo in æternum post Resurrectionem habitaturi sunt Electi, sit Cœlum, id est partes illæ quæ à Terra remotissimæ sunt, ut ubi sunt Stellæ, aut adhuc altius in Cœlo quod vocatur (non in Scriptura Sacra) *Empyrum*, non confirmatur ab ullo, quod sciam textu Scripturæ Sacræ. Regnum quidem Dei Cœlum inhabitantis, Regnum coeleste propriè dicitur, Cives autem Regni illius in Terra degebant, regebanturque à Dei Vice gerentibus, nempe *Mose*, *Eleazar*, cæterisque summis Iudæorum Sacerdotibus, usque ad tempora *Samuelis*. Postquam etiam Servator noster per prædicationem Ministrorum suorum Iudæos ad obedientiam Dei revocaverit, & vocaverit Gentes, Regnum erit Cœleste novum, sine ulla necessitate in Scripturis apparente, ascensurum esse hominem ad felicitatem suam altius, quam ad sciamnum pedum Regis sui cœlestis. In contrarium, scriptum invenimus (*Iohan. 3. 13.*) Quod *nemo in Cœlum ascendit præter eum, qui à Cœlo descendit, nempe Filium hominis, qui est in Cœlo*. Item (*Actor. 2. 24.*) ad probandam Christi ascensionem, utens verbis Psalmistæ (*Psal. 16. 10.*) Non relinques animam meam in inferno, nec dabis sanctum tuum videre corruptionem, dicit Petrus, non ea de *Davide* sed de *Christo* dicta esse; probans ex eo, quod *David* non ascendit in Cœlum. Sed huic loco respondere aliquis poterit, quod et si corpora eorum non ascensura erant in Cœlum ante diem Iudicii ultimi; animæ tamen eorum ascenderunt simul atque ex corporibus eorum excesserant; quod confirmari videtur ex verbis Servatoris nostri *Luc. 20. 37, 38*, qui probans Resurrectionem ex verbis *Mosis*, sic dicit, Mortuos resurrecturos esse, etiam ostendit *Moses*, qui ad rubrum *Dominum* invocans, appellat Deum *Abrahæmi*, Deum *Isaaci*, & Deum *Jacobi*.

Iacobi. Non est enim Deus mortuorum, sed viventium. Sed si verba illa intelligenda sunt de Immortalitate animæ, non id probant, quod probatum voluit Christus, nempe, Resurrectionem Corporis, quæ est Immortalitas Hominis. Dicit ergo Servator noster; Patriarchas illos Immortales quidem esse, at non per proprietatem aliquam humanæ Essentiae consequentem, sed per voluntatem Dei, qui ex mera gratia Electos donavit *Via eterna*. Quod autem Patriarchæ illi, aliique multi fideles homines tunc mortui essent, vivere tamen eos dixit Christus. Causa erat, quod nomina eorum scripta erant in Libro Vitæ; & propterea addidit verba hæc, ut in textu videre est, quod vivarent Deo. Quid autem est, propter quod animæ Iustorum in Cœlum irent ante corpora, cum mercedem operum suorum recepturi non sint homines ante Iudicium, ut manifestum est ex Luc. 14. 14. Cum facis convivium, voca pauperes, debiles, claudos, & cœcos, & beatus eris, quia non habent retribuere tibi, retribuetur enim tibi in Resurrectione Iustorum. Itaque ante Resurrectionem, nil habet in cœlo quod faciat anima eti per se existeret. Verbum hoc *Anima Immortalis* in Scriptura Sacra nusquam, *Vita æterna* passim invenitur. Caput Iobi decimum quartum (ubi non quis amicorum suorum loquitur, sed ipse) totum quærimonia est de mortalitate hominum, sine tamen negatione Immortalitatis post Resurrectionem. *Lignum* habet spem. Si præcisum fuerit, rursum virescit, & rami ejus pullulant. Si senuerit in terra radix ejus, & in pulvere emortuus fuerit truncus illius, ad odorem aquæ germinabit, & faciet comam, quasi cum primum plantatum est: homo vero, cum mortuus fuerit, & nudatus atque consumptus, ubi quæso est? Et paulo post, *Homo cum dormierit, non resurget donec attemetur cœlum*. Sed quando erit quod cœlum attemetur; respondet S. Petrus, futurum esse in Resurrectione. Dicit enim 2 Epist. 3. 7. *Cœli autem qui nunc sunt, & Terra eodem verbo depositi sunt igni, reservati in diem Iudicii, & perditionis hominum impiorum, & vers. 12. Adveniet autem dies Domini, ut fur, in quo Cœli magno impetu transient, elementa vero calore solveniuntur, terra autem, & quæ in ipsa sunt opera, exirentur, novos vero cœlos & novam terram, & promissa ipsius expectamus, in quibus Iustitia habitat.* Vbi ergo dicit Iob hominem non amplius surrecturum, idem est, ac si dixisset vitam immortalem in Resurrectione incipere, & pro causa habere, non naturam humanam sed Promissionem.

Postremò, cum Capite 35. ostensum sit Regnum Dei Civitatem esse propriè dictam (quæ Civitas erat in Terra) in qua Virtute pacti tum Veteris tum Novi Summam habet Potestatem Deus; & eam per

Vice-gerentem regit; etiam quando Servator noster adveniet in Gloriā & Majestate regnaturus, Regnum ejus erit in Terra.

Sicut Regnum Dei, & Vita eterna; ita etiam Hostes Dei post Iudicium ultimum, & cruciatus eorum, locum in Scripturis videntur habituri in Terra. Loci, ubi homines qui sepulti vel absorpti à Terra erant, mansuri sunt usque ad resurrectionem, Nomen vocatur plerumque in Scripturis *Infernus*, & *Inferi*, Græcis ἀδης, id est locus ubi nihil videri potest, continetque tam Sepulchrum, quam locum alium omnem inferiorem. Sed reproborum post Resurrectionem locus quis sit, ex situ ejus, non definitur, neque in veteri neque in novo Testamento. Indicatur tantum per nomina hominum qui in eo loco esse supponuntur, extraordinaria, & quasi miraculosa morte à Deo deleti. Exempli causa, dicuntur in *Inferno*, in *Tartaro* esse, propter *Corah*, *Dathan*, & *Abiram* vivos à terra absorptos, non enim volueret Scriptores Sacri, ut crederemus Globum Telluris (qui non modo finitus est, sed etiam coeli Stellarum fixarum altitudini comparatus, insensibilis magnitudinis) puteum habere in se infinitæ profunditatis, qualem finixerunt nomine *Tartari*, Poëtae; sed ut eos ibi esse crederemus, ubi erant illi qui à Terra absorpti esse dicuntur. Rursus, quia homines illi, qui tempore *Noæ* vixerunt, paulò ante diluvium, in Scripturis *Gigantes* dicti (à Græcis fortassis *Heroes*, genti, ut dicunt Poëtae, ex copulatione Deorum & Hominum) in diluvio generali deleti erant; locus reproborum à Iudeis significabatur per locum *Gigantium*, ut Prov. 21. 16. *Vir qui erraverit à via doctrinæ, in cœtu Gigantium commorabitur.* Et Iob. 26. 5. *Ecce Gigantes gerunt sub aquis, & qui habitant cum eis.* Locus Reproborum hic sub aquis esse significatur. Et Isaiah 14. 9. *Infernus conturbatus est in occursum adventus tui suscitavit tibi Gigantes.* Dictum hoc ab Isaiah est contra Regem Babylonis, locum Reproborum rursus innuens sub aquis esse.

Tertiò, quia Vrbes *Sodoma* & *Gomorra* propter impietatem incolarum Igne & Sulphure è cœlo consumptæ erant, & regio vicina in lacum bituminis fœtentis conversa; locus Reproborum saepe in Scripturis Sacris significatur per *Ignem* & *Lacum ignis*, ut Apoc. 21. 8. *Timidis autem & incredulis, & execratis, & homicidiis, & fornicatoribus, & beneficis, & idololatris, & omnibus mendacibus, pars illorum erit in stagno ardenti igne & sulphure;* quod est mors secunda. Manifestum ergo videtur locum Reproborum non esse certum aliquem locum in quo torquentur Impii, sed nomen cuiuscunque perditionis appellativum.

Etiam

EIAM Cap. 20. vers. 14. Ipse infernus & mors missi sunt in stagnum ignis. Hac est mors secunda. Adeo ut sensisse videtur Euangelista impios omnes Iudicio ultimo damnatos, & in lacu ignis denuo mortuatos esse, & propterea mortem hanc secundam appellavisse.

Quartò, à plaga Ægyptiaca, Tenebrarum (Exod. 10. 23.) de quibus Tenebris dicitur, Nemo vidit fratrem suum tribus diebus, nec movit se de loco in quo erat; ubicunque autem habitabant filii Israël lux erat, locus Reproborum à Iudeis appellabatur Tenebræ extieriores, οὐτοις ἔξω τερέοντες.

Postremò, quoniam locus, quidam erat prope Ierusalem qui appellabatur Vallis filiorum Hinnon, in cuius parte, dicta Tophet, sacrificaverant Israëlitæ Idolo Molech; ubi etiam Deus hostes eorum perdidérat, & ubi Iosias Sacerdotes Molech super ipsorum Altaria combusserat (ut legitur 2 Reg. 23.) locus ille à Iudeis pro loco ubi cruciandi erant Dei hostes appellatus est Gehenna; & propter ignes illic perpetuū ardentes (nimirum tollendi causa fetore) perpetuum rerum putridarum istuc projectatum) Ignis perpetuus.

Quoniam autem nemo hodie est, qui ita Scripturas interpretatur, quasi Reprobi in æternum cruciandi essent in Valle Hinnon; aut quasi sub aquas, aut in Tartaro detrudendi; aut quasi moturi se non essent præ Tenebris; sequitur (ut puto) necessario, quæ dicuntur in Scripturis de loco Reproborum, dicta esse metaphorice; ac proinde sensum verborum circa locum illum & cruciatus illos propriorem quarendum esse.

Quod attinet ad Tortores, naturam & proprietates eorum propriè traditas habemus, in nominibus Satan, Diabolus, Abaddon. Quæ Nomina Satan, Diabolus, Abaddon personam individuam nullam (ut Nomina solent Propria) designant; sed officium, vel qualitatem aliquam; & propterea sunt Appellativa. Sumpta autem pro Propriis imperitos fallunt, faciuntque ut Spectra & Dæmonas totidem esse putent, quales adorabant Gentes. Quoniam autem verba illa significant Hostem, Accusatorem, & Exterminatorem; intelligenda sunt, de Hoste Ecclesiæ Dei. Si ergo Regnum Dei post Resurrectionem futurum sit in Terra, etiam Hostes & Regnum eorum in Terra esse debent. Quando enim Regnum Dei in Israëlitis erat. Regna Gentium vicina, pro Regnis Satanae habebantur.

Cruciatus inferni significantur interdum per flumen & stridorem dentium, ut Matth. 8. 12. Interdum per vermen Conscientiae, ut Isa. 66. 24. Marc. 9. 44, 46, 48. Interdum per ignem inextinguibilem. Interdum per opprobrium, ut Dan. 12. 2. Quæ loca omnia dolorem significant metapho-

metaphoricè , ab eo oriundum , quod felicitatem illam æternam ab aliis acquisitam esse vident , quam ipsi per incredulitatem & contumaciam suam perdiderunt . Cum autem fœlicitati aliorum non invideatur , nisi ab illis qui dolores & calamitates patiuntur ; consequens est , ut pœnas suant corporales , inter quas numeranda etiam est *Mors secunda* . Quanquam enim Scriptura Sacra Resurrectionem affirmet , quod tamen Reprobis *Vita æterna* promissa sit , nusquam legimus . S. Paulus (1 Cor. 15, 42, 43 .) quæstionem tractans , quibus corporibus resurgentibus sit , *Corpus* (inquit) *seminatur in corruptione , surget in incorruptionem . Seminatur in ignobilitate , surget in gloria . Seminatur in infirmitate , surget in virtute . Seminatur corpus animale , surget Corpus spirituale . Gloria autem & Virtus , & Spiritualitas Corporibus Reproborum attribui non potest ; neque *Mors secunda* illis qui semel tantum poslunt . Scio Metaphoricè dici posse mortem , vitam illam quam comitantur perpetuae calamitates & miseriae ; sed *Mors secunda* dici non potest . Ignis paratus hominibus impiis , perpetuus esse potest , nimirum pœna illa , post Resurrectionem qualisunque sit , & vocari inextinguibilis ; atqui inde inferri non potest , quod illi qui in ignem illum conjicientur , in eo æternum ardebunt aut cruciabuntur , nec tamen consumentur . Contrarium enim dicitur Apoc. 20, 13, 14 . Et dedit mare mortuos qui in eo erant ; & mors & infernus dederunt mortuos qui in ipsis erant . Et judicabuntur unusquisque secundum opera eorum . Et *Mors & Infernus* conjecti sunt in stagnum ignis . Et hæc est *Mors secunda* .*

Vitæ autem æternæ gaudia comprehenduntur à Scriptoribus Sacris sub nomine Salutis sive Salvationis . *Salvari* autem *Servari* est , sive specialiter à Malis certis , sive universaliter à malis omnibus , nempe Indigentia , ægritudine & morte ipsa , à quibus omnibus , nisi peccasset Adamus , incolumis virtute arboris Vitæ , vixisset in æternum . *Servari* ergo ab his malis omnibus idem est ac *servari* à Peccato . Et in Scripturis Sacris eadem res est , Peccata remitti , & à morte & miseriis servari , ut constat ex verbis *Servatoris nostri Matth. 9, 2.* *Confide fili , remittuntur peccata tua.* Et vers. 5. *Virum est facilius dicere , dimittuntur tibi peccata tua , an dicere , Surge & ambula.* Etiam Rationis naturalis est , cum *Mors & Miseria* , punitio fuerit peccatorum , ut remissio peccatorum abolitio eslet mortis & miseriarum , & proinde *Salvari* , & peccata sibi remitti eadem res sit ; & ab hac remissione peccatorum per mortem Christi est , quod *Christum* appellemus *Servatorem nostrum* .

De Salvationibus specialibus , quales sunt intelligendæ , 1 Sam.

14, ubi Deus salvasse dicitur Israelitas ab hostibus suis Philistæis , & 2 Sam. 22, 4, Dominus petra mea & robur meum, & Salvator meus. Et 2 Reg. 13, 5, & dedit Dominus Salvatorem Israeli , & liberatus est de manu Regis Syriæ ; & de similibus , ut loquar non est opus. Nam loca hæc , neque habent difficultatem , neque spectant ad institutum nostrum.

Sed de loco Salvationis universalis fidelium hominum , in Regno Cœlesti , difficultas magna est ; cum enim Regnum Cœleste , Civitas sit , ab hominibus securitatis causa contra hostes , instituta videatur Salvatio contra hostes debere esse in Terra. Per Salvationem enim innuitur Regnum illius Regis cœlestis per Victoriam , non incolumitas per fugam. Ubi ergo salutem illam expectamus , expectamus Triumphum ; & ante Triumphum , Victoriam ; & ante Victoriam , Prælium ; quæ non facile supponi possunt futura esse in Cœlo. Videamus autem , de hac re quid dicant Scripturæ Sacrae Isaia 33, vers. 20, 21, 22, 23, 24: *Respice Zion Civitatem solennitatis nostræ : oculi tui videbunt Ierusalem habitationem opulentam , tabernaculum quod nequaquam transferri poterit : nec auferentur clavi ejus in sempiternum , & omnes funiculi ejus non rumpentur : quia solummodo ibi magnificus est Dominus noster : locus fluviorum rivi latissimi , & patentes : non transbit per eum navis remigum , neque trieris magna transgredietur eum. Dominus enim Index noster , Dominus Legifer noster , Dominus Rex noster : ipse salvabit nos. Laxati sunt funiculi tui , sed non prævalebunt , sic erit malus tuus , ut dilatare signum non queas. Tunc dividentur spolia prædarum multarum : claudi diripient rapinam. Nec dicet vicinus , Elangui. Populus qui habitat in ea , auferetur ab eo iniquitas.*

Quibus verbis designatur primo , locus Salutis , Ierusalem habitatio opulenta ; secundò , duratio ejus , Tabernaculum , quod nequaquam transferri poterit ; tertio , Salvator quis sit , Dominus Index noster , Legifer noster , Rex noster ; quartò , ipsa Salvatio qualis est , locus fluviorum , rivi latissimi ; quintò , conditio eorum qui salvabuntur , non dicet vicinus , Elangui ; sextò , conditio hostium , Laxati sunt funiculi , sed non prævalebunt &c. postremò , continentur hæc omnia Civium prospera , nomine Remissionis peccatorum , populo dimittetur iniquitas ejus. Quibus verbis perspicuum videtur esse. Salvationem in Terra tunc futuram esse quando regnabit Deus (in adventu Christi) in Ierusalem ; & à Ierusalem procedere debere Salutem Gentium : id quod apertius etiam declaratur ab eodem Propheta , cap. 66, 20, 21. Et adducunt omnes fratres vestros de cunctis gentibus , donum Domino , in equis , & in quadrigis , & in lecticis , & in mulis , & in carrucis , ad montes sancti

sanctum meum Ierusalem , dicit Dominus , quemodo si inferant filii Israe lis , murus in vase mundo in domum Domini . Et assumam ex eis in Sacerdotes , & Levitas , dicit Dominus . Intelligi potest Civitatis Cœlestis ar- cem , unde Salus gentibus dirivanda sit , futuram esse , in Terra , urbem Ierusalem . Idem etiam confirmari videtur à Servatore nostro , in colloquio cum muliere Samaritana , circa locum divini cultus futuri Ioh. 4, 22 , ubi mulieri dicit Christus Salvationem esse ex Iudeis , id est Salvato rem non à Samaria futurum esse , sed à Iudea . Cui Respondens dicit Muler , scimus venturum esse Messiam . Quod ergo dicit Christus Salvationem esse ex Iudeis , idem est , quod dicit Paulus Rom. 1, 16 , 17 . Non enim erubesco Euangelium , Virtus enim Dei est in salutem omni credenti , Iudeo primum , & Græco . Institia enim in eo revelatur ex fide in fidem , id est ex fide Iudei in fidem Græci . Eodem sensu Propheta Joel describens diem Iudicii , (cap. 2. 30, 31 .) Dabo prodigia in cœlo & in terra , sanguinem , & ignem , & vaporem fumi . Sol convertetur in tenebras , & Luna in sanguinem , antequam veniat dies magnus & horribilis , & erit ut onus qui invocaverit nomen Domini , satanas erit , quia in monte Zion & in Ierusalem erit Salvatio , sicut dixit Dominus . Et Obad. vers. 17 . In monte Sion erit Salvatio , & erit sanctus , & possidebit dominus Iacob eos qui se possederant ; quas possessiones versibus sequentibus nominat , nempe montem Esau , terram Philistæorum , agros Ephraim , & Sa- marie , & Gilead , & Vrbes ad Meridiem , concluditque his verbis , Et Domino erit regnum .

Quid autem , Regnum Dei eo tempore , nonne erat Domino ? Non erat tunc Domino Regnum illud , quod per Pactum habuit ini- tium in monte Sinai . Quando ergo erit Domino , Regnum illud per Pactum ? Domino tunc erit Regnum illud , quando veniet Servator noster cum Majestate & Glorio , ad judicandum vivos & mortuos . Quod autem attinet ad Regnum aliquod in Cœlo Empiræo , aliave re- gione Ætherea , nihil reperitur in Scripturis Sacris . Regnum tamen Cœleste erit propter Thronum in Cœlo Regis Cœlestis . Ex his quæ dicta sunt de Regno Dei , & Salvatione , facile intelligitur quid sit Mundus venturus . Invenitur in Sacris Scripturis mentio facta trium Mundorum , nimirum , Mundi Veteris , Mundi Presentis , & Mundi Venturi . De primo loquitur S. Petrus (2 Petr. 2, 5 .) Si originali Mundo non pepercit Deus , sed octavum Noem justitiae præconem custodivit , diluvium Mundo impiorum inducens &c . Mundus ergo Vetus ab Adamo computatur usque ad diluvium . De Mundo Præsente loquitur Christus (Ioh. 18, 36 .) Regnum meum non est ex hoc Mundo . Venit enim Christus ad Pactum Vetus renovandum ; ad regnum autem veniet

veniet in die Iudicii. De Mundo venturo loquitur S. Petrus (2 Pet. 3, 13.) *Novos vero Cœlos & novam Terram & promissa ipsius expectamus.* Atque hic est Mundus ille, in quo Christus è Cœlo in nubibus descendens in potentia & gloria magna, Angelos suos mittens congregabit Electos suos, à quatuor ventis, & ab extremis Terræ, & regnabit super eos in æternum.

Salvatio peccatoris supponit *Redemptionem* præcedentem; nam qui semel peccati reus est, poenas debet, quas ipse vel alius pro ipso solvere obligatur, pro pretio *Redemptionis*; quod pretium tantum est, quantum is qui Iesus est postulabit. Iesus autem Deus est; pretium ergo *Redemptionis* est quicquid Deo imponere visum erit. Damnum quod alii fit tolli potest per Restitutionem, vel compensationem, quarum neutra tollit peccatum. Ignosci tamen peccatori à Ieso aut *gratis*, aut poena quantulacunque, peccatum ejus redimi, potest. Id autem quod Deus plerumque à peccatore (sub vetere Testamento) pro peccati *Redemptione* exigere solitus est, *Sacrificium* erat vel *Oblatio*. Peccatori enim ignoscere is qui injuriam paſlus est, quanquam illum punire minatus erat, jure potest; cum etiam apud homines etiā *Promissio Boni Promissorem obliget*; minæ tamen, id est *Promissio Mali*, neminem obligat. Multo minus obligabunt Deum, cuius misericordia est infinita. Servator ergo noster, ut nos redimeret, non ita pro peccatis hominum patri suo satisfecit, ut punitio peccatorum propter eam rem injusta esset; sed *Sacrificium* tantum erat mors ejus, quam placuit Deo acceptare pro peccatis poenitentium, & in *Redemptorem* suum credentium. Et propterea *Redemptio* in *Scripturis Sacris*, & *Sacrificium*, & *Oblatio*, & *Premium* sæpen numero idem significant.

C A P V T X X X I X.

De significatione quam habet in Scripturis Sacris Vocabulum Ecclesia.

Ecclesia in *Scripturis Sacris* variè accipitur. Interdum pro *Domo Dei*, id est pro Templo in quo populus Dei publicè congregari consuevit ad cultum Divinum; ut 1 Cor. 14, 34. *Mulieres in Ecclesiis taceant.* In hoc sensu à Patribus Græcis dicitur Ecclesia Κύριακή, id est Domus Domini. Frequentissime autem sumitur, juxta ἔτυμον. Græca enim vox est, significatque Coetum hominum evocatorum, *Leviat.*

ffff

nempe

nempe Cives congregatos, & evocatos ad concionem publicam, à Magistratu, secundum Leges; atque hæc Ecclesia erat legitima. Etiam Cives per tumultum & seditionem in unum locum multi convenientes, vocantur interdum Ecclesia, sed Ecclesia confusa, ut Act. 19, 39. Manifestum autem hinc est, Ecclesiam nullam legitimam esse posse, quæ Authoritate illius non sit convocata, qui Summam habet in Civitate Potestatem. Sumitur etiam interdum pro hominibus, qui in Coetum jure intrare possunt, etiamsi non sint actu congregati, ut Act. 8, 3. Ubi dicitur *Saulus autem devastabat Ecclesiam*. Interdum etiam pro solis Electis ut Eph. 5, 27. *Vt exhiberet sibi gloriosam Ecclesiam, non habentem maculam aut rugam*. Id quod intelligi non potest nisi de Ecclesia Triumphantे. Cæteris significationibus omissis, loquemur hoc loco de Ecclesia in sensu proprio, nempe quatenus legitima est, habetque authoritatem legitimam, sicut sumitur Matth. 18, 17, ubi dicitur *Dic Ecclesiæ; si autem Ecclesiam non audierit, sit ubi sicut Ethnicus, & Publicanus*. In hoc enim sensu est, quod Ecclesia est Persona, quod velle, pronuntiare, imperare, audiri, Leges ferre, aut quicquam agere potest. Nam quod in congregatione hominum Authoritatem non habentium factum est, singulorum quidem factum est, si consenserunt, non autem Congregationis, totius, ut corporis unius, neque illorum, qui non consenserunt. Ecclesiam itaque Christianam sic definio, Ecclesia Christiana est Cœtus hominum Religionem Christianam profitentium, unitorum in persona una summam habente Potestatem; cuius iussu convenire debent, & cuius injussu convenire non debent. Quoniam autem in omni Civitate conventiones illæ, quæ sine Authoritate habentur Imperantis summi, illegitimæ sunt; etiam Ecclesia illa, quæ habetur in illa Civitate, quæ conventiones tales Lege vetuit, illegitima est.

Manifestum etiam hinc est nullam in terra esse Ecclesiam universalem quam audire obligantur Christiani universi; cum nulla sit in terra Civitas aliarum Civitatum omnium Domina. In Civitatibus singulis, Christiani Legibus Civitatis suæ obediens obligantur: & pér consequens, Legibus Civitatis aliaæ teneri non debent. Ecclesia ergo cui Potestas est Iudicandi, Absolvendi, Condemnandi, aut actionem quamcumque Agendi, eadem res est cum Civitate: & Civitas ideo quidem est, quia Cives sunt Homines: Ecclesia autem, quia Cives sunt Christiani. Quare regimen Temporale, & Spirituale, verba inania sunt introducta eo fine, ut propter duos Status apparentes minus cognoscerent homines, utri eorum obedientiam præstarent. In Cœlo quidem corpora hominum post Resurrectionem æterna & Spiritualia erunt:

erunt : sed in vita præsente , homines & caduci , & crassi sunt , neque patiuntur Statum neque Religionem ullam , præter eam quam statuit Potestas Temporalis : neque Doctrina ulla à Cive doceri jure potest , quam Civitas Temporalis doceri prohibet. Unus denique Rector tum Spiritualis , tum Temporalis esse debet , aut utraque simul Potestas interibit , nimirum per contentiones inter Ecclesiam & Civitatem , inter Spiritualistas & Temporalistas , inter gladium Iustitiae & Scutum Fidei : & (quod majus est) in uniuscujusque Christiani pectori , inter Christianum , & Hominem. Doctores quidem Ecclesiæ , Pastores vocantur : sed ita etiam vocantur Reges : sed nisi Pastor unus alii subordinatus sit , ita ut unus sit Pastor Summus , Doctrinæ docebuntur inter se contrariæ : quarum utraque esse potest , sed altera necessariò falsa est. Quis autem Summus ille Pastor sit juxta Leges Naturæ , ostensum est superius , nempe , illum cui Summa est Potestas in Civitate : quis autem sit juxta Scripturas Sacras , videbitus in Capitibus sequentibus.

C A P V T X L .

De Iure Regni Dei in Abrahamo , Mōsē , Summis Sacerdotibus , & Regibus Iudæa.

Pater Fidelium , & per Pactum primus in Regno Dei erat *Abrahamus*. Cum illo primo Pactum initum fuit : per quod Pactum seipsum & semen suum post se obedire mandatis Dei obligavit , non solum naturalibus , sed etiam illis mandatis , quæ Deus supernaturali- ter manifesta faceret , per Somnia & Visiones. Legibus enim Naturalibus , ante tenebatur : ut de illis pacisci opus non esset. Pactus ergo est cum Deo *Abrahamus* , pro mandato divino habere , quicquid in Dei nomine , per Somnium , vel Visionem illi imperaretur , & idem familiae suæ præcipere , & facere ut observarent. In Pacto hoc tria veniunt consideranda , maximi momenti in populi Dei gubernatione. Primum , quod in Pæti hujus institutione , solum alloquitus est Deus *Abrahamum* : neque omnino cum familia quicquam Pactus est , neque adhuc cum semine , nisi quatenus voluntates eorum intelligentur in voluntate *Abrahami* comprehensæ esse : habuit enim jus *Abrahamus* familiam suam cogendi , ut quæ pro illis promiserat , illi præsta- rent : juxta id quod legitur Gen. 18, 18, 19 , ubi dicit Deus de *Abrahamo* : *Benedicendæ sunt in illo omnes nationes terræ*. Scio enim quod præcepturus

ceptum est filii suis, & domui sua post se, ut custodiant viam Domini, & faciant Iudicium & Institutum. Manifestum hinc est, illos quibus Deus immediatè loquutus non est, accipere pro Legibus Dei eas debere, quas dictaverit is, qui Summam in eos habet Potestatem; sicut & Familia & semen *Abrahami*, eas accepit ab *Abrahomo* Patre & Domino suo. In omni ergo Civitate, qui Revelationem supernaturalem non habent in contrarium, Legibus ejus, qui Summam habet in Civitate Potestatem, in omnibus actionibus externis circa Religionem obedire obligantur. In externis (inquam) actionibus; quia cogitationes & fides hominum interna, ab humanis rectoribus cognosci non possunt; neque voluntariae sunt; neque Legum sed potentiaæ tantum divinae effectus sunt; & proinde sub obligatione cadere non possunt.

Atque hinc oritur notandum Secundum, *Abrahamo* licitum fuisse; si subditorum suorum aliquis Visionem vel Spiritum vel Revelationem Divinam contumaciæ suæ, vel novis Doctrinis quas *Abrahamus* vetuerat prætenderet, hujusmodi homini iisque qui illi adhærebant, penas infligere; & per consequens Summis Imperantibus illos punire qui Legibus Civitatis opponunt Spiritum suum Privatum, etiam nunc licere. Habent enim in Civitate eandem Authoritatem nunc Summi Imperantes, quam tunc habuit in sua familia *Abrahamus*.

Deducitur inde tertio, quod sicut solus *Abrahamus* in Familia sua, ita is solus, qui Summam habet in Civitate Christiana potestatem, scire supponatur, quid sit, quod Deus loquutus est; id est solus Divini Verbi interpres existimandus est.

Idem Pactum renovatum erat cum *Isaaco*, & deinde cum *Jacobo*. Postremò, cum *Mose* & Israelitis ad montern Sinai, ubi facti sunt Israelitæ in Regnum Dei peculiare, rexitque eos sub Deo (pro suo tempore) *Moses*, cui succedere debuerunt Summi Sacerdotes, nempe ut esset Regnum Sacerdotale in perpetuum.

Per hanc constitutionem, Regnum Israelitarum acquisitum est Deo peculiare. Quoniam autem Israelitis Imperandi, *Mosess* jus ab *Abrahamo* nullum habuit, unde obligari potuit populus, ut illum pro Vicegerente Dei diutius haberent, quam colloquiis inter illum & Deum fidem haberent. Authoritas autem *Mosis* (etsi cum Deo pro illis Pactus esset) dependeret à sola, quam habebant de sanctitate ejus, & de realitate colloquiorum ejus cum Deo, & de veritate Miraculorum, quæ operatus est, existimatione: Quæ existimatio si mutari contineret, causa nulla apparebat, propter quam, quicquam ab illo in nomine Dei proponeretur pro Lege Divina obedire obligarentur, Fundamen-

damentum obligationis populi Israelitici ad obedientium *Mos̄i*, aliud querendum est. Non enim ut obedirent iussit Deus: nec enim illos alloquutus est, nisi mediante *Mos̄o ipso*. Dicit autem Christus (Ioh. 5. 31.) *Si testimoniorum dico de meipso, testimonium meum non est verum.* Authoritas ergo *Mos̄is*, sicut Authoritas cæterorum Principum omnium, fundari debuit, in Consensu populi promittentis obedientiam. Atque ita erat. *Populus enim (Exod. 20. 18.) Videbat vocem & lampades, & sonitum buccinæ, montemque fumantem, & perterriti ac pavore concussi, steterunt procul, dicentes Mos̄i, loquere tu nobis, & audiemus, non loquatur nobis Dominus, ne forte moriamur.* Hæc sunt verba promittentium obedientiam, & quibus obligaverunt se imperata facere omnia, quæ à Deo ipsis imperaret *Mos̄es*.

Quanquam autem Regnum Pacto constitutum Sacerdotale esset, id est Regnum *Aaroni* hæreditarium; ipse tamen Constitutor ejus *Mos̄es*, summum Imperium pro suo tempore habuisse intelligendus est: quia Civitatis cuiuscunq; Constitutor dum eam constituit, Potestatem Summam, ut necessariam habere debet. Quod autem *Mos̄es* Potestatem illam retinuit, manifestum est ex Scripturis Sacris: nam illi, non *Aaroni* obedire populus promiserat. Præterea Exod. 24. 1. 2. *Mos̄i dixit Deus; ascende ad Dominum in & Aaron, Nadab, & Abiu, & septuaginta Senes ex Israël, & adorabitis procul. Solusque Moses ascendet ad Dominum, & illi non appropinquabunt, nec populus ascendet cum eo.* Manifestum ergo est, *Mosem* solum personam Dei gessisse, sine septuaginta illis Senibus: illumque solum eo tempore Summam habuisse, sub Deo, Potestatem. Et (vers. 9.) *ascenderuntque Moses, & Aaron, Nadab, & Abiu, & septuaginta de Senioribus Israël, & viderunt Deum Israël, & sub pedibus ejus quasi opus lapidis Saphirini, & quasi Cœlum cum serenum est.* Factum autem est hoc, postquam *Mos̄es* cum Deo loquutus esset, & postquam populo verba Dei renuntiaverat. De populi rebus Deum consuluit solus *Mos̄es*; qui cum eo erant, honoris tantum causâ admissi sunt. Præterea quod Deus *Mosem* alloquutus est passim legitur, *Aaroni* rariū. Etiam Religionis Ceremonias, quæ continentur Capp. 25, 26, 27, 28, 29, 30, 31, & per totum librum Leviticum, solus ordinavit *Mos̄es*. Vitulum, quem fecerat *Aaron*, in ignem conjectit *Mos̄es*. Postremò, in controversia de Authoritate *Aaronis* mota ab ejus & *Mariae* contra *Mosem* rebellione, Deus ipse (Num. 12) jus imperandi adjudicavit *Mos̄i*. Etiam in quæstione de Iure Imperii, inter *Mosem* & Congregationem, quo tempore *Corah, Dathan & Abiron*, cum ducentis quinquaginta populi Principibus (Num. 16. 3) contra *Mosem* & *Aaronem* conspiravérunt,

runt, dixeruntque, *Sufficiat nobis, quia omnis multitudo Sanctorum est, & in ipsis est Dominus, cur elevamini super populum Domini, fecit Deus, ut terra Coram, Dathan, & Abirom, cum uxoribus & filiis vivos absorberet; ducentos autem & quinquaginta illos Proceres consumpsit igne.* Neque ergo Aaron, neque Populus, neque ex Proceribus Aristocracia, Imperium Summum tunc habuere, sed solus Moses, idque non solum in rebus Civilibus, sed etiam in rebus Divinis. Notandum etiam est, quod illis, qui præsumerent, in Montem Sinai, in quo Deus cum Moysi colloquatus est ascendere, poenam statuerat Deus mortem. *Constitues (dicit Deus Exod. 19. 12.) terminos populo per circuitum, & dices ad eos, Cavete, ne ascendatis in montem, nec tangatis fines illius; omnis, qui tetigerit montem, morte morietur.* Et rursus vers. 21, *Descende, & contestare populum, ne forte velit transcendere terminos ad videndum Dominum, & pereat ex eis plurima multitudo.* Ex quibus verbis concludi potest, illum, qui in Civitate Christiana locum habet Moses, solum esse Nuncium à Deo, & mandatorum ejus solum Interpretum; neque in Interpretatione Scripturarum Sacrae cuiquam licere terminos transcendere à summo Imperante constitutos. Scripturarum enim Sacrae, in quibus hodie loquitur Deus, sunt instar Montis Sinai, in quibus termini sunt positi, nempe Leges eorum, qui Personam Dei in terra repræsentant. Illas alpicere, & inde discere Deum timere, permisum est; sed interpretari, id est curiosè inquirere, & scrutari, quid illis, quos Deus Rectores nostros fecit, dixerit, & Iudices nosmetipso facere, utrum nos ita regant, sicut illos jussit Deus, terminos positos à Deo transcendere est.

Dum vixit Moses, nullus erat in Castris Israelitarum Propheta, aut Spiritus Divini ostentator, nisi quos Moses approbaverat, & quibus Authoritatem dederat. Septuaginta tantum prophetasse tunc dicuntur, sed per Spiritum Moses; & quos Moses elegerat. Nam Num. 11, 16, dicit Deus ad Moysem, *Congrega mihi septuaginta viros de Senibus Israelis, quos tu nosti, quod Senes populi sint, ac Magistri.* His autem Spiritum dedit Deus Spiritui Moses conformem, ut constat ex vers. 25, *Descenditque Dominus per nubem, & loquuntur est ad eum, auferens de Spiritu, qui erat in Mose, & dans Septuaginta viris.* Hujus loci ergo sensus est, Septuaginta illos viros Spiritum habuisse ipsius Moses, illique Prophetas fuisse subordinatos; in Administratione Regni Dei. Colligo-hinc in Civitate Christiana, prophetare, aut docere contra doctrinam à Summo Imperante stabilitam, Civi licere nemini.

Mortuo Aarone, Regnum (ut quod erat Sacerdotale) virtute Patri,

cti, ad *Eliazarum* pervenit, filium *Aaronis*, Summum Sacerdotem. Atque illum Summam habere Potestatem declaravit Deus, eo tempore, quo *Ioshuam* Ducem fecit Exercituum. Dicit enim Dominus (Num. 27, 21.) *Tolle Ioshuam filium Nun, virum, in quo est Spiritus Dei, & pone manum tuam super eum. Qui stabit coram Eliazaro Sacerdote & omni multitudine, & dabis ei præcepta cunctis videntibus, & partem glorie tue, ut andiat eum omnis Synogoga filiorum Israelis.* Pro hoc si quid agendum erit, *Eliazar Sacerdos consulet Dominum.* Ad verbum ejus egreditur & ingredietur ipse, & omnes filii Israel cum eo, & cætera multitudo. Belli ergo & Pacis in Sacerdote Potestas Summa erat. Etiam Iudiciorum Summa Potestas penes eundem erat, illi enim Libri Legis commissa est custodia; Sacerdotes & Levitæ soli in rebus civilibus Iudices subordinati erant, constat ex Deut. 17, 8, 9, 10. Quod autem ad cultum Divinum attinet, quin à Summo Sacerdote ordinandus esset, nunquam dubitatum est. Potestas ergo Civilis & Ecclesiastica conjuncta hactenus fuit in unâ & eadem personâ, Summo Sacerdote.

Post mortem *Iosuae* usque ad Regnum Sauli, tempori intercedenti nota inditur passim in Libro Iudicum, quod illis diebus non erat Rex in Israel, addito quandoque quod *Vnusquisque faciebat, quod restringeretur in oculis suis.* Quod dicitur, quod non erat Rex, idem est, ac si dictum esset, non erat in Israelitis Summa Potestas. Id quod, si pro exercitio Summæ Potestatis accipiamus manifestum est. Nam post mortem *Iosuae* & *Eliazari* (Iud. 2. 10.) Surrexerunt alii qui non noverunt Dominum, & opera quæ fecerat cum Israel. Feceruntque filii Israel malum in conspectu Domini, & servierunt Baalim. Iudaeorum enim, ut notat S. Paulus, singulare erat, expectare signum, id est miraculum; ut à Mose expectarunt, non solum antequam obedire voluerunt, sed etiam postquam obedire se obligassent. Signa autem & Miracula, finem habent, *Fidem facere, non Fidem servare.* Nam Fidem servare obligantur homines Lege naturali. Verum, si Summæ Potestatis non exercitium consideraverimus, sed Ius, mansit Summa Potestas etiam tunc in Summo Sacerdote. Quæcunque ergo obedientia Iudicibus illis (qui à Deo ad liberationem populi sui è manu hostium extraordinariè electi erant) præstata fuerit, in argumentum trahi contrà Summi Sacerdotis Summam Potestatem, non potest, neque in rebus Politicis, neque in Divinis. Neque enim *Iudices* illi, neque ipse *Samuel* aliam Potestatem habuit, quam extraordinariam; & temporariam; obeditumque illis erat à populo, non ex debito, sed ex reverentia, quam genuit in illis gratia Divina, in eorum prudentia, fortitudine,

titudine , vel fœlicitate , elucescens. Hactenus ergo Ius Civile & Ecclesiasticum extitère inseparabilia.

Iudicibus successere Reges , & sicut autè in sacerdotibus , ita nunc Authoritas utraque in Regibus esse cœpit. Populus enim Iugum Dei jam excusserant; Sacerdos summus Vicem Dei non amplius sustinuit. Mutationi Regiminis Deus ipse (1 Sam. 8. 5.) consensit. Samueli populus dixerat , *fac nobis Regem qui nos judicet, more omnium gentium*; *Samueli auem* Deus dixit (verl. 7.) *Audi vocem populi in omnibus quæ loquuntur tibi. Non enim te abi cerunt, sed me, ne Regnum super eos*. Cum ergo Deum populus Israeliticus , sub quo Regnaverant Summi Sacerdotes , rejecissent; cessavit Authoritas Sacerdotum , nec ex eo tempore , aliam habuerunt , nisi à Rege permisam ; quæ prout Reges boni aut mali erant , major erat vel minor. Quod autem spectat ad Potestatem Civilem , manifestum est , fuisse penes Regem totam. Nam eodem Capite vers. 20. dicit populus , velle se esse sicut omnes Gentes ; & Regem habere , qui eos *judicabit* , & eorum Prælia pugnabit. Totam ergo illi dederunt Belli & Pacis Potestatem. In qua continebatur etiam judicare de cultu Dei ; præterea quod nulla erat eo tempore regula Religionis ; præter legem Mosaicam , quæ erat Israelitarum Lex Civilis. Præterea legimus 1 Reg. 2. 27. Solomonem abstulisse Abiatharo Summum Sacerdotium. Habuit ergo Solomon Ius in Sacerdotium ; & subditi erant , sicut populus reliquus , Summi Sacerdotes ; id quod Suprematus Ecclesiastici Signum magnum est. Legimus etiam (1 Reg. 8.) Solomonem ipsum , Templum dedicasse ; populo benedixisse , atque orationem illam excellentem Orâsse , qua utuntur hodie omnes , qui Ecclesias consecrant ; quæ nota alia magna est Suprematus Ecclesiastici. Legimus etiam (2 Reg. 22.) cum quæstio erat de Libro Legis , in ruderibus Templi reperto , quæstionem illam non determinâsse Summum Sacerdotem , sed & ipsum & alios misit Rex Iosias de eâ re ad prophetissam Huldam ; quæ alia nota est , Suprematum Ecclesiasticum fuisse in Rege. Postremò legimus (1 Chron. 26. 30.) Regem Davidem Hashabiam , & fratres ejus Hebronitas , ministros constituisse , in Israelitis versus Occidentem , in rebus omnibus Domini , & in servitio Regis. Similiter (versl. 32.) constituisse illum , Hebronitas alios Rectores Rubenitarum , Gaditarum , & dimidiæ Tribus Manasse , (hi erant Israelitæ , qui habitârunt ultrâ Iordanem) in omni re pertinente ad Deum , & de rebus Regis. Nonne est Potestas hæc , tum Temporalis , tum (ut vocant , illi , qui potestatem summam vellent dividere) spiritualis plena ? Ab ipso denique initio Regni Dei , usque ad Captivitatem , Suprematus in rebus Divinis , in eadem semper manu erat , in qua erat Summa Potestas

itas Civilis. Sacerdotium autem post Electum *Saulum* in Regem, non erat Magisteriale, sed Ministeriale.

Quamquam autem Potestatem Summam Civilem & Ecclesiasticam hactenus semper conjunctas esse, quoad Ius, manifestum fecimus; non tamen sequitur neque ex Scriptura Sacra, neque ex ratione Naturali, Ius illud intellexisse populum. Vulgus enim, non nisi in rebus suis privatis ratione utitur; nec diutius obedire solet, quam aut miracula; aut (quod Miraculo ferè par est) in Rectoribus suis vim egregiam, aut in rebus gestis felicitatem extraordinariam aspiciunt. Iudei ergo, postquam *Moses* & *Joshua* mortui essent, neque famam, neque cum Deo colloquia Sacerdotum, magni aestimaverunt; sed quandoque Politiam, quandoque Religionem criminantes, Rectoribus suis obedientiam negaverunt. Atque inde turbæ, seditiones, & calamitates protectæ sunt, quæ Isaelitarum Gentem tandem evertentur. Mortuis enim *Elazaro*, & *Joshua*, Iudei, qui Miracula non viderant, neque se Sacerdotalis Regni Pacto obligatos esse intelligentes, Imperium Sacerdotis, & Leges Mosaiicas parvi pendentes, fecerunt unusquisque, quod rectum videbatur sibi, illisque obediverunt, quos ipsi idoneos esse putaverunt qui se quoties à vicinis gentibus oppimerentur, liberarent. Itaque non amplius Deum consuluerunt, sed virum vel foeminam aliquam futuorum prædictorem, & huic obedientiam & honorem præstiterunt, ut Prophetæ à Deo. Etiam postea, cum Regem sibi dari, more Gentium, postularent, id tamen non eo consilio fecerunt, ut cultum Dei pristinum desererent, sed quia Iustitiam à filiis Samuelis desperantes, voluerunt Iudicia Civilia à Rege administrari, non quod ceremonias Leviticas abolitas vellent. Itaque prætextum semper aliquem sibi reservarunt, vel à Iustitia vel à Religione, qua se obedientia Rectoribus suis debita expedirent. Succenuit populo Samuel quod Regem (rejecto Deo) postularent; Idem, quando *Saulus* consilium suum in occidendo *Agag*, juxta mandatum Dei neglexerat, alium Regem unxit, nempe *Davidem*, qui *Sauli* Hæredes Regno privaret. *Reheboam* *Idololatria* quidem non erat, sed populus, quia videbatur sibi regnare duriusculè, ab eo defecit. Per totam denique historiam Regum Iudææ & Israëlis, Prophetæ surrexerunt indies, qui Reges criminati sunt, aliquando quod religionem, aliquando quod statum Civilem male administrarent. Sic Rex *Iehosaphat* reprehenitus est à Prophetæ *Iehu*, quod Regem Israelis adjuvasset contra Syrios, & Rex *Hezekias* ab *Isaiah*, quod thesaurum Regium ostendisset Legatis Babilonicis. Constat ergò, et si utrumque Ius rerum Civilium & Divinarum, esset in Regibus; neminem tamen ferè Regum illorum Ius suum sine reprehen-
Leviat.

sionibus populi potuisse exercere. Illi soli Reges , quorum vis terribilis , aut felicitas admiranda erat , vixerunt laudabiliter. Cum ergo & Ius Regum manifestum sit , & populus , atque etiam aliquando ipsi Prophetæ id non intelligent. Iura Regum , exemplis ductis ab ignorantia populi , vel à doctrina Prophetæ , oppugnari iniquum est. Iudæi durante captivitate , Civitatem omnino non habuere. Post reditum autem , et si Pactum cum Deo renovârunt , non tamen aut *Esdrae* aut alii cuiquam promiserunt obedientiam. Deinde , non multò post subditi facti sunt Græcorum ; à quorum Dæmonologia , cum doctrina Cabalistarum mixta , eorum Religio insigniter corrupta est. Ita , ut à confusione tum Politiae , tum Religionis eorum , de Suprematu in utraque colligi nihil possit. Quantum ergo attinet ad Testamentum vetus , nihil impedit , quin concludamus , tum Summam Potestatem Civilem , tum Suprematum in rebus Divinis , semper in unâ & eâdem persona fuisse conjunctos.

C A P V T X L I .

De Servatoris nostri Benedicti Officio.

Officii Servatoris nostri reperimus in Scripturis Sacris tres Partes ; Primam Redemptoris , sive Servatoris : Secundam Pastoris , sive Consiliaris , id est Missi à Deo , ad Conversionem Electorum Prophetæ : Tertiam Regis , Æterni Regis ; sed sicut Moses , & temporibus suis Summi Sacerdotes , sub Patre suo. Atque his tribus Partibus respondent tria Tempora. Nam in primo ejus adventu , per sui ipsius propter peccata nostra Oblationem in Cruce nos Redemit Conversionem nostram operatus est , partim ipse , dum erat in terris , docendo ; partim operatur nunc usque per Ministros suos : Post Adventum ejus secundum regnabit super Electos suos , & Regnum ejus durabit in æternum.

Ad Officium Redemptoris , id est , illius , qui Redemptionis pretium solvit , pertinuit , ut Victimæ fieret , & iniurias nostras ferret auferretque. Quod tamen ita intelligendum est , non ut pro peccatis omnium hominum unius hominis mors , quamquam justissimi , secundum Iustitiae strictas regulas posset satisfacere ; sed quia quod Deus summe misericors in pretium Redemptionis Lege postulaverat , illud Christus præstítit. In Lege Veteri (ut legimus Levit. 16.) jussit Deus , pro peccatis Israelis , tum Sacerdotum , tum populi , quotannis fieri reconciliationem hoc modo , Aaron pro se & Sacerdotibus sacrificare debebat

debebat Vitulum ; acceptis autem à populo duobus Hircis alterum pro populo sacrificare , alterum emittere , qui vocabatur *Hircus Emissarius*. Super caput hujus antequam emittebatur esset , imposuit manus suas Sacerdos Summus , & per Confessionem peccatorum Populi , peccata illa omnia in caput Hirci imposuit , & deinde per hominem aliquem opportunum , Hircum emittebat in desertum , ut peccata populi fugiens absportaret. Sicut autem Sacrificium alterius Hirci pretium Redemptionis Israël sufficiens erat , (quia majus non postulabatur) ita quoque mors Christi pro peccatis totius humani generis , ideo satisfecit , quia nihil amplius à Deo postulatum est. Atque Servatoris nostri Passio non minus videtur his ceremoniis perspicue præfigurata , quam in Oblatione Isaaci , aut , quovis alio ejus typo in Testamento Vetere. Erat enim Christus non modo Victimā , sed etiam Emissarius. Dicit Isaías 53.7. *Oblatus est , quia ipse voluit , & non aperuit os suum : sicut ovis ad occisionem ducetur , & quasi agnus coram tondente obmutescet , & non aperiet os suum.* En Hircum Sacrificatum. Idem , Propheta (dicam an Euangelista) vers. 4, *Langures nostros ipse tulit , & dolores nostros ipse portavit.* Et vers. 6, *Posuit Dominus in eo iniquitatem omnium nostrum.* Ecce Emissarium. Deinde vers. 8, *Abscius est de terra viventium : propter scelus populi mei percussi eum.* Hic rursus est Hircus sacrificatus. Deinde verl. 11. *Et ipse peccata multorum tulit.* Vbi rursus Emissarius. Utrumque ergo Hircum unus valet Agnus Dei , sacrificatus in Cruce ; mortem in resurrectione ejus superans , à Patre suo opportunè suscitatus ; & à terra viventium remotus in Ascensione.

Quoniam autem Redemptor Ius in Redemptum , antequam pretium solutum sit , nullum habeat , manifestum est ; Servatorem nostrum ante mortem suam , Redemptum Regem non fuisse. Veruntamen per Patrum cum Deo in Baptismo renovatum , obligati sunt , quicunque baptizantur , Christo obedire , pro Rege (sub Patre ejus) tunc , quandocunque illi placuerit Officium Regis exercere. Itaque Servator noster ipse dissertis verbis Ioh. 18. 36 : *Regnum meum (inquit) non est hujus mundi.* Quoniam ergo post hunc mundum , mundus futurus ille est , in quo Terra nova , & Cœli erunt novi , id est , post Resurrectionem , manifestum est , Regnum Christi , ante Resurrectionem inceptum non esse. Id quod intelligi etiam debet ex verbis Servatoris nostri (Matth. 16. 27.) *Filius hominis veniet in gloria Patris sui , cum Angelis suis : & tunc retribuet unicuique secundum opera sua.* Iam retribuere unicuique secundum opera sua , idem est , quod Regnum administrare ; & propterea Christus . Regnum exerciturus non est , antequam

veniat in gloria Patris , nempe post Resurrectionem universalem. Quando Christus dicit (Matth. 23. 2.) *Scribae & Pharisei sedent in Cathedra Mosis. Omnia ergo quæcunque facere jubent , ea observate & facite.* Nonne apertè pro eo tempore , non sibi Summam Potestatem, sed illis attribuit ? Sic etiam facit (Luc. 12. 14.) *Quis me constituit Iudicem aut Divisorem super vos ? Item (Ioh. 12. 47.) Non veni ad judicandum, sed ad salvandum mundum.* Attamen in hunc mundum venit Christus , ut regnaret , & judicaret , sed mundum futurum. Cum enim esset Messiah , id est Unctus Sacerdos , & Propheta Dei supremus, potestatem habere omnem oportebat illum , quam habuerat aut Moses Propheta , aut Summi Sacerdotes , aut qui Summis Sacerdotibus successerunt Reges. Item expressè dicit Sanctus Iohannes (Cap. 5. 22.) *Pater judicat nomen , sed iudicium omne commisit Filio.* Neque tamen repugnat hoc cum textu illo : *non veni ad iudicandum mundum.* Nam textus hic de mundo præsente , alter de mundo venturo loquitur ; sicut etiam textus ille (Matth. 19. 28.) ubi Christus dicit *Vos qui sequuti estis me in regeneratione, cum federit Filius hominis in sede Majestatis suæ, sedebitis & vos super sedes duodecim, judicantes duodecim tribus Israel.*

Si Christus ergo , quando in terra versabatur, Regnum in hoc mundo non haberet , quæcausa erat (rogabit aliquis) adventus primi ? Venisse, respondeo, ut Deo Patri per Pactum novum , restitueret Regnum, quod à populo in Electione Sauli rejectum fuerat. Quod ut faceret, oportebat illum manifestum facere prædicando & docendo, quod ipse Messias erat à Prophetis promissus ; & pro peccatis hominum Victimam se offerre , & siquidem à populo Iudeo non reciperetur, vocare ad obedientiam ex gentibus , omnes qui in eum crederent. Itaque Officii Servatoris nostri dum versatus est in terra duas erant partes : Altera , ut se Christum esse profiteretur ; altera , ut per doctrinam suam & per operationem Miraculorum , populum persuaderet , pararetque ita vivere , ut digni essent immortalitatis , qua illi , qui in eum crederent , fruituri erant in adventu ejus secundo. Atque ob hanc causam est , quod tempus prædicationis ejus , ab ipso vocatur *Regeneratio.* Regeneratio autem Regnum non est , neque ergo causa inde adduci potest , quæ minus Cives in quacunque Civitate Legibus Civilibus obedire tenerentur. Etiam in Cathedra Mosis eo tempore sedentibus , obedientiam præstari , & Cæsari tributum solvi jussit. Populus tunc sub Regnum Dei non actu erant ; Arrhabonem introitus in Regnum Dei futurum habuerunt , qui crediderunt ; & propterea status ille vocatur aliquando *Regnum Gratiae* , id est Civitatis coelestis , non possessio , sed jus.

Hactenus nil factum aut dictum est à Christo, quod ad diminutionem tendit juris Civilis Iudeorum, aut Cæsaris. Nam quod attinet ad Iudeos, Christum omnes expectabant, & renovationem Regni Dei; id quod non fecissent, si Legibus suis, ne cum advenerit manifestaret se illum esse, prohibitum fuisset. Cum ergo nihil fecit, nisi quod se prædicando, & operando Miracula, Messiam se esse probare co-natus sit, nihil fecit contra Iudeorum Leges. Regnum quod postulavit sibi erat futurum in alio mundo: docuit interea obedientiam illis, qui cathedram Mosis possederunt, præstandam esse: Cæsari tributum solvendum esse confirmavit: Officium Iudicis in se non suscep-tit. Quomodo igitur aut verba aut actiones ejus potuerunt esse sedi-tiosæ, aut tendere ad regiminis Civilis subversionem? Sed Deus, qui illum propter reductionem Electorum ad obedientiam suam pri-stinam, ad Sacrificium destinaverat, ad eum finem malitiâ & ingra-titudine hominum infidelium usus est. Quod autem Leges Cæsaris non violavit, in confesso erat. Quanquam enim Pilatus, ut gratiam iniret Iudeorum, crucifigendum illum tradiderit; ante tamen insol-tem illum palam pronuntiavit.

Quod attinet ad Officium ejus Regium, ostensum ante est Re-gnum ejus incepturum non esse ante diem Iudicii. Tunc vero Rex erit, non tantum ut Deus, sed etiam ut Homo, virtute Paeti novi, quod in Baptismo factum est; & propterea dicit Servator noster (Mat. 19, 28.) quod Apostoli ejus sedebunt super duodecim Thro-nos, & judicabunt duodecim tribus Israelis, tunc, *cum Filius ho-minis sedebit in Throno gloriæ sue;* & (Matth. 16, 27.) *Filius hominis veniet in gloria Patris sui, cum Angelis;* & tunc retribut unicuique secun-dum opera sua. Idem legimus Marc. 13, 26, & 14, 62, & expressius Luc. 22, 29, 30. *Et ego dispono vobis sicut disposuit mihi Pater meus Re-gnum, ut edatis & bibatis super mensam meam, in Regno meo,* & *sedeatis super Thronos judicantes duodecim tribus Israelis.* Unde manifestum est, Regnum quod Christo disposuit Pater, non futurum esse antequam Filius hominis veniat in gloria, Apostolosque suos judicare faciat duodecim tribus Israelis. Sed quæri hic potest, cum in Regno cœ-lesti nulla futura sint Matrimonia, utrum homines edent & bibent; & quid per edere & bibere hoc loco intelligendum est. Explicat hoc (Ioh. 6, 27.) Servator noster, *Operamini non cibum qui perit, sed qui permanet in vitam æternam, quam Filius hominis dabit vobis.* Itaque per edere, & bibere super mensam Christi, intelligitur vita æterna, sive arbor vitæ, qua præbebitur in Regno Filii hominis. Atque hæc loca sufficiunt ad probandum Regnum Christi administrandum esse ab eo,

in naturā suā humanā post Resurrectionem. Etiam tunc , non aliter Rex erit , quam sub Patre suo , sicut *Mōses* in deserto , & ut Sacerdotes Summi ante Regnum *Sauli* , & sicut Reges post illum. Sic enim dicit Deus (Deut. 18, 18.) *Mōsem* alloquens , *suscitabo illis Prophētam , ex medio fratrum suorum similem tibi , & ponam verba mea in ore ejus.* Similitudo autem hæc cum *Mōse* , appetat etiam in Servatoris nostri actionibus. Sicut enim *Mōses* elegit duodecim Principes tribuum , qui sub se regerent ; ita Servator duodecim elegit Apostolos , qui sedebunt super duodecim thronos , & judicabunt duodecim tribus Israelis. Et sicut *Mōses* Authoritatem dedit Septuaginta Senioribus prophetandi ad populum ; ita Servator noster Septuaginta ordinavit Discipulos ad prædicandum. Et sicut , coram *Mōse* cum quereretur quidam , esse qui (præter Septuaginta Seniores) prophetarent in Castris , *Mōses* factum eorum approbavit ; ita Servator noster ; conquerente Ioanne , quod essent , qui in nomine ejus ejiciebant Dæmonia , factum approbavit , dicens Luc. 9, 50, *Ne prohibe , nobiscum enim est qui non est contra nos.*

Etiam in Institutione *Sacramentorum* , tum *Admissionis* in Regnum Dei , tum *Commemorationis* , Servator noster *Mōsem* & *Abrahamum* imitatus est. Sicut enim populus Israëliticus habuit pro Sacramento *Admissionis* in Regnum Dei ritum Circumcisionis , ita habent Christiani ritum Baptismi ; quo usus est primo *Johannes Baptista* in receptione eorum omnium , qui nomina dederunt Christo. Eodem ritu , Servatoris nostri jussu usi sunt Apostoli & Ministri Christi omnes usque hodie. Quam habuit ritus Baptizationis originem primam , in Scripturis Sacris non declaratur. Sed imitationem fuisse legis *Mōsaicæ* circa Leprosos , conjectura est non improbabilis. Leprosos enim extrâ castra Israëlis custodiri jubebat Lex , donec à Sacerdote pronuntiantur mundi , & tunc solenniter lavati in castra denuò recipiebantur. Potest ergo esse , ut typus hic fuerit lavacri Baptismalis ; in quo , qui per fidem à peccati Lepra mundati erant , recipiebantur in Ecclesiā. Est etiam conjectura ducta à ceremoniis Ethnicorum , sed in casu quodam rarissimè contingente. Quando enim aliquis pro mortuo habitus , vitam receperisset , cæteri homines conversationem cum illo , tanquam cum Spectro , horruerunt , nisi ante in numerum hominum per lavationem reciperetur , eo modo , quo infantes recens nati ab immunditia maternâ lavari consueverunt ; atque hoc pro Regeneratione quadam habebatur. Ritus autem hic , in Iudæam videtur irrepsisse temporibus illis , quibus Alexander & Successores ejus in Iudæis dominabantur. Veruntamen quia ritum Gentilem Servato-

rem nostrum tanto honore dignari voluisse , probabile non est , ritum Baptismi imitationem fuisse Legis *Mosaicae* , mihi quidem videtur esse verisimile. Sacramentum autem Cœnæ Dominicæ , veteris Paschæ imitatio manifesta est. Sicut enim Agni Paschaloris esus , commemoratio erat liberationis populi Israelitici à Servitute Ægyptiacâ ; ita etiam in Cœna Dominicæ , fractio Panis Sacramentalis , & Vini effusio , commemoratio est liberationis per mortem Christi à Servitate peccati.

Quoniam ergo Authoritas Mosis subordinata erat , & ipse Dei Prorex , sequitur etiam Christum , cuius Authoritas , in quantum erat homo erat similis Authoritati Mosis sub Deo Patre suo Regnaturum esse. Id quod significatur etiam , in eo quod precari nos docuit , Pater noster , adveniat regnum tuum ; & tuum est Regnum , Potentia , & Gloria ; & ex eo quod dicitur , veniet in gloria Patri sui ; & ex eo , quod dicit Sanctus Paulus (1 Cor. 15. 24.) Deinde finis , cum tradiderit Regnum Deo & Patri ; & ex aliis locis nonnullis.

C A P V T X L I I .

De Potestate Ecclesiastica.

VT intelligatur *Potestas Ecclesiastica* , quid sit , & quorum hominum , tempora nobis distinguenda sunt ab Ascensione Christi , in partes duas ; alteram antè , alteram post , quam Reges ulli , vel Cœtus Summa Potestate prædicti , Christi fidem amplexi essent. Spatium enim erat plūs , quam trecentorum annorum , à Christi assumptione , ad Regem , qui primus Christianam fidem amplexus , & publice doceri passus est.

De priori tempore in confessio est , Potestatem Ecclesiasticam totam fuisse in Apostolis ; & ab his transisse ad eos qui ab Apostolis , ad homines ad Christi fidem perducendos , perductosque in via Salutis retinendos Ministri Euangeli constituti fuerant. Quibus successere alii ab his itidem instituti , per manuum impositionem ; quo ritu significare voluerunt Spiritus Sancti donum , in Ministros illos , ad Regnum Cœleste promovendum , collatum esse. *Manuum autem Impositio* , nil aliud erat , præter commissæ illis Potestatis prædicandi Christum , doctrinamque ejus docendi Sigillum ; & imitatio quædam Mosis. Hic enim Impositione manuum usus est ; cum Ministru suum Iosuam Ducem exercitum Dei constitueret , ut legere est Deut. 34. 9. *Ae Iosuam Filius Nun plenus erat Spiritus Sapientiae* ; nam Moses manus super illum impoſuerat

imposuerat. Servator autem noster inter resurrectionem suam , & assumptionem , Spiritum suum contulit in Apostolos , primum spirando in eos , dicendoque *Accipite Spiritum Sanctum* ; & postea , cum jam assumptus esset in Cœlum , immittendo in illos *Flatum violentum* , & *dispertitas linguis instar ignis* : sed manus illis non imposuit , sicut nec *Mōsi* Deus. Dum ergo nulla esset Civitas Christiana , quorum hominum erat Potestas Ecclesiastica manifestum est , nempe Apostolorum , illorumque quibus ab Apostolis per manuum successivam impositionem concessa erat ; etiam ut tantæ Potestati idonei essent in eodem Spiritus Sanctus (qui & *Paracletus* dicitur) simul collatus est.

Cardinalis Bellarminus , in controversia sua generali tertia ; quæstiones multas tractat circa Potestatem Ecclesiasticam Pontificis Romani. Quarum prima est , an Potestas illa *Monarchica* sit , an *Aristocratica* , an *Democratica* : quæ Potestatum species , singulæ summae sunt , continentque Potestatem Coercivam. Si jam apparuerit , Potestatem Coercivam illis à Servatore nostro reliquat esse nullam , sed Potestatem tantum prædicandi *Christum Regem* ; persuadendique ut Regno ejus homines submittere se vellent ; præceptisque & Consilio recto , docendi eos , qui submitterent quid facerent , ut in Regnum Dei futurum reciperentur ; Et Apostolos aliosque ab illis Euangelii Ministros Imperatores nobis non esse , nec eorum Præcepta Leges esse ; sed Ludimistros illos esse quorum Præcepta Monita tantum sunt ; hæc Belarmini disputatio tota perii.

Ostensum autem est Capite proximè superiore , Regnum Christi non esse ex hoc mundo ; neque ergo Ministri ejus (nisi Reges sint) obedientiam præstari sibi in nomine ejus postulare jure possunt. Nam si , is , cuius jure postulant jus Regium , in hoc mundo Regnum non habuit , quo jure imperium habebunt Ministri ejus ? Sicut Pater (dicit Christus) misit me , ita ego mitto vos . Sed Christus missus est ad Iudeos revocandos ad Regnum Dei , & vocandas Gentes ; non autem ut regnaret in Majestate , ante diem Iudicii.

Tempus autem inter Assumptionem Christi & Resurrectionem universalem , nusquam vocatur Regnum , sed *Regeneratio* , id est Præparatio & Aptatio hominum ad adventum Christi secundum , cum gloria ; nempe ad diem Iudicii , ut appareat ex verbis Christi Matth. 19. 28. *Vos qui sequuti me estis in Regeneratione , Cum sederit filius hominis in throno , vos quoque sedebitis super duodecim thronos*. Et ex verbi Sancti Pauli , *State ergo succincti lumbos vestros in veritate , & induiti loricam Iustitiae , & calceati pedes in Præparationem Euangelii*.

Etiam officium Ministrorum Piscationi , id est hominum ad obedientiam ,

tiam , non per coactionem & poenas , sed per consilium *conductioni* , non venationi comparat. Ministrorum Christi opus Euangelizatio est , id est , prædicatio Christi , hominumque ad secundum ejus adventum præparatio ; sicut Euangelizatio Iohannis Baptista erat Præparatio hominum ad adventum ejus primum .

Porrò Ministrorum Christi officium in hoc mundo erat , ut homines credere in Christum persuaderent . Credere autem cogi nemo potest , neque iussu neque vi , sed Ratione tantum , argumentisque ductis vel à Ratione vel ab aliqua re , quam jam antè crediderint . Ministri ergo Christi in hoc mundo , eo nomine , quod illorum Doctrinæ non sit creditum , vel quod sit contradicturn , Potestatem non habent quemquam puniendi . Eo nomine (inquam) quod Ministri Christi sunt , Potestatem Coercivam nullam habent . Veruntamen si quis Potestatem Civilis summam habeat , sitque idem Minister Christi , punire illos , qui Doctrinæ suæ Legibus explicatae contradicunt , jure ille poterit . Etiam Sanctus Paulus de seipso cæterisque sui temporis Præparatoribus (2 Cor. 1. 24.) Non habemus (inquit) dominum in fidem vestram , sed gaudii vestri adjutores sumus .

Quod Ministri Christi in hoc mundo jus imperandi non habeant , deduci potest argumentum etiam ab Authoritate legitimâ , quam reliquit Christus Principibus omnibus , cum Christianis , cum Ethniciis . Collos. 3. 20. dicit Sanctus Paulus : Filii , obedite parentibus per omnia , hoc enim placitum est Domino : & vers. 22. servi , obedite Dominis carnalibus , non ad oculum servientes , quasi hominibus placentes , sed in simplicitate cordis timentes Deum . Dicta autem hæc sunt ad eos , quorum Domini erant Ethnici ; jubentur tamen obedere in omnibus . Rursus de obedientia Principibus debita dicit Rom. 13. 6. Dei enim Minister est Princeps , vindicta in iram ei , qui malum agit . Ideoque necessitate subditi estote ; non solum propter iram , sed etiam propter Conscientiam . Et Sanctus Petrus Epist. 1. cap. 2. verl. 13, 14, 15. Subiecti estote omni humanæ constitutioni propter Deum , sive Regi , quasi præcellenti , sive Ducibus tanquam ab eo missis ad vindictam malefactorum , laudem vero bonorum , quia sic est voluntas Dei , &c. Tit. 3. 1. Admone illos Principibus & Potestatibus subditos esse , & dicto obedere . Principes autem & Potestates , de quibus Petrus & Paulus hic loquuntur , omnes erant Ethnici . Quanto ergo magis Christiani Principibus suis Christianis obedire debent ? Quo jure Ministro Christi si quid facere contra mandata Regis aliusve summæ Potestatis juberet vel doceret , illi obedere obligamur ? Perspicuum ergo est , Christum Ministris suis , in hoc mundo , nisi etiam Authoritate Civili prædicti sint , jus Civibus imperandi nullum concessisse .

Leviat.

h h h

Quid

Quid autem (inquiet aliquis) si Rex, vel Senatus, aut quicunque summam in Civitate habet Potestatem, credere in Christum prohiberet? Respondeo prohibitionem talem frustaneam ideo esse, quia *Credere*, & non *Credere* non sequuntur imperata hominum, qui an credamus necne scire non possunt, nec si scirent, mutare. Fides est donum Dei, quam promissis praemiis aut pœnarum comminatione neque dare neque tollere potest Homo. Si porrè queratur, Quid si jubeamur à Principe nostro legitimo dicere, quod non *credamus*, obediendumne est? Respondeo, Vocem hominis rem externam esse, neque significare obedientiam proferentis posse, magis quam alias quicunque gestus corporeus; & Christianum hominem in rebus hujusmodi, si corde in Christum credit, eandem habere Libertatem, quam concessit Naamanus Syro Propheta Elisha. Conversus erat Deo Israelis in corde suo Naamanus; dixitque (2 Reg. 5. 17.) Non faciet ulti servus tuus holocaustum aut victimam Diis alienis, nisi Domino. Hoc autem solum est, de quo depreceris Dominum pro servo tuo. Quando ingredietur Dominus meus in templum Remmon, ut adoret, Et illo innite te super manum meam, si adoraveris in templo Remmon, adorante eo in eodem loco, ut ignoscat mihi Dominus servo tuo pro hac re. Hoc illi Propheta concessit, respondens, vade in Pace. Naamanus hic credidit in corde Deum verum; adorando autem videri voluit non credisse, ne offendaret Regem suum. Quid ergo respondebimus ad verba Servatoris nostri, *Quicunque negat me coram hominibus, Ego negabo illum coram Patre meo, qui est in Cœlis?* Respondebimus, illum qui subditus est, ut erat Naamanus, & à Rege suo ad aliquid quocunque id sit, facere coactus est, ita ut non sponte sua, sed in ordine ad obedientiam Legibus Patriis faciat, factum illius non esse, nec illi imputandum, sed Regis, id est Civitatis factum esse, & Legibus imputandum; neque illum esse, sed Regem suum qui negavit Christum. Si quis doctrinam hanc cum Christianitate sincerâ non satis consentire dicat, libenter ab illo doceri velim. Si in Civitate Christiana contigeret habitare Mahometanum aliquem eundem Civem illumque Civitatis illius Rex adorare Deum ritu Christiano in Ecclesia juberet, sub mortis pœna; utrum is, Mahometanum illum in Conscientia, mortem pati obligatum esse diceret, potius quam Legi Patriæ suæ obedire. Si dicat debere mori, privatis Civibus omnibus libertatem concedit, Principibus suis, pro Religione sua privata, sive vera sive falsa, obedientiam Regibus suis legitimis denegare. Si dicat debere adorando obedire, tunc sibi permittit, & jus postulat quod aliis negat; quod est verbis Servatoris nostri contrarium, dicens, *quicquid vultis ut faciant vobis homines, id facite illis, & contra Legem*

Legem Naturæ (quæ est Lex Dei æterna & indubitata) ne facias alteri , quod tibi fieri non vis .

Quid ergo dicemus de Martyribus illis omnibus , de quibus legimus in Historiis aliisque Legendis ? An quod vitas suas sine necessitate progeberunt ? Respondebimus , homines qui Religionis causa occisi sunt , distinguendos esse . Eorum enim alii ad prædicandum vocati , & missi fuerant , & Regnum Christi palam profiteri , in se receperant . Alii rursus vocati non erant , neque ab iis requirebatur amplius , quam sua cujusque Fides propria . Piores , si mortem passi sunt eo nomine quod huic articulo Iesum à morte resuscitatum esse testimonium præbuerunt , Martyres propriè dicti erant . Martyr enim Christi propriè est ille , qui Resurrectionis Iesu Christi testis est ; id quod testari nemo potuit , nisi qui versatus cum eo erat in terra , aut post Resurrectionem ejus , illum viderat . Testem enim vidisse oportet quod testatur , alioqui testimonium ejus idoneum non est . Quod autem alii Martyres Christi propriè non sint , manifestum est ex verbis Sancti Petri , Act. 1. 21, 22. Oportet ergo ex his viris , qui nobiscum sunt congregati , in omni tempore quo intravit , & exivit inter nos Dominus Iesus , incipiens à Baptismate Iohannis usque in diem qua assumptus est à nobis , testem resurrectionis ejus nobiscum fieri , unum ex istis . Ubi perspicue significatur ; qui Christi Resurrectionis testis est , eundem oportere Christum vidisse , & per consequens , quod resurrexerit certò scisse . Alioqui amplius testari non potest , quam quod ex antecessoribus suis id audierit ; neque Martyr est nisi Martyrum , id est Martyr Secundarius .

Qui autem ad unamquamque doctrinam , quam ipse ab Historia vitae Christi , vel ab Actis , aut Epistolis Apostolorum deduxerit ; & qui Privati hominis Authoritati confisus Leges Civiles violare ausus fuerit , is ab honore Martyris Christi tum Primarii , tum Secundarii longè abest . Unicus articulus Fidei est , pro quo mori Martyris nomen honorificum meretur . Est autem articulus ille , Iesum esse Christum , id est illum qui nos morte suâ redemit , & venturus iterum est & nos in Regno Cœlesti vitam æternam procuraturus est . Pro omni doctrina quæ lucro vel ambitioni inservit Ministrorum , non requiritur ut moriamur ; neque Mors est , quæ Martyrem (id est testem) facit , sed Testimonium ; neque in verbo Martyr amplius continetur , quam in verbo Testis .

Præterea si quis ad Articulum illum prædicandum missus non fuerit , sed consilio suo facit , et si Testis sit Christi primarius , vel Apostolorum , Discipulorum , vel Successorum suorum ; non tamen ob eam rem , mortem pati obligatur ; quia , nec vocatus , nec missus fecit;

fecit ; nec , si forte præmium expectatum non acceperit conqueri jure potest. Martyr enim neque primi neque secundi gradus esse potest , nisi ad prædicandum *Christum* , Authoritatem Potestatemque legitimam habeat , ut habent qui ad convertendas gentes Infideles mitti solent. Nam iis qui jam crediderint teste opus non est , sed illis solis qui negant , dubitant , vel non audierunt. Apostolos , Discipulosque suos ad prædicandum Euangelium misit *Christus* ad non credentes , *mitto vos (inquit) quasi oves ad lupos* ; non dicit quasi ad alias oves.

Videamus jam Ministrorum *Christi* Mandata , ut reperiuntur in Euangelio , an jus aliquod contineant in populum Imperandi.

Legimus primo (Matth. 10.) missos esse Apostolos ad *Oves quæ perierunt dominus Israël* ; quid autem prædicaturos ? Regnum Dei appropinquat. Prædicare autem actus Preconis est , Regem aliquem proclamantis. Neque jus Imperandi in quemquam habet Præco. Et (Luc. 10. 2.) Septuaginta Discipuli , ut Operarii , non ut Domini ad messem emissi sunt , & jussi prædicare appropinquat Regnum Dei , & (Matth. 20. 28.) Discipulos suos , qui inter se de dignitate contendebant , admonet Servator noster , officium eorum Ministeriale esse , sicut ipse venit , non ut sibi Ministraretur , sed ut Ministraret. Itaque Prædicatores Euangelii potestatem Magisterialem non habent , sed Ministerialem tantum. Et (Matth. 23. 10.) *Ne vocamini* , dicit *Christus* , *Magistri , unicus enim vobis est Magister*.

Secundò , in Mandatis eorum est , docere omnes Nationes. Docere autem & Prædicare conjuncta sunt. Nam qui Regem prædicant sive proclamant , eodem tempore docent , quo jure Regnum habet. Ut *S. Paulus* fecit apud Iudeos , qui erant in Thessalonica , nempe tribus Sabbatis , cum illis ex Scripturis differuit explicans illas , & probans ex illis *Christum* mori oportuisse , & resurrexisse , & Iesum esse *Christum*. Sed docere ex veteri Testamento Iesum esse *Christum* , & à mortuis resuscitatum , non est docere illos , qui crederent , docentibus sibi obedendum esse , contra Civitatis lùæ Leges , & Mandata Regum , sed admonere eos , ut adventum *Christi* , cum Patientia & Fide & cum obedientia Legibus Civitatis debita , vellent expectare.

Mandatum illis datum est à *Christo* tertium , *Baptizare in nomine Patris , & Filii , & Spiritus Sancti*. Quid autem est Baptizari ? In aquam immersi. Sed in aquam in nomine aliquo immersi , quid est ? Sensus verborum horum est , immersi fideles , ut signum Regenerationis ; & quod qui sic immerguntur fideles se in Civitate Dei Cives futuros

futuros esse, nempe in Civitate Dei Patris, Ecclesiæ fundatoris; Dei Filii ejusdem Ecclesiæ Redemptoris; Dei Spiritus, Ecclesiæ ejusdem Sanctificatoris. Hoc est Pactum nostrum. Quoniam tamen Regum terrenorum Authoritas ante diem Iudicij deponenda non est (sic enim expressis verbis à S. Paulo affirmatur 1 Cor. 15. 22, 23, 24.) Sic in Adamo omnes moriuntur, ita & in Christo omnes vivificabuntur. Vnusquisque autem in suo ordine; primitæ Christus, donde et, qui sunt Christi, qui in adventum ejus crediderunt. Deinde finis, cum tradidicerit Regnum Deo & Patri, cum evanuaverit omnem Principatum & Potestatem. Manifestum est, in Baptismo nostro non constituere nos in nosmetipso Authoritatem aliam, qua vitæ nostræ actiones externæ regendæ sunt; sed promittimus tantum pro directione nostra in via Salutis æternæ, doctrinam sequi Apostolicam.

Quartò, in Mandatis, Potestatem habent peccata Remittendi & Retinendi, id est Ligandi & Solvendi; quæ Potestas dicitur etiam Regni cœlestis Claves, cohæretque cum Authoritate Baptizandi. Est enim Baptismus Fidelitatis, illis qui in Regnum Dei recipiendi sunt, Sacramentum. Sicut enim vita æterna per peccati commissionem, amissa erat; ita per peccatorum remissionem recuperanda est. Finis ergo Baptismi est peccatorum Remissio. Itaque S. Petrus, illis qui die Pentecostes ab illo conversi erant, quid facerent ad vitam æternam adipiscendam quærentibus respondit, *Poenitemini, & Baptizamini in nomine Iesu ad Remissionem peccatorum.* Ex eo, quod Baptizare est declarare receptum esse Baptizatum in Regnum Dei, & Baptismum negare, est declarare è Regno Dei exclusionem, sequitur Potestatem Receptionis & Exclusionis datam esse Apostolis & Successoribus suis. Itaque Servator noster postquam in illos spirâset, addidit (Ioh. 20, 22.) *Accipite Spiritum Sanctum, & versu proximo: Quorumcunque peccata remiseritis, remittuntur illis, & quorumcunque peccata retineritis, retinentur.* Quibus verbis conceditur Authoritas peccata remittendi & retinendi, non simpliciter & absolutè, sicut peccata remittit & retinet, qui cordis humani intima, & poenitentiaæ sinceritatem videt Deus; sed conditionaliter, nempe si verè poenituerint.

Atque hæc Absolutio illis, qui poenitentiam Simulant, sine omni Absolventi sententia, irrita est, neque ad salutem omnino valet, sed contra ad peccati Aggravationem. Apostoli ergo & eorum Successores poenitentiaæ notas exteriores tantum sequi debebant; & illis apparentibus, Potestatem non Absolvendi nullam habuerunt; non apparentibus absolvere non potuerunt. Idem etiam dicendum est de Ba-

ptismo : Nam Iudeo aut Graeco ad Fidem converso Baptismum negandi , Potestatem , ne Apostoli quidem habuerunt , nec poenitentem non Baptizandi. Quoniam autem poenitentiam alterius , an sincera sit necne , homo nemo scire potest , nisi per conjecturam ex notis externis , altera orietur quæstio , notarum exteriarum poenitentiæ quis Index constitutus est. Quæstionem autem hanc determinat Christus ipse dicens Matth. 18, 15, 16, 17,) Si autem peccaverit in te frater tuus , vade , & corripe eum inter te , & ipsum solum : si te audierit , lucratus eris fratrem tuum ; si autem te non audierit , adhibe tecum adhuc unum vel duos , ut in ore duorum vel trium testium stet omne verbum. Quod si non audierit eos , dic Ecclesiæ ; si autem Ecclesiam non audierit , sit tibi sicut Ethnicus & Publicanus. Constat hinc , Iudicium circa poenitentiæ sinceritatem , non penes unum hominem , sed penes Ecclesiam fuisse , id est , penes Fidelium congregationem , vel penes illos qui congregationis gesserint Personam. Præter quæstionis hujus Iudicium , etiam Sententia pronuntiatio necessaria erat ; atque haec pronuntiatio Sententia , Apostoli , vel Pastoris alicuius erat , ut congregationis Prolocutoris ; & de illis dici intelligitur à Christo vers. 18, *Quodcumque ligaveritis in terra , ligabitur in cælo ; & quodcumque solvetis in terra , solvetur in cælo.* Et (1 Cor. 5. 3. 4. 5.) dicit Sanctus Paulus , Ego quidem absens corpore , præsens autem spiritu , jam judicavi ut præsens , eum qui sic operatus est in nomine Domini nostri Iesu Christi , conyngatis vobis & meo spiritu , cum virtute Domini Iesu , tradere hujusmodi hominem Satanæ. Tradere Satanæ , idem est , quod ex Ecclesia ejicere hominem cuius non essent peccata remissa. Sententiam ergo pronuntiavit Paulus , sed postquam causam cognovisset congregatio. Eodem Capite (vers. 11, 12) Scripti vobis in Epistola , *Ne commisceamini fornicariis : non utique fornicariis hujus mundi , aut avaris , aut rapacibus , aut idolis servientibus : alioquin debueratis de hoc mundo excisse.* Sed scripti vobis non commisceri , si is , qui frater nominatur inter vos est fornicator , aut avarus , aut idolis serviens , aut maledicus , aut ebriosus , aut rapax , cum ejusmodi nec cibum sumere. *Quid enim mihi de iis qui foris sunt judicare ? Nonne de iis , qui intus sunt vos judicatis ?* Videmus hic Sententiam quidem à Paulo pronuntiatam ; judicasse autem congregationem. Atque ita quidem res se habuit ante conversionem Regum , & eorum , qui summam habuere in Civitatis suis Potestatem.

Pars haec Potestatis Ecclesiasticae Excommunicatio dicitur & ἀπορρίψις ποιεῖ ; & ritus erat etiam à Iudeis usitatus ; sed ut videtur , post captivitatem Babyloniam ; nam non legitimus quenquam ante id tempus doctrinæ causa ejectum esse è Synagoga , neque etiam in

Testa-

Testamento Novo , sed tantummodo pro malis moribus , in Scandalum Ecclesie.

Excommunicationis Usus & Effectus , antequam a Potestate Civili vim acceperat , alius non erat , quam ut Excommunicatus a non Excommunicatis fugiendus esset. Ut pro Ethnico haberetur , qui Christianus nunquam fuerat , non suffecit ; cum his enim cibum sumere licuit ; cum Christiano non licuit , ut paulo ante ostensum est ex 1. Cor. 5. 9, 10, &c.

Ut autem illos ex Coetibus suis , aut Synagogis excluderent , Ius , nisi a Domino loci concessum , sive ille Christianus , sive Ethnicus esset , nullum habuere. Ius autem in Civitatis loca omnia , est illius , qui Summam habet in Civitate Potestatem ; & propterea , non modo illi , qui Excommunicati erant , sed etiam illi , qui nunquam Baptizati erant , in Synagogas (data a Summo Imperante Potestate) intrare potuerunt ; sicut Paulus , ante conversionem suam , ingressus est Synagogam Christianorum in Damasco , ut eos comprehenderet , vinculosque ad Ierusalem , iussum Sacerdotis duceret.

Constat ergo Excommunicationem in homines Christianos ; qui a Religione Christiana deficerent , in eo loco ubi Potesta Civilis Ecclesiam aut persequebatur , aut non protegebat , nullam vim habuisse , neque ad damnum , neque ad terrorem ; quia huic mundo favorabiliores inde futuri essent ; neque in mundo futuro , pejore conditione fore expectabant , quam quia usuri erant illi , qui nunquam crediderant. Imò ad Ecclesiam pertinuit quicquid erat in hoc mundo damni , quæ illum Excommunicando , inimicos contra se irritabat.

Effectum ergo in eos solos habuit Excommunicatio , qui credebant Iesum Christum redditum esse in Glorio , Regnaturumque vivos & mortuos , & è Regno suo , illos qui Excommunicati ab Ecclesia erant , exclusurum. Hoc est , quod metuerunt in Excommunicatione Christiani veri. Dixerat enim Sanctus Paulus , hominem Excommunicatum traditum esse Satanæ. Nam extrâ Regnum Christi , post diem Iudicii , Regna alia omnia Regnum erant Satanæ. Intelligitur , hinc Excommunicationem , quo tempore Religio Christiana à Potestate Civili nondum protegebatur , in usu fuisse pro Morum tantum correctione , non Opinionum : genus enim illud punitionis , tale erat , ut sentiri a nemine poterat nisi a Fidelibus , & Servatoris nostri adventum secundum expectantibus. Hi autem cum jam veri Christiani essent , Doctrina nulla ad Salutem , sed sanctitate vitæ solâ indigebant.

Excommunicari potuit Christianus illis temporibus , propter Injustitiam

iustitiam; ut (Matth. 18.) Si frater tuus te læserit, admone solus illum solum; deinde coram testibus; postremo, dic Ecclesiæ; sin Ecclesiam non audierit, *sit tibi ut Ethnicus, & Publicanus.*

Excommunicari potuit pro dato Scandalo; ut (1 Cor. 5. 11) *Si quis, qui vocatur frater, Fornicarius, vel Avarus, vel Idololatria, vel Ebriosus, vel Oppressor, cum tali cibum simul sumere non oportet.* Sed Excommunicandi illum, qui fundamentum hoc *Iesum esse Christum* firmiter teneret, propter hoc, quod ab Ecclesia in opinione aliqua dislentiret, quæ fundamentum illud non destruebat, neque Scripturis, neque ab Apostolorum exemplis, ulla omnino Authoritas derivari potest. Dicit quidem Sanctus Paulus (Tit. 3. 10,) *hominem Hæreticum post primam & secundam admonitionem rejice.* *Hæreticus* enim est, qui cum Ecclesiæ membrum sit, doctrinam tamen docet, quam Ecclesia doceri vetuerat; *rejicere* autem, non est hominem Excommunicare, sed desinere illum admonere, & cum illo non amplius disputare. Apostolus idem (2 Tim. 2. 23.) *Stultas & indebetas questiones rejicere.* Rejici autem possunt sine Excommunicatione, & Tit. 3. 9. *Stultas questiones, & genealogias, & contentiones, & pugnas circa Legem rejice: nam inuides sunt & vanæ.* Locus autem alius, qui Excommunicationi Fidelium favere videri potest, eorum, qui Fundamentum tenuerunt, propter Opinionem aliquam eorum singularem, fortasse à bona & pia intentione procedentem nullus est. Monita autem illa de vanis & stultis disputationibus fugiendis, Pastoribus (quales erant Timotheus & Titus) foliis scripta & eo consilio Scripta erant, ne controversias omnes, etiam parvi momenti definientes, novos cuderent Articulos fidei, neve Conscientias hominum sine necessitate onerarent, eosque ad fugiendam Ecclesiæ communionem provocarent. Sancti Petrus & Paulus, etsi magna esset inter eos controversia, non tamen alter alterum Excommunicavit.

Ut si quis Excommunicationi obnoxius sit, multa requiruntur; primo, ut sit alicujus Cœtus legitimi membrum, alicujus dico Ecclesiæ Christianæ legitimæ Potestatem cognoscendi causam habentis, propter quam Excommunicandus aliquis sit. Ubi enim non est Communitas, ibi neque esse potest Excommunicatio. Neque ubi cognoscendi causam Potestas non est, neque ferendi sententiam esse potest.

Sequitur hinc, Ecclesiam unam ab alia Excommunicari non posse. Siquidem enim Excommunicandi se mutuò Potestatem æqualem habeant, non Disciplina Excommunicatio est, sed Schisma. Sin Ecclesia una alteri subordinata sit; unica tantum sunt Eccle-

Ecclesia, & qui Excommunicantur, homines privati sunt, sed non Ecclesia.

Quoniam autem Excommunicationis sententia admonitionem continet congressum & convictum cum Excommunicato fugiendi; si is, qui Summam habet in Civitate Potestatem Excommunicatus fuerit, Sententia invalida est. Cives enim adesse summo Imperanti, quoties justerit, Lege Naturæ obligantur; neque illum à loco quocunque dominii sui, sive prophano, sive sacro prohibere jure possunt; neque exire ex ejus dominio, Civium quisquam, nisi illo permittente debet; multo minus cum illo (si ad tantum honorem evocentur) cibum una capere recusare. Quod autem ad Reges aliosque Summam habentes Potestatem attinet; cum non sint ejusdem Ecclesiæ, nec ejusdem Civitatis partes, non opus est sententia Excommunicationis, ut alter alterius congressum vitet: ipsa enim Civitatis Institutio, sicut homines privatos in una Communitate conjungit; ita Communitates ipsas alteram ab altera disjungit. Neque in Civem Christianum, si Legibus Civitatis suæ obediatur vim ullam habet. Nam si credit *Iesum esse Christum, Spiritum habet Dei*, 1 Ioh. 4, 1. *Et Deus in illo habitat*, & ille in Deo, 1 Ioh. 4, 15. Sed is, qui *Spiritum habet Dei*, is qui in Deo habitat, is in quo habitat Deus nihil pati potest mali, ab Excommunicationibus hominum. Quicunque ergo credit *Iesum esse Christum*, damnum ab Excommunicatione nullum habet. Qui vero articulum illum non credit, non est Christianus.

Si quis Patrem, vel Matrem habeat Excommunicatum à congressu & convictu cum illo vel illa prohiberi non potest. Esset enim hujusmodi prohibitio sè penumero, prohibitio ne Cibum omnino sumeret, ut qui à parentibus plerumque alitur; eadem esset prohibitio Parentibus, & dominis suis obediendi; quod est contra Præceptum Apostolorum.

Summatim, Excommunicationis Potestas extendi ulterius non potest, quam ad Finem in Apostolorum & Pastorum à Christo acceptis Mandatis definitum. Regere autem Imperando & cogendo in mandatis non est, sed docendo, & in via ad salutem in mundo futuro, conducentio. Et sicut in Scientia qualibet, Magister Discipulum suum regulas ejus negligenter deserere quidem potest, Injustitia autem accusare non potest; ut qui nunquam Magistro obediere teneretur: ita Doctrinæ Christianæ Doctor, Discipulum suum, qui vitam agere Christiano homine indignam persistiterit, relinquere quidem potest, sed accusare non potest. Doctori enim, qui de contumacia Discipuli sui conqueretur, responderi posset, sicut Samueli in querela simili respondit Deus, non te rejecerunt, sed me. Excommunicatio ergo si careat Potestate.

testate Civili , ut revera caret , quoties unus Princeps alterum ex-communicat , inutilis est ; neque igitur metuenda. Vocabulum illud , *Fulmen Excommunicationis* ab alicujus Episcopi Romani imagi-natione falsâ profectum est , qui Regum Regem se esse putans , Poë-tas Ethnicorum , qui Iovi Fulmen attribuerunt , imitatus est . Imagi-natio autem illa ex duplice errore nata est ; altero , quod Regnum Christi hujus mundi fuisse putaverint , contra ipsa Christi verba , *Re-gnum meum non est ex hoc mundo* ; altero , quod ipse Episcopus Roma-nus Vicarius Christi sit non modo in Subditis suis Romanis , sed etiam in omnibus Christianis cæteris ; quæ Opinio nec in Scripturis funda-ta , neque vera est , ut suo loco ostendetur.

Ut veniamus ad Scripturarum interpretem , Legimus , S. Paulum , cum esset Thessalonicae , Iudeorum Synagogam , quæ ibi erat adiisse , & (Act. 17, 2, 3.) more suo intreruit , & per tria Sabbathia disputavit cum illis ex Scripturis , aperiens & proponens , quod Christum oportebat pati , & ex mortuis resurgere , & quod hic Iesus , quem ego vobis prædico , est Christus Scripturæ quas citabat , erant Iudeorum , nempe Testamen-tum vetus . Illi ad quos probaturus erat Iesum esse Christum & à mor-tuis resuscitatum , Iudei quoque erant , & Scripturas illas Verbum Dei esse crediderunt , & (vers. 4.) aliqui eorum crediderunt , alii non crediderunt . Causa ergo , cum Scripturis omnes pariter credi-derint , Paulo tamen pariter non crediderint , quænam erat , nisi quod de Interpretatione Scripturarum dissenserint ; & alius Interpre-tationem approbaverit S. Pauli , alius sibimet ipsi illas interpretatus fuerit ? Quare autem hoc ? Quia scilicet ad eos accessit S. Paulus sine omni mandato Civitatis , ut qui non ad Imperandum , sed ad per-suadendum venisset ; & quia persuadere voluit , necesse illi erat , vel per Miracula id facere , ut Moses Israelitis in Ægypto , ut Autho-ritatem suam ostenderet , per opera Divina , vel per disputationem in Synagoga , ex Scripturis quas receperant , ut veritas Doctrinæ suæ per Verbum Divinum apparere posset . Quicunque autem à Prin-cipiis scriptis ratiocinatur , interpretem Principiorum illum facit , quem alloquitur . Siquidem autem eorum , quæ citavit S. Paulus ex Scriptura Sacra , Iu læi Thessalonicenses Iudices non erant , quis erat alius ? Si S. Paulus , quid opus erat , quicquam citare ? Dixisse suffi-ciescit , ita est scriptum in Lege vestra , cuius ego Interpres sum , à Christo missus . Manifestum ergo est Interpretum Scripturarum , in cuius Interpretatione Iudei Thessalonicenses acquiescere obligan-tur , fuisse nullum : credere vel non credere unicuique prout quæ di-cta erant , probata vel non probata videbantur , licitum erat . Etiam univer-

universaliter verum est , illum qui probare aliquid promittit , probationis iudicem illum facit , quem alloquitur.

Ad conversionem Ethnicorum , tum Iudeos tum Scripta eorum omnia contemnentium , ex Scripturis Sacris disputare , frustra fuisset. Apostoli ergo Idololatriam eorum rationibus à natura sumptis aggressi sunt ; deinde confutata illorum Religione falla , ad Fidem Christi adducere illos conati sunt per testimonium Vitæ & Resurrectionis Christi præbitum. De Authoritate ergo Scripturas interpretandi , nulla hic controversia esse potuit , propterea , quod cum Infideles essent , Scripturæ nullius interpretationem sequi obligarentur , præter Legum suarum Civilium interpretationem , Lege Civitatis comprobatum.

Videamus jam Conversionem ipsam an , ab ea obligari aliquis potuit. Convertebantur enim ad nullam aliam rem , quam ad Fidem habendam Doctrinæ , quam Apostoli prædicaverant. Apostoli autem nihil prædicaverant , nisi quod *Iesus erat Christus* , id est Rex à quo salvandi essent , & qui super eos in mundo futuro regnaturus esset ; & per consequens , quod non mortuus esset , sed à mortuis resuscitatus , quodque redditurus esset ad mundum judicandum , & cuique secundum opera ejus tributurus. Nemo eorum Scripturæ Sacrae interpretem se aut alium Apostolum talem esse prædicavit , ut omnes , qui Christiani esse voluere interpretationi ejus obligarentur acquiescere. Nam Leges interpretari illorum est , qui actu regnant ; id quod Apostoli non fecerunt. *Precabantur* tunc illi , & ab illis Pastores omnes , *Adveniat Regnum tuum* , Ethnicoisque à se Conversos Principibus suis hortabantur obediire. Testamentum novum nondum totum publicatum erat. Euangelista quisque Euangeliū suum interpretatus est , & unusquisque Apostolus suam Epistolam. De Testamento autem veteri dicit *Christus ad Iudeos* (Ioh. 5. 39.) *Scrutamini Scripturas : nam in illis expectatis Vitam æternam : illæ autem de me testantur.* Quorsum hoc , nisi quod Scripturarum illarum interpretes esse voluit iplos ?

Ad omnem , quæ oriebatur difficultatem , Apostoli & Presbyteri solebant convenire , & quidem quid prædicarent , & docerent , & quomodo ad populum Scripturas interpretarentur , determinârunt ; libertatem autem illas legendi , & interpretandi sibi , nemini ademerunt. Apostoli Ecclesiis Epistolas , aliasque scripta miserunt instructionis causa ; id quod frustra fuisset , nisi illa interpretari permisum illis esset. Sicut autem permisum hoc erat tempore Apostolorum , ita permittendum est , quamdiu non sint Reges Doctores , vel Do-

etores Reges , qui Interpretationem , aut interpretam Legibus constituant.

Scriptura aliqua duobus modis *Canonica* dici potest ; *Canon* enim Regula est , & Regula *Præceptum* , quo in actione quacunque aliquis regitur. Quæ *Præcepta* et si data sint à Magistro Discipulo suo vel à Consiliario ad Consulentem , absque potestate cogendi ut observentur , *Canones* tamen sunt , quia Regulæ. Sed quando ab eo data sunt , cui is , qui illas accipit tenetur obedire , tunc non modo *Canones* sunt , sed etiam *Leges*. Quæstio ergo est hoc loco de Potestate faciendi , ut Scripturæ *Leges* sint , cuius est.

Pars illa Scripturæ Sacræ , quæ prima Lex facta est , est Decalogus. Ante tempus illud , Lex Dei Scripta nulla erat ; nondum enim populum suum illum peculiarem sibi elegerat , nec aliam hominibus dederat Legem præter Leges Naturales. Decalogi autem duæ erant tabulæ , quarum prima jus Regium continet ; nempe primò , ne populus adoraret aut serviret Diis Gentium , his verbis , *non habubis Deos alienos coram me*. Quibus verbis prohibentur obedire vel honorem dare Regi vel Rectori alii , quām illi qui per Mosem ad eos locutus est. Secundò , ne *Imaginem ejus facerent* , id est ne sibi Personam sui representativam facherent juxta Phantasias suas ; sed ut Mosi obedirent. Tertiò , ne *sumerent nomen Dei in vanum* , id est , ne de Rege suo temerè loquerentur , neque jus regnandi aut ea , quæ à Mose imperarentur , disputarent. Quartò , unoquoque die septimo à laboribus suis jubentur requiescere , diemque illum in Deo publicè honorando collocare. Tabula secunda Officia continet Civium in concives ; ut honora parentes ; ne occidas : non mœchabere : non furabere : Iudicium falso testimonio non corrumpes : denique injuriam quamcumque proximo faciendi ne corde quidem consilium sumes. Quæritur jam , quis fuit , qui Tabulis hisce vim dedit obligatoriam. Dubium non est , quin Leges factæ fuerint ab ipso Deo. Quoniam autem Lege obligari potest nemo , qui nescit an à Rege lata sit necne : quomodo obligari potuit populus Israeliticus ad præstandam omnibus Legibus *Mosaicis* obedientiam , qui ne ad Montem Sinai accederent , & quid *Mosi* Deus locutus est audire prohibiti fuerant ? Ad quod respondeo Legum illarum alias , nempe , Tabulam secundam Leges naturales divinas , æternas esse & per se obligare. De Tabula prima , difficilis fortasse fuisse responsio , nisi populus seipso ad obediendum Mosi obligasset , his verbis (Exod. 20. 19.) *Loquere tu nobis & audiens : sed ne loquatur nobis Deus , ne moriamur*. Potestas ergo per quam Decalogus factus est in Legem Civitati Israeliticæ , erat penes *Mosum* , & post illum , penes Sacerdo-

Sacerdotem summum, qui erat Civitatis Summus Imperans. Hactenus ergo Scripturæ Sacrae Canonizatio ad eum pertinuit, qui Summam in Civitate Potestatem habuit Civilem.

Etiam Leges Iudiciales, id est Leges Magistratibus Israelis à Deo præscriptæ de Administratione Iustitiae ferendisque inter litigantes Sententiis: item Lex Levitica, id est Regulæ à Deo præscriptæ de Rituibus & Ceremoniis cultus divini, traditæ omnes fuerunt à Mose solo: ideoque Leges erant, quia obedientiam Mosi promiserant Summam habenti Potestatem Civilem.

Postquam venerint Israelitæ in Campestria Moabitarum è Regione Iericuntis, intraturi jam in Terram Promissionem, Legibus prioribus addidit etiam alias *Moses*, quæ vocantur Deuteronomium, id est Leges Secundæ quæ (Deut. 29. 1.) vocantur *verba Paeti quod facere Dominus jussit Mosecum filiis Israelis, praeter Pactum, quod fecerat cum illis in Horeb*. Cum enim priores illas Leges, sub initium Libri Deuteronomii explicasset, alias illas quæ incipiunt Cap. 12. desinuntque Cap. 26. superaddidit Moles. Atque hæc est Lex illa, quam populus lapidibus in transitu iordanis insculpere jussus erat: hæc eadem ab ipso Mose in volumine scripta Sacerdotibus, & Senioribus Israelis tradita erat, collocanda in Arcæ latere: hac eadem erat cuius exempla apud se habere jubebantur Reges Israelis: hæc denique est, quæ postquam diu perdita fuisset, reperta tandem in Templo erat, Regnante Iosia, cuius Authoritate pro Lege Dei denuò recepta est. Sed tum *Moses* à quo scripta est, & *Iosias* à quo recuperata est, ambo Summam habuere Potestatem Civilem. Hactenus ergo Ius Scripturas Canonizandi penes eos erat qui Summam Potestatem Civilem habuerunt.

Præter hunc, nullum alium habuere Libium Legis, ante redditum populi è Captivitate. Prophetæ enim (paucis exceptis) in Captivitate ipsâ vixerunt; adeoque procul aberat, ut Prophetiæ eorum pro Legibus haberentur, ut etiam ipsi vexarentur, & ad supplicium, partim à falsis prophetis, partim à Regibus quererentur. Etiam Liber Legis hic, qui receptus pro Lege Dei & confirmatus fuerat à *Iosab*, una cum Divinorum operum Historia tota, tempore Captivitatis, cum caperetur Ierusalem, perditus erat, ut constat 2 Esdr. 14. 21. *Lex tua arsa est; nemo est, qui cognoscit opera, quæ fecisti, neque opera quæ facturus es*. Ante Captivitatem, à tempore, in quo Liber Legis amissus est, (quod tempus in Scripturis Sacris non signatur, sed videtur fuisse tempore *Rehoboami*, quando *Shishac Rex Ægypti* Templum spoliavit) usque ad tempus *Iosiae*, quando recuperatus erat, nullum habuere Iudei Verbum Dei scriptum, sed

suo arbitrio regnaverunt Reges vel consilio eorum , quos habuere pro Prophetis.

Scriptura ergo Veteris Testamenti quam habemus hodie , Canonica Iudæis non erat ; neque Lex antequam renovâssent Pactum sub *Esdra* , postquam à Captivitate rediissent in Iudæam ; ab eo autem tempore , pro Lege Iudæorum semper habita est ; etiam conversa in lingua Græcam à Septuaginta Senioribus Iudææ , reposita est in Bibliotheca Alexandrina. Erat autem Esdras Sacerdos Summus , & proinde is , qui Summam in Iudæis habuit Potestatem Civilem. Itaque Scripturæ nunquam haëtenuis Leges factæ erant , nisi à Summo Civitatis Imperante. De Testamento Novo satis appetet ex antiquis Patribus qui fuerunt ante tempora Imperatoris *Constantini Magri* , quod à Christianis omnibus pro dictamine Spiritus Sancti , & proinde pro Regula fidei receptum erat ; tanta erat illis Doctorum suorum reverentia. Dubium ergo non est , quin ea , quæ Ecclesiis quas condiderant , scriperat Sanctus Paulus , aliusve Apostolus vel Discipulus Christi , ab illis Ecclesiis , hominibusque quos ad Christianismum ipsi converterant , pro vera Doctrina Christiana recepta fuerint. Veruntamen eo tempore , quando , non Potestas & Authoritas Doctoris , sed audientium Fides fecit , ut reciperentur , manifestum est , novum Testamentum Legem factum esse , non ab ipsis Apostolis , sed Scripturam illam Legem sibi ipsis factam esse ab unoquoque Proselytarum.

Sed non quæritur hoc loco , quid Christianus Legem vel Canonem sibi met ipsi fecerit (qui eodem jure , quo fecerit , rejicere etiam potuit) sed quid ita ipsi Lex facta sit , ut illam transgredi sine Injustitia non potuerit Testamentum novum ante *Constantinum Magnum* hoc sensu , nemini potuit esse Lex ; repugnat enim naturæ Legis. Lex enim (ut supra lèpe dictum est) Mandatum est illius sive Hominis , sive Cœtus , qui Summam habet in Civitate Authoritatem , Legumque ferendarum Ius , transgressorumque puniendorum solus habet. Quando ergo alias quicunque præter illum Regulas vivendi Civibus præscribit , Regulæ illæ Leges non sunt , sed Consilium , quale sive bonum sive Malum , is cui Consilium datur , observare vel negligere potest absque Injustitia , & siquidem Legibus jam constitutis contrarium sit , sive bonum , sive malum sit , observare sine Injustitia non potest : observare inquam in actionibus & sermonibus sine Injustitia non potest , et si Doctoribus privatis credere , & ut doctrina eorum Legibus permitta eslet , sine peccato optare potest. Fides enim interna per natum suam invisibilis est , ideoque ab omni Iurisdictione humana excepta.

empta. Quoniam ergo Servator noster Regnum suum in hoc mundo esse negavit, & non ad judicandum, sed ad salvandum mundum venisse se affirmavit, non aliis Legibus nos subjecit, quam Legibus Civitatis, nempe Iudeos quidem Legibus *Mosaicis* (ad quas non revertendas, sed ad implendas venisse se dicit Matth. 5.) Gentes autem alias Civitatum suarum Legibus Civilibus: & genus humanum universum Legibus Naturalibus. Manifestum ergo est, *Christum* & Apostolos ejus, nullam novam Legem, quæ nos in hoc mundo obligaret, sed novam tantum Doctrinam attulisse, qua ad mundum venturum præpararemur: & proinde Testamentum novum, in quo Doctrina illa continetur, quamdiu non essent Principes & Legislatores, qui observationem ejus imperarent, non erat Lex, sed ad perducendos homines ad salutem, Consilium tutum, quod unusquisque accipere, vel rejicere suo periculo potuit sine Injustitia.

Porrò, Servator noster Apostolis & Discipulis mandatum dedit, ut prædicarent Regnum Dei appropinquare; ut nationes omnes docerent, & credentes Baptizarent; ut ubi non reciperentur, pulverem ejus Civitatis pedibus suis excuterent; sed non, ut ignem ex cœlo ad destructionem eorum postularent; neque ut eos ad Fidem Christi gladio cogerent. Nihil hic est Imperii, sed Consilii tantum. Emisit illos Christus sicut Oves ad Lupos, non ut Reges ad subditos. Non habuerunt in Mandatis, ut Leges ferrent, sed ut Legibus obedirent lati, & obedientiam alios docerent. Non potuere ergo Apostoli ipsi facere, ut Doctrina eorum vim haberet Legum, sine voluntate eorum, qui in Civitatibus suis summam habuere Potestatem. Testamentum ergo Novum in iis locis tantum Lex est, in quibus ita à summa Potestate Civili facta est. In illis autem Reges ipsi eidem Legi se submittunt, non autem Doctori, vel Apostolo à quo conversi erant, sed ipsi Deo, & Filio suo Iesu Christo, immediate.

Id quod Testamentum Novum, quo tempore Ecclesia à potestate Civili non protegebatur, Legem videri fecit, erant decreta in suis ipso-rum Synodis facta. Legimus enim (Act. 15 28.) Concilii titulum, *Vixum est Spiritui Sancto & nobis, non imponere vobis onus magis quam necessaria hæc, &c.* quo Titulo Potestas aliqua videtur significari, in illos, qui Fidem amplexi erant imponendi onera, id est, ut aliquibus videri potest, obligandi; unde inferunt illius Concilii acta fuisse Leges. Leges tamen non magis sunt, quam præcepta hæc, *pœnitentia;* *Baptizatio;* *mini;* *custodite Mandata;* *credite Euangelium;* *venite ad me;* *vende omnia, quæ habes, & da Pauperibus;* & *sequere me;* quæ Imperia non sunt, sed hominum ad Christianismum invitationes, sicut illa Isaiæ 55.1.

Vnuſquis-

Vnusquisque quis fuit, venite ad aquas; venite et emite vinum et lac sine pecunia. Apostoli enim Potestatem majorem non habuere, quam ipse Christus, nempe invitandi homines ad Regnum Dei, quod non præsens, sed futurum esse prædicaverunt ipsis; qui autem Regnum non habent Præsens, Leges ferre non posunt. Præterea si Conciliorum tunc temporis actæ fuissent Leges, obedientiam illis negare peccatum fuisset. Eos autem, qui Doctrinam Christi recipere noluerunt, eo nomine peccavisse nusquam legimus, sed hoc tantum, in peccatis suis mortuos fuisse, i.e. peccata eorum contra Leges quibus obedire debuerunt, remissa non fuisse, nimirum peccata eorum contra Leges Naturæ & contra Leges Civiles suæ cujusque Civitatis retenta fuisse. Constat ergo Onera quæ in Fideles imposuisse dicuntur Apostoli, non fuisse Leges, sed illis, qui Salutem quaesiverunt, propositæ conditiones, quas accipere vel rejicere suo quisque periculo, sine peccato novo potuit, quamquam non sine periculo exclusionis propter peccata eorum præterita, è Regno Dei. Itaque de Infidelibus dicit Sanctus Iohannes, non quod ira Dei veniet super eos, sed quod *ira D. i. m. net super eos*, nec quod *damnabuntur*, sed quod jam *condemnati sunt*. Neque intelligi potest Fidei fructum esse *peccatorum Remissionem*, nisi simul intelligatur damnum ab Infidelitate esse *peccatorum Retentionem*.

Quorū autem (quæret forte aliquis) Apostoli aliique Ecclesiæ Pastores convenerunt, determinandi causa quæ Doctrina tum Fidei tum Morum doceretur, si decreta eorum observare teneretur nemo? Ad quod responderi potest, Apostolos, Presbyterosque præsentes in Concilio, eo ipso quod præsentes esse voluerunt, Doctrinam illam, quæ doceri decernebatur docere obligatos fuisse, quatenus nulla Lege Civili ad contrarium tenerentur. Neque enim eo fine convenerunt, ut quid reciperetur, sed ut quid doceretur deliberarent. Nam quid reciperetur, nisi Potestatem habuissent Legislativam, determinare non potuerunt. Verbum quidem Dei pro Lege habere obligantur homines universi; ut autem pro verbo Dei reciperent, quicquid in Dei nomine ab homine mortali pronuntiaretur, aut quod Legibus Civilibus quas custodiendas esse Deus jussit, contrarium docere obligati non erant.

Quoniam autem conciliorum Apostolorum Acta non erant Leges, multominus pro Legibus habenda sunt Conciliorum eorum Pastorum Acta, quæ postea sine Authoritate Civili habita fuérunt. Constat ergo Scripturas Sacras, et si Doctrinæ Christianæ Regulæ erant perfectissimæ, Leges tamen fieri non potuisse, sine consensu Regum aliorumque summam habentium Potestatem Civilem.

In quo

In quo primùm Concilio Scripturæ Sacræ factæ erant Canonicae, non constat. Nam Canonum Apostolicorum Collectio quæ *Clementi* attribuitur Episcopo Romano post S. Petrum primò, etiam nunc disputatur: & quanquam Libri Canonici ibi numerantur; verba tamen hæc, *Sint vobis omnibus Clericis & Laicis libri venerandi, &c.* distinctionem habent Clericorum & Laicorum, quæ tam propè ad tempora Apostolorum usurpata non videtur. Itaque Concilium, quod Scripturas Canonicas primùm fecit, Laodicense erat quod Can. 59. Librorum aliorum Lectionem in Ecclesiis prohibet. Atque hæc de Canone Scripturarum dicta sufficiant.

Officiorum Ecclesiasticorum, tempore Apostolorum alia erant Magisterialia, alia ministerialia. Magisteriale munus erat Euangelium Infidelibus prædicare; Sacra menta & omnem cultum divinum administrare; & Regulas fidei & Morum eos docere, quos ad Fidem converterent. Ministeriale munus erat Diaconorum, id est, eorum, qui Ecclesiæ secularia administrabant, quo tempore Christiani à contributionibus Fidelium voluntariis, in commune collatis alebantur. Inter Munera Magisterialia, primum & maximum erat Apostolatus; Apostoli autem primo duodecim erant, omnes ab ipso Christo electi & constituti; quorum officium erat, non solum Prædicare, Docere, & Baptizare, sed etiam resurrectionem Christi (quanquam periculo vitæ) attestari. Testimonium autem hoc Apostolatus nota specifica essentialisque erat. Itaque quando in locum Iudæ Iscariotæ Apostolus elgendus erat, præfatus est Petrus (Act. 1.21,22.) Oportet ergo eorum virorum qui nobiscum erant per omne tempus in quo introivit ad nos & exivit Dominus Iesus, à Baptismo Iohannis, usque ad diem in quo assumptus est, a' i quem constitui Resurrectionis ejus, nobiscum Testem. Necessarium ergo Apostolo erat, ut Christi Resurrectionem testaretur.

Eorum, qui Apostoli constituti ab ipso Christo non erant, fuit *Matthias*. Electus fuit sic: convenerunt in Ierusalem (Act 1.15.) circiter 120. Christiani; atque hi constituerunt duos, *Iosephum & Matthias* electionemque Sortibus permiserunt, & sic Apostolatum Sortitus *Matthias*, inter Apostolos numeratus est. Ex quo constat, electionem Apostoli penes Ecclesiam fuisse, non autem penes Petrum neque Apostolos undecim reliquos.

Post hunc Electi sunt in Apostolos, *Paulus & Barnabas*, de quorum electione legitur Act. 13.1,2,3: Erant autem Antiochiae in Ecclesia, Prophetæ & Doctores, *Barnabas & Simeon cognominatus Niger, & Lucius à Cyrene, & Manaen & Saulus*. Precantibus autem illis Dominum, & jejunantibus, dixit Spiritus Sanctus, Separate mihi Barnabam & Saulum ad opus ad Leviat.

k k k k

quod

quod vocavi illos. Cumque jejunassent, & precati essent, & manus illis impo-
suissent, dimiserunt illos. Ex quo manifestum est, quanquam à Spiritu San-
cto electi erant, vocatos tamen eos fuisse ab Ecclesia Antiochena.
Munus autem ad quod vocati erant, fuisse Apostolatum, manifestum
est ex eo quod (Act. 14.14) vocati sunt ambo Apostoli. Et quod in
virtute hujus vocationis fuit, quod Apostoli erant, Sanctus Paulus man-
ifestè indicat (Rom. 1.1.) Apostolum se separatum vocans, ad Euange-
lium Dei, alludensque ad verba Spiritus Sancti dicentis, *Separate mihi
Barnabam & Saulum, &c.* Quoniam autem Apostolo opus erat, testem
esse Resurrectionis Christi, quæret fortasse aliquis, quomodo testari id
potuit S. Paulus, qui cum Servatore nostro ante mortem ejus, nunquam
conversatus erat. Cui facile respondetur, *Christum ipsum Paulus ap-*
paruisse è coelo, postquam assumptus esset, illumque elegisse, ut nomen
ejus ad Gentes portaret, & ad Reges, & ad Filios Israelis. Cum ergo
Dominum vidi sit resuscitatum, Resurrectionis testis erat non inido-
neus. Barnabas autem fuerat Christi Discipulus.

Episcopus (*Inspector*) erat is qui cuicunque negotio erat Praepositus
speciatim autem Pastor sive Custos ovium; & inde Metaphorice vox
illa usurpata est, ad significandum Regem, aliumve Rectorem populi,
sive ille Legibus, sive Doctrina regeret. Qui Apostolus erat, Episco-
pus erat; itaque Apostolatus Iudee (Act. 1.20.) vocatus est *Episcopatus*.
Etiam post constitutionem Presbyterorum, hi quoque Episcopi voca-
buntur. Presbyter (quod nomen non solum ætatis sed etiam officii
erat) erat Timotheus, idemque Episcopus. Et S. Johannes, qui non
modo Episcopus, sed etiam Apostolus erat, Presbyterum se appellat.
Constat ergo nomina illa *Episci, Pastoris, Presbyteri, Doctoris*, nomina
fuisse tempore Apostolorum, Officii ejusdem. Nam eo tempore non
Imperio, sed Doctrina, & suatione Ecclesiam gubernabant. Regnum
Dei futurum tunc erat in alio mundo; adeò ut cogere neminem Pa-
stores potuere; quia nondum Civitas ulla Fidem Christianam am-
plexa esset.

Præter Apostolos, Pastores, Episcopos, Presbyteros, & Doctores,
Magisterii nomen nullum erat. Nomina *Euangelista & Prophetæ*, non offi-
ciorum Nomen sed Gratiarum erat, quibus Discipuli Christi Ecclesiis e-
rant utiles: ut Euangelistæ, scribendo Servatoris nostris vitam & actiones,
quales erant S. Mattheus & Johannes Apostoli, & S. Marcus &
Lucas, Discipuli, & ut aliqui putaverunt Thomas & Barnabas, quorum
Libri in Canonem recepti non sunt. Etiam in Ecclesiis eo tempore, Pro-
phetæ erant, quibus Testamentum vetus interpretandi & quandoque
prophetandi gratiam Deus dederat. Neque enim dona hæc, neque do-
num

num linguarum, neq; ejiciendi Demonia, neque morbos sanandi, sed votatio tantum, & Electio Doctorem, aut Magistrum in Ecclesia faciebat.

Sicut ab Ecclesia constituebantur Apostoli, *Matthias, Paulus & Barnabas*, nempe *Matthias* ab Ecclesia Ierosolymitana, & *Paulus* cum *Barnaba* ab Ecclesia Antiochena; ita etiam in aliis Civitatibus, Presbyteri & Pastores ab Ecclesiis, quæ erant in Civitatibus illis, eligebantur. Legimus (Act. 14, 23.) *Paulum & Barnabam* Presbyteros in Ecclesiis ordinâsse, id quod accipi forte potest, ac si Presbyteris Authoritatem dedissent ipsi: Intuentibus autem textum Græcum aliter videbitur. Nam electio eorum fiebat per *Xειροτύνησιν*, id est, per manuum elevationem; qui modus etiam tunc in eligendo Magistratus Civiles, in omnibus ferè Civitatibus eo tempore in usu erat. Presbyteros ergo suos unaquæque eligebat Ecclesia. Apostoli conventus Christianorum convocabant in illis præsidebant, suffragia colligebant, Electum pronuntiabant, & benedicebant, vel (ut nunc loquuntur) Consecrabant, sed non eligebant. Quoniam ergo in omnibus Ecclesiis Pastores hoc modo eligebantur, ubi legimus (Tit. 1, 5.) Apostolos constituisse Pastores aliquos, idem significat *constituisse* quod *Xειροτύνησιν*, vel eligere, per suffragia manibus elevatis data, vel Fabis, vel Lapillis in urnam conjectis. In urbibus autem, ubi modus Electionum alius numquam visus fuerat Electionem aliasmodi Cives omnes sive Ethnici sive Christiani, admirati essent. Neque temporibus sequentibus Episcopi ipsi aliter electi erant, quam ab Ecclesiis singularum Vrbium, donec de Electionibus coeptum est pugnari.

Confirmatur idem à diurnâ in Episcopis ipsius Romæ eligendis consuetudine. Nam si in ullâ Civitate Episcopus in aliam sedem migraturus, vel moriturus Successorem suum constituendi jus habuisset, multo magis Episcopus Romanus illud jus habuisset: Successorem tamen suum Episcopus Romanus nunquam elegit, sed Civitatis Romanæ Christiani; ut manifestum est ex Seditione ortâ in electione *Damasii* præ *Vrsono*, quæ tanta erat, ut Præfectoris Vrbis, cum Pacem inter illos conservare conatus frustra esset, exire è Civitate coactus est, occisis in illa Seditione plusquam centum hominibus, in Ecclesia ipsa. Et postea, quanquam Episcopi Romani eligerentur, primo, à Clero Romano, deinde à Cardinalibus, ab Antecessoribus tamen Episcopis nunquam electi erant. Quoniam ergo Successores suos, Pontifices Romani eligere non potuerunt, multo minus potuere Successores aliorum Episcoporum constituere, sine Authoritate ab illo derivata, qui in Ecclesiam jus habuit Imperandi, id est sine Authoritate Civili.

Minister (Græcè διάκονος) illum significat , qui res agit hominis alterius ; differt autem à Servo , in hoc quod servi imperata Domini-
norum facere obligantur ipsa servitutis conditione ; Ministri autem eo solo obligantur , quod suscepint , neque aliud facere quam quod suscepunt , obligantur. Itaque & illi qui Verbum Dei prædicant , & illi qui Ecclesiæ secularia administrant , ambo Ministri sunt , sed diversarum personarum Ministri. Pastores enim qui vocantur (Act. 6, 4.) *Ministri Verbi* , Christi Ministri sunt , cuius Verbum prædicant : sed Diaconus Minister est Ecclesiæ , & Ministerium ejus (Act. 6, 2.) est *ministrare mensis*. Itaque de Pastore suo nemo , neque Ecclesia ipsa , dicere potuit , quod Minister suus esset ; sed de Diacono tantum qui ministrare mensis , vel Christianis (cum viverent , in unaquaque Ci-
vitate ; de re communi) alimenta distribueret , vel Domus Dominicae , vel Ecclesiæ possessionum curam susciperet ; hunc Ecclesia Mi-
nistrum appellare suum rectè potuit.

Diaconi tamen Euangelium prædicare , & doctrinam Christianam propugnare unusquisque secundum gratiam , quam à Deo acceperat , non omisit , ut *S. Stephanus* ; neque Baptizare , ut *Philippus*. *Phi-
lippus* enim ille qui (Act. 8, 5.) Euangelium prædicavit in Samaria , idemque Eunuchum baptizavit , non erat *Philippus* Apostolus , sed *Philippus* Diaconus. Quando enim *Philippus* prædicabat Samariæ , Apostoli Hierosolymis erant ; qui cum audissent Samariam recepisse Ver-
bum Dei , miserunt ad eos Petrum & Iohannem , ut manus imponerent illis , qui à *Philippo* Baptizati fuerant , & sic acciperent Spiritum Sanctum. Necessarium enim erat ad Spiritus Sancti receptionem , ut Ba-
ptismus administraretur , vel confirmaretur per Ministrum Verbi , non per Ministrum Ecclesiæ. Baptismus enim Pastoris temporibus illis in illos , qui verè crediderunt Spiritus Sancti dona conferebat ; quæ dona (Marc. 16, 17.) erant ; *Per nomen meum Dæmonia ejicient* ; *lin-
guis loquentur novis* ; *serpentes tollent* ; & si quid lethale biberint , nequaquam nocebit eis ; *agrotis manus imponent* , & bene se habebunt. Hæc con-
ferre *Philippus* non potuit , sed potuere Apostoli , & re ipsa (ut ex hoc loco apparet) verè creditibus contulerunt ; id quod Pastores hodierni non faciunt.

Eligebantur ab Ecclesia etiam , non ab Apostolo Diaconi , ut pa-
tet Act. 6 , ubi legimus duodecim Apostolorum Discipulos convocasse
jam multiplicatos , & dixisse illis , *non est aequum nos derelicto verbo
Dei ministrare mensis*. *Deligite ergo* , ô fratres , *ex vobis viros septem* , te-
stimonio ornatos , plenos Spiritu Sancto & Sapientia , quos huic usui praefi-
ciamus. Unde manifestum est , etsi declarati essent ab Apostolis ,
Cœtus

Cœtus tamen illos elegit; quod etiam manifestius fit vers. 5, ubi dicitur, *Placuit autem hic sermo toti præsenti multititudini, & elegerunt Stephanum virum plenum fide ac Spiritu Sancto, & Philippum &c.*

Videamus proximo loco, Ecclesiastici unde alebantur. Sub Testamento Veteri Sacerdotii munerumque aliorum in Ecclesia capax erat sola Tribus Levi. Terra promissa inter cæteras Tribus (Levitica exclusa) divisa erat. Quæ Tribus duodecim tamen erant, divisa scilicet Tribu Joseph in duas Tribus Ephraim & Manassen; adeò, ut Tribus Levi nullam inter fratres sortem habuerint, præterquam habitandi causa quasdam urbes, cum suburbiiis earum. Sortem igitur Levitis dedit Deus illam, quæ ipsius Dei erat, nempe ut haberent frumentum omnium partem decimam; Rursus Sacerdotibus in alimentum assignata est illius Decimæ Decima, una cum Oblationibus & Sacrificiis. Dixerat enim Deus Aaroni (Num. 18, 20.) *In terra eorum hereditatem non habebis, neque sortem inter illos, ego sum fors tua, & hereditas tua, in Filiis Israelis.* Deus enim cum in illos regnaret, & Tribum Levi ad Ministeria publica elegisset, concessit illis in alimentum proventum publicum quem sibi ipsi reservaverat, nempe Decimas & Oblationes, quas significavit dicendo, *ego sum fors tua, & hereditas tua.* Levitis igitur non impropiè attribuebatur nomen Cleri, quod significat Sortem & Hæreditatem. Non tamen, ut essent Regni cœlestis hæredes præ cæteris Israelitis; sed quod de hæreditate Dei alebantur. Quoniam ergo eo tempore Rex eorum erat Deus, cuius Vicem gerentes erant Moses & Sacerdotes Summi, suis singuli temporibus, jus Decimarum Oblationumque habendarum à Potestate Civili profectum esse manifestum est.

Deinde de alimentis Christi & Apostolorum, hoc tantum legimus, peram habuisse (quam Iudas Iscariota portabat.) Apostolos autem, qui Artem habuerunt, illam exercuisse. Etiam Servator noster cum duodecim Apostolos prædicaturos mitteret, comparare aurum & argentum (Matth. 10, 9.) vettuit, eo quod operarius dignus esset alimento suo. Ex quo verisimile est parandi alimenta viam fuisse illis missione suæ congruam, nempe, gratis dare, quia gratis acceperant. Sustentabantur enim partim benevolentia Fidelium, propterea quod adventum Messiae annuntiarent; partim etiam à contributionibus eorum quos Servator noster à morbis liberaverat; ex quibus nominantur (Luc. 8, 253.) *Mulieres quedam quas sanaverat à spiritibus improbis, & morbis, nempe Maria quæ vocabatur Magdalene, ex qua septem Demonum exierant, & Iohanna uxor Chazæ procuratoris Herodis, & Susanna, & aliae multæ quæ ministrabant ei ex iis quæ sibi suspetebant.*

Post Servatoris ascensum, Christiani in unaquaque Civitate, de pecuniis alebantur communibus, ex venditione agrorum suorum rerumque aliarum confessis, collatisque ad pedes Apostolorum; voluntariè, non ex debito. Dixit enim *Ananie Petrus* (Act. 5. 4.) nonne, si servâsses agrum tuum, manebat tibi, & venditus nonne in tua erat Potestate? Constat autem inde *Ananie*, ut agrum suum aut pecuniam retineret, necesse non fuisse ut mentiretur; ut qui ad contributionem nullam teneretur. Nec Apostolorum tantum tempore, sed etiam postea, usque ad tempora Imperatorum Christianorum, Episcopi Pastoresque alimenta sua habuebunt à contributionibus Fidelium voluntariis. De Decimis autem mentio haec tenus nulla. Et quanquam Constantini filiorumque ejus temporibus Fidelium erga Pastores suos benevolentia tanta esset, ut *Ammianus Marcellinus* (seditionem Christianorum circa electionem *Damaſi* describens) dignum esse dixerit Episcopatum illum, de quo contendetur; propterea quod Episcopi eo tempore per liberalitatem sui quisque Gregis, præcipuè per benignitatem Matronarum vixerint splendide, Curribus circumferrentur, & sumptuosè coenarent, & amicarentur, de Decimis tamen contributis nusquam legitur.

Quæret hic fortasse aliquis, an Pastores vivere tunc ex contributionibus, & Eleemosynis voluntariis, obligarentur; quis enim (dicit Sanctus Paulus, i Cor. 9. 7.) militat propriis stipendiis unquam? Quis plantat vineam, & de fructu ejus non edit? Aut quis paſcit Gregem, & de lacte Gregis non edit? Et rursus i Cor. 9. 13. An nescitis eos, qui sacris operantur, ea quæ ex sacrario sunt, edere? & qui Altari assident, cum Altari participare? Ita etiam Dominus constituit iis qui Euangelium annuntiant, ut ex Euangelio vivant. Ex quo quidem loco Pastores Ecclesiæ, à Gregibus suis aliendos esse inferri rectè potest; Non autem ut quantitatem aut genus alimentorum ipsi definirent, aut suo arbitrio quicquam sumerent. Necessarium ergò est, ut aut à singulorum contributionibus, aut ab Ecclesia, ut persona una nutrissentur. Ab Ecclesia fieri hoc non potuit, quia Acta eorum Leges non erant. Sequitur ergò Pastorum alimenta, autè quām Imperatores Summique Imperantes de alimentis eorum Leges alias tulissent, alia non fuisse quām Fidelium contributiones voluntarias. Qui Altari operam dederunt, de Oblatis vixerunt sub Testamento Veteri: ita etiam Ministris Euangelii licitum est, quod ab eorum Gregibus Oblatum est accipere; sed nihil (nisi per Actionem Civilem) exigere potuerunt. Ad quod Tribunal (quæ nulla præter Civilia erant) peterent? Constat ergò alimenta Pastoribus certa assignari potuisse nulla, nisi per Ecclesiam,

siam , ut unam personam , & tunc solum , quando Ecclesiæ decreta, non tantum Canones , sed etiam Leges essent. Leges autem fieri nullæ potuerunt , nisi ab Imperatoribus , Regibus , aliiisque summam habentibus Potestatem Civilem. Lex Mosaica de Decimis ad Ministros Euangelii applicari non potest ; quia *Moses* & Summi Sacerdotes, sub Deo Summam habuere Potestatem Civilem. Regnabat enim in Iudeis Deus, sed in Christianis Regnaturus est, Regnaturus, inquam, ex Pacto ; nam per naturam nunc regnat æquè in totum humanum genus.

Hactenus ostensum est , Pastores quid sint ; & quæ habeant Mandata à *Christo* Servatore (nempe Prædicare , Docere , Baptizare , & in Ecclesiis Præsidere;) Censura Ecclesiastica in locis ubi Fides Christiana prohibetur , quam vim habeat , nempe ut congressum & convictum Excommunicatorum fugiant , & in locis ubi Fides Christiana Lege armatur Civitatis , ut Excommunicatum fugent ; etiam Pastores & Ministri , à quibus eligerentur (nempe ab Ecclesiis) quis consecraverit eos (nempe Ecclesiæ Antistes) unde alerentur , nempe à suis ipsorum possessionibus , labore suo , contributionibusque Fidelium voluntariis. Proximo autem loco considerabimus quodnam in Ecclesia Officium habeant illi , qui Summam habent Potestatem Civilem , iidemque Fidem Christianam amplexi sunt.

Imp̄imis meminisse oportet demonstratum suprà esse , jus judicandi, quæ doctrinæ conservandæ paci utiles sint & docendæ publicè, inseparabiliter Summæ Potestati Civili , annexum esse. Manifestum enim est , etiam tardissimis ingenii , Actiones hominum ab opinione nasci , quas habent de Bono & Malo ab actionibus ipsis , sibi redundaturo ; & per consequens , eos , qui obedientiam Potestati Civili præstare damnosum sibi futurum credunt ad Leges violandas facile impelli , ad status Civilis eversionem , & belli Civilis renovationem ; cuius fugiendi causa , Civitates omnes institutæ sunt. Itaque in Civitatibus etiam Ethnicis , Pastores passim vocati sunt , qui Summam in illis habuere Potestatem : populum enim docere Civis nullus potuit , nisi per illorum Authoritatem.

Quod jus hoc Regnum Ethnicorum , simul ac converterentur Reges illi ad Fidem Christi , sublatum eslet , non potest credi. Christus enim spoliari Imperio Reges eo nomine non voluit , quod in ipsum crederent : neque ut cuiquam alii subjicerentur : neque ut Potestate pacem inter Cives suos conservandi , & contra hostes defendendi , privarentur. Sunt ergo Reges Christiani , etiam nunc Subditorum suorum Pastores supremi , & jus habent Pastores sub-

se constituendi, quos ipsi idoneos ad populum instruendum judicabunt.

Præterea, eis ius Pastores eligendi penes Ecclesiam esset, sicut erat tempore Apostolorum; sic quoque ius illud penes Regem esset, qui personam Civitatis gerit, id est personam Ecclesiæ, & proinde sine illo Ecclesia muta esset. Quando autem Coetus aliquis in Civitate Christiana, Pastorem suum eligit, is elegit, qui Summam habet in Civitate Potestatem; eodem planè modo quo, quando Oppidi alicujus populus, Prætorem sibi eligunt, elegit is, qui Summam habet Potestatem; omnis enim A&tio illius est, sine cuius consensu valida non est. Itaque quæcunque ex Historiis, de Pastoribus à populo vel à Clero electis exempla adducuntur, pro præjudicio contra ius ejus qui Civitatem repræsentat, haberi non possunt; quia per illius Authoritatem eligeantur.

Quoniam igitur in omni Civitate Christiana, is qui summè Imperat, Pastor etiam Summus est, cæterique Pastores illius Authoritate fiunt, sequitur Pastores cæteros illius Ministros tantum esse, non aliter, quam qui Urbibus, Provinciis, vel Oppidis præficiuntur; non quia subditi illius sunt, qui docent, sed qui docentur. Fieri potest, ut Rex aliquis Subditorum suorum Pastorem constituit Regem alium (ut multi Reges Christiani Pastorem fecerunt Subditorum suorum Papam Romanum) non tamen Pastorem suum illum facit, neque Subditorum suorum Summum; nisi Potestate Civili seipsum spoliare vellet. In qua Civitate igitur Pastores constituit Persona externa, non id facit jure suo, sed jure ejus qui Civitati illi imperat. Admittuntur autem tales quasi Ludimagistri in Civitate aliena, cujus Rex est Paterfamilias, Ludimagistros autem filii suis, ab externo homine commendatos recipere quidem potest, sed non Imperatos; præser-tim si doctrinas quas docuerint non ad suum, sed ad illorum emolumen-tum tendere perspexerit.

Si quis ergò Pastorem prædicantem vel Baptizantem videns interrogaret, sicut Servatorem nostrum interrogaverunt Sacerdotes & Seniores (Matth. 21, 23.) qua Authoritate facis ista? Et quis tibi dedit istam Authoritatem? Respondere aliter non potest, nisi quod facit ista Authoritate Civitatis, ab eo data, qui Civitatis est Persona. Pastores omnes præter Supremum jure Civili ista faciunt; sed Rex, & qui-cunque Summam habet Potestatem, eadem faciunt Authoritate Dei, sive (ut loquuntur) jure Divino. Regum ergo & summè Imperantium solorum est, in Titulis habere, Dei gratiâ Rex &c. Episcoporum est, per gratiam Regis Episcopus &c. Nam Divina providentia & Dei gra-tia idem significant.

Atqui,

Atqui , si unusquisque Rex Christianus Subditorum suorum Summus quoque Pastor sit , etiam non solum prædicandi (quod forte non negabitur) sed etiam Baptizandi , Sacramentum cœnæ Domini- cæ administrandi , & Templa Sacerdotesque Consecrandi jus habere videri potest , quod non facile concedetur. Neque enim id facere solent ; neque sine Impositione manuum Episcopi vel Presbyteri fieri consuevit. Ut probemus ergo Reges Christianos Ministeriis illis uti posse , ratio reddenda est , tum quare id non faciant , & quomodo sine Ceremonia illa usitata Impositionis manuum , id si voluerint face- re jure possint.

Si quis Rex Scientiæ alicujus humanæ peritus esset , quin docere eam publicè eodem jure posset , quò eam docent qui ab illo jus accipiunt , dubium nullum est. Quoniam autem totius Civitatis in illum incumbit cura , ut ipse , in res illas momenti minoris , tempus suum contereret , incommodum publicum esset. Potest etiam Rex , si voluerit , lites Civiles publicè cognoscere , & decidere , non minore jure , quām qui id per ipsius faciunt Authoritatem ; nisi quod cura reipu- blicæ cogerer gubernaculo indefinenter illum affidere , cura rerum exiguarum aliis commissa. Similiter Servator noster (qui certè Ba- ptizare potuit) neminem (Ioh. 4, 2.) baptizavit , sed Apostoli ejus & Discipuli , illius Authoritate baptizârunt. Ita etiam *S. Paulum* in diversis & multùm diffisitis locis Prædicandi necessitas à Baptizatione frequenti excusavit. Cura enim major , nempe Ecclesiæ gubernatio , à curis minoribus vacationem postulat. Causa ergo redditæ est , quamobrem Baptizare non soleant Reges Christiani , nimirum ea- dem , propter quām hodie paucos Baptizant Episcopi , & Papa pauciores.

De manuum Impositione , quatenus ea Regibus ut Baptizent , Con- secentque necessaria sit , sic considerabimus.

Ceremonia antiquissima apud Iudeos erat , tum publicè , tum privatim , Impositio manuum ; per quam designabatur , ostendebaturque Persona , vel alia res quæcunque , inter Precandum , Be- nedicendum , sacrificandum , condemnandum vel alloquendum intel- ligenda. Ita *Jacob* benedixit filii *Ioseph* , Gen. 48, 14, extendens dex- tram suam ut imponeret capiti *Ephraimi* , (quamvis esset minor) & sinis- tram suam capiti *Manassis*. Atque hoc sciens fecit , ut benedictionem majorem designare se minori , astantibus ostenderet. Ita etiam *Aaro- nem* jubet Deus (Exod. 29, 10,) manus suas imponere capiti *juvenci* ; & rursus (vers. 15.) Manum imponere capiti *arietis*. Etiam *Moses* cum Ducem Israelitarum constitueret (Num. 27, 23.) *Imponens manus suas*

suas illi , Mandatis instruxit , populo ostendens quis eslet , cui in bello obedire debuerunt. Item in Consecratione Levitarum Num. 8, 10. Admovebis Levitas coram Iehovah , & filii Israelis manus suas super ipsos Levitas imponent ; & in condemnatione blasphemii (Leviticus 24, 14.) Educito blasphemum istum extra castra , ut quicunque audiverunt illum , manus suas super caput ejus ponant ; deinde lapidabunt eum totus Cœtus. Quare autem manus illi imponere soli jubebantur , qui illum audierant , ac non potius Sacerdos , vel Levita , vel Iustitiae Minister aliquis , nisi quod illorum nemo congregationi designare , vel indicare , potuit quis fuerit , qui blasphemaverat , & commeruerat mori ? Hominem autem vel rem aliam quamcunque , per manum ad oculos ostendere errori minus obnoxium est , quam ad aures nomine designare.

In tantum autem placuit eo tempore Ceremonia hæc , ut in benedicenda tota simul congregatione , quia per manuum Impositionem fieri non potuit , manus tamen versus populum in benedicendo elevarent , ut legere & Levit. 9, 22.

Eadem Ceremonia usus etiam est Christus , manus in illos imponens , quos sanabat , aut quibus benedicebat. Iuxta ritum hunc Apostoli & Presbyteri , ipsumque Presbyterium , in illoſ quos Pastores constituebant , manus imposuerunt , & pro illis precati sunt , ut reciperen Spiritum Sanctum. Etiam eidem Pastori manus impositæ fuere aliquando sæpius nempe cum ad Ministerium novum mitteretur. Finis autem Impositionis manuum semper idem fuit , personæ ad munus Pastorale electæ designatio exacta & Religiosa. Apostoli manus imposuerunt (Act. 6, 6.) Septem Diaconis , non ut reciperen Spiritum Sanctum ; nam Spiritu Sancto pleni erant , antequam eligerentur , ut constat ex vers. 3 , sed ut ad munus Diaconorum designarentur.

Qui manus imponebant , aut Episcopi , aut Presbyteri erant ; Diaconi munus illud non fuit. Quos *Philippus* Diaconus Samariæ converterat , in illos *Petrus & Ioannes* Apostoli manus imposuerunt , (Act. 8, 17) ut acciperent Spiritum Sanctum. Etiam *Timotheus* Presbyter manus imposuit ; illum enim admonet *Sanctus Paulus* (1 Tim. 5, 22.) *Ne cuiquam subito manus imponeret.* In *Timothœum* manus imposuit Presbyterium ipsum 1 Tim. 4, 14. Quomodo autem Presbyterium manus imposuit ? Quando Presbyterium id facit , intelligendum est , per manus Antistitis , sive Presbyterii præsidis factum esse ; is autem videtur fuisse ipse *Paulus* qui 2 Tim. 1, 6. jubet illum exuscitare donum Dei , quod in eo erat per impositionem manuum suarum ; ubi obiter notandum est , per donum Dei , non intelligi *Spiritum Sanctum* tertiam in Trini-

Trinitate personam , sed in *Timotheum* Divina dona collata , à Sancto Paulo manus impositas bis fuisse legimus : semel Damasci , per *Ananiam* (Act. 9, 17, 18.) cum baptizaretur : & iterum *Antiochiae* , cum mitteretur Prædicatum. Uſus ergo hujus in Pastoribus ordinandis ceremoniæ , is erat ut personam ejus cui Potestatem talem concesserunt , designarent.

Homini ergo , qui Docendi & Baptizandi Potestatem ante habuisset , quam manus illi imponerentur , Impositio manuum nihil contribuere potuit nisi ut fidem doceret Christianam. Illi verò , qui antequam Christiani fierent Summam habuerunt Potestatem in Civitatibus suis , Potestatem novam ab Impositione manuum nullam acceperunt. Etiam sub Testamento Veteri , et si dum Potestas Summa in Sacerdote erat jus consecrandi ille solus haberet ; aliter tamen erat postquam populus sub Regibus esse cœpissent. Nam (i Reg. 8.) Populo benedixit , Templum Consecravit , & publicas Preces pronuntiavit Salomon. Constat ergò , habuisse illum non solum regendi Ecclesiam , sed etiam functiones omnes Ecclesiasticas exercendi Potestatem plenam.

Sed quid (inquiet aliquis) si Potestas Summa sit penes foeminam , habetne in Ecclesiis prædicandi , & Sacra menta administrandi Potestatem foemina ? Scio foeminis in Ecclesia prohibitum esse loqui. Id verò non impedit , quin foemina , quæ Summa Potestate prædicta est constituere viros possit , qui in Ecclesiis , & loqui & cœter a administrare omnia Authoritate Civitatis , id est sua possint. Authoritas enim Masculinum & Foeminum non recipit. Foeminæ igitur , et si officia omnia exercere non possunt , illos tamen , qui ea exerceant , possunt constituere. Regina Elizabetha Anno primo regni sui , cum Suprematum Ecclesiæ Anglicanae sibi vindicasset , Legem tulit ut Ministri omnes Ecclesiarum (si Beneficia sua retinere vellent) Suprematum ejus Ecclesiasticum cum Iuramento agnoscerent. Iuraverunt ergo multi ; multi etiam aliquamdiu recusaverunt , ob hoc tantum , quod videbatur illis si juraissent , fore ut Regina per illos videretur posse Sacra menta in Ecclesia administrare , & functiones cœteras Pastorales ipsa exercere. Postquam autem Regina scripto publico promiserat se id non facturam esse tum demum juraverunt. Quo scrupulo manifestum erat , Ministros illos in opinione illa , omnes fuisse , Authoritatem quidem functiones Pastorales exercendi cum Suprematu Ecclesiæ conjunctam semper esse , exercitium autem solis viris convenire. Regina ergò non modo ab exercitio talium Functionum se abstinuit , sed etiam rerum Ecclesiasticarum curam diplomate suo Episcoporum Convocationi una cum paucis Consiliariis suis , tutam commisit.

Ab hac juris Civilis & Ecclesiastici consolidatione Potestatem habent Reges Christiani in subditos suos , tam in rebus ad Religionem , quam ad Politiam pertinentibus , quantam homo homini super seipsum dare potest. Potest ergo is , sive Homo , sive Coetus , qui Summam habet Potestatem rerum Ecclesiasticarum curæ præficere , in Dominiis suis , si voluerit , (ut in plurimis locis hodie fieri cernimus) hominem externum. Sed is , qui sic præficitur , *Iure Civili* non *jure Divino* Officio suo fungitur ; & proinde quoties bono publico expedibit , eodem jure , quo præfectus erat , deponi rursus potest. Potest etiam , qui Summam habet Potestatem , Religionis procurationem , uni ex Civibus vel Civium Cœtui committere , si voluerit ; Potestatemque illi dare , vel Titulis Pastores quibus vult , ornare , & circa eorum mercedem & alimenta , Leges constituere , quas ipsi videbitur ; modò quod facit , ex sincerâ Conscientia (de qua judicat solus Deus) profiscatur , ejusdem etiam est , Scripturarum Sacrarum Interpretes constituere , ut cuius Authoritate fiunt Leges. Ejusdem etiam est Excommunicationibus viri præstare per Leges suas Poenales ; quibus Libertini obstinati humiliari , & ad unionem cum Ecclesiâ reduci possint. Potestatem denique in rebus omnibus , tum Civilibus , tum Ecclesiasticis , quatenus ad Actiones & Verba attinet , Summam habet. Actiones enim & Verba tantum , cognosci , & ab hominibus accusari possunt. Eorum autem , quæ accusari ab homine non possunt , Index omnino , præter Deum , nullus est.

Quanquam , quæ hactenus dicta sunt , satis perspicua , videantur , & Potestati Ecclesiastice Regibus Christianis afferendæ sufficiunt ; quia tamen Potestatem illam , in omnibus Civitatibus Pontifices Romani sibi arrogant , & Cardinalis Bellarminus in Controversia *de Summo Pontifice* , Ius Pontificium , quantum possibile est , propugnavit ; Fundamenta & Argumentorum ejus Robur breviter examinare necessarium esse duxi.

Librorum quinque quos de hac re scripsit , primus tres continet Quæstiones : unam , specierum Regiminis trium , *Monarchie* , *Aristocracia* , *Democratiae* quænam sit optima. Concludit autem nullam harum optimam esse , sed quartam ab his mixtam. Secundam , quænam harum regendæ Ecclesiæ sit optima , & sententiam fert pro Mixta , sed quæ magis participaret de Monarchia. Tertiam , utrum in hac Monarchia Mixta , Monarchæ locum haberet *Santus Petrus*. Quod ad primam Conclusionem attinet , satis (Cap. 18) supra demonstratum est , quod in omni forma Civitatis , cui obedire homines obligari possunt , Imperium Summum Simplex , & Absolutum , non Mixtum sit.

sit. In Monarchia enim unus Homo totius Civitatis Potestatem habet, & proinde quaecunque alius Potestatem adeptus sit, eam adeptus est Iure illius, & quamdiu illi videbitur, possidebit, & in illius nomine Potestate sua uti deberet. Etiam in Aristocracia & Democracya unicum esse Coetum Supremum, eumque eandem habere Potestatem, quam habet in Monarchia Monarcha; & proinde non mixtum Imperium, sed Absolutum. Præterea manifestum est, si Monarchia aliqua Mixta dici posset, etiam Monarcha aliquis dici posset Mixtus. Hoc autem absurdum est. De tribus autem speciebus Simplicibus antedictis, quænam sit optima, in eo loco in quo earum una constituta jam sit, disputare nefas est; propterea quod ea, quæ constituta est, cæteris omnibus anteferri, defendi, & optima appellari debet; quia is Civilis, qui aliquid faceret, quod ad subversionem ejus tenderet, tum Leges Naturæ, tum Leges Divinas positivas violaret. Præterea ad Potestatem Pastoris, Imperium non habentis, quæ forma Civitatis optima sit, non pertinet inquirere; cum vocentur Pastores, non ut homines regerent Imperio, sed doctrina, & argumentis. Monarchia enim, Aristocracia, & Democracya, Imperantium, non Pastorum species denotant; vel tres Dominos, non tres Ludimagiſtros.

Secunda ergo Conclusio, de optima specie Regiminis Ecclesiæ, ad quæſtionem de Potestate Pontificis Romani, extra Dominium ejus temporale, nihil omnino attinet. In Dominiis enim Civitatum aliarum, merè Pastoritum est.

Ad tertiam Conclusionem probandam nempe Sanctum Petrum Ecclesiæ fuisse Monarcham, adducit in primis locum S. Matth. 16. 18, 19: *Tu es Petrus, & super hanc petram ædificabo meam Ecclesiam: & portæ inferorum non superabunt eam. Et tibi dabo Claves regni cælorum: & quicquid ligaveris in terra, erit ligatum in cælis: & quicquid solveris in terra, erit solutum in cælis.* Qui locus recte intellectus, nihil aliud probat, nisi Ecclesiam Christi pro fundamento unicum habere Articulum Fidei, quem Sanctus Petrus, nomine Apostolorum hic profensus est, nempe Iesum esse Christum; quæ professio Servatori nostro ea verba dicendi occasionem præbuit. Quod ut clarius intelligatur, sciendum est, Servatorem nostrum per seipsum, per Iohannem Baptistam, & per Apostolos, nihil aliud de Fide prædicasse, præterquam quod ipse esse Christus. Iohannes (Matth. 3. 2,) hoc solum prædicavit Regnum Dei approximat. Idem Servator noster prædicavit ipse, Matth. 4. 17; & duodecim Apostolis in Mandatis dedit Matth. 10. 7 Servator noster; ut idem prædicarent. Articulus ille Fidei Christianæ fundamentalis erat. Postquam igitur Apostoli à Prædicatione Articuli hujus ad Christum re-

versi essent interrogavit illos *Christus* cunctos simul , (Matth. 16. 13) non *Petrum* solum , quemnam esse me dicunt homines , *Filium Hominis* ? Illi vero dixerunt , *Alii quidem Iohannem Baptistam , alii vero Eliam , a ii vero Ieremiam , aut unum ex Prophetis*. Tunc autem vers. 15 interrogavit illos simul omnes , non *Petrum* solum , *Vos autem quem me dicitis esse*? Itaque *Sanctus Petrus* pro omnibus respondit , *Tu es Christus , Filius Dei viventis*. Qui Articulus , ut dixi , Fidei totius Ecclesiæ fundamentum est. Atque hinc occasionem cœpit dicendi : *Tu es Petrus , & super hanc petram ædificabo meam Ecclesiam &c.* Manifestum ergo est petram Ecclesiæ fundamentalem aliam intellectam non esse eo loco , præter Fidei Articulum illum fundamentalem. Sed quare (dicet aliquis) interponit *Christus* verba illa *Tu es Petrus*? Considerandum ergo est Apostolum cognominatum fuisse à Christo *Cepham*, id est , Græcè , petram , vel petrum , Latine Lapidem. Postquam igitur Articulum hunc Petrus confessus esset , Servator noster , ad nomen ejus alludens , dixit : *Tu es Petrus , & super hanc petram ædificabo &c.* tanquam diceret Articulum illum , *Iesum esse Christum* : Fidei per quam Ecclesia erat Christiana essentialem sive fundamentalem esse. Quod si *Petrum* tunc Ecclesiæ Regem constituere voluisset , quam facile fuisse verbis distis id dixisse ?

Proximis autem verbis , *dabo tibi Claves cœlorum &c.* nil amplius *Petro* quam cæteris Discipulus datum est , Matth. 18. 18 *Quicquid ligaveritis in terra , ligabitur in cœlo , & quicquid solveritis in terra , solvetur in cœlo*. Sed utcunque locum hunc interpretetur , dubium nullum est , quin Potestas hoc loco data pertineat ad eos omnes , qui Summam in Civitatibus suis Potestatem habent modo Christiani sint. Adeo ut *Sanctus Petrus* , vel etiam Servator noster ipse , si aliquem eorum ad Fidem Christianam convertisset ; quia tamen Regnum *Christi* non est hujus mundi , convertendi subditos proprios illi soli reliquistet ; alioqui Regno illum privâset , cui Docendi jus adhæret inseparabiliter. Hæc ergo sufficient ad refutationem libri hujus primi , in quo probare conatus est Monarcham Ecclesiæ universalis , id est , Christianorum fuisse *Sanctum Petrum*.

Liber secundus duas habet conclusiones : Alteram *Sanctum Petrum* Romæ fuisse Episcopum , atque ibi mortuum esse : Alteram , Successores illius esse Pontifices Romanos. Quarum utraque quasi dubia hodie disputatur. Sed si utramque veram esse , concederimus ; si tamen per *Episcopum Romanum* , *Monarcham Ecclesiæ* , sive Pastorem omnium Supremum intelligat , non *Sylvester* , sed *Constantinus Magnus* Monarcha ille erat ; & ut *Constantinus* , ita etiam Imperatores Christiani

stiani omnes, Imperii Romani Episcopi Iure erant; Romani (inquam) Imperii, non totius orbis Christiani. Erant enim temporibus illis Gentes Christianæ nonnullæ, quæ Imperio Romano non continebantur. Atque hoc responsum esto Libro secundo.

In Libro tertio Quæstionem tractat, an Papa sit Antichristus. Quod Papa sit Antichristus, equidem probatum nulquam vidi. Manifestum autem est, Prophetas Veteris Testamenti prædixisse, Iudæosque Messiam, id est Christum, venturum esse, ut Regnum Dei (quod rejectum fuerat) restitueret, expectasse. Expectatio autem illa, Imposturis ambitionis hominum, qui regnare conarentur, quique populum per Miracula falsa, per vitam hypocriticam vel per orationes & doctrinas blandas, decipiendi artem calluerunt, eos obnoxios reddidit. Propter hanc causam Servator noster & Apostoli populum monuerunt ne Prophetis & Christis falsis, temere crederent. Falsus autem Christus intelligebatur is qui se Christum esse, cum non esset profitebatur; & vulgo appellabantur tales Antichristi, ea significatione, quæ in Schismatibus, alter de Papatu contendentium, vocari solet *Antipapa*. Antichristus autem duas habet Notas Essentiales; alteram, quod Iesum esse Christum neget; alteram, quod se ipsum Christum esse dicat. Nota prima (1 Ioh. 4, 3.) est hæc, quicunque Spiritus non profiteatur Iesum Christum in carne venisse, ex Deo non est; & Antichristi est. Altera habetur (Matth. 24, 5.) in verbis Servatoris nostri, multi venient sub nomine meo dicentes, ego sum Christus, & multos seduent. Et alio loco, Si quis vobis dicat, ecce hic est Christus, illic est Christus, ne credatis. Antichristus ergo erit Christus Falsus, id est, aliquis qui se Christum esse profitebitur, nec est. Ex duabus his Notis nempe Iesum esse Christum negare, & seipsum esse Christum affirmare, sequitur, Antichristum debere esse veri Christi hostem. Ex multis autem Antichristis, unus præcipius est ὁ Αντίχριστος. Iam cum Pontifex Romanus, neque Christum se esse dicat, neque Iesum esse Christum neget, quo sensu Antichristus dici possit non intelligo. Nam Antichristus non est qui Christi Vicarium, sed ipsum Christum se esse dicit. Temporis etiam, quando Antichristus hic præcipius venturus est, Notam aliquam, et si non valde perspicuum habemus (Matth. 24, 15, &c.) nempe, Cum videritis abominationem illam vastatricem quæ dicta est per Danielēm Prophetam, positam in loco sancto. Et erit tunc afflictio magna, qualis facta non fuit à Principio mundi ad hoc usq; ue tempus, neque unquam fiet. Et nisi decurati fuissent dies illi, periret omnis caro. Sed afflictio illa nondum venit. Sequutura enim statim est obscuratio solis, & Stellæ cadent, & Potesates cœlorum concutientur. Et tunc apparebit

apparebit signum Filii hominis in cœlo, &c. & videbunt Filiū hominis videntem in nubibus cum potentia & gloria multa. Nondum ergo venit ille Antichristus; Pontifices autem multi & venerunt & abierunt. Potestatem quidem in Dominiis alienis Legillativam sibi assument, & regnum quoddam usurpant; sed in hoc mundo, nec ut Christus, sed ut pro Christo usurpant; id quod nihil habet in se de Antichristo.

In Libro quarto, ut probet Pontificem Romanum in Controversiis omnibus tum Fidei, tum Morum Supremum esse Iudicem (quod tantundem est ac si illum Christianorum omnium Monarcham absolutissimum esse dixisset) tres adducit Propositiones. Primam, Iudicia ejus infallibilia esse: Secundam, quod in Christianis Dominiis Potestatem habet Leges condendi, illosque Puniendo qui illas transgredientur: Tertiam, Servatorem nostrum Iurisdictionem Ecclesiasticam omnem, in Pontificem Romanum contulisse.

Pro Iudiciorum Papalium Infallibilitate, multa adducit Scripturæ loca: primum, Luc. 22, 31, *Simon, Simon, ecce, Satan aspettum vos, ut ventilet sicut triticum; sed ego precatus sum pro te, ne deficiat Fides tua: tu igitur aliquando conversus stabili fratres.* Ex quo loco Bellarminus concludit Christum Simoni Petro duo concessisse Privilégia, unum, quod nec ipse, nec Successores ejus quicquam, neque in fide, neque in moribus falsum aut alicujus Papæ Definitioni contrarium, definirent. Sed locus ille totus attentiùs considerandus est, qui, ut mihi videatur, contrarium probat ejus; quod probatum ille vellet. Sacerdotes & Scribæ, Servatoris nostri in festo Paschæ occidendi, consilium inierant, quem Iudas etiam jam illis prodere deliberàrat. Venit autem ad festum Christus, & cum Pascha unà cum Apostolis, celebraret, dixit illis festum illud se iterum celebraturum non esse, antequam venisset Regnum Dei; dixit etiam, ut ab uno eorum proderetur. Cum igitur Apostoli Christum, ante Paschæ proximum, regnaturum esse crederent, inter se. *Quis esset tunc maximus in illo Regno,* contendebant. Quapropter Servator noster illis dixit, Reges quidem Ethnicos Dominium exercere in Subditos suos, & Benefactores appellari; vos autem non sic; sed unus vestrum alteri debet ministrare. Regnum quidem vobis dabo, sed quale mihi dedit Pater meus, sed non habendum, ante adventum meum; tum demum comedetis & bibetis ad Mensam meam, & sedebitis super Thronos judicantes tribus Israëlis. Regnum autem hoc sanguine Christi & Martyrum ejus redendum erat. Tum Christus ad S. Petrum conversus, verba illa supra citata pronuntiavit Simon, Simon, &c. Quibus significabat Satanam Apostolis præsentis Dominationis (quo Fidem eorum de Regno venturo

venturo debilitaret) Spem illis suggestisse; precatum autem esse se pro Petro, ne illius fides deficeret; illumque qui sciret Regnum Dei non esse ex hoc mundo, ut fratres suos in eadem Fide confirmaret, iussisse. Atque eò etiam pertinet responsum Petri, Domine paratus sum tecum ire in carcerem, & ad mortem. Manifestum ergò ex hoc loco est, non solum S. Petro nullam datam esse, sed etiam in Mandatis habuisse, ut cæteros Apostolos doceret, Iurisdictionem illis debitam non esse. Neque pro S. Petri, in sententia ferenda de Articulis Fidei, Infallibilitate operatur quicquam adductus Textus; multo minus pro Infallibilitate Successorum ejus, sed potius contra, propterea quod dicitur in plurali cribrare petiit Vos, sed singulariter precatus sum pro te.

Locus secundus est Matth. 16: *Tu es Petrus, & super hanc Petram ædificabo meam Ecclesiam: & portæ inferorum non prævalebunt contra eam.* Unde amplius inferri nihil potest (ut superius ostensum est) quām quod contra Petri confessionem illam, *Iesus est Christus Filius Dei,* portæ inferorum non prævalebunt.

Textus tertius est ex Ioh. 21, 16, 17: *Pasce oves meas.* Hoc autem non Imperandi, sed docendi Mandatum est, idque tamdiu tantum, quamdiu Rex Christianus non esset, qui Potestatem illam Potestati Civili adjunctam haberet. Sicut enim ab Abrahamo, non à Mercenario poscit Deus rationem administrationis Dominii sui Paterni, & Despotici, ita etiam à Regibus & Summis Imperantibus, idem rationem Administrationis Civitatum suarum exiget, non à Mercenariis; sed ab ipsis.

Locus quartus est Exod. 28, 30: *Pones in sacro illo Pectorali juris, Vrim & Thummim, quæ sint supra cor Aaronis:* quem locum à Septuaginta redditum esse dicit, per διάλωσιν τὸ ἀληθεῖαν, id est, Evidentiam & Veritatem, Inde autem concludit Sacerdoti Summo datam esse Lucem & Veritatem. Quicquid autem significant Vrim & Thummim, manifestum tamen est ex eo Textu, data ea esse Sacerdoti Summo, id est illi, qui Summam in Civitate Israelitarum habuit Potestatem. Militat ergò Textus hic Summo Imperanti Civili contra Suprematum Ecclesiasticum Pontificis Romani.

Ut probet Iudicia Pontificis circa Mores Infallibilia esse, locum citat Ioh. 16, 13: *Cum autem venerit ille Spiritus Veritatis, Dux viae vobis erit in omnem veritatem.* Cum Iudicio omnia tum Fidei, tum Morum Regibus sustulerit, quid habent omnino, quod faciant Reges? Quas Leges ferent, cum Lex nulla sit, quæ non sit aut Regula Morum, ut ne quis sit Homicida, vel Fur, vel Mœchus, vel Mendax, Leviat.

mmmm

vel

vel Avarus, & similia, aut Regula Fidei, & cultus Divini. Sed verba Textus consideremus: *Spiritus Veritatis Dux vobis erit in omnem Veritatem;* an recte infertur inde solius Pontificis esse judicare de Moribus Civium in Civitate aliena? Quid habent commune *Veritas & Mores.* Veritas verborum est tantum, Mores autem hominum sunt sub Legibus viventium. Mores doceri quidem possunt à Summo Pontifice, sed an Boni, an Mali sint; nisi in suo ipsius Dominio, judicare non debet. Etiam si verum esset, non posse omnino errare Papam, id tamen jus Iudicandi in Civitatibus alienis nullum contribueret. Deinde à ratione naturali pro Infallibilitate Papæ arguit sic: Si Papa in rebus ad salutem necessariis errare posset, tunc ad Salutem Ecclesiæ non satis à Christo provisum est; propterea quod doctrinam Papæ sequi nobis imperavit. Ubi autem Christus id jusserit, aut omnino de Papa locutus sit, non ostendit. Etiam concessio, Papæ datum esse, quicquid S. Petro datum est; quia tamen in Scripturâ Sacra nusquam jubemur obedere Petro, injustus esset, qui, si facere aliquid Petrus juberet, & quod Legibus patriis contrarium esset, illi obediret.

Postremo, Papam Potestatem habere Summam per totum orbem Christianum in rebus Civilibus, neque Papa, neque Ecclesia definit. Non ergo obligantur Iurisdictionem ejus, in rebus Moralibus agnoscere omnes Christiani. Imperium enim Civile Summum, & suprema de controversiis Moralibus Iudicatio eadem est res: immo Reges non modò, quid sit Iustum & Injustum in Actionibus definiunt, sed etiam Iustitiam ipsam per Leges suas faciunt; Iustitia autem & Injustitia ad Moralia pertinent. Neque Iustum, aut Inustum in Moribus quicquam est, nisi id quod ita factum est per Leges Civiles.

Ut Papam Potestatem habere in Civitatibus alienis Legislativam proberet, adducit locum Deut. 17. 12: *Vir autem ille, qui fecit superbè, ut non auscultet Sacerdotii constanter Ministranti Iehova Deo tuo aut Iudici; utique morietur vir ille, & tolles malum illud; ex Israele oblitus, quod Summers Sacerdos Summam tunc haberet Potestatem Civilem, iudicesque sub se constitueret.* Nihil aliud ergò probant verba illa, nisi, quod Vir ille, qui Summo Imperanti Civili obedire recusaverit, morietur &c. Id quod conclusioni Bellarmini directè contrarium est.

Secundo, adducit Textum Matth. 16. 21. *Quicquid ligaveris in terra &c.* & ita interpretatur, ac si Potestas illa ligandi, esset Potestas Legislativa; quam Potestatem locus hic attribuit Potestati Civili. Scriptæ enim & Pharisæi sedebant tunc, non Petrus, in Cathedra Mosis, & propterea *ligare*, idem erat quod legem condere.

Locus tertius est Ioh. 21. 16: *Pasce oves meas*, id quod non est Legibus cogere, sed docere.

Locus quartus est Ioh. 20. 21: *Qui locus probat contrarium. Verba enim sunt, Sicut misit me Pater, ita & ego mitto vos.* Christum autem misit Deus, ut morte sua credentes in illum redimeret; & ut per prædicationem ipsius & Apostolorum suorum, ad Regnum suum futurum in mundo venturo illos præpararet. Cum ergo Deus Pater filium suum Leges in hoc mundo laturum non miserit, multo minus Potestatem illam dedit Sancto Petro. Locus ergo hic Suprematum Ecclesiasticum & Imperium Civile conjungit, contra id, quod ex eo Bellarminus inferre voluit.

Locus quintus est Act. 15. 28: *Visum est Spiritui Sancto & nobis, ne quod amplius imponeremus onus præter necessaria ista, ut abstineatis ab iis que sunt immolata simulacris, & sanguine, & suffocato & fornicatione.* Ubi per onus imponere intelligit Potestatem Legislativam. Sed locum hunc Bellarminus, et si Latinè scribere satis sciret, non satis intellexit, vel si intellexit, verbis illis ad Potestatem Pontificiam sciens abusus est. Quod Lege imponitur, si quidem grave sit, vocari etiam Onus potest per metaphoram. Etiam quod à Medico imponitur, ægrotanti bibendum Pharmacum, si grave sit, etiam Onus appellari potest. Quod Lex imponit, ad Bonum Imperantis, id est ad Bonum publicum imponitur; ideoque is, cui imponitur onus illud, perferre quatenus potest, obligatur. Sed quod à Medico imponitur, ad Bonum solius ægrotantis imponitur, neque aliud est, quam convalescentiae adipiscendæ apposita Conditio, quæ si duriuscula sit, appellatur onus. Et sicut præcepta Medicorum, ita quoque præcepta Pastorum, sine Authoritate Civili, Leges non sunt, sed consilia; quæ sequi, vel negligere suo cujusque periculo permisum est. Tale autem erat Onus, de quo in hoc textu sermo est, nempe, quod Gentibus conversis ab esu eorum animalium, quæ simulachris immolata erant, & ab esu suffocati, & sanguinis abstinentem erat. Sed si prohibeatur esus sanguinis, & prohibitio illa sit Lex, quam obligamus omnes Christiani custodiare; quare hodie Christiani, ubique etiam in Roma ipsa, sanguinem vulgo comedunt. Apostolorum ergo Acta Concilii Leges esse, ex hoc textu Bellarminus non probavit.

Locus sextus est Rom. 13. 1: *Omnis anima Potestatibus supereminentibus subjecta esto: non enim est Potestas, nisi à Deo.* Id quod intelligendum esse vult non solum de Principibus Secularibus, sed etiam de Ecclesiasticis. Ad quod pro responso, id quod sæpe ante dictum est, referam, nimirum Principes Ecclesiasticos, præter Principes Civitatum

nulllos esse , nec fuisse unquam. Nam si Apostolus voluisset subditos nos , non solum Principibus nostris esse , sed etiam Papæ , qui est Princeps externus , imposuisset nobis Onus non solum grave , sed etiam , quod Christus ipse pronuntiavit esse impossibile , nempe *duobus Dominis simul servire*. Quanquam autem Sanctus Paulus alicubi dicat , Scribo hæc absens , ne prælens uterer acrimoniam , juxta Potestatem quam mihi Christus dedit ; non tamen intellexit Sanctus Paulus , Potestatem sibi datam esse , occidendi quenquam , aut incarcerandi , aut mittendi in exilium , aut flagellandi , aut pecuniâ mulctandi , sed tantum excommunicandi , id est (sine Potestate Civili) Excommunicatum fugiendi ; id quod sæpenumerò Excommunicanti , quam Excommunicato gravius est.

Septimus locus , 1 Cor. 4, 2, *Quid vultis ? Cum virga veniam ad vos , an cum charitate , & spiritu lenitatis ?* Hic rursus loquitur Sanctus Paulus non de punitione , sed de Censura Ecclesiastica , quæ sua natura poena non est , sed poenæ in seculo venturo denuntiatio. Nondum ergo Potestatem Episcopi Romani probavit esse Legislativam.

Locus octavus est 1 Tim. 3, 2, *Oportet autem Episcopum unius Vxoris virum esse* , quam dicit esse Legem. Credideram quidem , Legislativam in Ecclesia Potestatem , soli Ecclesiæ Monarchæ Sancto Petro concessam esse. Contrarium autem appetet ex hoc Textu , cum Paulus etiam Potestatem eandem habuerit. Dicent fortè , *Paulo à Petro Præceptum* hoc datum esse. Neque tamen sic Lex erit , cum Timotheus neque Petri , neque Pauli subditus esset sed Discipulus.

Textus nonus est 1 Tim. 5, 19. *Adversus Presbyterum accusationem ne recipito , nisi sub duobus aut tribus testibus.* Respondeo (ut sæpe ante) Præceptum hoc , consilium quidem sanum esse , sed Legem non esse.

Locus decimus est Luc. 10, 16, *Qui vos audit , me audit ; & qui vos aspernatur , me aspernatur.* Dubium quidem non est , quin Christum aspernetur , quicunque aspernatur eos , quos Christus misit. Sed à Christo missi qui sunt , præter eos , qui Pastores constituti sunt per Authoritatem legitimam ? Et quis est qui Legitimè ordinatus est à Pastore suo supremo ? Quis denique in Civitate Christiana Pastor ritè ordinatus est , nisi à Potestate Civitatis Summa ? Inferri ergo ex hoc Textu potest , illum , qui Regem suum Christianum audit , audire Christum ; illumque , qui doctrinam Regis sui Legibus confirmatam aspernatur , ipsum Christum aspernari. Imò , Rex Christianus , quatenus Pastor tantum est , & Doctor Civium , non facit ut Doctrinæ ejus Leges sint. Leges obligant ; ad credendum verò nemo obligari potest , sed ad actiones tantum & verba , si opus sit. Ex quo sequitur rursus , Leges , quas fecerit

fecerit Rex in sua Civitate , Ecclesiasticas , easdem esse Leges Civiles.

Locus undecimus est Textus , in quoquaque Apostolus pro *Consilio*, verbo utitur aliquo , quod *Consilio* cum Imperio sit commune ; ut in quo Obedientiam vocat, *Consilium* alicujus sequi, ut i Cor. 11,2, *Laudo verò vos , fraires , quod omnia meministis , & sicut tradidi vobis traditiones retinetis*. Quod ut significet, traditiones Pauli , Leges fuisse, aut aliud præter *Consilium*, longè abest ; & ut locus ille , i Thes. 4, 2, *Nostis enim , quæ Mandata dederimus vobis* , ubi vox Græca significat Traditiones ; quæ non Leges , sed *Consilia* sunt : & locus 2. Thes. 3, 14, *Quod si quis non auscultet nostro per Epistolam sermoni , hunc notate : & ne commercium habete cum eo , ut errubescat. Neque ut inimicum ducire , sed admonere ut fratrem*. Ubi à voce ὑπακοές probatum vellet , Theſſalonicensibus Epistolam hanc fuisse Legem. Imperatorum sanè Epistolæ Leges erant. Si ergo Lex etiam esset Epistola S. Pauli , obligaremur obediens duobus Dominis. Sed vox illa Græca significat non modo imperata facere illius , qui potestatem habet puniendi , si non faciamus , sed etiam *Consilium* sequi illius , qui nobis ad bonum nostrum recte consulit. *Paulus ergo illum , qui non auscultaverit , pro inimico haberri prohibet , sed admoneri tantum , ut fratrem jubet ; id est verberari , incarcetari , mulctari (quod Legislaturibus licitum est) prohibet*. Ex quo manifestum est , id quod Christianos metuere Pastores suos fecit , non Apostoli Imperium , sed Existimationem ejus fuisse.

Locus ultimus est Heb. 13, 17, *Obedite ductoribus vestris & obsecundate : excubant enim ipsi pro animabus vestris , tanquam rationem reddituri*. Atque hoc rursus loco *Obedire* idem est , quod *Consilium* sequi. Ratio enim , quare Pastoribus nostris obediendum sit , non dicitur à voluntate & Imperio Pastorum , sed à beneficio , quod ipsi inde accepturi sumus , nempe ab animarum nostrarum Salute. Præterea , qui Legibus obediens obligantur , Leges ipsas examinare non debent ; sed S. Iohannes i Epist. 4, 1, *Ne credatis (inquit) omni Spiritui , sed probate Spiritus , an ex Deo sint : nam multi Pseudopropheta venerunt in mundum*. Constat ergo , Pastorum suorum Doctrinas posse à Christians hominibus disputari. Sed Leges eorum , qui Potestatem Civilem Summam habent , disputari sine peccato , à subditis suis non posse. Alioquin enim Civitatum omnium institutiones frustra essent , & proinde Pax & Iustitia cessarent contra Leges omnes tum Humanas tum Divinas. Nihil ergo ex citatis locis , neque ex ulla Scripturae aliis , probari potest , Pontificum Romanorum decreta , extra Dominia sua temporalia , esse Leges.

Conclusio ejus ultima , nempe Servatorem nostrum Iurisdictionem Ecclesiasticam nemini commisisse immediate , præterquam Papæ , ad Quæstionem de Suprematu Ecclesiastico inter Papam & Reges Christianos non pertinet, sed tantum ad Quæstionem inter Papam & Episcopos cæteros. Dicit autem primò , Iurisdictionem Episcorum esse, saltem universaliter , *de Iure Divino* , id est Iure derivato à Deo ipso ; ad quod probandum adducit S. Paulum , dicentem Ephes. 4. 11 : *I singitur dedit alios quidem Apostolos, alios vero Prophetas, alios autem Evangelistas, alios autem Pastores & Doctores,* infertque inde Episcopos omnes , Iurisdictiones suas habere , à Iure Dei ; idque non immidiataè , sed per derivationem à *Iure Divino* , quod habet Papa. Concesso autem hoc , Iurisdictio quænam alia , etsi merè Civilis , legitima existit in Civitate Christianâ , quæ non sit etiam de *Iure Divino* ? Habent enim Potestatem suam Civilem Christiani Reges , non minus immediataè à Deo , quam Papa Iurisdictionem suam Ecclesiasticam ob eodem Deo habere profitetur. Itaque id , quod Ministri per Authoritatem ejus faciunt , non minus *Iure Divino immediato* , faciunt , quām quod faciunt per Ordinationem Papalem , Episcopi cæteri. Potestas enim legitima omnis à Deo est ; in Supremo quidem Imperante , immediataè ; in illis autem , qui Iurisdictionem suam à Rege agnoscunt , mediataè. Concedendum ergo est , aut Ministrum quemlibet exiguum in Civitate , Iurisdictionem suam Iure Divino exercere , vel Episcopis , ut Iurisdictiones suas ita teneant (Papâ excepto) concedendum non est.

Sed Disputatio , an Iurisdictionem talem dederit Christus soli Papæ , an cæteris etiam Episcopis , extrà Dominium Papæ temporale tota contentio est de lana Caprina ; neque enim ille , nec hi Iurisdictionem omnino ullam habent. Iurisdictio enim nihil aliud est , præter Potestatem legitimam , lites inter Civem & Civem cognoscendi & decidendi ; & ad neminem pertinere potest , præter illum , qui Potestatem habet Iusti & Injusti Regulas præscribendi , id est , Leges condendi , & eos , qui Sententiæ ejus stare recusaverint , vel Iudicium , quos ille constituerit , gladio publico cogendi ; Quam Potestatem habet nemo , præter Civitatem , id est præter eum , qui Civitatis personam gerit.

Quando ergò adducit Bellarminus ex Luc. 6. Servatorem nostrum convocâsse Discipulos suos , & ex illis duodecem , Apostolos nominâsse , probat quidem Potestatem illis dedisse Christum , Prædicandi , non autem lites inter concives determinandi. Potestatem enim illam ipse Christus reculavit , cum diceret , *quis me Iudicem aut Divisorem inter*

inter vos constituit? Et alio loco Regnum meum non est hujus mundi. At qui Potestatem cognoscendi & decidendi inter Cives controversias, omnino nullam habet. Quod tamen non impedit, quin Servator noster Potestatem illis Prædicandi, & Baptizandi in loco quounque concedere potuerit, ubi sine transgressione Legum Civilium, id fieri potuerit. Nam Legibus Civilibus, tum Apoltoli, tum Christus ipse obediendum esse, passim docuerunt.

Argumenta autem, quibus probare conatur Iurisdictionem suam accipere Episcopos à Pontifice Romano, cum Pontifex ipse in Dominis alienis Iurisdictionem nullam habeat, omnia frustranea sunt. Veruntamen, quia probant, Iurisdictionem Episcoporum derivari à Potestate Summa Civili, digna puto, ut ea recitem. Primum est à Num. 11. ubi *Moses*, cum administrationi Reipublicæ Israëliticæ non sufficeret, iustus est, à Deo eligere sibi Septuaginta viros ex Senioribus Israëlis, ut Deus partem Spiritus *Mosis* illis daret. Intelligitur autem inde, non Spiritum *Mosis* à Deo debilitatum fuisse; sic enim Deus illum non omnino sublevasset; sed quod Deus Authoritatem illorum ab Authoritate *Mosis* derivatam esse ostenderet, quemadmodum Bellarminus ipse recte & ingenuè locum hunc interpretatur. Quoniam ergo Potestatem Civilem in Israëlitis integrum tunc habebat *Moses*, habebant etiam Authoritatem suam Septuaginta Viri à summa Potestate Civili. Locus ergò ille probat in omni Civitate Ch:ristiana, Iurisdictionem Episcoporum dependere à Summa Potestate Civili, quemadmodum à Potestate Papæ in Dominio suo temporali.

Argumentum secundum sumitur à natura Monarchiæ; in Monarchia autem Authoritas omnis originaliter in uno tantum homine est; in cæteris per derivationem ab illo. Sed Regimen Ecclesie Monarchicalm esse assunit, & inde infert Episcopos alios Iurisdictionem suam accipere ab Episcopo Romano. Sed Ecclesiæ Rector sive Monarcha sit, sive (ut ante dixit) partim Monarcha sive Monarcha mixtus, argumentum ipsum pro Regibus militat. Sunt enim illi subditorum suorum, id est Ecclesiarum, quæ in suis ipsorum Dominiis existunt (Ecclesia enim & populus Christianus eadem res est) Monarchæ pleni & integri. Neque in Civitate non Romana quicquam est Potestatis concessum homini externo neque Archicum, neque Craticum; sed tantum Didacticum. Obedientiam enim non coactam, sed voluntariam accipit Deus.

Tertium est sumptum ex Cypriano, qui sedem *S. Petri Caput, Fontem, Radicem, & Solem*, appellat, unde Episcoporum Authoritas derivatur.

rivatur. Videtur Bellarminus quæstiones Iuris testibus determinari non debere, ignorasse. Leges Naturæ (quæ Iuris & Injuriæ distinguendæ principia meliora sunt, quam Doctorum verba) *Caput, Fontem, Radicem, & Solem* unde Iurisdictio omnis derivatur, in iis qui Summam in Civitatibus suis habent Potestatem, collocant; & proinde Iurisdictio Episcopalis derivatur omnis à Potestate Civili.

Argumentum quartum ab Inæqualitate sumit Iurisdictionum. Inquit enim, si Iurisdictionem Episcopis aliis, Deus deditset immediate, deditset etiam Iurisdictionem æqualem; videmus autem, alias Oppidi unius tantum, alias Oppidorum centum, alias integrarum Provinciarum Episcopos esse; quas differentias non determinat Verbum Dei. Non sunt ergo Iurisdictiones eorum à Deo datæ immediate. Argumentum hoc validius fuisset, si probatum fuisset antè Iurisdictionem in Christianos omnes universalem habuisse Episcopum Romanum. Sed neque probatum est antè, neque post probari poterit. Cognitum enim est Iurisdictionem amplam illam, quam habuere Pontifices Romani, datam illis fuisse ab illo, qui verè habuit, nempe à Romano Imperatore, qui Sedem Imperii & Religionis Principalem, eandem esse voluit. Habent ergò Episcopi singuli Iurisdictionem suam, ab Authoritate illius, in cuius Dominio illam exercebant: & proinde ipsum Papam Authoritatem suam extra Dominia sua temporalia, debere illis, qui sunt Civitatum, ubi illam exercet, Summi Imperantes.

Argumentum quintum tale est; *Si Iurisdictionem suam Episcopi à Deo haberent immediatiæ, neminem ex Episcopis illis Episcopatu suo deprivare posset, nihil enim facere potest contra ordinationem Divinam; & consequentia quidem bona est; sed Papa (inquit) hoc facere potest & fecit sàpe.* Conceditur etiam hoc, subauditio, quod ita fecerit in suo ipsius Dominio, vel etiam in alieno, si consentiat Dominus loci. Sed ut hoc facere possit universaliter, & Iure ipsius Episcopatus Romani, concedendum non est. Potestas enim illa ad Potestatem pertinet Civitatum singularium, & Summæ Potestati Civili essentialis est. Ante regnum *Saulis* in Israële, cum Summa Potestas Civilis in Summo Sacerdote resideret, ille solus Sacerdotem potuit deponere. Rursus cum Potestas illa esset in Regibus Israëlis, Sacerdotem deponere potuit Rex, & Sacerdotem Summum *Abiatharum* depositum Rex *Solomon* (nec ob eam rem à Deo reprehensum esse legimus) & in ejus locum constituit *Zadochum*. Episcopos ergò Ordinandi, & Deprivandi, prout ad Salutem populi visum erit, in suis Dominiis, Potestas solorum Regum est.

Argumentum sextum est, Si Iurisdictionem suam *Iure Divino Immediato* habeant Episcopi, debent id probare ex verbo Dei. Sed hoc non possunt. Argumentum quidem bonum est, nec quicquam dicam in contrarium. Sed argumentum idem similiter probat; Papæ ipsi in Dominio alieno Iurisdictionem nullam esse, neque enim id probare ex verbo Dei possunt Pontificii.

Postremò testimonium adducit duorum Paparum *Innocentii & Leonis*; neque dubito quin potuerit, eodem Iure testimonia adduxisse Paparum fere omnium post *S. Petrum*. Quis enim (cum Potestatis cupido humano generi tam firmiter infixa sit à natura) non ad idem testandum adduceretur? Sed tamen in propria causa testaretur; & proinde testimonium ejus bonum non esset.

Liber quintus quatuor habet Conclusiones; Primam, *Papam non esse Dominum totius orbis*. Secundam, *Papam non esse Dominum totius orbis Christiani*: Tertiam, *Papam in Dominis alienis Iurisdictionem Temporalem nullam habere Directè*. Tria hæc facile conceduntur. Quarta est, *Papam in Dominiis alienis Potestatem habere Temporalem Summam Indirectè*; quæ negatur; nisi per *Indirectè* intelligat Potestatem illam viis *Indirectis* acquisitam esse; tunc enim id quoque concedi potest. Sed; ut ego Sententiam ejus intelligo Potestatem illam Pontificis Romani esse dicit, *Iure quodam quod Authoritati ejus Pastorali per consequentiam necessariam adhæret*; quia Potestatem Pastoralem (quam Spiritualem vocat) exercere sine illâ non potest. Per hanc autem Authoritatem consequutivam, Pontifici Romano Regna mutandi, modo in unum, modo in alium transferendi, prout ad salutem animarum, ipsi conducere videbitur, *Ius attribuit*.

Antequam Argumenta ejus considerem, abs re non erit si breviter ostendero, Conclusionis hujus momentum, quantum à Regibus & ab iis, qui Summam habent Potestatem Civilem pensitari debeat, & ut cogitent, an Subditorum suorum bono (cujus rationem redituri sunt) utile sit; & an tuto concedi possit.

Quando Papam in Dominio alieno Potestatem Summam *Directè* habere negat; ita intelligendum est, ac si diceret Potestatem illam non venire ad Pontificem Romanum, eâ viâ, qua Reges Potestatem suam obtinuere, nemirum ab eorum, qui regendi sunt submissione originali. Potestatem tamen eandem viâ aliâ sibi vendicat, etiam sine consensu populi, nempe ut dono Dei factam suam esse in Assumptione sua ad Papatum. Quacunque tamen via illam habuerit, eadem tamen semper est Potestas; & per eam (si concedatur) Principes & Civitates Dominio suo spoliare Iure potest, quoties saluti animarum vide-

bitur conducere; id est, quoties vult. Nam judicandi, utrum ad salutem Animarum conducat necne, solum se Iudicem esse postulat. Doctrinam autem hanc, non solum in libro hoc Bellarminus sustinet, Doctoresque alii multi in Scriptis & Concionibus suis docuerunt, sed etiam Concilia aliqua Decreverunt; atque etiam aliquando datâ occasione in praxim intulere. Concilium enim Lateranense habitum sub Papa Innocentio tertio, (cap. 3. De Hæreticis) hunc habet Canonem: *Si Rex à Papa admonitus, Regnum suum ab Hæreticis non purget, & ob eam rem Excommunicatus, intra spatiis Anni non satisfaciat, Subditi ejus ab Obedientia absolvantur.* Et doctrina hæc facta, tum ante, tum post Decretum hoc, confirmata est; ut cum Chilpericus Rex Galliæ multò ante Concilium hoc depositus erat à Papa Zacharia; & cum Imperium Romanum translatum esset in *Carolum Magnum*; & cum oppimeretur in Anglia Iohannes Rex per instigationem Papæ circa tempora illius Concilii; & postea cum Regnum Navarræ translatum esset in Regem Hispaniæ; & nuper in con�ipitatione cum proceribus Galliæ contra Regem eorum Henricum terrium. Paucos puto esse Principes, qui Injusta & Incommoda hæc esse non sentiant; sed illud non sufficit. Debent enim decernere tandem an Reges, an Subditi esse velint. Pluribus Dominis servire populus non potest. Sublevandum ergo est à Regibus suis Imperium in manibus propriis integrum retinentibus, vel in manus Papæ integrum tradentibus; ut illi, qui obedire parati sunt, in obedientia sua protegantur. Distinctio enim Imperii *Temporalis*, & *Spiritualis*, verba mera sunt, & dividitur Imperium non minus periculosè, per admissionem Potestatis alterius *indirectæ*, quam *directæ*. Sed veniamus jam ad Argumenta Bellarmini.

Quorum primum est, *Potestas Civilis subjicitur Potestati Spirituali.* Ergo is, qui Supremam Potestatem habet Spiritualen, ius habet Imperandi in Principes Temporales, & disponendi de eorum Temporalibus in ordine ad Spiritualia. Quod ad distinctionem attinet Temporalium & Spiritualium, videamus, in quo sensu fieri possit, ut dici possit sine absurditate, Potestatem Temporam Potestati Spirituali subjectam esse: Cum dicimus enim Potestatem Potestati subditam esse, intelligendum est, aut illum, qui unam habet, illi, qui habet alteram, subditum esse, vel Potestatem unam esse ad alteram, ut Medium ad Finem. Intelligere enim non possumus, Potestatem unam, sive Ius unum in Potestatem aliam, id est Ius aliud, Potestatem vel Ius habere Imperandi. Nam *Subjectio, Imperium, Ius, & Potestas* Accidentia sunt non Potestatum, sed Personarum. Potestas quidem una alteri subordi-

ordinata esse potest, quemadmodum Ars faciendi Ephippia arti Equitandi subordinata esse potest. Etsi ergo concedatur Potestatem Civilem subordinatam esse Potestati Papali tanquam medium ad Fœlicitatem Spiritualem; non tamen sequitur, si Potestas Civilis sit in Rege, & Potestas Spiritualis in Papa, ideo obligari Regem obedire Papæ, magis quam unusquisque, qui artem habet faciendi Ephippia, obligatur obedire omni Equiti. Sicut ergo à Subordinatione Artium, inferri non potest Subjectio Artificum; ita neque à subordinatione Regiminum inferri potest subje^ctio Regentium. Quando ergo Potestatem Civilem Spirituali dicit esse subditam, intelligit ipsum Civitatis Imperatorem, subditum esse Imperatori Spirituali. Argumentum itaque hujusmodi est: Qui habet Potestatem Summam Civilem, subditus est illius, qui habet Potestatem Summam Spiritualem; ergo Princeps Spiritualis Ius habet Imperandi in Principes Temporales. In quo argumento assument Reges Papæ esse subditos, id quod debuit demonstrasse; de consequentia enim, quin bona sit, nulla est controversia. Deinde procedit Argumentum suum confirmans hoc modo, Reges & Papæ, Clerus & Populus, unicam faciunt Civitatem, id est unicam Ecclesiam: In omnibus autem Corporibus, membra à se mutuo dependent. Sed Spiritualia non dependent à Temporalibus: ergo Temporalia dependent à Spiritualibus. Et per consequens illis sunt Subjecta. In qua ratiocinatione duo sunt errores satis crassi: alter quod dicit, Reges, Papas, Clerum, omnesque alios Christianos, unicam constitutere Rempublicam. Manifestum enim est, Rempublicam unam esse Galliam, alteram esse Hispaniam, & aliam esse Venetas, &c. Haec autem componuntur ex hominibus Christianis, & sunt per consequens totidem Ecclesiæ: & Summi Imperantes earum, diversæ sunt Personæ, quibus loqui, agere, consulere, &c. possunt, sicut homines singulares; id quod Ecclesia Universalis facere non potest, quia Personam Representativam in terra nullam habet; nam si haberet, dubium nullum esset, quin illa Potestatem haberet per totum orbem Christianum Summam, tum Spiritualem tum Temporalem. Papa autem, ut sit Persona hæc, tribus caret rebus, quas illi Servator noster non dedit, nempe *Ius Imperandi, Ius Iudicandi, & Ius Puniriendi*. Etiam dato, quod Papa solus esset Christi in terra Vicarius, non tamen Vicariatuum illum exequi Iure posset, antequam Servator noster in die ultimo Regnatus venerit. Etiam tunc non Papa, sed ipse S. Petrus cum cæteris Apostolis mundum judicaturus est.

Argumenti hujus Error alter est, quod dicat Membra Reipublicæ, sicut Corporis Naturalis, unum ab altero dependere. Quod quidem

inter se cohærent, non negabitur. Sed dependent ab eo solo, qui Summam habet Potestatem, id est ab Anima Reipublicæ, qua deficiente deficiunt, ita ut ne unus quidem homo, cum altero cohæreat propter defectum Summi Imperantis, à quo cuncti simul dependent; non aliter, quam membra Corporis Naturalis resolvuntur in terram, defēctu Animæ, quæ illa contineret. In hac ergo Similitudine nihil est, unde inferretur Populi dependentia à Clero vel Ministrorum Temporalium à Spiritualibus, sed amborum à Summo Imperante. Qui quidem Leges quas facit, ad salutem Animarum debet dirigere, sed non ideo, cuiquam Subditus est, præterquam ipsi Deo. Evanescit ergo Paralogismus hic Bellarmini, elaboratus ad decipiendum illos, qui distinguere nesciunt inter subordinationem artium ad finem, & subjectionem personarum in administratione Mediorum: Vnicuique enim Fini Media determinantur vel per Naturam, vel per Deum ipsum supernaturaliter: sed potestas cogendi homines Mediis certis uti in omni gente per Leges Naturæ est, in Summo Imperante Civili.

Argumentum ejus secundum est, *Respublica omnis omni non sibi Subditæ, Imperare potest, & cogere eam administrationem publicam mutare, & quod majus est, Principem deponere, & in illius locum alium constituere, si contra injurias, quas parat sibi facere alio modo seipsum defendere non posset: multo magis Respublica Spiritualis Temporali Imperare potest, administrationem publicam mutare, Principes deponere, alios instituere, quoties Bonum Spirituale aliter tueri nequit.*

Quod Civitas hæc omnia facere possit, ut se defendat ab Injuriis, negari non potest, & à me supra demonstratum est. Verum quoque est, si qua esset in hoc mundo Civitas Spiritualis, distincta ab omni Civitate Temporali, Principem Civitatis illius Potestatem habiturum, si aliter se reparare aut tutari non posset, Bellum in illos, qui Injuriam facerent, nec repararent, inferendi, id est deponendi, occidendi, subjugandi, aliudve hostile faciendi. Sed per eandem rationem non minus Principi Temporali licitum erit, acceptis, aut expectatis injuriis similibus, Bellum inferri in illum, qui habet Suprematum Spirituale. Sed hoc amplius, puto, est, quam quod ab argumento suo illatum voluit Cardinalis.

Cæterum Civitas Spiritualis in hoc mundo nulla est; cum res eadem sit cum Regno Christi, quod adhuc venturum est, nempe quo tempore resurgent mortui; & qui crediderunt in Christo, quanquam mortui sunt, quoad Corpora naturalia, resurgent Corpora Spiritualia; & Servator noster viatis Adversariis Civitatem constituet Spiritualem

tualem & Eternam. Interea autem ; quia homines in hoc mundo non habebunt Corpora Spiritualia, nulla esse potest Civitas Spiritualis, Civium existentium in carne.

Tertium argumentum est ; Regem Infidelem vel hæreticum, Christianis si modo illos conetur à Fide abducere , tolerare licitum non est. Indicare autem utrum Rex Subditos suos ad hæresim adducere conetur necne , pertinet ad Papam. Ius ergo habet Papa determinandi utrum Princeps deponendus , an reiinendus sit, judicandi.

Respondeo utrumque esse falsum , nempe primum Christiano Regem suum in quoconque casu non esse tolerandum ; nam Legibus Divinis , tum Naturalibus tum Positivis contrarium est : & secundum , nempe Iudicem Hæresium quemquam alium esse præter eum , qui Summam habet Potestatem Civilem. Hæresis enim alia res non est , præter opinionem privatam , contra Leges Civitatis obstinatè propugnatam. Impossibile ergò est , opinionem ullam Hæreticam esse , quam publicè doceri jubent vel permittunt Leges Civitatis.

Vt autem Regem Infidelem vel Hæreticum tolerare , Christianis illicitum esse probet , locum citat ex Deut. 17. , ubi Deus Iudæos prohibuit , ne Regem electuri Imperium extraneo darent : atque inde infert , Christiano non licere. Regem sibi eligere non Christianum. Sane Christianus , id est is , qui Servatorem nostrum agnoscere , & illi servire se semel obligavit , si Regem eligeret , quem certo sciret conaturum esse à Fide illum abducere , Deum nimium tentatus esset. Sed idem (inquit) periculum est ; eligere in Regem , hominem non Christianum , quod electum deponere. Ad quod respondeo , quæstionem hic non esse de non deponendi periculo , sed de depoñendi iure. Christiano , Regem eligere non Christianum , potest fortasse aliquando peccatum esse ; sed electum deponere , cum sit contra Fidem datam , Injustum semper est. Neque Doctrinam hujusmodi pro Christiana habitam esse legimus tempore Apostolorum , neque Temporibus Imperatorum Romanorum , antequam Potestas Papæ culminaret. Sed ad hoc responsum est à Bellarmino , Christianos veteres qb eam tantum causam non deposuisse Neronem , neque Diocletianum , neque Julianum , neque Valentem Arrianum , quod viribus carerent. Ita fortè est. Sed ad deponendum Cæsarem , vel saltem Pølatum , qui Christum sine causâ Iudæis crucifigendum tradidit , viribusne caruit Christus ? Vel si Apostoli ad deponendum Neronem viribus caruere , ideone necessarium illis erat , in Epistolis ad Prosclytas , illos docere Potestatibus (nempe Neroni & aliis Regibus) obedientiam esse debitam , idque non propter metum tantum , sed etiam

propter Conscientiam? Apostolosne docuisse dicemus contra Conscientias suas, quia carebant viribus? Non ergo, quia caruerunt viribus, Principes suos Ethnicos vel Christianos doctrinam aliquam erroneam doceri passos, tolerarunt, sed quia peccatum fuisse, si non tolerarentur. Quod autem pro Potestate Papæ Temporali citat etiam *S. Paulum* (*i Cor. 6.*) Iudices commendantem sub Principibus Ethnicis alios, quam ipsi, constituerant; non est verum. Nam *S. Paulus* Corinthios admonet tantum, ad componendas eorum lites Arbitros ex fratribus sumere, potius quam coram Iudicibus Ethnicis litigare, id quod sanum, & charitatis plenum est præceptum, & in optimis Civitatibus Christianis imitatione dignum. De periculo autem, ne Religio inde corrumperetur, non erat Subditi Iudicare; vel si judicare illius sit, etiam in Dominio Papæ ipsius Temporali, de Doctrina Papæ Iure judicabunt illius Subditi.

Argumentum quartum, à Regum sumitur Baptizatione, in qua Sceptrum sua, ut dicit Bellarminus, submittunt *Christo*; promittuntque custodire & tueri Fidem Christianam. Et rectè quidem hoc. Reges enim Christiani ipsi, *Christi* sunt subditi. Quod tamen non impedit, quin Pontificibus Romanis sint æquales.

Argumentum quintum sumitur ab eo, quod dixit Christus, *Pasc oves meas*; quibus verbis Pontifici Romano Potestate omnem datum esse dicit Pastori necessariam; qualis est Potestas abigendilupos, id est Hæreticos; & Potestas clausos tenendi arietes furentes, qui gregem cornibus petere consueverunt, id est malos (licet Christianos) Reges; & Potestas præhendi gregi alimentum suum debitum. Atque has Potestates *S. Petro* à *Christo* datas esse dicit. Respondeo Potestatem hanc, de alimentis nihil aliud esse præter Potestatem prædicandi. Pro primâ de abigendis Hæreticis, citat Matth. 7. 15. *Cave vobis à Pseudoprophetis, qui veniunt ad vos, cum vestimentis ovium; sed intrinsecus sunt lupi rapaces.* Sed Hæretici Pseudoprophetæ non sunt; neque Apostoli Hæreticos, quanquam lupi essent, jubentur interficere, vel si iidem Reges fuerint, deponere; sed cavere, fugere, & evitare. Neque *S. Petro* neque Apostolis à *Christo* hæc dicta sunt, sed multitudini Iudeorum, qui eum sequuti sunt in montem, homines, magnâ ex parte nondum conversi ad Fidem. Quod autem attinet ad Potestatem arietes furentes coercendi, & à grege reliquo separandi, Servator noster Potestatem illam in hoc mundo ipse recusavit, triticum & zizania simul jubens crescere usque ad diem Iudicij; multo minus Potestatem tantam dedit *S. Petro*, aut *S. Petrus* Successoribus suis. Tum ille, tum Pastores cæteri jubebantur Christianos illos,

illos, qui Ecclesiam audire nolunt; tanquam Ethnicos & Publicanos ducere. Cum ergo Papæ in Ethnicos Potestas nulla sit, in eos etiam, qui pro Ethnici haberi debent, nulla est.

Præterea ab ipsa Potestate prædicandi, Potestatem in Regis coercivam concludit Bellarminus. *Pastoris*, inquit, est gregem pascere: potest ergo Papa, ut Officium suum faciant, Reges cogere. Vnde sequitur Papam, quatenus hominum Christianorum Pastor est, Regum esse Regem. Quod an concedendum sit, Reges ipsi viderint.

Sextum & ultimum Argumentum ab Exemplis sumitur. Sed exempla nihil probant. Secundò exempla, quæ ille adducit, speciem Iuris nullam habent. Id quod fecit Iehoiadas, qui Athaliam interfecit (2 Reg. 11.) aut factum est Authoritate Regis Iehosci, aut Summi Sacerdotis ingens crimen erat. Nam Sacerdos Summus eo tempore Regi erat subditus. Quod Ambrosius Imperatorem Theodosium excommunicaverit, crimen erat læslæ Majestatis. Quod ad Iudicia attinet Gregorii primi, Gregorii secundi, Zachariae, & Leonis tertii, in suis ipsorum causis nihil valent; & facta, quæ huic Doctrinæ conformia perpetrati sunt (principiè vero factum Zachariae) criminum quæ cadere possunt in Naturam humanam, maxima fuerunt. Hactenus de Potestate Ecclesiastica; ubi brevior fuisse, Argumentisque Bellarmini pepercisse, nisi fuissent Bellarmini, id est Pontificatus Romani contra Reges Christianos Pugilis.

C A P V T . X L I I I .

De iis quæ ad Receptionem in Regnum Cœlorum sunt Necessaria.

SEditionum & Belli Civilis in Rebuspublicis Christianis prætextus frequentissimus jamdudum fuit, difficultas, nondum satis sublata, Deo & Homini simul obediendi, quando pugnare inter se videntur eorum Imperata. Non quod sit, qui nescit Deo obediendum potius esse, quam homini cuicunque; sed quod nesciant aliquando, an id, quod in Dei nomine Imperatum est ab homine, sit revera Imperatum à Deo, an qui imperat, ad proprium emolumentum, nomine Dei abutatur. Sicut enim olim in Ecclesia Iudæorum, multi surrexere Pseudoprophetæ, qui populi favorem Somnijis & Visionibus fictis captaverunt, ita etiam in Ecclesia Christi, falsi quidam per omnia tempora, extitere Doctores, qui existimationem apud populum per

Doctri-

Doctrinas falsas, & phantasticas obtinere studuerunt, eo fine, ut cum lucro proprio eos regerent.

Verum illis, qui distingue possunt inter ea, quæ ad receptionem in Regnum Dei necessaria sunt, & quæ necessaria non sunt, difficultas hæc simul obediendi Deo, & Summæ Potestati Civili, nulla est. Siquidem enim, quod imperatur à Summo Imperante Civili tale sit, ut obediri possit sine jactura Vitæ æternæ; tunc non obedire inustum est; & locum habet Præceptum Apostoli, *Servi obedite Dominis vestris in omnibus;* & *Fili obedite Parentibus vestris in omnibus;* & locum habet Præceptum Servatoris nostri, *Scribæ & Pharisæi sedent in cathedra Mosis;* omnia ergo quæ dicent, observate & facite. Sin quod imperatur tale sit, ut sine damnatione ad mortem æternam obedire non possimus, tunc obedire furor est. Consilium ergo Servatoris nostri (Matth. 10. 28.) locum habet, *ne timete eos, qui occidunt corpus, sed animam occidere non possum.* Quicunque ergo tum poenas hujus mundi propter violationem Legum Civilium, tum poenas mundi venturi propter contumaciam erga Deum debitas effugere cupiunt, opus habent, ut distinguere quæ sint necessaria, & quæ non sint necessaria ad introitum in regnum cœlorum doceantur.

Quæ ad salutem æternam necessaria sunt, duabus virtutibus continentur, *Fide in Christum,* & *Obedientia Legibus præstita.* Posterior harum, si perfecta esset, sola sufficeret. Cæterum quoniam Reis sumus omnes contumaciæ in Deum, non solum originaliter ab Adamo, sed etiam actu propter transgressiones proprias, opus nunc habemus non solum, ut pro feliko tempore *Obedientes simus,* sed etiam ut peccata præterita nobis *Remittantur.* Quod autem ad Salutem nihil aliud necessarium sit, ex eo perspicuum est, quod Regnum Dei nemini clausum sit, præterquam Legum Transgressoribus; neque illis, si Resipiscant, & Christianæ Fidei Articulos ad salutem necessarios omnes credant.

Quod ad Obedientiam attinet, amplius à Deo (qui Voluntatem pro opere accipere promisit) non postulatur; quam obediendi conatus serius. Et propterea Obedientia sæpenumerò sub nomine *Charitatis, & Dilectionis* commendatur. Significat enim Obediendi voluntatem. Et Servator noster Dilectionem Dei & proximi, totius Legis impletionem vocat. Aliquando etiam pro *Obedientia, Iustitia* ponitur. Iustitia enim voluntas est suum cuique tribuendi, id est Obediendi Legibus. Sæpe etiam pro *Obedientia,* ponitur *Resipiscencia, sive Paniensia,* quæ significat aversionem a peccato, id est voluntatem ad Obedientiam revertendi. Quicunque ergo sincerè & toto corde Mandata

data Dei implere cupit, item quemcunque peccatorum verè pœnitet, & quicunque Deum toto corde diligit, & proximum sicut ipsum, omnem habet Obedientiam Salutis æternæ necessariam. Nam si postularet Deus Innocentiam, servari nemo posset. Accipit Deus Iustitiam Hominis, id est Voluntatem Deo subactam, non exigit Innocentiam ipsam ultrà conatum nostrum.

Sed quænam sunt Mandata illa Dei, quibus obedire necessarium est? Leges Mosaicæ suntne omnes Leges Dei? Si sint, cur non docemur Christiani illis obedire? Si non sint, quænam aliæ sunt præter Leges Naturæ? Nam Servator noster non nobis novas tulit Leges, sed custodire docuit, quas habuimus, id est Leges Naturales & Civiles. Lex autem Dei, quæ jubet Obedientiam Legibus Civilibus, jubet per consequens Obedientiam præstandam esse Præceptis omnibus Scripturæ Sacræ; quæ Scripturæ Sacræ (ut Capite præcedente ostensum est) ibi tantum Leges sunt, ubi à Potestate Civili in Leges sunt receptæ. In locis alius Confilia sunt, quæ suo quisque periculo sine Injustitia sequi vel non sequi potest.

Cum explicatum jam sit, quænam obedientia ea sit, & cui præstanta, quæ necessaria est ad salutem æternam; consideremus nunc Fidem; nempe quibus, & cur credimus, & quinam sunt Articuli creditu necessarii illis, qui sunt salvandi. Primo autem, is, cui credimus, aliquis est, quem loquentem audivimus; quia credere impossibile est illi, qui quid dixerit, ignoramus. *Abraham, Isaac, Jacob, Moses, & Prophetæ Deo crediderunt, qui ipsos alloquutus est supernaturaliter.* Similiter Christus erat is, cui crediderunt Apostoli & Discipuli, & quem loquentem audiverunt. Sed de illis, quibus neque Deus, neque Christus unquam loquutus est, dici non potest, quod Deo crediderint; sed tantum quod Apostolis, & post eos, Pastoribus & Doctribus Ecclesiæ Fidem habuerint, qui Historiam Veteris & Novi Testamenti illis commendaverant. Fides itaque Christianorum, (ex quo Christus assumptus est) pro fundamento habuit, (Pastorum primo suorum existimationem, deinde Authoritatem eorum, qui fecerunt, ut Scripturæ Sacræ Fidei essent Regula; id quod soli facere potuerunt Reges Christiani, aliique qui Summam habuere Potestatem. Illi ergo Pastores Supremi sunt, solique per quos hodiè loquentem Deum audiunt Christiani; nisi forte excipere velimus eos, ad quos (si qui sunt) Deus hodiè loquitur supernaturaliter. Sed hi, quia multi Pseudoprophetæ in mundum venerunt, examinandi sunt ab omni Christiano, an ex Deo sint necne. Quoniam ergo Doctrinæ Examen ad Pastorem Supremum, in primis pertinet, Pastor Superior Leviat.

premus solus est, in quo ultimo Fides subditorum suorum determinari debet.

Causæ propter quas Doctrinam Christianam credimus, variæ sunt. Est enim Fides donum Dei, quam in diversis hominibus, viis diversis, pro ut sibi ipsi visum est, operatur. Causa propter quam Articulum aliquem Fidei credimus, frequentissima, & proxima est, quod Scripturas Sacras priùs crediderimus esse Verbum Dei. Quare autem Scripturas Sacras Verbum Dei esse credimus disputari solet, quemadmodum necessarium est multum disputari, quæstiones illas, quæ non rectè proponuntur. Non enim querunt, *cur credimus*, sed, *unde scimus*; quasi idem esset *credere*, & *scire*. Dum ergo pars altera scientiam suam deducere conatur ab Infallibilitate Ecclesiæ, altera à testimonio Spiritus sui privati, pars neutra id quod vult probat. Infallibilitas enim Ecclesiæ, nisi Scripturarum Infallibilitate priùs cognitâ, sciri non potest. Spiritum autem suum privatum quis dignoscit, à Spiritu Doctorum Morum, quorum Authoritate dicitur, vel à Spiritu arrogantiæ? Præterea in Scripturis, unde Ecclesiæ Infallibilitas inferri possit, nihil invenitur; multo minus Infallibilitas Ecclesiæ cujusquam particularis; & minime omnium hominis privati.

Manifestum ergo est, homines Christianos, non *scire*, Scripturas esse Verbum Dei, sed tantum *credere* ita esse; & causam illis credendi frequentissimam esse Doctores suos. Hoc dicit S. Paulus universaliter de Fide Christiana, (Rom. 10. 17.) *Fides est ex auditu*; & (vers. 14, 15.) *Quomodo autem credent, de quo non audierunt?* *Quomodo autem audient sine Pradicante?* *Quomodo autem prædicabunt nisi sint missi?* Ex quo perspicuum est, causam credendi Scripturas, esse Verbum Dei, eandem esse, propter quam credimus, Articulos alios omnes, nempe quod eos audimus, qui Lege constituti sunt (id est domi Parentes, in Ecclesiis Pastores) ut nos doceant. Quænam enim causa alia reddi potest, quare in Civitatibus Christianis, Scripturas esse Verbum Dei; omnes credant, vel saltem credere se profiteantur, in Civitatibus cæteris, vix unus aut alter; nisi quod in Civitatibus Christianis, ab infantia id credere doceantur, in Civitatibus non Christianis doceantur contrarium.

At si Fidei causa sit, doceri; *cur* non credunt omnes; nisi quod Fides sit donum Dei, quod cui vult dat, & negat? Sed tamen quando dat, per Doctores dat; & proinde causâ Fidei immediata est auditus. Quemadmodum in ludo literarum, ubi docentur multi, quidam proficiunt, quidam non proficiunt, differentia non semper à Magistro est. Bona omnia à Deo quidem proficiuntur, sed per media plerum-

plerumque naturalia. Non est ergo temerè credendum illis; qui Doctrinis suis donum Dei prætendunt, supernaturale, doctrina enim eorum examinanda prius est ab Ecclesia:

Sed Scripturas esse Verbum Dei sive *sciamus*, sive *credamus*, sive *concedamus*; si ex illarum locis apertis, quinam Fidei Articuli ad Salutem æternam sint necessarii & soli necessarii, ostendero; eos nec alios, necessarios esse *Sciendum*, *Credendum* vel *Concedendum* est.

Vnum necessarium, nempe unicus articulus Fidei, quem ad Salutem æternam necessarium, faciunt Scripturæ Sacrae, hic est, *Quod Iesus est Christus*. Per nomen autem *Christi*, intelligitur Rex ille quem Deus per Prophetas Veteris Testamenti, missurum se esse in mundum, promiserat, ut regnaret in Iudæos, & gentes alias in illum credituros; & qui vitam æternam, quam perdideramus in Adamo, restitueret. Quod cum probavero, ostendam, quatenus necessarii sunt etiam Articuli alii nonnulli.

Ad probandum, quod tota Fides ad Salutem necessaria continetur in uno hoc Articulo, *Iesus est Christus*; argumentum primum sumetur ab Euangelistarum Scopo. Scopus autem eorum is erat ut in Servatoris nostri vita describenda illum unum Articulum stabilirent. Euangelii *S. Matthei* Summa hæc est, *Iesum fuisse ex stirpe Davidis*; natum ex Virgine; venisse Magos ut eum pro Rege Iudæorum agnoscerent & adorarent; *Herodem*, eum, ne regnaret, conatum esse interficere; *Johannem Baptistam* illum Regem proclamassem; *Christum ipsum* Apostolosque ejus Regem illum esse prædicasse; Legem docuisse non ut Scribæ, sed ut qui haberet Authoritatem; morbos solo verbo sanâsse, aliaque Miracula fecisse, quæ *Christum* facturum esse prædixerant Prophetæ; monuisse Discipulos, ne aliis qui se *Christos* profiterentur, crederent; captum, accusatum & occisum, quod se Regem esse dixerit; titulum Crucis inscriptum fuisse *Iesus Nazarenus Rex Iudæorum*. Quæ omnia eo spectaverunt ut crederent homines *Iesum esse Christum*. Summa hæc est Euangelii scripti à *Matthæo*. Euangelistarum autem reliquorum scopus idem erat. *Johannes* autem de Euangeliō suo in fine expressè dicit, (*Ioh. 20. 31.*) *Hæc scripta sunt, ut credatis Iesum esse Christum illum Filium Dei.*

Argumentum secundum est à Subjecto Concionum Apostolicarum, tūm ante, tūm post Ascensionem *Christi*. Ante Ascensionem suam misit Apostolos suos *Luc. 9. 2.* Regnum Dei prædicaturos; & (*Matth. 10. 7.*) mandavit illis hoc solum, Iter facientes proclamare dicentes, *Appropinquavit*, Regnum Dei, id est, *Iesum esse Messiam, Christum, Regem*, qui venturus erat. Item post Ascensionem *Christi* idem

prædicaverunt, ut patet ex Act. 17. 6. Traxerant Iasonem, & quosdam fratres ad Civitatis Magistratus, vociferando, Isti qui Orbis terrarum statum subverterunt, etiam hic adfūnt: Quos exceptit Iason: qui omnes contra Edicla Cæsaris faciunt Regem alium dicentes esse, nempe Iesum. Et (vers. 2. 3. capit. ejusdem,) Paulus vero sicut consueverat introivit ad eos, & per Sabbathum tria differuit cum iis ex Scripturis; explicans, & oculos ponens oportuisse Christum pati, & resurgere ex mortuis; & hunc Iesum, quem ego, inquit, annuncio vobis esse Christum illum.

Argumentum tertium sumitur ab iis locis Scripturæ, quæ Fidem omnem ad Salutem necessariam, dicunt esse facilem. Si enim ascensus animi internus, ad omnes doctrinas Fidei, quæ nunc docentur (quarum magna pars hodie disputatur) ut necessarius requireretur, nihil difficilius esse posset, quam esse Christianum. Latro in cruce propter verba hæc, Domine memento mei cum veneris in Regnum tuum, quibus alium Articulum confessus non est, præter hunc Iesum esse Christum, salvari potuerat. Nec potuerat dixisse Christus (Matth. cap. 11. vers. 30.) In gemitum meum facile est, & onus meum leve est. Neque (Matth. 18. 6.) Parvos pueros in illum credere; nec potuerat dixisse Paulus (1 Cor. 1. 21.) Libuit Deo per stultitiam prædicationis servare credentes; Neque denique Paulus ipse tam subito Christianus multo minus Doctor Ecclesiæ adeo eminenti fieri potuerat, qui de Transubstantiatione, Purgatorio, aliisque Articulis multis quæ nunc obtruduntur, nunquam quicquam audierat.

Argumentum quartum sumitur à locis quibusdam, de quorum interpretatione nunquam extitit controversia, ut (Ioh. 5. 39.) Scrutamini Scripturas, quia videmini vobis in ipsis vitam æternam habere; & illæ sunt quæ testantur de me. Scripturæ autem illæ, aliæ non erant præter Testamentum Vetus; Nòvum enim nondum scriptum erat. Sed in Testamento Vetere de Christo nihil invenitur, præter Notas & signa per quæ, cum veniret, agnosci posset; nimirum, quod esset ex stirpe Davidis; nasciturus in Beth'hem, ex Virgine, faceretque magna Miracula. Credere ergo Iesum esse illum, fatis erat ad vitam æternam; plusquam autem satis necessarium non est. Et per consequens Articulus ille solus necessarius est. Item Iohannes dicit (cap. 11. 26.) Quisquis vivit, & credit in me, non morietur in æternum. Sed credere in Iesum, idem est quod credere Iesum esse Christum; ut appareat ex vers. 27, ubi Marthæ dicit Christus, Credis hoc? Et illa respondet, Etiam Domine, ego credo te esse Christum illum Filium Dei, qui in mundum venturus erat. Solus ergo ad salutem sufficit Articulus ille unus. Item (Ioh. 20. 31.) Hæc scripta sunt ut credatis Iesum esse Christum, Filium Dei, & ut credentes vitam habeatis

per nomen ejus. Vbi rursus credere Iesum esse Christum sufficere significatur ad vitam æternam obtinendam. Rursum (1 Ioh. 4. 2.) *Omnis Spiritus, qui confitetur Iesum Christum venisse in carne, ex Deo est, & (1 Ioh. 5. vers. 1.) Quicunque crederit Iesum esse Christum, ex Deo natus est.* Et (vers. 5.) *Quis est qui vincit mundum, nisi qui credit Iesum esse Filium Dei.* Et (Act. 8. 36, 37.) Eunuchus dixit Philippo, *En aquam; quid prohibet me baptizari?* *Dixit autem Philippus, si credis ex toto corde, licet.* Respondens autem ille dixit, *Credo Iesum Christum esse Filium Dei.* Articulus ergo hic *Iesus est Christus* sufficit ad Baptismum, id est ad Receptionem in Regnum Dei, & per consequens, solus necessarius est. Etiam universaliter in locis omnibus ubi dicit cuiquam *Christus, Fides tua te salvum facit,* causa dicti est confessio aliqua per quam directè vel ex consequentia intelligitur, *Iesum esse Christum.*

Argumentum ultimum sumitur à locis illis Scripturæ, ubi Articulus hic dicitur esse Fundamentum Fidei; salvabitur enim, qui tenet Fundamentum. Locus primus est Matth. 24. 23. *Si quis vobis dixerit, Ecce, hic est Christus, aut hic: ne credite.* Excitatunt enim Pseudochristi, & Pseudoprophetæ, & edent signa magna & miracula, &c. Videamus hic Articulum illum *Iesum esse Christum* tenendum esse, et si Miracula magna fecerint qui docent contrarium. Locus secundus est Gal. 1. 8. *Etiam si nos, aut Angelus è Cœlo Euangelizet vobis præter id, quod vobis Euangelizavimus, Anathema sit.* Id autem quod Paulus & Apostoli reliqui euangelizaverunt, Articulus erat hic, *Iesus est Christus.* Authoritas ergo Angeli è Cœlo, multò magis hominis mortalis, si contrarium doceant negligenda est. Est ergo Articulus ille Fidei Christianæ Fundamentum. Tertius locus est 1 Ioh. 4. 1. *Dilecti, ne cuivis Spiritui credite.* Ex hoc cognoscite Dei Spiritum: quicunque Spiritus profitetur Iesum Christum in carne venisse, ex Deo est. Per spiculum hinc est Articulum illum mensuram & regulam esse, per quam omnes alii Articuli examinandi & judicandi sunt, & per consequens solum esse Fundamentalem. Locus quartus est Matth. 16. 18. Vbi postquam S. Petrus Christo dixisset, *tu es Christus, Filius Dei viventis, respondit Christus, tu es Petrus, & super hanc petram ædificabo meam Ecclesiam.* Articulus ergo ille Fundamentum est, cui innituntur reliqui omnes Ecclesiæ Articuli. Locus quintus est, 1 Cor. 3. vers. 11, 12, &c. Fundamentum aliud nemo potest statuere præter id quod positum est, quod Iesus est Christus. *Quod si quis super ædificet super Fundamentum hoc, aurum, argentum, Lapidès pretiosos, ligna, fœnum, stipulam, cuiusque opus manifestum fiet: dies enim id declarabit; nam per ignem revelabitur: & cuiusque opus quale sit, ignis probabit: si cuius opus manserit quod super ædificaverit, mercedem accipiet.* Si cuius opus exustum fuerit, *damnum faciet.* Ipse

vero servabitur: ita tamen ut per ignem. Quæ verba cum sint partim perspicua, & intellectu facilia, & partim allegorica & difficilia; concludo ex perspicuis, Pastores, si fundamentum doceant, nempe *Iesum esse Christum*, quanquam falsas inde consequentias aliquas deducant (ut hominibus quibuscumque pronum est errare) salvandos tamen esse; multo magis salvari posse illos qui ea credunt, quæ à Pastoribus suis legitimis didicere. Sufficit ergo Articulus hic ad salutem, & per consequens solus necessarius est. Quod attinet ad verba illa Allegorica, uniuscujusque opus per ignem probandum esse, & salvandos esse, ita tamen ut per ignem, videntur alludere ad verba Prophetæ Zachariæ cap. 13. 8, 9. *Dictum Iehovæ*, ut partibus duabus in terra excisis & expirantibus, tertia relinquatur in ea: & inducam tertiam istam in ignem, conflansque eos, ut conflatur argentum, probabo eos, quemadmodum probatur aurum: & invocabunt nomen meum, & ego exaudiem eos. Dies Iudicii est dies restitutionis Regni Dei; & illo die futuram esse mundi conflagrationem dicit *S. Petrus* (2 Pet. 3. 7, &c.) In qua conflagratione peribunt quidem improbi, reliqui autem, quos Deus salvos esse vult, transibunt per ignem illæsi, & in eo igne (sicut aurum & argentum) probabuntur, & purgati ab Idololatria, nomen invocabunt Dei veri. Ad hæc verba alludens *S. Paulus* *Diem* (inquit) id est diem Iudicii, diem Magnum restitutionis Regni Dei, Pastorum doctrinas probaturum esse, an sint puræ, ut aurum, argentum &c. an inutiles ut lignum, fœnum, &c. tunc autem, qui super fundamentum verum falsa aut nugatoria ædificaverunt, ea videbunt condemnata; ipsi tamen salvabuntur, & transibunt per ignem hunc illæsi ad vitam æternam, nomen veri Dei invocaturi. In qua interpretatione nihil est, quod Fidei Christianæ sit contrarium; sed ne scintilla quidem Purgatorii.

Quæret fortasse quis an æquè necessarium ad salutem non sit, credere *Deum esse Omnipotentem*; *Creatorem mundi*; *Iesum Christum resurrexisse*; & *homines in die ultimo resurrecturos esse omnes*; ac credere *Iesum esse Christum*. Respondeo hos omnes multosque alios Articulos necessarios quidem æquè esse, sed idèò, quia in illo uno continentur. Quis enim est, qui non vidit, credentes *Iesum esse Filium Dei Omnipotentis*, necessariò simul credere *Deum esse rerum omnium Creatorem Omnipotentem*? Aut quomodo credi potest *Iesum Regem esse in æternum regnaturum*, ab eo qui illum non credit resurrexisse à mortuis. Mortuus enim regnare non potest. Quicunque autem Fundamentum tenet, *Iesum esse Christum*, omnia tenet quæ inde inferri possunt, sive illationis vim ipse intelligit sive non intelligit. Firmum ergo restat unum hunc Articulum creditum, Pœnitentibus ad remissionem peccatorum, Fidei satis esse, & proinde solum necessarium.

Osten-

Ostensum antè est , Obedientiam , quanta ad salutem æternam requiritur , consistere in voluntate implendi Legem Dei , quatenus possumus , id est in Pœnitentia peccantium . Ostensum item est Fidem , quanta ad salutem necessaria est , contineri in hoc Articulo , *Iesus est Christus* . Loca Scripturæ nunc proferam aliqua quibus probatur , omnia simpliciter ad vitam æternam necessaria contineri in illis simul conjunctis . Homines illi , quos Sanctus Petrus , die Pentecostes , post Ascensionem Servatoris nostri proximo , prædicatione sua , ad Fidem Christianam converterat , Petrum cæterosque Apostolos interrogaverunt (Act. 2. 37.) *Quid facimus viri fratres ? Quibus (proximo versu) respondit Petrus , Resipiscite , & Baptizetur unusquisque vestrum in nomen Iesu Christi , in remissionem peccatorum : & accipietis donum Spiritus Sancti* . Baptizari ergo in nomen Iesu Christi , una cum pœnitentia , omnia continent ad salutem necessaria . Rursus cum à quodam ex primoribus interrogaretur Christus (Luc. 18. 18.) *Magister bone , quid faciendo vitam æternam possideo ? Respondit illi Servator noster (vers. 26.) Precepta nosti , Ne mœchare , Ne occidito , Ne furare , Ne falsum testimonium dicito : Honora Patrem tuum & Matrem tuam* . Quæ cum observasse se dixisset , adjecit Christus , *Omnia quæ habes vende , & distribue pauperibus , & habebis Thesaurum in cœlo : & sequere me , id est , confide in me , qui sum Rex* . Itaque Legem implere , & credere Iesum esse Regem , totum est quod requiritur ad vitam æternam . Præterea , Sanctus Paulus dicit (Rom. 1. 17.) *Iustus ex Fide vivit ; non dicit unusquisque , sed Iustus* . Fides ergo & Iustitia conjunctim , omnia continent ad salutem necessaria . Postremò (Marc. 1. 15.) *Appropinquavit Regnum Dei ; resipiscite , & credite Euangelio* . Itaque resipiscere & credere Iesum esse Regem , sufficiunt ad Salutem .

Cum ergo Fides & Obedientia utraque necessaria sit ad salutem , quæstio , utrā earum justificet , frustra disputatur . Quo autem sensu justificare dicitur una & altera , explicare non inutile erit . Si per Iustitiam intelligatur Iustitia operum ; Iustificari qui Legem Dei semel transgressus est , potest nemo . Intelligenda ergo est Iustitia hominis , Legem Dei observare conantis . Voluntatem enim accipit Deus pro ipso opere . Atque hoc sensu solo est , quod homo aliquis dici potest Iustus ; & quod per Iustitiam suam justificatus sit . Iustitia ergo justificat , quatenus Iustum denominat , non quatenus Legem ita implevit , ut puniri justè non possit .

Sed justificari etiam dicitur is , cuius Defensio , quamquam non sufficiens , recipitur tamen , & approbatur ; ut cum pro defensione allegamus , quod Voluimus , quod conati sumus Legem implere , & quod peccata nostra ipsi condemnavimus . Quoniam ergo Deus voluntatem

tem pro ipso opere eorum tantum accipit, qui credunt in *Iesum Christum*; Fides sola, in hac verbi acceptatione justificare dici potest; adeo ut *Fides & Obedientia* utraque justificant; sed in diversa significacione vocis *Justificare*.

Cum ostensum jam sit, quænam ea sint quæ necessariò requiruntur ad Salutem; Obedientiam erga Deum, cum Obedientia erga Reges reconciliare difficile non est. Rex enim aut Christianus est, aut Infidelis. Si Christianus, Articulum hunc *Iesum esse Christum*, neminem negare cogit. Legibus autem Civilibus, in quibus continentur Leges omnes Naturales, rectè & jure obediare cogit. Qui ergo Regi suo Christiano, obedientiam præstat, obediare Deo non impeditur. Sed si Rex Christianus qui Fundamentum tenet *Iesum esse Christum*, Doctrinas aliquas per imperitiam inde deducens, doceri & teneri imperet, imperato obediendum est. Obediri enim sine animæ periculo potest. Iudicare autem, in Quæstione de sua ipsius obedientia Civili, jure nemo potest. Iudicat enim de doctrinis Fidei nemo præter Ecclesiam, id est præter illum, qui personam gerit Ecclesiæ, id est præter Regem, si sit Christianus.

Sed etsi Rex Infidelis sit, suorum tamen subditorum quicunque illi restiterit, peccat contra Deum, quia contra Leges Naturæ peccat, quæ sunt Divinæ. Peccat etiam contra Consilium Apostolorum, Christianos omnes Principibus suis, Filios omnes Parentibus suis, & Servos omnes Dominis suis obediare præcipientium, idque in Omnibus. Quod autem attinet ad Conscientiam hominum, quæ interna & invisibilis est, Potestatem habent omnes eandem, quam habuit Naaman; neque ad pericula se offerre opus habent. Cæterum si id faciant, præmium suum in regno Dei expectare debent, nec Regem suum legitimum accusare, multo minus occidere, aut bello perseQUI. Sed quis, et si Infidelis Rex, subditum suum sciens Regem alterum non nunc, sed post finem mundi expectare, ita stupidus est, ut ob illam causam, eum occisum velit.

Atque hæc de Regno Dei, & Politica Ecclesiastica dicta sufficiant; cum sint omnia à Scripturis Sacris derivata, atque ex iis locis quæ minimè obscura & controversa sunt, & Scopo totius Scripturæ Sacræ (quæ scripta est pro regni Dei in Christo restituzione) consentanea. Non enim Verba nuda, sed Scriptorum scopus, Scripturis explicandi verum lumen præfert; qui autem Textibus singularibus utuntur, consilio operis ipsius non adhibito, nihil fere perspicuè explicabunt, sed Scripturæ atomis, quasi sparso pulvere, omnia obscuriora facient quam sunt; id quod eorum artificium esse solet, qui non veritatem, sed suum ipsorum emolumumentum querunt.

D E R E G N O T E N E B R A R V M.

C A P V T X L I V.

*De Tenebris Spiritualibus ab Interpretatione non
recta Scripturarum.*

Præter Summas Potestates , *Divinam* , & *Humanam* , de quibus hæc tenus differuimus , legimus in Scripturis Sacris de Potestate adhuc alia, nempe ea quām dicit Sanctus Paulus Eph. 6. 12 , *Quoniam non est nobis lucta adversus sanguinem & carnem, sed adversus Imperia, adversus Potestates, adversus Mundi hujus Principes Tenebrarum, adversus Spirituales improbitates in rebus cœlestibus;* & Matth. 12. 26, *Sed si Satanas Satanam ejicit, adversus seipsum dissidet: quomodo ergo stabit regnum ejus;* & Matth. 9. 34, *Per Principem Dæmoniorum ejicit Dæmonia, id est Phantasmata, quæ apparent in Aëre;* unde Satanas dicitur Eph. 2. 2, *Princeps Potestatis Aëris;* & (quia regnat in mundi hujus tenebris) *Princeps hujus mundi,* Ioh. 16. 11. Et propterea, qui Principatu ejus Subjecti sunt filii vocantur *Tenebrarum*; nimirum, ut distinguantur à fidelibus, qui *Filii Lucis* appellantur. Cum enim Beelzebub sit Rex Phantasmatum, quæ Aërem & Tenebras incolunt; *Filii Tenebrarum*, Phantasmata, & Spiritus Illusionis idem significant. Regnum ergo *Tenebrarum* (prout in locis supra citatis, aliisque Sacrae Scripturæ textibus intelligitur) definiri potest, *Impostorum confederatio*, qui ut in alios in praesenti mundo dominantur, *Lumen tūm Rationis naturalis, tūm Euangelii per doctrinas erroneous & obscuras extinguere, & in viam salutis eternæ Tenebras inducere conantur Spirituales.*

Quemadmodum homines, qui à Nativitate sua Luce oculorum penitus destituuntur, luminis omnino Ideam nullam habent; neque imaginari quisquam lumen majus potest, quām aliquando antè videbit: ita etiam luminis Euangelii, & luminis Rationis gradum majorum existere non putant homines, quam quem ipsi jam aſsequuti sunt. Atque hinc est, quod homines Tenebras in quibus versantur, alia via agnoscere non possunt, præterquam ex suis ipsorum offensionibus, & infortuniis. Regni Satanæ obscurissima quidem pars est, ea quæ

Leviat.

P P P P

extra

extra Ecclesiam Dei est, id est in qua ambulant Infideles; dicere tamen non possumus, quod Ecclesia (quasi *Goshen*) tanta omnino luce fruatur, quanta opus est, ad omne opus faciendum, quod imperavit fieri Deus. Vnde enim oriri potuit, quod Christiani, à tempore penè Apostolorum, tē mutuō alter alterum ex statu dejecterint, bello, aut Extero, aut Civili? Quod ad omnem proprietatum rerum asperitatem, & ad omnem prosperitatis alienæ eminentiam, toties offendant? Et quod ad eandem metam (*foelicitatem*) tam diversis viis curratur, nisi illis nox etiā nunc esset, aut saltē spissa nebula. Sumus ergo etiam nunc in Tenebris.

In Ignorantiae nostræ naturalis obscurâ nocte, errorum Spirituum Zizania seminavit Inimicus; Primo, lumen Scripturarum extinguendo; erramus enim nesciendo sensum Scripturarum. Secundo, Ethnicorum Poëtarum Dæmonologiam, id est doctrinam de dæmoniis; nempe doctrinam de Idolis, Phantasmatibus, mortuorum umbribus, similibusque fabulis anilibus, admittendo. Tertio, reliquias quasdam Religionis & Philosophiam Græcorum, præsertim Aristotelis, cum Scripturis sacris commiscendo. Quarto, per falsas, fictas vel incertas traditiones, & historias; atque ita erramus attenti Spiritibus deceptoribus & doctrinis Daemoniorum. Per Hypocrisim falsiloquorum, quorum conscientia est cancriata; id est eorum, qui falsa loquuntur contra suam ipsorum conscientiam. De Tenebris autem ab interpretatione non rectâ Scripturæ Sacræ, in præsenti capite dicturus sum.

Scripturarum abusus maximus, & cui cæteri subserviunt aut adhærent, earum detorsio est, ad probandum, quod Regnum Dei, (de quo totes in illis fit mentio) sit Ecclesia, quæ nunc est Christianorum hominum in terra viventium. Manifestum autem est, in contrarium, Regnum Dei, institutum fuisse à Deo, (*ministrante Mose*) super Iudæos solos, qui eam ob causam appellantur in Scripturis, populus Dei peculiaris; idemque regnum in electione Sauli Regis, desuisse. Post id tempus regnum Dei per Pactum in terris nullum fuisse. Promisisse tamen per Prophetas Deum, in Regnum suum Iudæos iterum admittere, (tempore quod ipse secum determinaverat) cum per poenitentiam ad Deum se converterent. Invitasse etiam sub iisdem conditionibus conversionis omnes gentes; & Filium suum peccata mundi morte suâ expiatum, in mundum misserum se esse; & doctrina sua, ad regnum Dei præparaturum, quod in die Iudicii incepturnum est.

Errori huic, Quod Ecclesia, quæ est in terra, est Regnum Christi, quodque unum esse oportet vel Hominem vel Coctum, per quem Servator noster, qui nunc est in celis, homines alloquitur, Leges condit,

dit , & qui personam Christi Christianis omnibus repræsentat , consequens est , quod Potestatem Regalem sub Christo universaliter poscat Pontifex Romanus ; & quod eandem Potestatem in Civitatibus non-nullis poscant Pastorum Conventus. Sunt autem hi qui per vehementiam disputandi lumen naturæ extingunt , tantasque in hominum mentibus efficiunt tenebras , ut quis sit , cui obedientiam promiserant subditi videre nequeant.

Doctrinæ autem huic , Papam in præsenti Ecclesiâ Vicarium Christi universalem esse , consequens est Doctrina alia , nempe Regi Christiano necessarium esse coronari ab Episcopo aliquo ; quali ab illa ceremonia estet , quod jure Divino imperet , & in Titulo clausulam hanc habeat , *Dei gratia Rex* ; quodque Regnum suum , non à Deo accipiat , nisi datum sit per Dei Vicarium Papam ; quodque omnis Episcopus Romanæ Dioceses , (quando confœratur) Pontifici Romano absolutè obediaturum se esse juret . Eidem doctrinæ consequens est Concilii Lateranensis decretum sub *Innocentio tertio* , cap. 3. de Hæreticis , *Si Rex à Papa admonitus , Regnum suum ab Hæresibus non purget , & ob eam rem excommunicatus , non satisfaciat intra annum , Subditi ejus ab obedientiæ vinculo absolvuntur*. Quoties itaque inter Papæ & aliorum Principum Christianorum consilia , repugnantiam esse contingit , (contingit autem sæpe) tantæ oriuntur inter subditos Regum Tenebræ , ut hominem externum , in Thronum Regium sese intrudentem , ab eo distinguere nesciunt , quem ipsi in eo collocaverant ; & præ intellectus cæcitate pugnant inter seipso , amicos ab inimicis non distinguentes. Ab eâdem doctrina , nempe quod Ecclesia præfens est Regnum Dei , nascitur quod Pastores & Ministri Ecclesiarum , nomen sibi assument Cleri , cæteros Christianos appellantes *Lacos* , id est simpliciter *Populum*. Clerus enim primò & propriè significat *Sorem* , deinde *hæreditatem* , & postremè eos , qui regnante Deo in Israële , alebantur ex redditibus publicis , quos Deus sibi reservaverat , nempe ex Sacrificiis & Oblationibus , quas Deus in alimentum Ministeriorum suorum publicorum , (qui erant Levitæ) separaverat. Papa ergò , qui in Ecclesia idem esse vult , quod erat in Regno Dei , id est in Israële , Summus Sacerdos , reditus similes à Christianis postulat sibi , & Sacerdotibus suis à Christianis ; ad quam rem expediebat , ut Sacerdotes appellarentur *Clerus*. Decimæ itaque quæ Levitis *jure Divino* debebantur , in regno Dei requiruntur & sumuntur jam diu ab Ecclesiastis , non *jure Civili* , sed *Divino* ; & populus ubique per Ecclesiam Romanam pensiones publicas duplas solvunt , alteras Civitatis , alteras Clero Romano.

Ab eodem errore, quod Ecclesia præsens est Regnum Dei, introducta est distinctio inter Leges Civiles & Canonicas: sunt autem Leges Civiles Acta Imperantium in Dominiis propriis; & Leges Canonicae acta Pontificis in Dominiis iisdem; sed hæ ante Imperii translationem in *Carolum Magnum*, Leges non erant, quanquam postea, procedentibus indies Tenebris, Imperatores ipsi eas pro Legibus (metu majoris mali à cæcitate populi) admittere coacti sunt.

Hinc etiam est, quod in pluribus Dominiis, ubi Papæ potestas Ecclesiastica integra recipitur, quod Iudæi, & Turci suo modo Deum colere (quatenus contra Potestatem Civilem non offendunt) permittantur, Christiani autem, Civitatum aliarum Cives, in Roma nisi Romano modo, Deum colere non permittantur. Quare autem? Quia Papa Christianos omnes sibi subditos esse postulat. Quod tamen iniquum est. Nam si Christiano duriorum se præbeat Princeps Christianus, quam Infideli, iniquè facit; pro Christo enim sunt, qui non sunt contra Christum.

Præterea, hinc est, quod in omni Civitate Christianâ Potestatem Papæ Ecclesiasticam admittente, sint homines quidam à Tributis & Tribunalibus Potestatis Civilis exempti; ut Ecclesiastici omnes, & Monachi, & Fratres, quorum numerus in multis locis ad numerum reliqui populi, adeò magnam habent proportionem, ut ex illis solis, si opus esset, conscribi exercitus posset, qui Ecclesiæ Militanti sufficeret valeret contra quemcunque Principem Christianum, qui Papæ adversaretur.

Scripturarum abusus alias est, eorum qui *Consecrationem* covertunt in *Conjurationem* sive *Incantationem*. *Consecrare*, in Scripturis Sacris significat rem quāmcunque Deo Offerre, Dare sive Dedicare, id est ab usu communī, piis & decoris verbis, ad cultus Divini usum, separare, id quod est sanctificare, ita ut Dei, eorumque sit quos Deus sibi fecit Ministros publicos; ut supra Capite 35 fusiū dictum est. Consecratione autem illa, non rei consecratæ natura, sed solus usus mutatus est, nempe, ut qui prophanus & communis fuerat, jam Sanctus sit, & cultui Divino proprius. Sed quando naturam qualitatēque ipsius rei mutatam esse dicunt, non Consecratio dicenda est, sed vel opus Dei supernaturale, vel vana & impia Incantatio. Quoniam autem mutationem hujusmodi naturæ rerum quam profitentur, quotidianam esse dicunt, pro opere Divino supernaturali haberri non potest. Restat ergo, ut alia non sit, quam *Conjuratio* sive *Incantatio*, per quam, mutationem naturæ ubi non est, credi esse volunt, contra oculorum, cæterorumque omnium Sensus testimonium. Exempli causa,

causâ, in Consecratione Panis & Vini in Coena Dominica, (quæ commemoratio tantum est Christi in Cruce ad Redemptionem nostram Passionis) quando Sacerdos verba Servatoris nostri pronuntiat, *Hoc est corpus meum*, & *Hic est sanguis meus*, naturam Panis & Vini abire dicit, & in ejus locum succedere Christi corpus verum, & verum sanguinem. Quanquam neque oculis, neque ulli sensui recipientis appareat quicquam quod non apparuerat, antequam verba illa pronuntiarentur. Incantatores Ægyptii, cum Virgas suas in Serpentes, & Aquam in Sanguinem convertissent, spectatorum Sensibus falsa rerum specie illusisse tantum existimantur, vocantur tamen in Scriptura Sacra Incantatores. Sed quo nomine appellandi fuissent, si in Virgis suis ne species quidem Serpentium, neque in aquis illis species sanguinis, ulla apparuisset, sed coram Rege impudenter asterruerint Virgas quæ Regi ut Virgæ apparuerunt Serpentes esse, & Sanguinem esse, quæ Regi Aqua videbatur? Appellandi certè erant non modo Incantatores, sed etiam impudenter Mendaces. Hoc tamen in Consecrationibus quotidianis faciunt Ecclesiæ Romanæ Sacerdotes, verba sacra in Incantamentum mutantes, quod nihil ad sensum producit novi; impudenter tamen Panem in Hominem, & quod magis est in Deum convertisse se affirmantes, & proinde adorandum esse jubentes tanquam esset Servator noster ipse Deus & Homo; quæ Idololatria est crassissima. Siquidem enim dicere sufficeret, non amplius Panem, sed Deum esse, quare similiter excusare se non potuissent Ægyptii affirmando, Porrum & Cepe quæ adorabant, Porrum & Cepe amplius non esse post Incantationem, sed Deum ipsum sub olerum illorum specie. Verba illa, *Hoc est corpus meum*, & *Hic est sanguis meus*, æquivalent his, *hoc significat*, *five representat*, *Corpus & Sanguinem meum*; & Figura quidem sermonis est usitissima; quem secundum literam interpretari Scripturæ abusus esset. Quanquam autem Interpretatio talis admitteretur, applicari tamen Pani vel Sanguini præterquam illi quem Christus manibus propriis consecravit nulli potest. Non enim de Pane quoconque, & de Sacerdote omni qui pronuntiaret illa verba, *Hoc est corpus meum*, Transsubstantiatum iri, dixit Christus. Neque Ecclesia Romana ipsa Doctrinam talem stabilivit ante Innocentium tertium, id est annis ab hinc circiter quingentis, quando Potestas Papalis maxima erat, & Tenebræ profundissimæ.

Simili Incantatione usi sunt Sacerdotes Ecclesiæ Romanæ in Sacramento Baptismi, ut videre est in Rituali Romano, ubi nomine Dei, Trinitatis, & trium Personarum, & signo Crucis ad Incantamentum abutuntur. Ut primo, in aqua consecranda Sacerdos dicit,

conjuro te creatura Aquæ , in nomine Dei Patris Omnipotentis , & in nomine Iesu Christi Filii sui unici Domini nostri , & in virtute Spiritus Sancti , ut fias Aqua conjurata , ad Potestates inimici abigendas & eradicandas , &c. Secundo in Salis cum Aqua miscendi benedictione ; Vi fias sal conjuratum , quo Phantasmata omnia , & fraudum Diaboli improbitas fugiat abeatque a loco in quo spargeris ; utque Spiritus omnis immundus conjuratus sit per eum , qui veniet ad judicandum vivos & mortuos. Tertiò in benedictione Olei , ut Potestas omnis Inimici , exercitus omnis Diaboli , & Phantasmata Satana per Creaturam hanc Olei abigantur. Quarto , Baptizandus Infans , multifariam Incantatur ; primo , ad Ecclesiæ portam , in faciem Infantis sufflat ter Sacerdos , dicens , *Exi ab eo Spiritus immunde , & cede Spiritui Sancto Paracleto* , quasi Infantæ omnes , antequam à Sacerdote insufflentur , essent Demoniaci. Rursus , antequam in Ecclesiam intret , dicit , *conjuro te &c. exire , & decedere ab hoc servo Dei*. Idem quoque Exorcismus repetitur antequam Infans baptizetur. Neque ritus alii , circa Matrimonium , Extremam Unctionem , Visitationem ægrotantium , Consecrationem Ecclesiarum & Coemeteriorum sine Incantationibus peraguntur , ut in quibus Oleo & Aqua utuntur incantatis , & signo Crucis abutuntur sicut & verbis Scripturaræ , *Asperges me Domine hyssopo* ; Rebus enim hujusmodi efficaciam Phantasmata & Spiritus Imaginarios abigendi tribuendam esse putant aut dicunt.

In Exorcismis antedictis notandum etiam est , Spiritus immundos , id est Dæmonia , appellari Phantasmata ; ex quo sequitur Spiritus immundos sive Dæmonia à Romanâ Ecclesia non habita esse pro Entibus (ut loquuntur) *Realibus* ; & proinde Substantias non esse , sed Idola tantum , id est *Nihil*.

Error generalis alias est , à non intellectis vocabulis illis , *Vita æterna , Mors æterna , & Mors secunda* . Quanquam enim perspicuè dicatur in Scriptura Sacra , Deum Adamum in eo statu posuisse , ut vivere potuisse in æternum , nempe si Mandatum Dei observasset ; quæ immortalitas humanæ Naturæ Essentialis non erat , sed ab esu Arboris Vitæ dependebat ; Doctrina tamen hodiè alia est , & jamdiu fuit , nimisrum , unumquemque hominem *Vitam æternam* habere sua natura , ex eo , quod Animæ prædictus sit immortali ; adeò ut gladius ille in aditu Paradisi , quanquam impediit Adamum , ne ex fructu Arboris Vitæ comederet , impedire illum , ne esset immortalis , non potuit , neque facere , ut Redemptione per Christum indigeret ; & proinde non modò Fideles , sed etiam Reprobi , & Ethnici Vita Æterna fructuari sint. Verum , ut incommode hoc excusat , per mortem æternam intelligi-

intelligendam esse dicunt *Vitam eternam*, sed in cruciatibus, quæ est figurata loquutio, præterquam in hac occasione nunquam usurpata.

Doctrina autem hæc fundatur in quibusdam locis obscurioribus Testamenti Novi; quæ tamen loca totius Scripturæ Scopum considerantibus, in sensu diverso facile explicari possunt. Vt rovis autem modo intelligentur, quatenus ad salutem Christiani hominis attinet, non multum interest. Supposito enim morientis hominis restare nihil præter cadaver ejus, nonne Deus qui hominem ex terra, verbo suo fecit vivere, eadem facilitate poterit ut cadaver mortuum reviviscat, & vivat in æternum, eodem verbo? *Anima* in Scripturis Sacris, semper significat aut vitam, aut creaturam viventem. Corpus autem & anima conjunctim idem significat quod corpus vivens. Creationis die quinto, dixit Deus, producant aquæ reptile animæ viventis. Et creavit Deus cetos maximos & omnem Animam viventem. Item de homine, creavit eum Deus de pulvere terra, sufflavitque in nares ipsius spiraculum vitae: sic factus est homo anima vivens. Et postquam Noah exiisse ex Arcâ, promisit Deus non amplius percutere omnem animam viventem. Et Deut. 12. 23. *Sanguis cuiusque est ejus anima.* Etiam immundus habebatur Lege Mosaica qui tetigerat animam mortuam, id est cadaver mortuum. Nihil hic neque in aliis locis Scripturarum, aliud significat *Anima*, præter ipsum *Animal*, aut *Vitam* ejus; *Anima* immortalis nusquam legitur, neque Substantia Incorporea, à corpore separata. *Spiritus autem & Vita æterna* passim leguntur. Quod animæ Fidelium, non sua natura, sed gratia Dei speciali una cum corporibus à Resurrectione mansuræ sunt in æternum, ex Scripturis Sacris ostensum est Cap. 38. Vbi autem legitur in Testamento Novo, esse qui conjicientur, corpus & anima, in Gehennam ignis, *Corpus & Anima*, idem significat quod *corpus animatum*.

Per hanc fenestram est, quod doctrina illa Tenebrosa intravit, de *Cruciatibus æternis*, & de pœnis *Purgatorii*, & consequenter de *mortuorum Spiritibus* in locis Consecratis, Solitariis, & Tenebrosis ambulantibus; & proinde etiam de *Exorcismo & Conjuratione Phantasmatum*; item de Invocatione mortuorum; & de *Indulgentiis*, id est, de exemptione ex igne Purgatorii, ubi Substantiæ Incorporeæ illæ purgari, & cœlo præparari igne supponuntur. Nam ante tempus in quo versatus est in terris Servator noster, maxima pars hominum, ad quos pervenerat doctrina Dæmoniorum sive Dæmonologia Græca, in ea opinione erat, *Animas humanas*, substantias à corporibus distinctas esse & separabiles; & per consequens, mortuo homine; sive bono;

bono sive malo ; animam ejus per virtutem naturæ propriæ (sine recognitione ulla divinæ Gratiae) debere subsistere alicubi. Itaque Doctores Ecclesiæ primitivæ aliquamdiu dubitatunt , quo loco , antequam cum corporibus in resurrectione denuo unirentur , mansuræ essent ; putaruntque aliqui quod requiescebant sub Altaribus. Sed Ecclesiæ Romanæ utilius tandem visum est , mansionem illis hanc adficare Purgatorii.

Consideremus jam loca Scripturæ illa quibus maximè innituntur errores , illi tres proximè superiores. Argumentis enim Bellarmini , quibus probare conatus est Regnum Dei esse Ecclesiam administratam à Pontifice Romano in hoc mundo , responsum est ante ; & demonstratum , Regnum Dei institutum sub Moïse , desistit in electione Regis Sauli ; & post illud tempus Sacerdotem Summum , Authoritate propriæ Regem Israëlis nullum depositisse. Id enim quod Athaliae fecit Sacerdos Summus , non Iure suo fecit , sed Iure Regis Joashi , Athalia filii. Sed Rex Solomon Iure suo Abiatharum deposituit Sacerdotem Summum , & in locum ejus collocavit alium. Locus autem difficilissimus eorum , quæ adducuntur ad probandum quod Regnum Dei in hoc mundo nunc existit , adducitur à Beza , qui Regnum Dei incepisse dicit à Resurrectione Christi , atque inde Potestatem Supremam Ecclesiasticam in Civitatibus Christianis , Civitatum illarum Presbyteriis afferens. Et notum est Presbyteria illa in aliquibus locis Reges suos excommunicasse ; & Suprematum in Religione non minus in illis locis sibi arrogasse quam eandem Potestatem sibi attribuit universaliter Pontifex Romanus.

Verba quibus innititur sunt Marc. 8. 39 : *Amen dico vobis , quia sunt quidam de hic stantibus , qui non gustabunt mortem , donec videant Regnum Dei veniens in virtute.* Quibus verbis Grammaticè acceptis , significatur , vel aliquem ex iis , qui Christo adstiterunt , etiam nunc vivere super terram , vel Regnum Dei esse in hoc mundo. Sed locus alius est in contrarium non minùs difficilis. Cum enim Apostoli post Resurrectionem Christi , cum jam in cœlum ascensurus esset , Christum interrogaverunt Actor. 1. 6 , dicentes , *Domine , si in tempore hoc restitues Regnum Israël ?* Respondit illis Servator noster , *Non est vestrum nosse tempora vel momenta , quæ Pater posuit in sua Potestate : sed accipietis virtutem supervenientis Spiritus Sancti in vos , & critis mihi testes in Ierusalem , & in omni Iudea , & Samaria , & usque ad ultimum terræ ; id est , Regnum meum nondum venit , nec præscietis vos quando veniet ; veniet enim sicut fur noctu ; sed superveniet vobis Spiritus Sancti virtus , per quam predicatione vestra Testimonium dicetis de Resurrectione*

rectione mea , & de operibus meis , & de doctrina quam docui ; ut credant in me homines , & vitam æternam expectent , cum rediero . Quomodo hæc cum adventu Regni Christi in Christi Resurrectione congruant non video , neque cum eo , quod dicit S. Paulus i Thessl. 1 , vñ. 9, 10 : *Conversi estis ad Deum à simulacris , servire Deo vivo , & vero , & expectare filium ejus de cœlis ; ubi expectare Christum de Cœlis , idem est quod expectare adventum ejus in Majestate regnaturi ; quod necessarium , si Regnum ejus jam ante aderat , non fuisset . Rursum , si Regnum Dei incepisset in Resurrectione Christi , quād causam habent Christiani precandi hodie (ut faciunt) adveniat Regnum tuum ? Manifestum ergo est , verba illa Sancti Pauli aliquem alium habere sensum . Sunt (inquit Christus) de astantibus , qui non gustabant mortem antequam venire viderint Regnum Dei in virtute . Nam si Regnum Dei venturum erat in Resurrectione Christi , cur dixit , eorum aliqui , potius quam omnes id videbunt . Vixerunt enim post Christi Resurrectionem omnes .*

Sed ad explicationem hujus loci non parum conferunt verba Servatoris nostri de Sancto Iohanne ad Sanctum Petrum Iohan. 21. 22 : *Si eum volo manere donec veniam , quid ad te ? Exiit ergo sermo iste inter fratres , quia Discipulus ille non moritur . Sermo autem ille à nemine confirmatus , neque refutatus , sed relictus est , ut qui non intelligeretur . Veruntamen si sensum illius loci conjicere liceat ex eo , quod immediatè sequitur , locum similem Sancti Lucæ , verisimile est , verba illa dicta esse de Christi Transfiguratione , quæ describitur in versibus immediatè sequentibus Luc. 9. 29 : Factum est autem post hæc verba fere dies octo , & assumpit Petrum , Iacobum , & Iohannem , & ascendit in montem ut oraret . Et facta est , dum oraret , species vultus ejus altera : & vestitus ejus albus , & resplendens . Et ecce duo viri loquebantur cum illo . Erant autem Moses & Elias , Visi in Majestate . Viderunt ergo Christum in gloria & Majestate , quemadmodum venturus est . Eadem historia etiam à S. Mattheo recitat cap. 17 , vers. 1 , *Et post dies sex assumit Iesum Petrum , & Iacobum , & Iohannem , &c. ubi Apostoli illi dicuntur timuisse valde . Atque hoc modo completum est , nempe per modum visionis , quod Christus promiserat . Fuisse enim visionem , inferri potest ex eo quod dicit Lucas cap. 9. 28 , nempe , Petrum & qui cum eo erant gravatos esse somno ; & ex Matth. 17. 9 , ubi præcepit eis Iesus , dicens : Nemini dixeritis Visionem . Quicunque autem loci à Beza recitati sensus sit , argumentum inde certum sumi non potest , ad probandum , quod Regnum Dei ante diem Iudicii incepturum sit .**

Sunt etiam textus quidam alii , quos citant Pontificii pro Supre-
Leviat.

matu Papæ ; ut quod duo gladii quos habuerunt Apostoli , significant gladium Spiritualem & gladium Temporalem , quos ambos Petrus dedisse Christum dicunt ; & , quod duorum Luminarium majus Papam , minus Regem significat ; quibus respondere operæ pretium non est . Potuerunt ex primo versu Bibliae Sacri æquè inferre , quod per cœlum Papa , per terram Rex intelligentus sit . Non est enim hoc ratiocinari , ex Scripturis Sacris , sed lascivire , & in Principes insultare , sicut facere cœperunt tunc , quando Pontifices Romani magnitudinis suæ , ut putabant , in perpetuum certi , Christianos Reges contemptui habuerunt , & in colla Imperatorum insultantes , illos & Scripturas ipsas irridere ausi sunt verbis Psalmi 91 , *Super Aspidem & Basiliscum ambulabis , & conculcabis Leonem & Draconem.*

Quod ad Consecrandi ritus attinet , et si magna ex parte , non à Scripturis , sed à Rectorum Ecclesiae iudicio dependeant ; debent tamen Rectores illi tales ritus ordinare , quales Actionis ipsius natura postulat ; nempe ut Ceremoniæ , Verba , Gestus , non modo sint decentes , sed etiam significantes , vel saltem Consecrationi conformes . Quando *Moses* Tabernaculum , Altare , & utensilia illis pertinentia (Exod. 40.) consecravit , oleo quod Deus in hunc usum fieri jusserrat , illa unxit ; & sancta facta sunt : nihil consecrationi huic , ad fuganda Phantasmata conjuratum erat . Idem *Moses* (qui summam in Israële habebat Potestatem) fratrem suum *Aaronem* (Sacerdotem sumnum & Filios ejus) Consecrans , lavit illos Aqua (non aqua conjurata) illosque amicivit , & Oleo unxit ; & consecrati sunt administrandum coram Domino ut Sacerdotes ; quæ decora & simplex erat mundatio , & ornatio , antequam eos Domino præsentaret . Quando Rex *Solomon* (qui summam in Israële habebat Potestatem) Templum consecrabat (1 Reg. 8.) consistebat coram toto coetu Israëlis ; cui cum benedixisset , Deo gratias reddidit , quod in animum patris sui , ut Templum illud ædificaret , posuisset , quodque sibi ut perficeret , dedit ; deinde Deo precabatur , primo , ut domum illam , quamquam Magnitudini Dei infinitæ incongruam , acceptaret ; & orationes Servorum suorum , qui in ea , vel (si absentes essent) conversi versus eam , precarentur , exaudiret ; postremo Sacrificium obtulit ; & Domus dedicata est . Nulla hic erat Pompa ; Rex ubi ante erat , ibi constituit , nulla aqua conjurata , neque *Asperges me* , neque alia verborum alio sensu dictorum inepta applicatio ; sed sermo decens & rationalis , rei quam agebat consentaneus . Quod *S. Johannes* Aquam Iordanis , aut *Philippus* Aquam fluminis in quo Eunuchum baptizavit , conjuravit , nusquam legimus . Neque quod Pastor quisquam tempore

pore Apostolorum , salivam suam naribus personæ baptizandæ , apposuit dicens , *In odorem survitatis* ; ubi neque Ceremonia illa Salivæ , propter immundiciem , neque applicatio verborum Sacrorum , propter levitatem , Authoritate ulla defendi potest .

Ad probandum , quod Animæ à Corporibus separatæ vivant in æternum , non solum Animæ Electorum , gratia speciali , sed etiam reproborum proprietate essentiæ humanæ adhærente , sunt Textus quidam , qui primo intuitu sufficere videri possunt .

Vt primo , verba Solomonis , Eccles. 12. 7. , *Spiritus reddit ad Deum , qui dedit illum* . Quæ verba interpretationem hanc pati possunt , nempe scire neminem , sed Deum solum Spiritus hominis , quid devenit , & quo fertur ; Neque credendum est animas Reproborum redire ad Deum , qui illas dedit . Etiam idem Solomon eodem libro cap. 3 , vñl. 20, 21 , *Idecirco unus interitus est Hominis & Bestie , & aqua utriusque conditio : sicut moritur homo , & illæ moriuntur ; quis novit si Spiritus filiorum Adam ascendant sursum ; & si Spiritus jumentorum descendat deorsum ? Locus alias est Genes. 5. 24 , ubi de Enoch dicitur , ambulavit cum Deo , & non apparuit ; quia tulit eum Deus . Et Hebr. 11. 5 , Fide Enochus translatus est , ne videret mortem , & non inveniebatur , quia transiit illum Deus . Qui locus immortalitatem Corporis non minus probat quam animæ , & probat quoque translationem talem peculiarem esse placentibus Deo , dependentemque non à Natura , sed à Gratia . Sed contrà , quid respondebitus verbis Solomonis , Eccles. 3 , vñl. 19 , *Dixit in cerde meo de filiis hominum , ut probaret eos Deus & ostenderet similes esse bestiis . Idecirco unus interitus est hominis & jumentorum , &c. Similiter spirant omnia , & nihil habet homo jumento amplius , &c.* Quibus verbis immortalitas animæ per Naturam negatur , per Gratiam non negatur . *Laudavi magis mortuos , quam viventes : & feliciorum utroque judicavi , qui necdum natus est , nec videt mala , que sub sole finit . Sermo hic , si felicior sit , qui non est natus , quam qui æternâ felicitate fruatur , durus esset . Rursus cap. 9. 5 , Viventes sciunt se esse morituros , mortui vero nihil neverunt amplius , nec habent ultra mercedem . Id quod de hominibus mortuis , ante resurrectionem corporum suorum , manifestum est ; verum si intelligatur de immortalitate Electorum post Diem Iudicii , verum non est .**

Locus alijs , qui videtur facere pro Immortalitate Animæ naturali , ille est , ubi Servator noster Abrahamum , Isaacum , & Iacobum vivere affirmat . Ad quod respondeo ; vivere quidem , non tamen actu , sed quatenus promissione Dei , vitæ æternæ & resurgendi certi sunt ; id est scripti sunt libro Vitæ , vivuntque eo sensu , quo *Adamus* eo die

mortuus erat, quo de fructu vetito gustavit. A quibusdam etiam pro Immortalitate animæ adducitur, id quod in Novo Testamento narratur de Divite & Lazaro, sed narratio illa, quia parabola est, nihil probat. Præterea addo, quod neque in Scriptura Sacra, neque in Liturgia nostra vox illa *Anima Immortalis* omnino invenitur.

Sunt autem Testamenti Novi loca quædam alia, quæ videntur Immortalitatem attribuere etiam Reprobis. Manifestè enim dicitur, quod resurgent ad Iudicium ultimum, atque inde ibunt in *Ignem æternum, cruciatos æternos, poenas æternas*, quodque in illis *Vermis Conscientiae nunquam morietur*; quæ omnia intelligi volunt plurimi, per *æternam mortem*. Mihi vero nimis durum videtur de Deo dicere (qui Pater est misericordiarum, qui facit in cœlo & in terra quicquid vult, in cuius manibus sunt corda hominum omnium, qui in hominibus operatur tum facere, tum velle, & sine cuius gratia libera nemo habet neque inclinationem ad Bonum, neque resipiscientiam à malo) quod peccata hominum cruciatibus extremis, majoribus quam quisquam imaginati potest, & sine fine temporis punire velit. Videamus ergo, per ignem æternum quid aliud significari possit. Quanquam enim legimus resurrectos esse Fideles cum corporibus spiritualibus, & gloriiosis, & victuros in æternum, nec comedentes, neque bibentes, & sine Matrimonio; non tamen idem legimus de reprobis, sed legimus quod morientur iterum & morte secunda, quæ æterna erit; cui morti secundæ, id quod dicitur de igne & cruciatis æternis, & de Verme Conscientiae non contradicit. Itaque æternum, in illis locis idem videtur significare, quod *usque ad finem seculi*. Seculum autem Latinis idem non est, quod Græcis ἀιών. Neque seculum putabant Iudei spatiū, ut Romani *centum annorum*, quod est hominis Ævum in quo nemo sit qui vixerat in seculo antecedente; sed Ævum æstimabant ætatem mundi; nimirum ut esset Ævum unum à Creatione ad Diluvium, alterum à Diluvio usque ad Conflagrationem mundi, in adventu Messiæ; tertium ab adventu Messiæ in æternum, ita ut Ævum hoc tertium dicendum sit *Ævum Ævorum* ἀιών αἰώνων. Et sic reprobi, usque ad finem hujus Ævi, id est, hujus mundi puniri possunt usque ad mortem secundam, quæ poena propter eam causam αἰώνιον dici potest. Nam S. Paulus de Resurrectione loquens 1 Cor. 15, intelligit solam Resurrectionem ad vitam æternam, non ad æternam poenam. *Corpus*, inquit, *seminatur in corruptione, surget in incorruptione; Seminatur in ignorabilitate, surget in gloria; Seminatur in infirmitate, surget in virtute; Seminatur corpus animalē, surget corpus spirituale.* Nihil horum de reprobis dici potest. Simi-

Similiter cum de resurrectione loquitur *Christus*, solam intelligit Resurrectionem ad Vitam æternam; *Luc. 20. 34, 35, 36*: *Filiū hujus seculi nubent, & traduntur ad nuptias: illi vero qui digni habebuntur seculo illo, & Resurrectione ex mortuis, neque nubent, neque ducent uxores, neque enim ultra mori poterunt; æquales enim Angelis sunt, & Filiī Dei, cum sint Filii Resurrectionis.* In quibus verbis notanda tria sunt, primum, quod tempus usque ad Resurrectionem appellat seculum unum, tempus autem post Resurrectionem appellat seculum alterum. Secundum, quod distinguit inter filios mundi hujus, & filios mundi venturi, eo quod filii mundi venturi, mori iterum non possent, innuens reprobos iterum morituros esse. Tertium, quod filios hujus mundi, dignos non dicat esse Resurrectione à mortuis, & quod filii Dei idèo æquales erunt Angelis, quia sunt filii Resurrectionis; ex quo sequitur reprobos resurrecturos omnino non esse præterquam ad mortem secundam. Filii enim Resurrectionis Filii Dei soli sunt.

Doctrinæ huic de Animarum separatarum Æternitate naturali, superstruitur, ut ante dictum est, Doctrina Purgatorii. Supposito enim, quod vita æterna Fidelium solorum sit, & per gratiam, sequitur Immortalitatem nullam esse posse ante Resurrectionem. Loca Scripturæ Canonicae quæ citat pro Purgatorio Bellarminus, sunt primò, quod *David* pro *Saulo* & *Ionathano* jejunaret 2 *Reg. 1. 12.* & rursus 2 *Reg. 3. 35.* quod jejunaret propter mortem *Abneri*. Iejunium hoc *Davidis* pro fine habuisse dicit, bonum aliquod illis post mortem eorum à Deo impetrandum. Cur autem? Quia cum pro suo ipius Filio ægrotante jejunabat, postquam intellexit mortuum illum esse, cibum sumpsit. Deinde arguit sic, Quoniam Anima existit separata à corpore, neque per Iejunium impetrari quicquam potest animis quæ jam sunt in Cœlo, vel in Inferno; sequitur quasdam esse animas quæ neque in Cœlo sunt, neque in Inferno; & proinde debere eas esse in tertio aliquo loco, id est in Purgatorio. Sed negandum est, quod assumit Davidem idèo jejunasse, ut aliquid *Saulo* & *Ionathano* impetraret. Manifestum enim est, Ceremonias usitatas Plangendi & jejunandi in morte quidem eorum, quorum vita plangentibus damnosa aut inutilis erat, honoris tantum causa adhiberi, in morte autem amicorum & necessariorum Luctum esse non Litaniam. Itaque *David*, *Saulum* & *Ionathanum* jejunio suo honoravit: in morbo autem proprii filii jejunio & precibus conatus est impetrare à Deo ut convalesceret. Quod cum impetrare non potuit, jejunare desit.

In cæteris locis quæ citat Testamenti veteris, ne color quidem:

probationis ullus est. Vbicunque dicitur *Ignis, Furor, Vflio, Purgatio, Mundatio*, si modo Patrum aliquis verba illa ad Doctrinam Purgatorii in Concione applicavit, utuntur illis Pontificii, ut totidem argumentis pro Purgatorio. Quod dicit David Psal. 37. 1, *Domine ne in furore tuo arguas me, neque in ira tua corripas me.* Quid hoc ad Purgatorium, nisi Augustinus *Furorem* comparâset prædicans, Igni Gehennæ, & Iram Igni Purgatorii? Et quid ad Purgatorium attinet quod dicitur Psal. 64. 12, *Transivimus per ignem & aquam: & eduxisti nos in refrigerium?* Textibus hujusmodi utuntur Doctores non Logicè in Sermonibus, & Expositionibus, sed Rhetoricè.

Citat etiam loca aliqua Testamenti Novi explicatu difficiliora, ut Matth. 12. 32: *Quicunque dixerit verbum contra Filium hominis, remittetur ei: qui autem dixerit contra Spiritum Sanctum, non remittetur ei, neque in hoc seculo, neque in futuro.* Vnde infert Bellarminus Purgatorium esse seculum futurum. Seculum autem futurum illud est quod incepturum est à die Iudicii. Tunc autem Purgatorium nullum fore consentiunt omnes. Quid ergo significant verba illa Servatoris nostri? Nescio quidem; scio autem quod non significant Purgatorium. Manifestum est Spiritum Sanctum, tertiam Personam Trinitatis, missum esse Paracletum, eo fine, ut Ecclesiæ usque ad finem mundi assisteret; & proinde blasphemare in Spiritum Sanctum non impropiè dici posse blasphemare in Ecclesiam. Videtur ergo hoc loco Servator noster suam ipsius in peccatis condonandis lenitatem & facilitatem comparare cum severitate Pastorum Ecclesiæ erga illos qui Authoritatem eorum Spiritualem parvi facerent: tanquam dixisset, *Vos qui Potestatem meam aspernamini; vos qui me crucifixistis, quoties vos poenitebit, & ad me per Recipiscentiam convertemini, misericordiam meam sentietis:* quod si Potestatem eorum qui vos posthæc docebunt, in virtute Spiritus Sancti negabitis, erunt illi inexorabiles, neque in hoc mundo vobis ignoscant, sed sine Absolutione puniendos relinquunt (quantum in illis est) in seculo futuro. Atque ita verba illa Servatoris nostri pro Prædictione sive Prophetia sumi possunt Severitatis hominum Ecclesiasticorum in regno Pontificis Romani. Citat præterea verba S. Pauli (1 Cor. 15. 29.) *Alioqui quid facient, qui baptizantur pro mortuis, si omnino mortui non resurgent?* *Vi quid baptizantur etiam pro illis?* Sed nihil dicitur de Purgatorio. Inferri quidem hinc potest, fuisse tempore S. Pauli consuetudinem baptizandi pro mortuis homines Fideles pro seipsis ante baptizatos; sicut hodie Fideles quasi Fidejussiores in Baptismo se faciunt pro Fide futura Infantum, qui nondum Fidei sunt capaces. Sic enim Fideles tunc

tunc pro mortuis baptizati in se suscepereunt , quod in Resurrectione *Christum* sequerentur. Sed nihil inde inferri potest ad probandum Purgatorium , neque ad probandum quod Animis à corporibus separatis , aut animæ Lazari per quatuor illos dies quibus mortuus man- sit , locus aliquis debeatur. Deus enim qui vitam pulvisculo dare po- tuit , etiam mortuo potest reddere.

Locus alter est i Cor. 3 , ubi dicitur de iis qui super fundamentum ligna , fœnum , stipulam , superædificant , quod opus eorum peribit , ipsi tamen salvabuntur , sed quasi per ignem. Ignem hunc , Ignem Purgatorii esse vult Bellarminus. Sed responsum ante est , verba hæc al- ludere ad verba Zacharie 13. 9 , *Ducam tertiam partem per Ignem , & uram eos sicut uritur argenteum , & probabo eos sicut probatur aurum , & dicta esse de adventu Christi in Potestate & Gloria , id est de die Iudicii , & præsentis mundi conflagratione.*

Ex loco citato i Cor. 15 de Baptismo pro mortuis , infert etiam Orationem pro mortuis non inutilem esse , & inde rursus esse infert ignem aliquem Purgatori. Sed neutrum recte. De multis enim vo- cis Baptismi significationibus , illam in primis comprobat , ubi sumi- tur pro Pœnitentia ; & sic Baptizari homines quando Iejunant , Orant , & faciunt Eleemosynam. Sed significatio illa Baptismi ne- que in Scriptura usquam appetet , neque in usu communni cujuscun- que lingue. Vox Baptismus usurpata est (Marc. 10. 38. & Luc. 12. ¶l. 50.) pro immersione in sanguinem , ut *Christus* in cruce Baptiza- tus est , & Apostoli ejus Martyres. Sed Oratio , Iejunium , & Eleemo- syna , quid commune habent cum Immersione. Quod *Iohannes Baptista* dicit Matth. 3. 11 de Christo , *Ipse vos baptizabit in Spiritu Sancto & Igne* , non ad Purgatorium pertinet , sed ad ea qui dicuntur Actor. 2. ¶l. 3 : *Et apparuerunt illis dispersitæ lingue tamquam ignis*. Nimirum quod prophetavit *Iohannes Baptista* Matth. 3. 11 , completum erat Actor. 2. 3.

Baptismi pro mortuis interpretationem aliam adfert , nempe , ean- dem quam ego supra adduxi , ut verisimilissimam : & concludit inde Precationis pro mortuis utilitatem. Siquidem enim in Regnum *Christi* recipi post Resurrectionem possunt illi , qui nomen *Christi* non audierunt , aut in eum non crediderunt ; inutile non esset , ut eorum amici pro illis precarentur. Atqui concessio fieri posse , ut ad preces Fidelium , aliquos eorum convertat Deus , quibus Euangelium inaudi- tum fuerat , quiique proinde *Christum* rejecisse non potuerunt ; quod- que charitas Orantium pro illis reprehendi non possit ; nihil tamen facit hoc pro Purgatorio. Aliud enim est resurgere à morte ad vitam , aliud

aliud resurgere à Purgatorio ad vitam. Est enim hoc resurgere à vita ad vitam, nempe à vita misera ad vitam felicem.

Locus quartus est Matth. 5. 25, *Etsi consentiens adversario tuo citio, dum es in via cum eo: ne forte tradas te adversarius Iudici, & Index tradat te Ministro: & in carcere mittaris.* Amen dico tibi, non exies inde, donec reddas novissimum quadrantem. In qua Allegoria, qui proximum læsit, est Peccator; Index idemque Adversarius, est Deus; Via est Vita præsens; Carcer est Sepulchrum, unde ad vitam æternam non resurget Peccator, sed ad secundam mortem, nisi prius reddiderit ultimum quadrantem, vel pro eo Passione sua reddiderit Christus. Itaque verba hæc ad Purgatoriorum nihil pertinent.

Locus quintus est Matth. 5. 22, *Ego autem dico vobis: quia omnis qui irascitur fratri suo, reus erit Iudicio. Qui autem dixerit fratri suo, Raca, reus erit Concilio. Qui autem dixerit faine: reus erit Gehennæ ignis.* A quibus verbis tria esse infert genera Peccatorum, & tria genera Poenarum. Peccati genus ultimum tantum in Gehennæ puniendum esse dicens; & proinde Peccatorum minorum poenas dari debere in Purgatorio. Cujus argumenti vim nullam video. Num curiae erunt diversæ post mortem ad criminum diversas species distinguendas, sicut erant in Iudæa, *Tribunal Iudicum, & Consistorium Seniorum?* Nonne Iudicium omne erit Christi & Apostolorum? Itaque ad explicationem hujus loci debemus illum, non solitariè considerare, sed conjunctim cum verbis quæ antecedunt, & subsequuntur. Servator noster in hoc Capite interpretatur Legem Mosaicam; quam Iudæi tunc implèsse se existimabant, si sensum verborum Grammaticum non transgressi erant, quanquam contra sententiam Legis fecissent, & intentionem Legislatoris. Itaque cum Præceptum Sextum violari non putarent, nisi hominem quis interfecisset, neque Septimum, nisi quando quis cum muliere non uxore sua concubuisse, Servator noster illos docet, etiam fratri irasci sine causa justa homicidium esse. Audivistis (inquit) in Lege Mosaica, *Non occides,* & quicunque occidet condemnabitur coram Iudicibus; sed ego dico vobis, fratri sine causa irasci, vel dicere ei Raca, vel Faine, Homicidium esse, puniendumque in die Iudicii, & Sessione Christi Apostolorumque igne Gehennæ. Non ergo utitur illis verbis Christus, ad distinctionem Curiarum, aut Criminum, aut Poenarum; sed ut ostenderet damnandum esse quicunque fratrem suum lædendi consilium iniret, aut voluntatem id faciendi haberet. Neque ergo locus hic ad Purgatorium transduci potest.

Locus sextus est Luc. 16. 9, *Facite vobis amicos de Mammona iniquitatis; ut, cum defeceritis, recipiant vos in æterna Tabernacula.* Ex quo Textu

Textu probari putat posse *Invocationem Sanctorum*. Sensus tamen Loci manifestus hic est , ut divitiarum nostrarum usū in distribuendo pauperibus , acquiramus illorum preces pro nobis dum in terra vivimus.

Septimus est *Luc. 23. 42* , *Memento mei Domine , cum veneris in Regnum tuum*. Ex quo sequi dicit, esse Peccatorum Remissionem, etiam post vitam hanc. Sed consequentia bona non est. Nam Servator noster peccata ejus tunc illi remisit cum loqueretur, resuscitatus illum ad vitam æternam in die Iudicij.

Locus octavus est *A&t. 2, 24*, ubi de *Christo* dicit *S. Petrus* , quod *Deus illum suscitavit , solutis doloribus inferni , juxta quod impossibile erat teneri illum ab eo*. Ex quo loco inferri posse putat descendisse *Christum* in Purgatorium , ut animas in eo existentes à Cruciatibus suis solveret ; cum tamen verba manifestissimè significant , illum qui solitus dicitur , quiq; à morte vel sepulchro teneri non potuit , fuisse ipsum *Christum* , non animas quæ erant in Purgatorio.

C A P V T X L V .

De Demonologia, & Reliquis aliis Religionum Ethnicarum.

Quomodo ab Objectis Visibilibus , tum in Linea Directa , tum in reflexa & refracta producantur in hominibus Phantasmatæ , sive ipsorum Objectorum Imagines , dictum supra est cap. 1, & 2. Quod cum ignorarent Philosophi Veteres , & multo magis illorum temporum homines alii , qui neglectis Scientiis , studebant tantum divitiis vel acquirendis vel fruendis , sententias eorum , qui vocabantur Philosophi necessario sequebantur ; non penitantes rationes , sed verba tantum accipientes , more eorum , qui ad oscitationem aliorum oscitant & ipsi. Philosophorum autem alii Phantasmatæ illa , quia non permanebant , sed evanescebant , Immaterialia , Incorporea , Formas sine Materia , Colorem & Figuram sine Corpore colorato & figurato esse existimabant ; & quæ Corpora Aërea induere quasi vestem possent , quoties oculis humanis videri vellent. Alii autem Corpora ea esse , & Animata , sed facta ex Aëre , aliave subtiliore Materia quam , cum videri vellent , condensabant. In hoc autem consenserunt omnes quod essent *Dæmones* ; non minus ineptè quam si quos vident in Somniis homines defunctos , Animas eorum hominum esse dicent quos ante vivos viderant ; vel quam si Formas suas in speculo visas animas suas , vel stellas in aqua visas Stellarum animas appellarent.

Leviat.

rrrr

rent.

rent. Item (quod necessariò sequebatur) Phantasmata quædam ita metuerunt , quasi quæ juvandi & nocendi potentiam sine limite haberent. Potentia enim incognita pro infinita haberi solet vulgo imperito. Metus autem hic Imperitorum hominum, Rectoribus Civitatum occasionem præbuit constituendi Artes quandam *Dæmonologie*, quam dixerunt Religionem, ut ea via metum Civium regerent ad Pacem publicam. *Dæmonia* itaque distinxerunt in bona & mala , ut illis ad legum observationem stimularentur cives, his ab earum violatione retinerentur.

Dæmones autem , quæ res essent , satis constat tum ex *Theogonia Hesiodi* , tum ex aliis Græcorum Poëtis antiquissimis , tum etiam ex Historiis.

Scripta autem sua simili cum Lingua Græca per Victorias , & Colonias suas communicarunt Græci Asia , Ægypti , & Italiam populis ; atque inde *Dæmonologiam* , sive (ut loquitur S. Paulus) *Doctrinas de Dæmoniis* , Iudæorum non pauci , tum qui in ipsa Iudea , tum qui in Alexandria aliisque locis quo dispersi erant , imbiberunt. Nomen tamen *Dæmoni* non (ut Græci) Spiritibus omnibus bonis & malis promiscuè tribuerunt, sed malis tantum ; *Dæmonem* bonum, Spiritum Dei appellantes , & eos qui Spiritum bonum habebant Prophetas nominaverunt. Bonum denique singulare & excellens omne pro Spiritu Dei , & malum omne egregium, *Dæmonium* , & *Cacodæmonem* vocaverunt. *Dæmoniacos* ergo dixerunt illos, quos nos Furiosos, Insanos, Lunaticos, vel Epilepticos ; atque etiam illos , qui ea loquebantur, quæ intelligi non poterant. Etiam hominem immundum habere dicebant , Spiritum immundum ; & hominem mutum habere in se *Dæmonium* mutum. Itaque de *Iohanne Baptista* quia singulari modo jejunabat, dixerunt, quod habebat *Dæmonium* ; & de Servatore nostro, quia dixit , *qui mea dicta custodiet, non videbit mortem in æternum* ; dixerunt, *nunc scimus te Dæmonium habere*. *Abrrahamus mortuus est* & *tu dicas* , si quis Sermonem meum servaverit , non gustabit mortem in æternum. Rursus cum dixisset (Ioh. 7. 20.) *Quod studerent illum interimere* , respondit turba , dicens : *Dæmonium habes* ; quis te studet interimere ? Manifestum hinc est , Iudæos in eadem , eo tempore , opinione fuisse cum Græcis , nempe Phantasmata non esse Idola cerebri , sed res per se existentes , nec dependere ab Imaginatione.

Doctrina hæc . (objicunt aliqui) si vera non sit , quare contrariam non docuit *Christus* ? Imo quare ipse formis loquendi hujusmodi utitur, quæ doctrinam illam videntur confirmare ? Ad quod respondeo, primò ubi *Christus* dicit *Spiritus non habere carnem & ossa*, et si *Spiritus*

est.

esse affirmet, illos tamen Corporeos esse non negat. Item ubi S. Paulus dicit de Electis, quod *resurgent Corpora Spiritualia*, naturam Spirituum agnoscit, sed Corpoream. Aër enim aliaque res multæ et si non sunt neque caro neque ossa, neque res ulla crassa oculis discernenda, corpora tamen sunt. Cæterum cum Servator noster Daemonio imperat ex homine exire, si per Daemonium intelligendus sit morbus aliquis, ut Phrenesis, & Epilepsis, vel Spiritus Corporeus, nonne sermo ille impropus est? Morbinae audiunt? Aut potest esse in carne vel esse repleto jam ante Spiritibus vitalibus & animalibus, Spiritus alius Corporeus? Nonne ergo Spiritus quidam sunt, qui neque Corpora sunt neque Phantasmata? Respondeo, sermonem Servatoris nostri Phrenesim vel Morbum alium alloquenter, non magis impropus fuisse, quam fuit ejusdem sermo Febrem, vel Ventum, vel Mare increpati; neque enim audiunt hæc. Neque magis impropus, quam sermo Dei cum fieri jussit Lumen Firmamentum, Solem, & Stellas; audire enim antequam essent non potuere. Sed sermo ille mundum in principio condensit, ideo impropus non erat, quia significabat potentiam divini Verbi. Neque igitur Phrenesi & Morbis, Vento, & Mari imperare, sermo impropus erat, quippe qui Christi ostendebat Divinitatem.

De Servatore nostro dicitur (Matth. 4. 1.) quod *ductus est à Spiritu in Desertum, ut tentaretur à Diabolo*; (Luc. 4. 1.) quod *Iesus plenus Spiritu Sancto ductus est in Spiritu in Desertum*, ubi Spiritus intelligitur Sanctus. Nulla hic à Spiritu intelligitur Obsessio, neque Possessio. Neque ex eo, quod dicitur *Diabolum posuisse illum super montem excelsum, & ostendisse illi omnia regna mundi, & gloriam eorum, inferri potest*. Diabolum coegerit Christum, & vi circumduxisse quo libuit, aut montem quempiam satis altum fuisse, ut inde conspici omnia mundi regna possent. Quid ergo significant loca hæc aliud quam Visionem? Sic Paulus raptus est in tertium cœlum, ubi vidit mirabilia, raptus, inquam, non in Corpore, sed in Spiritu.

Rursus quod dicit S. Lucas de Iuda Iscariota, quod *intravit in illum Satanas*. Et exiens colloquium habuit cum summis Sacerdotibus, & Dicibus de tradendo Christo; Intelligi potest sic intrasse in Iudam consilium illud hostile & perfidum de Deo & Domino suo prodendo & vendendo hostibus. Sicut enim per Spiritum Sanctum in Scripturis Sacris, intelliguntur Gratiae & virtutes à Spiritu Sancto impertitas; ita etiam per ingressum Satanæ in horum, intelligi possunt cogitationes impiæ, & consilia scelerata inimicorum Christi. Nam quod Diabolus in Iudam intrasset antequam consilium illud, de vendendo

Christo inierat , dictu durum est. Per Satanam ergò illo loco intelligi-
videtur ipsius Iudæ consilium illud Diabolicum.

Postremò , si Spiritus aliquis esset Incorporeus , sive Immateria-
lis , dubitandum non est , quin vox illa *Incorporeum* vel *Immateriale*
alicubi vel in *Novo* , vel in *Veteri Testamento* inveniretur. Sed non
invenitur.

Verùm si Spiritus Immaterialis nullus sit , quæstio alia orietur , cur
neque Servator noster neque Apostoli ejus id docuerunt verbis mani-
festis ne dubitari amplius posset ? Respondeo , quæstiones hujusmodi
Christiano homine indignas esse , nec ad Salutem necessarias. Eodem
jure quæri etiam potest , quare *Christus* qui Fidem , Pietatem & Virtu-
tes omnes omnibus dare potuit , nec tamen dedit : & quare Scientias
omnes naturales non omnibus concessit , sed illas ab industria homi-
num reliquit comparandas ; multæ etiam aliæ hujusmodi quæstiones
excitari possunt. Harum tamen ratio & pia & probabilis reddi potest.

Nam sicut Deus cum Israëlitæ in terram Promissam induxit ,
gentes tamen vicinas non illis superavit omnes , quo terram illam se-
curi possiderent , sed nonnullas earum reliquit quasi spinas in lateribus
eorum , ut ad Pietatem & Industriam populum suum excitarent : ita
Servator noster conducturus electos suos ad regnum Dei , difficulta-
tes naturalium quæstionum , non omnes sustulit , sed Rationis & Indu-
striæ humanæ exercendæ causâ , plurimas reliquit. Hunc enim habuit
scopum unicum Servator noster , ut viam ad Salutem æternam , re-
ctam & planam hominibus monstraret , nempe ut crederent ,
ipsum esse Christum ; *Filium Dei viventis missum* , ut se pro peccatis nostris
Sacrificium faceret ; ut in adventu secundo in Majestate regnaret ; &
electos suos ab Inimico servaret in æternum ; Ad quem finem disputatio-
de Spirituum Corporeitate nihil attinebat. Si à Scripturis rationem
postulemus , quæstionum omnium , quæ Christianum , ne mandata
Dei exequatur , impedire possunt , conqueri etiam de Mose possumus ,
quod , cum creationem Cœli , Terræ , Hominum & rerum cætera-
rum , explicasset , de creatione Spirituum ne verbum quidem locutus
est. Invenimus in Scripturis Angelos quidem esse , & Spiritus , tum
bonos , tum malos , sed non Incorporeos ; & esse apparitiones ,
Somnia , Speætra , Idola , sed non esse ea substantias.

Doctrina tamen contraria , nempe Spiritus aliquos esse Incorpo-
reos in Ecclesia ita diu prævaluit ut Doctores , Dæmoniorum ejicien-
dorum causa , Exorcismum sibi necessarium esse , aut existimaverint ,
aut finixerint. Quod in Ecclesia quidem Primitiva multi erant Dæ-
moniaci , pauci Phrenetici aut Lunatici ; hodie autem Phrenetici &
Lunatici

Lunatici multi, Dæmoniaci nulli; non à Natura rerum, sed à nominum mutatione profectum est. Vnde autem fit, ut tempore Apostolorum Morbos illos, Ecclesiæ Pastores sæpe sanaverint, hodie autem minimè? Etiam quî fit, ut hodie illi, qui verè Fideles sunt, facere non possint quod Fideles fecisse dicuntur (Marc. 16. 17.) nempe, in nomine Christi Daemonia ejicere: linguis loqui novis: Serpentes tollere: & quod lethale est sine noxa bibere: ægrotos manuum impositione sanare? De quaestione hac difficillimâ, nihil habeo certi quod respondeam. Sed fieri potest, dona hac Spiritualia Ecclesiæ concessa fuisse tamdiu, nec diutius, quam Doctrinam Euangelicam non haberent Christiani scriptam. Postea verò (ut piè credi potest) Scripturam illam pro Lege perpetua haberi voluit Deus, neque amplius miraculis æstimandam, à quibus diligenter ab Electis cavendum esse, & Christus ipse & Apostoli ejus docuerunt, ne à falsis Christis & Prophetis deciperentur.

Inter reliquias Ethnicismi numeranda etiam est *Adoratio Imaginum*, quæ prohibita à Mose in Testamento veteri, & à Christo & Apostolis in Testamento novo, non à Gentibus in Ecclesiam illata, sed relicta est, nimirum, in illis qui nomina sua Christo dederant, non penitus extincta. Antequam enim Servator noster Eidem veram prædicasset, Religionum omnium Ethnicarum Summa & quasi Religionis essentia, Cultus erat Dæmonum, id est Idolorum, sive Phantasmatum adoratio; quæ Idola Gentes quidem putaverunt esse Aliquid, Paulus autem Nihil esse docuerat. Paulus tamen Imaginem ex Auro, Argento, Lapide, vel Ligno nihil esse non putavit; sed quod in Imagine coluerunt Gentes, id affirmavit merum figuratum esse, sine loco, habitatione, motu & existentia. Illi autem qui ea adorant, id est divino honore colunt, appellantur in Scripturis *Idololatri*, & in Deum Rebelles. Regnante enim in Iudæis Deo, & locum ejus tenentibus Mose & Sacerdote Summo, si populo Imagines, id est Phantasma sua colere permissum fuisset, non amplius obligatos se esse credidissent Deo suo, & Ministris ejus Mosis Summisque Sacerdotibus obediens; atque ita unusquisque suo arbitrio vixisset in perniciem Civitatis. Prima ergo divinarum Legum erat hæc, ne Deos Gentium colerent, sed unum illum Deum verum, qui ministrante Mose Leges illis condidit, regulasque, quibus inter se concorditer viverent, & ab hostibus se tutari possent. Secunda autem Lex erat, ne ipsi facerent sibi *Imaginem*, quam colerent. Idem enim crimen est Rege deserto proprio, alium constituere, sive suo, sive aliorum arbitrio.

Loca Scripturæ Sacrae quæ adducuntur pro adoratione Imaginum,

num, vel pro erectione Imaginis, sive pictæ, sive sculptæ, duo sunt; unum quod Cherubini eretti fuerunt super Arcam Dei in Sancto Sanctorum. Alterum quod Serpens Aeneus Dei iusti eretus erat, ut in eum aspicientes precarentur. Præterea textus quidam allegantur, ubi creaturas quasdam, propter relationem ad Deum, colere jubemur; ut Res Sacras. Sed antequam vim argumentorum talium examinationem, explicandum est, quid significat vox *Cultus*, & quid *Imago* & *Idolum*.

Ostensum est cap. 20, quod *Honor*, nihil aliud est quam potentia alicujus estimatio magna; quodque estimatio magna per comparationem cognoscatur. Sed quia potentia nulla cum Divina comparari potest, ascribere Deo potentiam finitam, injurium est. *Cultus* autem, honor non est, sed honoris qui internus in corde est *signum externum*. Itaque Precari alicui, Iurare per aliquem, Obedire alicui, vel sedulo servire, denique verba & facta omnia quæ significant aut Metum displicendi, aut voluntatem placendi, *Cultus* est, sive verba illa & facta sincera, sive facta sint.

Cultus quem exhibemus hominibus, ut Regibus vel Ministris Regum, *Cultus* civilis est. Sed *Cultus* quem Deo exhibemus, qualiaunque signa fuerint, est *Cultus divinus*. Prosterni coram Rege, in illo qui hominem esse, non Deum putat, *Cultus civilis* est. Is autem qui quantulumcunque reverentia in Ecclesia, signum ostendit, ob eam rem quod domum Dei illam putet, *Cultum divinum* exhibet. Qui distinctionem *Cultus Divini* & *Civilis* extra Colentis animum, in Verbis δελέια & λατέια inveniri putant, decipiuntur. Sunt enim Servorum duo genera; alterum eorum, qui sunt absolute in potentia Dominorum suorum, quales sunt bello capti, & illorum foboles, quorum corpora sua, non sunt, sed Dominorum, quique venales sunt, ut animalia bruta. Hi vocati sunt à Græcis Δελοι, & Ministerium eorum Δελεια. Alterum eorum est, qui serviunt quidem, faciuntque eadem quod illi, sed voluntarie, & mercede tantum obligati, & vocabantur à Græcis Θησεις; neque ulterius obligabantur, quam ad id quod pacti fuerint. Vtriusque autem generis nomen commune est λατεις, & nomen ministerii commune λατεια. In Scripturis Sacris distinctio illa, præsertim quando sermo est de servis Dei, non invenitur. Deo enim debetur ministerii genus omne.

Imago (in propria & strictissima significatione) est alicujus rei visibilis Similitudo ipsa, id est, Phantasma, Spectrum, sive Corporis species apparens, sive directe, sive per reflectionem, aut refractionem, sive post Sensum in somniis, quas Substantias reales non esse, fatis

satis supra ostensum est. Vocantur autem, *Ideæ*, & *Idola* à voce Græca "Εἰδω", quæ significat *videre*.

Constat ergo rei Infinitæ Imaginem nullam esse posse. Phantasmata enim rerum visibilium Figurata sunt: Figura autem quantitas est, undequaque determinata. Itaque Dei Imago fieri nulla potest, qui est Infinitus; neque Animæ neque Spirituum, qui sunt invisibles.

Imago tamen esse potest rei nunquam visæ, à partibus diversarum creaturarum, quas vidimus, composita, ut Chimæræ, Centauri, &c.

Imago autem (in largiore significatione) Materia signifikat formatam juxta Phantasma vel Imaginem visatam; vocantur autem imagines aliquando etiam si rei cuius Imago dicitur, similis non sit.

Transfertur etiam vox Imago ad quamlibet rei diversæ Repræsentationem. Quo sensu Reges vocari possunt Imagines Dei; & Magistratus Imagines Regum; & *Christus* vocatur *Character Hypostaseos Dei*. Neque Idololatræ Ethnici ipsi in Idolis suis, ad similitudinem semper respexerunt, sed coluerunt non ut similia, sed ut Repræsentantia.

Idolum autem latius adhuc sumitur in Scripturis Sacris, ad significandum Solem vel Stellam, vel quamlibet aliam Creaturam visibilem, vel invisibilem, si Cultu divino coleretur.

Ostensum est, quid sit *Cultus*, & quid sit *Imago*; videamus jam, quid significet vox composita, *Idolatria* sive *Imaginem Cultus*.

Imaginem colimus, quando voluntariè ea dicimus vel facimus, quæ signa sunt Honoris interni, attributi materiae Imaginis, quæ est Lignum, aut Lapis, aut Metallum, aliave creatura visibilis; vel ipsi Imagine ad cuius Similitudinem vel Repræsentationem Materia formata erat.

Coram homine potentia & Authoritate Civili præditó, vel ante thronum Regis, consistere detecto capite, est Hominem vel Principem illum Cultu civili colere; ut, quod non locum aut thronum honorandi, sed personam hominis, signum est; neque est Idololatria. Sed si quis id faciens throno Supplicationem offerret, Cultus divinus esset, & *Idololatria*.

Precari Regem, & erogare, quod facere humanæ potentiae est, et si prostrati in terra id facimus, Cultus civilis tantum est, quia potentiam illi nullam attribuimus; præter Humanam. Quod si precemur illum, ut Pluviam aut Serenitatem nobis concedat, vel aliud quicquam eorum, quæ præstare solus Deus potest, Cultus divinus est, & *Idololatria*. Sin Rex terrore mortis, vel alterius poenæ gravis, ad hujusmodi Cultum compellat, *Idololatria* non est. Cultus enim qui cogi-

tur per vim Imperii , signum non est Honorantis internè , sed metuentes mortem . Neque ergo *Idololatria* est , neque omnino Cultus . Neque vero Scandalum est ; nam ab eo quod coactus fecit , inferri non potest , quod factum placuit .

Deum colere in Loco certo & definito , vel facie ad Locum aliquem , vel Imaginem Conversa , non est Locum ipsum , vel Imaginem colere , sed tantum , si Locus aut Imago consecrata sit , sanctitatem agnoscere ; id quod non qualitatem aliquam in Loco , vel in Imagine novam significat , sed Relationem tantum novam ad Deum , factam per Dedicationem ; & proinde *Idololatria* non est ; non magis quam *Idololatria* erat , Deum colere spectantes ad Serpentem Æneum ; aut quod fecerunt Iudæi , qui extra patriam constituti facies suas , quando precabantur , converterunt versùs Tempulum , quod erat in Ierusalem . Sed Deum colere , quasi in Loco vel Imagine habitantem , Deum Infinitum , Loco finito alligantes , *Idololatria* est : Finiti enim Dei nulli sunt præter Idola cerebri , sive Phantasmata . Etiam Deum colere in Imagine vel Loco , non ut speciali modo ibi præsentem , sed ut eo modo operum Dei memoriam conservare possint , nisi Locus ille aut Imago Authoritate publica dedicatus & consecratus sit , *Idololatria* est . Mandatum enim est , non facies tibi *Imaginem sculpilem &c.* Serpentem Æneum statui jussit Deus ; non sibi nec suo arbitrio statuit *Moses* ; itaque Præceptum secundum transgressus non est . Quod autem *Aaron* , & populus fecerunt sibi Vitulum Aureum iussum Dei , Idololatria erat ; non tantum quia Vitulum illum Deum esse crediderunt , sed etiam quia Religionis causa id fecerunt , nulla autoritate freti , neque à Deo Rege , neque à *Mosè* Dei vicem tunc gerente .

Verum de Cultu Sanctis exhibito Reliquisque & Imaginibus eorum ; etiam hodiè in Ecclesia Romana usitato , an Cultus ille (cum nulla in illis prætendatur repræsentatio Dei) pro Idololatria habenda est ; præsertim cum exempla extent in Scripturis Sacris Imaginum Dei iustū erectarum ? Idololatria certè est . Non enim à Deo erigi illas justum est eo fine ut eas colerent . Neque enim Cherubinos , aut Serpentem Æneum coluerunt Sacerdotes ; imò contra , Hezekias (2 Reg . 18. 4.) Æneum Serpentem confregit ob eam rem , quod à populo colebatur . Distinxit enim inter Imagines , quas fieri jussit Deus , & eas , quæ homines suo arbitratu faciunt sibi .

Ex aliis autem Scripturae locis Doctores Romani hoc saltem licetum esse volunt , Angelos vel Deum ipsum pingere : nempe ab eo , quod Deus in horto Paradisi dicitur ambulasse ; & ab eo , quod à Iacobo visus

visus sit Deus, vel saltem Angeli in scala à cœlo descendentes, & ascendentess; & à Somniis & Visionibus. Sed neque Deus Infinitus ambulat, neque Ambulatio pingitur; & Visiones & Somnia, sive naturalia sint, sive supernaturalia Phantasmata mera sunt. Qui autem Phantasma suum pingit, non Deum pingit, sed Idolum. Non tamen dico universaliter, peccatum esse, si quis Phantasma suum pingat, sed tunc tantum quando ut colat, pingit. Idem dico de Imaginibus Angelorum atque etiam (nisi ut monumenta tantum sint) de Imaginibus hominum defunctorum. Quando verò Sancti hominis defuncti, quem nunquam viderunt Imaginem faciunt, ideo ut præsumi potest, faciunt, ut colant, & precentur quasi audientem; & proinde potentiam plusquam humanam homini tribuunt; quæ est Idololatria. Cum igitur Cultus Imaginum, tum in Veteri, tum in Novo Testamento vetitus sit, credendum non est, introductum esse in Ecclesiam à Scripturis non recte intellectis. Restat ergo ut in Ecclesia relictus sit eò quod Imagines, quas ii haberent, qui ab Idololatria ad Fidem Christianam conversi erant, non aboluerunt.

Causa autem hujus rei Imaginum & simulachrorum pretium insatum erat, Operum enim hujusmodi Domini, etsi colere ea desierunt, retinuerunt tamen sub prætextu Honorandi Christum, Virginem Mariam, Apostolos aliosque Pastores Ecclesiæ primitivæ. Facile enim erat, mutatis tantum nominibus, facere ut quod Simulachrum antè erat Veneris & Cupidinis, postea Simulachrum esset Sanctæ Virginis, & Filii sui Servatoris nostri; & similiter ex Iove facile erat facere Barnabam; & ex Mercurio, Paulum. Itaque Pastores, (per ambitionem) populo novo Christianorum placere cupientes, paulatim & ipsi ad Cultum Imaginum Christi & Sanctorum perducti sunt. Fuerunt tamen post Constantinum: Imperatores aliqui, & Episcopi, & Concilia Generalia, qui Imagines tollere conati sunt, sed sero.

Etiam Canonizatio Sanctorum è reliquiis erat Ethnicis, non à Scripturis male intellectis nata, neque Romanæ Ecclesiæ Inventum novum, sed consuetudo non minus antiqua, quam erat ipsa Romana Civitas. Primus omnium, qui Romæ Canonizatus est, erat Romulus; quem Julius Proculus coram Senatu juravit vidisse se, & convenisse postquam esset mortuus, affirmantem quod in cœlo habitaret, & vocaretur ibi Quirinus, promittentemque propitium se Civitati futurum esse; & propterea à Senatu Deus declaratus est. Post illum Iulius Cæsar, & alii quidam Imperatores Canonizati erant, & appellati Divi.

A Romanis Ethniciis etiam est, quod Papæ sibi sumserunt nomen
Leviat.

Pontificis Maximi. Non tamen nomen illud ante sumserunt , quam vim suam Imperium in Italia perdiderat , nam Pontificatus , magna Summæ Potestatis pars erat. *Augustus Cæsar* , cum Statum Romanum à Democracy in Monarchiam converteret , Titulos duos solos sibi cepit , Tribuni plebis , & *Pontificis Maximi* , quibus Imperium integrum , tum rerum Civilium , tum Religionis , continebatur ; quam potestatem etiam Imperatores , qui subsequuti sunt , dum stetit Imperium , retinuerunt. Quod autem Episcopus Romanus à *Constantino Magno* , Episcopis cæteris prælatus fuerit , causa non erat , quod *Petro* quasi Principi Apostolorum in cathedra Romana succederet , sed quia Imperii sedes erat Vrbs Romana ; ut ex eo manifestum est , quod cum urbs Constantinopolis etiam Sedes Imperii facta esset , Episcopus Constantinopolitanus , de eodem honore cum Papa contentiōnem habuit.

Inter Reliquias etiam Ethnicistni est *Pompa* , sive *Processio* , in qua Imagines Christi & Sanctorum circumferri per urbem Solitæ sunt. Nam in Pompis etiam Ethnicorum videre erat in curru quem *Then-sam* & *Vehiculum Deorum* appellabant simili modo circumlata Idola sua. Quem honorem etiam *Iulius Cæsar* postquam in Divos translatus est , & nonnulli alii Imperatores Romani obtinuerunt. Usus etiam (inter honores divinos) *Cereorum* in Ecclesiis , introductus est à simili ritu Ethnicorum. Etiam ab Ethnicorum *Aqua Lustrali* derivata est , qua utuntur in Ecclesiis *Aqua Benedicta*. Item Libertas illa Servorum , quæ permittitur diebus quibusdam ante jejunium quadragesimale , imitatio erat Romæ antiquæ in *Saturnalibus* ; etiam *Perambulatio* illa , per Parochiarum fines post Pascham , imitatio est festi , qui Romanis appellabatur *Ambarvalia*. Neque dubito , quin alias Ceremoniæ non paucæ à gentium conversione primâ , in Ecclesia relictæ fuerint , quas tanquam Vtres veteres , Doctores Romani , vel per negligentiam vel ambitionem , Christianissimi vino novo impleverunt , quo tandem aliquando dirumpentur.

C A P V T X L V I .

De Tenebris ab inani Philosophiâ.

NOli (Lector) expectare hoc loco , contra Philosophiam aut Philosophos orationem invectivam. Quid ergo agis ? Distinguо inter Philosophos & non Philosophos ; & inter Philosophiam veram , vitæ humanæ Magistram sapientissimam humanæ naturæ decus

cus singulare , & illam , quæ jam diu pro Philosophia habita est , fucatam & garrulam meritriculam . Philosophia enim (sive studium Sapientiæ) quanta est , Sapientia est ; id est , Effectuum ex conceptis eorum causis , seu Generationibus ; & rursus Generationum quæ esse possunt , ex cognitiis Effectibus per rectam rationationem acquisita Scientia ; quam nec Scriptura prohibet , nec hominum quisquam aspernatur .

Per quam Definitionem distinguitur Philosophia primo ab Experiencie , & Prudentia hominum & cæterorum animalium communis ut quæ non Ratione , sed Memoria tantum comparatur .

Deinde distinguitur à Fide & Revelatione Supernaturali , quæ non ratione acquiruntur , sed dono dantur .

Philosophandi autem Origo prima , Sermoni coæva ferè est . Fuere enim inter primorum temporum homines rudiissimos , qui Opera Dei admirati sunt . Admiratio autem ad causas quærendas earum rerum quas admirantur ingenia excitat . Sed id quod Philosophiam aluit auxitque maximè Otium erat , quam Scholam Græci vocant . Otium autem genuit Pax ; quæ nili in magnis Civitatibus inveniri non solet . Itaque Professores Sapientiæ primi erant Gymnosophistæ Indiae , Magi Persiæ , & Chaldæorum & Ægyptiorum sacerdotes . Græcis & populis Occidentis Philosophia nondum orta erat . Postquam autem Respublica Atheniensium victis Persiæ florere cœpit , tunc primum ii , qui neque domi neque foris quicquam haberent aliud quod facherent , convenire in loca publica confabulandi gratia incœperunt , neque a'li rei (ut dicit Sanctus Lucas Act. 17. 21.) vacabant , nisi ad dicendum aut audiendum aliquid novi . Itaque qui sibi videbantur in Philosophia profecisse , docere alios cœperunt , Plato in Academia , Aristoteles in Lyceo , allii in Stoâ ; quæ loca , Scholæ ; & disputationes eorum Diatribæ appellabantur . Ipsi autem eorum Sectatores nominibus suis distinguebantur . Nam qui Platonem sequuti sunt , Academicæ ; qui Aristotelem , Peripatetici ; & qui Zenonem , Stoici vocati sunt ; quæ distinctione , una cum differentiis doctrinarum , permanxit usque ad tempora Servatoris nostri , & (per totam Europam & Asiam fere cognita) etiam illorum temporum Philosophos inter se distinxit .

Etiam in Iudæa Scholæ erant publicæ , sed in Synagogis , ubi Leges Iudæorum publicè explicatae & disputatae erant ; ut Scholæ Libertinorum , Cyrenæorum , Alexandrinorum , & Cilicum .

Quid autem humano generi scholæ Græcorum profuere ? Plato quidem ipse Philosophus & Geometra insignis erat ; sed nulli id debuit Scholæ . Commoda , quæ à Physica & Geometria habemus hodie , Archimedi debemus , homini Scholæ nullius . Schola Peripatetica quæ

cæteras omnes sua loquacitate fecit conticescere , quid habet præter Dialecticæ & Rhetoricæ argutias ? Cujus Phenomeni naturalis causam (non omnibus obviā) reddidit intelligibilem ? Sed , et si iniutiles Scholæ innocuae tamen hæc tenus fuerunt ; Philosophia (Sectis inter se usque ad pugnam dissentientibus) libera tamen hæc tenus erat ; jurare in verba Aristotelis nemo cogebatur , quamquam illius dogmata latius recepta erant , quam Sectarum reliquarum.

Neque Iudeis profuere Scholæ suæ ; in quibus , et si Lex & Prophetæ assiduè exponerentur , Messiam tamen , quem expectabant , agnoscere præsentem non didicerunt.

Ad Iudeos tamen , quibus pro omni Philosophia erat Testamenti Veteris Scriptura sacra Græcorum Doctrinæ non pertinuerunt.

In maximo autem honore apud Græcos erat Philosophia Græca , præsertim Aristotelica tempore Ecclesiæ primitivæ , quando ad Fidem Christianam magno numerō quotidiè Græci accedebant ; etiam inter illos Philosophi , sed hi Fidem ita amplexi sunt , ut tamen Magistrorum suorum dogmata (semicoisci Christiani) non deseruerint , sed quæ cum doctrina Christiana quo cunque modo conciliare potuerunt , retinuere. Atque hæc Sectarum (Græcè Hæresium) in Ecclesia Christi origo prima fuit ; dissentientibus scilicet inter se Pastoribus illis Proselytis de Natura Christi , quem Deum esse per miracula ostenderant Apostoli . Attamen quia ex Principiis Philosophiæ suæ demonstrari posse non videbatur , non crediderunt verum esse . Itaque alii Valentianum quandam sequuti , Historiam generationis Christi totam converterunt in Allegoriam ; cui se opposuit ex Orthodoxis Irenæus . Post hunc Appelles , aliquie Christum verum hominem esse negaverunt , Phantasma sine corpore esse affirmantes ; contra quos disputavit Tertullianus , eo præcipue argumento , quod Incorporeum Nihil est . Alii qui vocabantur Anthropomorphitæ Deo corpus organicum tribuerunt . Alii Christum non totum , sed Dei partem esse voluerunt . Inter ea in Synodis suis Episcopi Presbyterique Doctrinas has novas examinaverunt ; & quas damnaverunt , Hæreses ; quas confirmaverunt Fidem Catholicam vocaverunt ; & tunc primum inter Catholicos & Hæreticos distinctum est . Orta deinde est Arrii Hæresis , negantis Christum esse Deum ; quæ Niceni Concilii convocandi causa erat .

Synodus autem illa non modo Arrianam , sed etiam omnes præteriti temporis à Christo nato Hæreses condemnavit , Fidem Orthodoxam Symbolo quod Nicenum dicitur , breviter complectens ex Scripturis ipsis , nulla omnino Philosophiæ Græcæ habita ratione ; nempe Christum Deum verum esse , & Filium Dei genitum , ejusdem cum
Deo

Deo substantie, quam Fidem confirmârunt etiam tria sequentia Concilia generalia, additâ Sententiâ de Fide in Spiritum sanctum. Etiam Hæresim Africanorum sub Cypriano ortam, de Rebaptizatione eorum, qui ad Ethnicismum redierant, condemnaverunt, & Symbolo Articulum illum addiderunt *Credo unum Baptisma in remissionem peccatorum*. Atque hæc, Nicenæ Synodo ex Scripturis Sacris agnita, (Philosophiâ Ethnicâ nondum advocatâ) placuere & confirmata erant. Non enim Philosophi erant eo tempore pars Patrum major.

Sed in Niceni Symboli expositionibus (nemo enim ferè Doctorum Ecclesiæ, ab eo Concilio in quingentos annos erat, cuius Scripta extant, qui in Symbolum illud Expositionem aliquam non ediderrit) non habita est de sententia Scripturarum tanta sollicitudo. Ubi enim in Scriptura Sacra, aut in ipso Symbolo Niceno invenitur, id quod in Symbolo dicitur Athanasii, ita *Deum & Hominem esse Unum Christum, quemadmodum Anima Rationalis & Caro est Unus homo?* Constitutio hominis ex Carne & Anima nunquam pro Mysterio habebatur; sed *Christus in Carne* Mysterium maximum est. Quod homo sit Anima sua, aut Corpus suum seorsim, nemo dicit; de Christo utrumque rectè dicitur quod est Homo, & quod est Deus. Ubi legitur in Scripturis hominem Christianum, nisi comparatione hac Incarnationis, cum Anima & Carne hominis contentus sit, damnandum esse? Vbilegitur in Scripturis Sacris, aut in Symbolo Niceno, tres esse. *Hypostases*, id est, tres *Substantias*, id est, tres *Deos*, aut aliud quod tantundem valet? Si legatur, cur ea voce Ecclesia Latina recusavit uti? Cur excusat Græcos Augustinus, ab eo quod vocem commodiorem non habuere? Verum quidem est Vocabulum in lingua Græca nullum esse quod respondeat Personæ Vocabulo Latinorum. Necesse tamen non erat, ut Vocabulo Hypostasis uterentur, cum necesse non esset ut mysterium explicaretur. Deinde, quod est in Symbolo Athanasii *Filius est ex Patre solo*, illud solo in Symbolo Niceno non est; & præterea dicitur (Matth. 1, 20.) *quod in Virgine Maria genitum est, ex Spiritu Sancto est*. Sed dicet fortasse aliquis generationem æternam differre à generatione illa, quæ facta est in utero Virginis. Ubi autem Scriptura sacra, aut Synodus, ita distinguit? Nonne Deus erat Filius ex eo, quod Virgo illum ex Spiritu Sancto, id est, ex Deo conceperat? Imo Deus ab æterno erat, etsi nondum Carnem induisset. Nam de eo quod ab æterno decreverat, cui omnia sunt præsentia; loquitur Deus sçpenuero tanquam de præsente. *Verbum Dei*, nempe *Christus promissus*, à principio, & ab æterno erat; Verba tamen illa, quæ faciunt actum promittendi

non erant Deus , nec Substantia , sed *Vox*. Per Filium Dei facta sunt secula , (Heb. 1 , 2 .) sed non per alium Deum ea fecit Deus. Per Verbum Dei facta sunt omnia , quae facta sunt ; dixit enim Deus Fiat , & factum est. Non tamen jubemur credere Verbum illud Fiat esse Substantiam divinam , & Dei Filium. Citant etiam Doctores pro generatione Filii aeternâ , verba Solomonis dicentis in persona sapientiae Prov. 3 , 19 , *Iehovah sapientiam fundavit terram , statuit cœlos intelligentiam* ; volentes eo loco intelligi Sapientiam Dei pro Dei Filio ; si Sapientia sumatur pro ipso Sapiente Deo , argumentum procedit ; sed si sumatur Sapientia quatenus distinguitur , (ut plerumque fit) à Voce concreta Sapiens , non potest intelligi pro Substantia , neque ergo pro Filio Dei , non magis quam Iustus Iustitia , aut Virtus Vir appellari proprie potest. Etiam inter Deum & Deitatem distinguit recte Damascenus , dicens , Deum quidem , sed non Deitatem hominem factum esse. Hæc , & hujusmodi doctrinæ , hominum singularium Opiniones sunt , non Decreta Ecclesiæ ; & proinde (et si impiæ non sint) conscientias tamen non debent obligare.

Temporibus subsequentibus Philosophiam Aristotelicam in Scriptis suis liberius aliquantò sequuti sunt ; etiam eorum nonnulli Tractatibus Logicis , & Physicis in Aristotelis Sententiam editis , Aristotelismum ambitione ostentarunt. Daemonologiam autem , eandem ferè , quam in Homero & Hesiodo legimus animis jamdiu infixam , plerique eorum tenuerunt , quibus doctrina Aristotelis de Formis separatis magis , quam reliquarum sectarum Philosophia congruere videbatur.

Distracto interea Imperio Romano , & in Italia jam penitus extincto , cura Vrbis Romanæ , id est Potestas Romæ regia Episcopo Romano commissa est ; Papatus jam res digna esse vila est , de qua pugnaretur. Itaque de eo pugnatum est ; & quo tempore Carolus Magnus Rex Galliæ Romanorum hostes Lombardos superavit , eodem Leo tertius Schismate Româ expulsus est. Leone autem reduxit Carolus , & in Papatu confirmavit ; & Leo Imperii Occidentalis Imperatorem fecit Carolum , quem publicè in Dei nomine corona Imperiali donavit , populo acclamante , Deus dedit. Regibus hinc Galliæ titulus perpetuus fuit , *Dei gratia Rex Galliæ* , & in Reges Paparum Dominatus. Quem Dominatum ut conservaret Ecclesiæ , senex Leo , mundanarum rerum peritus , Problema nobile excogitavit , *Regna Christianorum* , *Regum ipsorum armis omnia in se transferre* ; & perfecit.

Post unum enim aut alterum annum , Leo Pontifex Carolum Imperatorem

peratorem ad Vniversitates per Dominia sua instituendas, ubi Literæ & Scientiæ universæ docerentur, per Literas suas hortatus est. Itaque Parisiis ille Vniverstatem erexit primam; & postea alias alii Reges in Dominio quisque suo, structis instructisque ad studia Collegiis, legibus ad arbitrium Pontificis Romani gubernandas. Tum demum à Magistris Lombardo, Scoto, Thoma, ex Philosophia Aristotelis & Scripturis sacris commista, nata est Theologia, quæ dicitur Scholastica. Docebantur autem in Vniverstatibus Logica, Physica, Metaphysica, Ethica, Politica Aristotelis, quasi Vniversitas Scientiarum in uno esset (maximo tunc Ecclesiæ Patre) Aristotele. Præcipue vero ad verecundæ adolescentiæ frontem confirmandum in Disputationibus, & Declamationibus publicis Adolescentes exercebantur, quo Romanæ Ecclesiæ dogmata, & sustinere & prædicare possent. Itaque per Ecclesiasticorum ex Vniverstatibus in omnes fere Christiani orbis Vrbes, Oppida, Parochias emissorum Conciones & Scripta edita, animis Christianorum omnium indelebiliter infixum est, *Regulam Iusti & Injusti* aliam nullam esse præter Ecclesiæ Romanae dictamina. Regibus ulterius obediendum non esse, quam ab Ecclesia Romana permisum fuerit. Reges ipsos Pontifici Romano debere tanquam Oves obedire; factumque est, quod erat faciendum.

Locus in Vniverstatibus erat etiam studio Iuris Romani antiqui, & Medicinæ; solæ Scientiæ Mathematicæ, non quod Doctrinæ Christianæ contrarium aliquid continerent, sed propter Ignorantiæ & artium inconciliabile dissidium prætermisæ sunt. Nam & antea, ut quis ab honore Episcopatus arceretur, satis causæ erat, didicisse artes Mathematicas, vel terram credere rotundam esse, aut esse terræ incolas quos Antipodas appellamus.

Quomodo autem, & à quibus Opinionibus Aristotelicis derivata est doctrina Romana, vel Theologia Scholastica quam reprehendis? Dicam. Græci & Latini & Europæi plerique, quoties affirmant aliquid, conjungunt duo nomina per verbum *est*; eo modo significantes Nomen utrumque ejusdem *rei* nomen esse; ut qui dicit *Homo est Animal*, intelligi ita vult ac si dixisset, si quem rectè *Hominem* dicimus, eundem etiam *Animal* rectè dicimus. Aliquando etiam Verbum illud *Est* nomini unico apponimus; ut quando dicit aliquis *Deus est*. Tunc autem ita intelligi vult, ac si dixisset, *Deus est aliquid Reale, non figuratum animi; Hypostasin, non Phantasma*; sic enim distinguunt Græci inter *Res* *veras*, & *apparentes* tantum. Exempli causa, *Hominem* spectantem se in speculo *Hypostasin* vocabunt, sive *Substantiam*; *Imaginem* autem sui in speculo *visam*, *Phantasma*. Verbum hoc

hoc, *Est*, priore modo acceptum, nempe quando conjungit duo Nomina, vocatur *Copula*; posteriore modo sumptum vocatur *Verbum Substantivum*; *Verbo Substantivo* utebantur etiam *Hebræi*, & patsum; ut ubi nomen suum Deus simpliciter dicit esse *Sum*; sed ut *Copula* nunquam utebantur. Nam vice *Copulæ*, utebantur *Hebræi* duorum Nominum *Appositione*; ut ubi dicitur (Gen. 1, 2.) *Terra erat Informis*, quod nos necessariò vertimus, *Terra erat Informis* &c.

Aristoteles, qui non tam ad *res* respexit quam ad *voces*, cum intelligeret (exempli causa) sub duobus nominibus *Homo* & *Animal* quæ res intelligendæ erant, non contentus eo, *Homo* diligens quæsivit ulterius, quænam *res* concipienda erat sub *Copula Est*, vel saltem sub voce *Infinitiva Esse*; nec dubitavit, quin nomen illud *Esse*, aliquujus *Rei* nomen fuerit; quasi esset in *Natura rerum* aliquid, cuius nomen esset *Esse* vel *Essentia*. Ab hoc absurdo in aliud lapsum est adhuc pejus, nempe, *Essentias quasdam esse* ab *Entibus suis* separatas, quas *Celi Orbibus Assistentes* circumagere illos affirmabat. Etiam *Animam humanam*, ab homine separatam & dissitam, per se subsistere; quæ quidem doctrina cum *Theologia Homerica* fortasse congruit, sed cum *Scriptura sacra* non congruit. Neque enim vox illa *Essentia* in *Scripturis aut Ecclesiæ Anglicanæ Liturgia*, *Articulis*, vel *Canonicis* invenitur; neque vox *Græca οὐσία*, nisi pro divitiis, quas *Latini* etiam vocant *Rem*; neque *Essentiale*, *Essentialitas*, *Entitas*, *Entitativum*, neque quicquam quod sit ex *Copula*. Non enim lingua *Hebræorum* id patiebatur. *Essentia* ergo res non est neque *Creata*, neque *Increata*; sed nomen Artis causa fictum. *Entia* hujusmodi nova, notha, inania (verbis & vocibus implicitus) per copulationem Nominum solus genuit *Aristoteles*, *Philosophiæ* quam fraudem vanam appellat *S. Paulus*, principia prima.

Ab hac doctrina de *Essentiis & Formis Substantialibus Separatis* Dæmonologia *Græcorum* in *Ecclesia* (ut dixi) relicta est; & Superstitione illa, quām *δεινὸς αἰρετικὸς* vocant *Græci*, sive metum Phantasmatum. Inde *Exorcismorum* usus ortus est, & Signi Crucis, & Aquæ Benedictæ, quibus Excantarentur aut abigerentur: deinde nata est opinio de *Substantiis Incorporeis*, id est nullatenus habentibus omnino magnitudinem, & quod Deus ipse optimus maximus magnitudinem non haberet, quanquam neque *Substantia Incorporea*, neque *Substantia Immaterialis* in *Scriptura sacra* inveniatur. Item quod *Anima est tota in toto, & tota in qualibet parte corporis*. Ex eodem fonte orta est Doctrina tota de *Purgatorio*, & de *Apparitione nocturna Animarum*, & *Legenda Miraculorum*, & quæstiones de *Animis Reproborum*, ubi,

&

& (cum sint impatibiles) quomodo puniuntur ; aliaque multa quæ non reperiuntur in Scriptura Sacra.

Quod Corpus idem in pluribus simul locis , & plura corpora in eodem simul loco esse dicunt , neque Aristotelis , neque Philosophi , neque hominis cuiusquam sani est , putare. Sed dici expediebat ad sustentandam Præsentiam Realem Carnis Christi in omni Pane consecrato.

Quod Volendi causa sit Voluntas , id est , Potentia causa Actus , Aristotelicum est , & receptum à Scholasticis ; nimirum ut Dominio Dei in Voluntatem humanam sublato , liberum statueretur Arbitrium hominis.

Præterea , quas in Physicis rerum causas reddiderunt absurdas ; ut , quod descensionis Gravium causa sit Gravitas ; Gravitatis autem causam esse , quod ad centrum Terræ venire conservationis suæ causa appetant. Quod idem corpus (nihil addito neque adempto) modo majus modo minus sit ; scilicet per Condensationem & Rarefactionem . Quod anima creatur *infundendo* & *infunditur creando* ; quamquam Scriptura dicat omnia creata esse per Verbum Dei. Quod pro Causis assignant Qualitates *occultas* , Sympathiam , Antipathiam , Antiperistalsin , Qualitates Specificas , item Casum sive Fortunam , id est , suam ipsorum ignorantium ; sublata enim Ignorantia , quid est aut *Fortuna* aut *Qualitas occulta* ? Quod omnis tum Sensio , tum Intellectio fit per motum quendam specierum. Quid est Species ? Species est (ut sciunt omnes , qui Latinè sciunt) Forma rei aspectu cognita , constans ex Figura & Colore ; qualis est Species faciei humanæ quam Vultum & Aspectum dicimus. Species ergo sive Vultus rerum aut intromitti dicunt in oculos , & sic videri , aut Species quasdam seu Vultus rerum emitti ad objectum , & sic videri objectum. Nondum enim inter Scholasticos consensum est , an *extramittendo* an *intromittendo* Species , fiat Visio. Etiam Audire , Olfacere , Gustare , Intelligere per Species dicunt , per Aures , Nares , & Organa Intellectus transentes. Quod Æternitas non sit Temporis sine Fine aut Principio successio , sed *Nunc stans* , id est , idem , *nunc nobis esse* , quod erat *nunc Adamo* , id est , inter *nunc* & *tunc* nullam esse differentiam. Hæc (inquam) quia non miscentur (quod sciam) cum doctrina Fidei Christiana , sed Responsa sunt , tantum Physica , eo fine data , ne non videretur Sapientia omnis pendere ab ore Sacerdotis , prætereunda censi.

Quod negato Libero Arbitrio sequi dicant , Deum esse Peccati Authorem , nec debere ideo Peccatorem puniri , concedant tamen Leviat.

Rerum & Actionum causam primam esse Deum , conciliationem petunt ex *Aristotele* vocante Peccatum *ἀνομίαν* , id est ipsam cum Lege Incongruitatem , Privationem meram , non Factum aut Actionem quampiam. Facti ergo omnis , & Legis causam Deum esse agnoscentes , Incongruitatis causam esse negant ; quasi quis cum duas duxisset lineas rectam & curvam , ambas se fecisse diceret , sed ab alio factam esse illarum Incongruitatem. Sed Aristoteles per Incongruitatem , ipsum Factum , aut saltem Deliberatum , vel Consultum Legi incongruum intellexit. Itaque Scolastici ubi videri voluerunt subtilissimi , ibi hebetudinem indicarunt maximè. Si subtiles fuissent , differentiam inter Causam Facti & Authorem facilè invenissent. Author facti is est , qui fieri jubet ; Causa est is , per cuius vires factum est. Deus neminem jubet quicquam contra Leges facere aut conari ; atqui quæ facimus , viribus à Deo datis omnia facimus. Cur autem , si Deus in causa est , condemnamur nos ? Responde mihi , qui sic rogas , cur Deus ab æterno alios Elegit , alios Reprobavit , & quomodo ad peccatas æternas maximaque condemnavit eos , qui malum nondum aut fecerant aut cogitaverant , nec nisi Deo volente , & vim præbente , facere aut cogitare potuerunt. Responde etiam an Figulo de Vase quod finxit , non sit licitum statuere quicquid vult. Indica denique , ubi Scripturæ apertè dicant , omnes illos , qui à Regno Dei excludentur , victuros esse sine morte secunda cruciandos in æternum.

Accedamus jam ad Ethicam , & Politicam. Docent Scripturæ sacrae Regibus , & Potestatibus Summis eorumque Ministris , etiam Ethnicis , à subditis suis Christianis , non ob metum tantum , sed Conscientiae causa , ut à Deo ad bonum nostrum ordinatis , obedendum esse. Unde igitur nata sunt de Religione , in Germania , Gallia , & Anglia Bella Civilia , nisi à Philosophia , Ethica & Politica *Aristotelis* , & eorum qui *Aristotelem* sequuti sunt Romanorum ? Mensura Boni & Mali in omni Civitate est Lex. *Aristoteles* autem Virtutem & Vitium non Legibus definivit , sed Laude & Vituperio apud Cives ; Regum omnium Imperium *Tyrannidem* vocat ; in Democratia sola Libertatem esse dicit , & ipse & post illum Scriptores Romani plerique ab unius *Tarquinii* Regis odio , Hominis vitium in Formam Regiminis transferentes , nullo quidem arguento , sed exemplo Civibus rerum novarum cupidis grato quidem , sed pernitioso. Hos Authores Græcæ & Latinæ Philosophiæ & Eloquentiæ causa , juvenes cum in Universitatibus docerentur , doctrinam eorum venenosam simul imbiberunt , & de Bono , Malo , Iusto , Injusto , Legibus ,

bus, & Religione, suo quisque arbitrio statuebat. Hinc initium erat mali nostri. Nam & Prædicatorum magna pars, qui de doctrina sua egregiè sentiebant; & alii Lectione Politicæ Græcæ & Latinæ, videbantur sibi magni Politici; alteri quia in Ecclesia, alteri quia in Statu, pro ambitione sua non procedebant, Bellum civile accederunt; in quo Bello multi Civium Myriades occisi sunt, & Rex indigna morte trucidatus.

Tanti constitit didicisse Eloquentiam & Philosophiam Græcam & Latinam; nisi autem Prædicatores populum, & Vniversitates nostræ Prædicatores ipsos melius doceant, forte Iterum ad Trojam magnus mittetur Achilles.

C A P V T X L V I I .

De Quibus quæstui fuerunt ante dictæ Tenebrae.

DE Prætore quodam Romano Cassio, honorificè loquitur alicubi Marcus Cicero, quod in Criminibus cognoscendis, ubi Testimonium non erat satis plenum, Accusatorem interrogare solitus esset, Cui bono fecit Reus; id est, quod lucrum, quam Potentiam, aut quam aliam rem cupidam, inde obtinuerit aut conservaverit aut expectaverit. Sentiebat enim homo prudens Malum gratis esse neminem, sed unumquemque facere, quæ volens facit propter aliquod Bonum sibi. Nam inter Præsumpta nullum majus est, neque quod Authorem Criminis ita manifestè arguit, ut à Crimine Utilitas. Itaque Authores doctrinarum quæ Christianarum Civitatum tranquilitatem jam diu turbaverunt eodem illo Criterio, *Cui bono*, investigabimus.

Post resurrectionem Servatoris nostri, cum jamjam assensurus esset in cœlum, rogaverunt illum Apostoli dicentes, *Domine, num hoc tempore restitus regnum Israeli?* *Dixit autem ad illos, Non est vestrum nosse tempora, sive oportunitates quas Pater in sua ipsis Authoritate statuit.* Qui Regnum Dei restitutum dicunt, tunc cum Christus à mortuis resurrexit, Cui bono doctrinam hanc doctrinæ illæ adeo repugnantem, tum Ecclesia Romana, tum nonnulli alii vulgo docent? Regnum Dei institutum erat in Iudeis à Deo ipso. In eo Potestatem in Terra summam habebat post Moysen Aaron, & post Aaronem cæteri Sacerdotes summi, suo quisque tempore. Iam quoniam regnum illud à Christo restituendum erat, sequebatur, ut in restituto Rex esset Christus. Itaque Ascidente Christo in cœlum sequebatur ut alicui, regni sui administrationem in terra reliquerit, vel Homini vel Coeti. Ma-

nifestum ergò erat illum , qui administrationem hanc obtineret , eandem habiturum esse quam habuerant Sacerdotes Summi *Aaron* & Successores ejus in populo Israelitico , id est , Potestatem Regiam & Summam . Atque hoc bonum illud est , propter quod doctrina illa Ecclesiæ Romanae inventa est ; bonum quo nullum in terris majus esse dicitur . Tenebrosam ergo hanc doctrinam primi infuderunt Ecclesiæ Pontifices Romanæ , quæ docerentur Cives Christiani , quoties inter Reges & Papam oriretur controversia , neglectis suorum Regum Imperatis , Papæ obediare .

Quod eidem doceant *Papam in Articulis Fidei definiendis non posse errare* , eodem tendit .

Quod Episcopus Romanus solus Potestatem suam Iure Divino immediato exerceat , cæteri Iure ab illo derivato , eodem tendit . Eodem etiam tendit quod Clericorum , Monachorum , & Fratrum in omni loco à peenis Legum Civilium eximantur .

Ex eadem doctrina , nimis quod *Sacerdotes* sint eodem Iure quo *Aaron* , poscunt sibi & Levitis suis in Civitatibus Christianis Iure Divino Decimas .

Quod Matrimonium Sacramentum esse dicant , eo tendit , ut Iudices sint in questione de Matrimonio legitimo , & per consequens de Successione ad Regna hereditaria .

A Confessione Auriculari Consilia Regum & Magnatum explorare possunt , & aliquando explorant .

A Canonizatione eorum hominum , quorum opera in Potestate sua augenda vel conservanda egregia usi sunt , animos imperitorum Christianorum in Reges suos usque ad necem aliquando acidunt .

Per doctrinam Purgatorii & Iustificationis per Opera externa , & Indulgentiarum , Clerici , id est , Pontificis Romani subditi sumptu Regum nutriuntur .

Per Exorcismos & cæteram Demonologiam populos terrent .

Postremò , per doctrinas humanas , Metaphysicam , Ethicam & Politicam *Aristotelis* , per distinctiones frivolas , Sermonem obscurum , & voces barbaras , tenebras jam inductas reddunt spessiores , & ipsis Principibus quando volunt palpabiles . Palparunt autem primi Germani , deinde Angli .

Postquam enim communiter creditum esset , eandem esse Potestatem Papæ in populo Christiano , quam habuerunt *Aaron* & cæteri Sacerdotes Summi in populo Israelitico , Ambitio de Functionibus Ecclesiasticis (præcipue de Papatu) obtinendis , & eorum qui obtinuerunt Fastus , eosque paulatim crevit , & conspicuus factus est ,

ut

ut omnem ferè sui reverentiam veram & Pastorali Functioni debitam perdiderint.

Nam à quo tempore Episcopus Romanus pro Episcopo Universali habitus eslet, Hierarchia Romana non ineptè comparari potuit Fabulæ, quæ in Anglia inter Mulieres vetulas, ut pueros, & viros ex plebe rudiores pervagabatur, de *Lemuribus*, id est, de Umbris sive Spectris, & nocturnis eorum facinoribus.

Cogitantibus enim Dominii tanti Ecclesiastici originem, quid aliud videri potuit Papatus nisi Imperii illius Romani ingentis, ingens spectrum, Sepulchro Imperii defuncti coronatum insidens?

Etiam Sermo quo utuntur in Cultu Dei publico, qui nullius tunc Gentis proprius erat, quid aliud erat, quam linguae Latinæ veteris Imago?

Lemures per omnes Gentes unicum & universalem habuisse dicuntur Regem, cui nomen dederunt (ex historia ficta de gestis Hugonis Burdegalensis) *Oberonem*. Ecclesiastici etiam cujuscunque Civitatis Cives sunt, unum & universalem Regem agnoscunt Papam Romanum.

Lemures Spiritus sunt; Ecclesiastici etiam appellant se Spirituales. *Lemures*, Tenebras, Solitudines, Sepulchreta incolunt. Similiter Ecclesiastici, in Obscuritate Doctrinarum, in Monasteriis, Ecclesiis, & Cœmiteriis ambulabant.

Ecclesiastici virtute Aquæ Benedictæ in quoconque loco posuissent Ecclesias suas, locum illum fecerunt ut eslet *Vrbs*, id est, Imperii Sedes. Ita quoque in fabula est habuisse *Lemures* Castella sua quædam Incantata, & Spiritus quosdam Gigantæos qui in Regionibus circumvicinis dominabantur.

Lemures, si quid mali fecissent, comprehendi & sisti ad Tribunalia Civilia non potuerunt. Ita etiam Ecclesiastici criminum Rei à Tribunalibus Civilibus sublati evanescebant.

Ecclesiastici per Incantationes quasdam, ex Metaphysicis & Miraculis confectas, usum Rationis naturalis Adolescentibus adimere consueverunt, eo fine, ut jussis suis cœci obtemperarent. Ita etiam dicuntur in Fabula *Lemures*, Pueris ex cunabulis sublatis, alias illorum vice supponere, Fatuos quidem, sed promptos ad nequitiam.

In qua Officina sive Operatorio Incantamenta sua conficiunt *Lemures* non est dictum in Fabula. Ecclesiasticis autem Operatoria fuerunt, quas ipsi sua Authoritate sibi erexerunt Universitates.

Lemures quoties alicui irascerentur, mittere dicebantur ex suo numero aliquem qui illum fuggillaret. Ecclesiastici item si Civitati vel

Regi alicui succenseant, subditos suos Supersticiosos, & Incantatos immittebant qui Seditione illum fuggillarent, etiam aliquando Principes faciebant ut alter fuggillaret alterum.

Neque *Lemures* neque *Clerici uxores* ducunt.

Ecclesiastici de Decimis, & Imperitorum hominum quibus terrori sunt Donationibus Cremorem terræ accipiunt; quemadmodum in fabula dicuntur *Lemures* Cremorem Laetis ligurire.

In Regno *Lemurum*, qualis sit Moneta, non reperitur in Historia; Ecclesiasticorum autem Moneta quam accipiunt, eadem quidem est cum Moneta Laicorum; sed quam solvunt, *Canonizationes*, *Iudicia*, & *Misericordia* sunt.

Lemures, præterquam in metu, & Phantasia hominum Imperitorum existentiam nullam habent. Sic quoque Potestas Papæ Spirituialis, (extra suum ipsius Dominium Temporale) in solo metu constitit Excommunicationem.

Neque ergo Henrico 8, & Reginæ Elizabethæ Potestatem illam ex Anglia ejicere difficile erat. Ejecti autem, & per Missiones Papales, Chinæ, Japanæ, & Indiae loca arida peragrantes, quis scit an non redituri sint Spiritus illi, vel alii numero plures, & pejores? Non enim Romani soli sunt, qui ad Ecclesiæ aspirant regimen, prætendentes jus Divinum.

Tractatum hunc de Potestate Civili & Ecclesiastica ad finem jam perductum cum recognoscerem, nihil in eo inveni neque contra Sententiam Scripturarum Sacram, neque contra Leges Patriæ meæ Civiles, aut Ecclesiasticas. Nam qui potui, cum totius Operis scopus esset unicus, ut demonstrarem, prætextum nullum esse posse, quo Legum violatio excusari possit? A sententiis autem Theologorum singularium multis in locis abiisse me confiteor.

Si cordibus scripsisset (instar Tabularum rasarum) puris, brevior esse potuisse. Sufficerent enim ea pauca, quæ sequuntur; Homines sine Lege, propter jus omnium in omnia, mutuis cædibus se ipsos interimere. Leges sine Pœnis, & Pœnas sine Potestate Summa iniutiles esse. Potestatem sine Armis & Opibus in unius Personæ manum collatis, Vocem meram neque ad Pacem, neque ad Defensionem Ci-vium, momenti ullius esse; & proinde, Cives omnes, sui (non Imperantium) boni causâ ad Republicam opibus suis tuendam & confirmandam, quantum possunt, obligari; idque arbitrio illius cui Summam dederint Potestatem. Quæ Summa est partis primæ & secundæ. Deinde, Quoniam in Scripturis Sacris (quarum Lectionem Ecclesia nostra omnibus & permisit & commendavit) Vita æterna & salus

salus singulorum continetur ; & unusquisque periculo animæ propriæ illas legit & sibimet ipsi interpretatur ; & propterea æquum est , ut Conscientiae eorum non pluribus Fidei Articulis onerentur , quam qui sunt ad Salutem necessarii , Articulos illos , quinam sint , in parte tertia explicavi . Postremò in quarta parte , ne populus à falsis Doctrinis seducerentur , consilia ambitiosa & astuta Adversariorum Ecclesiæ Anglicanæ patefeci . Hæc , inquam , ingenii Candidis sufficiunt . Sed cum doctrinis contrariis hominum animos jam dudum scribillatos esse scirem , omnia fusiū explicanda esse existimavi , & explicui (sed Sermone Anglo) quantum potui , eo tempore , quo Bellum Civile de Disciplina Ecclesiastica natum in Scotia , per Angliam etiam & Hiberniam ferocissimè gerebatur , quando non Episcopis tantum , sed etiam Rege , Lege , Religione à & Honestate sublatis , Perfidia , Cædes , fœdissima scelerata omnia , sed larvata dominabantur ; adeò ut si quis ex mundi partibus remotioribus huc appulsus , eorum quæ tunc perpatrabantur flagitorum spectator fuisset , Iustitiæ Divinæ sensum in his locis nullum omnino tunc fuisse , pro certo habuisset . Doctrina ergo hæc mea parum tunc profuit , parum inquam , sed tamen aliquid . Sperabam autem Bello extinto profuturam esse postea . Vicerunt Democratici , & Democratiam constituerunt ; sed eandem (tantorum suorum scelerum mercedem (subito amiserunt . Angliam Scotiam , Hiberniam unus Tyrannus occupavit , & prudentiam eorum Democraticam tam Laicorum quam Ecclesiasticorum confutavit . Populus Bello fatigatus ipsos contempsit , non minus quam ante admiratus est . Restituto denique Rege legitimo , Veniam petierunt (id est stultitiam suam agnoverunt .) Venia data est , idque (ne sceleribus suis à bonis distinguerentur) per Amnestiam universalem . Quis credit Principia illa Seditiosa non jam deleta esse omnia , aut , præter Democraticos esse quemquam , qui doctrinam tam Pacificam quam hæc est abolitam esse cuperet ? Quod ne accidat , eandem Latinè extare volui . Video enim dissensiones hominum de Opinionibus & præstantiâ ingenii tolli armis non posse . Mala hujusmodi , quo modo nata , eodem extingueda sunt . Animi Civium à Politicæ , & Philosophiæ Ethnicae Scriptoribus infecti paulatim fuerant . Itaque atramentum illud Democraticum , prædicando , scribendo disputando eluendum est Id quî aliter fieri possit , nisi ab Universitatibus , non intelligo . Quantam ergo operam olim Potestati Pontificiæ præstiterunt , tantam post hac impendant Potestati Regiæ vindicandæ . Omnes interea operam demus , ne per discordias intestinas nos opprimi ab externo hoste patiamur universos .

A P P E N D I X

A D

L E V I A T H A N.

C A P V T . I.

De Symbolo Niceno.

A.  Xplica mihi quæso Symbolum Nicenum , non dico, ut res ipsas animo comprehendam , sed ut verba Fidei ita intelligam ut consentanea sunt Scripturis Sacris , & primo hæc verba [Credo in unum Deum Patrem Omnipotentem Factorem Cœli & Terræ, atque visibilium omnium & invisibilium.] Et primò quid est illud, *Credo in* , vel Græcum *mstvw̄ iis?* Nam apud authores Græcos non memini me alibi illam phrasim reperiisse. Lego *Credo alicui mstvw̄ tvi,* *Credo ita esse* , vel *mstvw̄ c̄vtaς ēv̄āi*.

B. Propria est illa vox consentientium in articulos. Nam præpositio *iis* significat inter alia *haētenus* , ut quando dicitur *mstvw̄ iis b̄eōv mst̄ēḡ &c.* si pro *b̄eōv &c.* ponetur *t̄m̄* , idem eslet quod credo *huc uſque sive haētenus*. Significat ergo præpositio *iis* determinacionem articulorum credendorum , nempe quoisque cum Concilio consentiunt subscriptores. Mirum igitur videri non debet , si extra confessionem Fidei phrasim illam non legisti. Eadem enim est ac si te credere dices : Deum esse , eundemque Vnum esse , Patrem esse , Omnipotentem esse , & sic de cæteris. Legitur etiam credo in Euangelio , id est credo Euangelio , id est prædicatoribus Euangeli ; sed ibi Græcum non est *iis* , sed *ēv̄*.

A. Deus est Pater , Deus est Omnipotens &c. sunt (ut loquuntur Dialectici) propositiones. Habent enim sua Subjecta & Prædicta , & apertè in illis Deo nomen aliquod attribuitur , sed in affirmatione hac *Deus est* , quod nomen Deo attributum sit , non intelligo. Non enim puto dici posse , quod Deus est , est , & frustra dicitur , Deus est Deus.

B. Cum dicitur *Deus est* , vox est est verbum Substantiale , includens tum copulam tum prædicatum , tum apud Græcos tum apud Latinos.

Ita

Itaque illud *Deus est*, significat idem quod Deus existit, id est (resoluto verbo substantivo) *Deus est ens*, sive *é ès*, id est reale aliquid, non mereum Phantasma, quale est, quod vocatur *Spectrum*, vel quales colebantur à gentibus *Dæmones*, & ab Apostolo S. Paulo, *Nihil*.

A. Memini quidem ab Apostolo *Idola* vocari *Nihil*, non autem *Dæmonia* sic vocari.

B. Putasne ea *Simulachra aurea*, eburnea, lignea, an non potius *Dæmonia*, quæ sub illis colebantur, vocata esse *Nihil*? Præterea *Idolum propriè est Phantasma, nimirum Idea, Imago rei, non res ipsa*; ad quas Ideas *Simulachra sua faciebant Græci*. Nam Deorum suorum Ideas sive Imagines raro sumpererunt à *Simulachris*. Distinguitur etiam Deus per vocem illam *Ens*, à nominibus. Aliud enim est res homo, aliud nomen homo. Præterea sciendum est, quod vox *est*, ut usurpatur à Latinis, & Græcis ad copulam in propositionibus, Hebræis omnino ignota erat. Itaque utebantur semper verbo substantivo, & vice copulae in omni affirmatione ad significandam (quam dialectici vocant) Prædicationem, nomen nomini solummodo adjungebant. Latinis autem & Græcis copula *est*, non est Verbum, sed *Conjunctio*; & ut *est* significat nomina, inter quæ interponitur esse nomina diversarum rerum, ita *conjunction* *est*, significat nomina inter quæ interponitur esse nomina rei ejusdem. Itaque ea nomina quæ à copula *est* derivantur, ut *essentia, entitas, esse*, Hebræi habere non potuerunt, nec illis æquivalencia. Latinè dicitur *Terra erat vacua*; Hebraicè *Terra existens vacua*, ubi ab homine Latino non audiebatur *erat*, sed [*erat*] *aliquid existens*.

A. Quid credendum est per vocem hanc [*Creator*]? Anne Mundum hunc è nihilo factum esse?

B. Certè ex nihilo; non ut, Aristoteles ex materia præexistente. Expressè enim dictum est in Scripturis Sacris, omnia facta esse ex nihilo. Etiam Aristoteles, qui Mundum dicit esse *Æternum*, sibi meti ipsi contradicit. Materia enim non dicitur, nisi de qua aliquid factum est. Symbolum ergo hoc dicit, Deum factorem esse omnium rerum ex nihilo; & quod sequitur, sua vi habet ut existat, non ab alio; & proinde etiam existit ab æterno; & quia non fit, qui Deo dedit ut existeret, nihil etiam erit quod ipsum faciet non existere. Est ergo Deus ab æterno & in æternum. Quæ vero creata sunt, non sunt ab æterno, quia creata, in æternum autem erunt, qua forma & specie vult Deus, nam *cœlum & terra renovabuntur*, & quanquam mundus conflagrabit, non tamen annihilabitur, sed permanebunt entia, Realia. Deus autem qui neque ab alio, neque à se factus est, non potest mutari neque Metamorphosem pati, neque à se, neque ab alio,

sed est Immutabilis & (sine mixtione illa Aristotelica) Simplicissimus. Quæ omnia attributæ Simplex ; Immutabilis , Æternus ; sicut ex verbis Symboli deducuntur ; ita de Deo in Scripturis Sacris expressis verbis prædicantur.

A. [Et in unum Dominum Iesum Christum Filium Dei unigenitum.] Cur necesse erat dicere *Vnigenitum* ?

B. Quia erant eo tempore Hæretici , qui docebant Christum non esse Filium Dei genitum , sed adoptivum ; alii etiam erant , qui docebant Christum alio sensu in Scripturis Sacris vocari Filium Dei , quam quo fidèles omnes ita appellantur. Cum tamen in Scripturis Sacris expressè & passim dicitur tum genitus , tum Deus à Patre natus ante omnia secula ; & propterea credi debet Christum esse Deum de Deo , Lumen de Lumine , verum Deum de vero Deo , genitum non factum.

A. Quænam est differentia inter *genitum* & *factum* ?

B. Per *factum* intelligimus *factum à Deo ex nihilo* , id est *Creaturam*. Quanquam enim animalia dicantur & creata & genita , quando dicuntur creata , intelligitur illud cum relatione ad Deum creatorem , qui in omni genere primum mārem & foeminam creavit ex creata terra. Sed quando dicitur animal esse genitum naturali modo intelligi debet , cum relatione ad prima creata ut materiam ; at quando dicitur Christum esse genitum , intelligitur genitum ab ipso Deo Patre de materia Virginis.

A. Quid est [*Lumen de Lumine*] ? Lumen enim , ut mihi videtur , Phantasma est , non res existens. Exempli causa , si inter oculum & candelam vitrum statuas cuius superficies ex multis planis constat certo modo dispositis ; multæ tibi videbuntur candelæ. Scimus tamen unicam ibi esse veram candelam , & proinde cæteras omnes meta esse Phantasmatæ , Idola , hoc est , ut dicit Sanctus Paulus , Nihil. Neque tamen earum una verior est candela , quam reliquæ quatenus apparent ; sed vera candela , quæ principio posita erat , candelarum apparentium tantum nulla est , sed res ipsa , eademque causa illarum omnium imaginum , & propterea ab Aristotele distinguitur à Phantasmate per vocem *hypostasis* , quasi sub imagine staret res ipsa latitans ; quam Græcam vocem Latini ad syllabam verterunt *substantiam*. Et sic distinguunt tum Græci tum Latini rem veram in se subsistentem , à Phantasmate , quæ videtur subsistere , nec subsistit , neque est ens. Nonne hæc est vera distinctione inter rem ipsam & suam apparentiam ?

B. Ita est. Sed Patres Ecclesiæ illis temporibus , tum ante tum post

post Concilium Nicenum in scriptis suis vocem *Hypothesis* videntur alio modo interpretari, mysterium Trinitatis Christianis omnibus intelligibile reddere cupientes, & illud optimè fieri posse existimabant per similitudinem ignis, luminis, & caloris, quæ tria unum esse putaverunt, & ignem quidem ad Patrem, lumen ad Filium, & calorem ad Spiritum Sanctum retulerunt. In qua similitudine congruitas esset fortasse accurata, nisi quod ignis splendor, & calor, substantiae nec sint, nec ipsis Patribus esse visæ sint, præsertim Aristotelicis, nisi forte ipse ignis ponatur pro ignito. Homo enim & ignem, & lumen, & calorem extinguit quoties libet; sed ut Agens tam infirmum quam est homo, creaturam veram substantialē à Deo omnipotente creatam extinguere possit, & in nihilum redigere, nec jubemur credere, nec credibile est. Itaque quoties comparationem illam adducebant in scriptis propriis Patres ipsi, adjecerunt continuo, non eam ita accipiendam, quasi esset mysterii tanti idonea explicatio; Sed ut, qua nullam potuere invenire meliorem; omnes enim in eo consenserunt incomprehensibilem esse naturam Dei, & Trinitatis, & Angelorum, & (ut addit Athanasius) animæ rationalis.

A. Mihi quidem non recte videntur voluisse mysterium illud explicare. Quid enim aliud est mysterium explicare quam destruere, sive ex mysterio facere non mysterium? Fides enim conversa in Scientiam interit, manentibus sola Spe & Charitate.

B. Lumen ergo de Lumine in Symbolo ponitur, tantum pro adiutorio Fidei cæteris articulis adhibendæ.

A. Sequitur deinceps articulus ille magnus, qui in Ecclesiam antiquam tot turbas intulit, exilia & homicidia. [*Consubstantialis Patri, per quem omnia facta sunt.*]

B. Et quidem verissimus est, verbis apertis declaratus à S. Iohanne cap. i: *In principio erat Verbum, & Verbum erat apud Deum, & Verbum erat Deus.* Et *omnia per ipsum facta sunt.*

A. Quid intellexerunt Patres per Verbum?

B. Filium Dei naturalem, sive genitum à Deo, à principio, id est ab æterno.

A. Numquid eo loco Verbum significat vocem aliquam, ut sonum à Deo prolatum?

B. Absit; Patres id passim negant.

A. Quid ergo? Vocem internam, quale est Dei Decretum æternum de condendo mundo & redimendo homine?

B. Nescio de hac re quid senserint Patres, sed putó illos aliter sensisse,

sensisse, ne nimium accederent ad doctrinam Stoicorum, quorum (apud Græcos) εἰπαγένεται, & (apud Latinos) Fatum idem significat quod Decretum æternum.

A. Quid ergo inquam intelligitur per *Verbum* apud Patres?

B. Nescio, nisi quod in lingua Sacra *Verbum* saepe accipiatur pro ipsa re quæ Decreta est, vel promissa. Legitur enim saepe in veteri Testamento pro factum est quod Deus promisit, factum est *Verbum Dei quod locutus est*. Ego vero nemini Scripturam Sacram præterquam mihi interpretari soleo. Veruntamen si locus S. Iohannis ita intelligendus sit, nihil circa mysterium incarnationis querere amplius vellem. Nam si *Verbum* hoc loco sit illud ipsum, quod decreverat Deus venturum in mundum ad nostram redemtionem, & quod promiserat Deus in Paradiso, *Verbum* illud non est mera vox, sed vera res, eadem cum Christo. Quomodo autem *Factus homo est*, inquirere non est meum. Sufficit mihi quod Redemptor meus factus est. Quid enim? Si credam creâsse terram & cætera omnia ex nihilo, & hominem ex terra, non credam potuisse naturam afflumere humanam, nisi sciam quo modo?

A. [Qui propter nos homines & nostram salutem descendit de cœlo; & Incarnatus est de Spiritu Sancto ex Maria Virgine, & homo factus est, crucifixus etiam pro nobis sub Pontio Pilato; passus & sepultus est.] Duæ hic sunt difficultates, quarum prima est, quod dictum sit unde descendit, nempe de cœlo; non autem dictum est quoisque descendit. Scio in Symbolo Apostolorum esse, descendit ad inferos. Sed verba illa locum non definiunt; quia homines etiam respectu cœlicolarum propriè dicuntur Inferi. Etiam in Scripturis, locus ubi hostes Ecclesiæ dicuntur futuri variè vocatur; quandoque Gehenna, aliquando Tenebræ externæ, id est extra Ecclesiam Dei, propter lucem Ecclesiæ in Goshen, quia una de plagis Ægyptiorum erat Tenebrae; aliquando lacus ignis, cum respectu, puto, ad poenam Sodomitarum & Gomorrhæorum, & lacum biturini. Sed de his nondum, quod sciam, quicquām Ecclesia definitivit. Doctores aliqui locum damnatorum statuerunt cum Bellarmino esse circa centrum terræ, ut scilicet longissimè distaret à cœlo beatorum; respicientes forte ad vocem S. Petri Græcam περιπλεξόμενος. Et quidem cœlum distat à centro terræ longius quam à superficie terræ quantum est totum punctum. Sed non credo credidisse Apostolos Poëtis Ethnicis de loco Tartari; quem Hesiodus tantundem à terra distare facit quantum terra à cœlo. Incus (inquit) novem dies & totidem noctes perpetuas de cœlo cadens, decimo die attinget terram; totidem autem noctes &

& dies perpetuos è terra cadens perveniet ad Tartarum die decimo. Virgilius autem distantiam à terra ad Tartarum bis tantum facit, quanta est à cœlo ad terram. Cæterum vocem illam ab Apostolo Petro positam esse puto figuratè, quod solet fieri de multis dictionibus Scripturæ Sacræ.

B. Utcunque id sit, de loco damnatorum nihil ab Ecclesia congregata, saltem à nostra hac tenus definitum est.

A. Secunda difficultas est, de eo quod dicitur [*Incarnatus est de Spiritu Sancto.*] Nam Matth. 1, 20, dicit Angelus ad Iosephum, *Quod in illa genitum est, à Spiritu Sancto est.* Quod ita sonat ac si Spiritus Sanctus esset Filii genitor, id est Pater.

B. Quid? Nonne Spiritus Dei est Deus, & idem Deus cum Filio & Patre?

A. Quomodo ergo distinguuntur Hypostases?

B. Neque in Symbolo, neque in Scriptura Sacra distinguuntur aut nominantur tres Hypostases.

A. Sed inveniuntur tres Hypostases in Symbolo Athanasii, quæ pars est Liturgiæ Anglicanæ.

B. In Græco quidem *Hypostasis*, in Latino autem & Anglicano *Persona* est.

A. De vocibus *Hypostasis*, *persona*, *subsistencia*, aliisque multis vocibus tunc interrogabo te cum Symbolum totum explicaveris [*& resurrexit tertia die, secundum Scripturas, & ascendit in cœlum, sedet ad dextram Dei. Et iterum venturus est cum gloria judicare vivos & mortuos, cuius regni non est finis.*] Hæc omnia (fateor) in Scripturis sunt, & quidem eodem sensu quo sunt in Symbolo, [*ubi sedet ad Dextram Dei*] non intelligo ut de comparatione honoris, sed ut de honore maximo. [*Et in Spiritum Sanctum Dominum & vivificatorem, qui ex Patre Filique procedit.*] Ostende ex Scripturis Sacris, Spiritum Sanctum esse Dominum & vivificatorem, id est Deum, & quod procedat etiam à Filio.

B. Primo idem Filius Dei dicitur genitus (Matth. 1, 20.) à Spiritu Dei. Deinde dicit Iob. 33, vers. 4, *Spiritus Dei fecit me, & (26, vers. 13.) Spiritus Dei creavit cœlos.* Quod autem procedat tam à Filio, quam à Patre, manifestum est ex eo, quod Christus dicit: *ego vobis mittam Paracletum, & ex eo quod cum spiraret in Apostolos dixit, accipite Spiritum Sanctum.* Nota illud *ex Filio* non esse in Symbolo Niceno, quanquam sunt in Symbolo Athanasii, sed addita esse, ut putat Bellarminus, in Concilio Constantinopolitano generali secundo.

A. [*Qui cum Patre & Filio simul adoratur & conglorificatur, qui locutus est per Prophetas.*] Quare positum est illud *conglorificatur* ?

B. Nescio, sed propter hoc verbum *conglorificatur* adducor ad credendum Formulam glorificandi Trinitatem, ubi dicitur vel cantatur *Gloria Patri & Filio & Spiritui Sancto* in Ecclesiis Dei receptas fuisse aut in tempore illo aut ante.

A. Fortasse. [*Et unam Sanctam Catholicam & Apostolicam Ecclesiam. Confiteor unum Baptisma in remissionem peccatorum. Expecto resurrectionem mortuorum, & vitam venturi seculi.*] Cur in Symbolo Apostolico deest illud *Vnum Baptisma* ?

B. Sanctus Cyprianus circiter septuaginta annis ante Concilium Nicenum, Concilium tenuerat Provinciale in Africa Carthaginense, ubi decretum est Hæreticos non debere recipi ab Ecclesia, nisi iterum Baptizarentur, quod decretum puto tunc condemnatum esse, cum inserta essent illa verba confiteor *unum Baptisma*.

A. In Symbolo Apostolico non dicitur *Resurreccio mortuorum*, sed *resurrectio carnis*. Quænam est differentia ? Habebuntne mortui, quando resurgent, carnem, ossa, sanguinem, manus, pedes, & cætera humani corporis membra ?

B. Respondeat tibi S. Paulus 1 Cor. 15, 23, *Resurgent unusquisque in proprio corpore*. Deinde vers. 44, *Seminatur corpus animale*, id est (ut ego opinor) quale est corpus humanum quando est mortuum; *resurget corpus spirituale*. Itaque mutatur; ut vers. 51, *mysterium vobis dico. Non omnes quidem moriemur, omnes autem mutabimur in momento, & ictu oculi in tuba ultima. Sonabit enim tuba & resurgent mortui incorruptibles, & nos mutabimur.*

A. Sed mihi videntur hic duæ difficultates; altera, quia resurgere est reviviscere, quomodo homo reviviscet in sepulchro, nisi anima ejus accedat ad corpus, nimirum de cœlo vel aliquo cœli Limbo descendens; vel ab Inferno, vel Purgatorio ascendens?

B. Quid? Deusne qui fecit hominem ex terra in animal vivens non poterit eundem resolutum in terram ad vitam resuscitare ?

A. Videtur ergo homo post Resurrectionem habiturus duas animas rationales, nimirum illam qua resurgit, alteram quæ in morte à corpore separata, migravit in Cœlum, vel Limbum, vel Purgatorium, vel Infernum. Dicunt enim omnes animam humanam nunquam interire postquam semel creata est, ne minimo quidem momento, ut rem in se subsistentem, desinere esse.

B. Ego vero nihil super hac re tibi dicam, nisi quod reperio dictum disertè, & sine omni ambiguitate in Scripturis, nulloque alio textu apertè

apertè contradicente. Tu quidem una cum cæteris ferè omnibus, quod anima humana interire non potest, habes à Philosophis, quos ego post Scripturas Sacras Magistros mihi non desidero. Veruntamen si locum aliquem mihi attuleris ex Scripturis Sacris ubi alia attribuitur animæ humanæ immortalitas, præter illam quæ hominibus sub nomine æternæ vitæ data est, ego etiam sentiam cum Philosophis. Verum si attuleris loca illa quibus comminatur Deus reprobis æternos cruciatus, non inde poteris colligere animas eorum inter diem mortis, & diem judicii, sed tantum post diem judicii extitisse. Præterea à Iustitia Dei qui cruciatus æternos peccatoribus comminatus est, arguere æternitatem ipsorum cruciatuum non potes. Etsi enim qui bona, quæ debentur, non præstat, injustus sit, is tamen qui mala vel damna debita non præstat injustus non est, sed misericors. Quanto minus Deus, qui est infinitè misericors non poterit sine justitiae suæ violatione mitigare tum diuturnitatem tum acerbitudinem meritorum poenarum? Deinde Scriptura dicit (Apocal. cap. 20.) *Ipsum Infernum conjectum iri in lacum ignis, quæ est secunda mors.* Resurgent ergo reprobi, ut videtur, ad secundam mortem. Denique si anima non sit idem, quod Vita, sed substantia in se existens distingua à corpore, eademque hominis essentia, sive natura, sequi videtur addita natura divina tres esse in Christo naturas, quod est contra Fidem.

A. Etsi ex Scriptura demonstrari non possit Animam humanam substantiam esse separatam à corpore, non videtur tamen ex Scriptura demonstrari posse contrarium.

B. Videamus ergo quid Scriptura dicit tum in veteri tum in novo Testamento de natura animæ humanæ, Harmonice. Ut enim articuli præcedentes præcipui sint apud Theologos, articulus tamen hic de Resurrectione ad vitam æternam præcipuus est apud Christianos universos, quia in illo omnis eorum post præsentis vitæ afflictiones collocatur spes, & præsumptum gaudium. Dixit Deus ad Adamum in Paradiso (ubi erant duæ præ cæteris arbores excellentes, nempe Arbor Vitæ, & Arbor Cognitionis Boni & Mali) *quo die comedeleris de fructu Arboris Cognitionis Boni & Mali, moriendo morieris.* Diabolus autem ad Evam dixit, Prohibetur vobis ne comedatis de fructu Arboris Cognitionis Boni & Mali, ne fatis sicut Dii. Ambo autem Adamus & Eva ambitione ducti, Serpenti crediderunt, Deo non crediderunt, & de fructu vetito comedenterunt, itaque Deus utrumque à Paradiso expulit, ne manum ad Arborem Vitæ extenderent, & viverent in æternum.

A. In-

A. Intelligo hinc Adamum ex usu fructus Arboris vitæ vivere potuisse in æternum , ac fuisse creatum non sua natura, sed tantummodo virtute Arboris Vitæ immortalem. Præterea , poenam violati Præcepti Divini Adamo inflictam fuisse mortalitatem , quæ necessario conseqüebatur ab eo quod illud perdiditerit sine quo vivere in æternum non potuit. Hæc manifesta inesse in Sacro textu video. Sed non video , quare Adamus (secundum verba comminationis divinæ) non statim ac comedisset mortuus fit , sed vixit plusquam nonaginta annos.

B. Deus non dixit simpliciter *Morieris* , sed *Moriendo Morieris*, id est , cum Morieris Morieris , id est , non reviviscet , sed mortuus perpetuò eris. Sic explicat locum Athanasius , & rectè ; nam Idiomæ est Hebræorum. Ex quo intelligitur comminationem illam pertinere etiam ad Adami posteritatem , id est , ad genus humanum. Atque hinc est quod dicit Apostolus Paulus *per peccatum unius hominis mors intravit in mundum* , unde sequitur non modo cæteros homines , verùm etiam Adamum ipsum necessitatem habuisse utendi beneficio mortis Iesu Christi ad vitam æternam quam perdiderat sua culpa.

A. Quid ita?

B. Quia dicit S. Paulus 1 Cor. 15, 22, (quæ est harmonia veteris & novi Testamenti) *Sicut in Adamo omnes mortui sunt , ita in Christo omnes vivificantur. Unusquisque in proprio corpore. Primitæ Christus. Deinde illi qui sunt Christi , in adventu Christi. Deinde finis &c.*

A. Adventus Christi erit idem cum die Iudicii. Nemo ergo reviviscet ante diem Iudicii , sed in illo ipso die. Adamum ergo certè salvandum esse puto , nec tamen vitam recipiet ante diem ultimum. Interè quomodo dicetur vivere ? Si per animam in coelo vivet Adamus antequam est animatus , & anima ejus (si modo sit substantia vivens) vivet in non animato corpore , quod valde durum est dicere. Animæ autem hominum eorum , qui in die Iudicii in terra viventes , eadem animæ , elevabuntur ad nubes & inde ad cœlum , corpora habebunt spiritualia eademque animata animis (si quidem animæ sint substantiæ in se existentes) spiritualibus.. Quænam ergo erit differentia illa inter duo illa Entia Spiritualia Corpus & Animam.

B. Mihi quidem differentia illa inexplicabilis est nisi concedatur vitam æternam hominibus non incipere nisi à resurrectione , & vitam & animam eandem esse rem , cum in Scripturis Sacris nusquam apertere distinguantur. Verba autem illa Christi in Cruce ad latronem , *Hodie mecum eris in Paradiso , & illa ad Discipulos , ego sum Arbor Vitæ , quor-*

quorum spectant, nisi ut sciant fideles amotum esse à porta Paradisi gladium illum flammatem, & per Sacrificium Christi patefactam viam esse ad Arborem Vitæ, id est, ad Vitam æternam. Quid ergo opus est pio homini immortalitatem suam Creationi, id est naturæ potius quam redemptioni attribuere?

A. Sed commoveor consensu omnium, qui fuere & sunt credentium animam rationalem immortalem esse, sua natura simul atque est creata, quamvis ignari doctrinæ Sacrae.

B. Evidem illos, qui sic sentiunt, non vitupero. Nam qui præclarè sentit de anima propria, cavit plerumque ne illam per vitæ turpitudinem dedecoret. Cæterum non concedo, illum minus cavere idem, qui constanter credit animam suam redemptam esse per *sanguinem* Christi, & factam æternam. Neque id concedendum tibi est, sententiam illam fuisse & esse omnium in universum hominum. Illi enim qui dixerunt in cordibus suis, Edamus, Bibamus, cras Moriemur, non ita sentiebant, qui tamen pauci non sunt. Præterea sententia eorum omnium, qui sine propria ratiocinatione sequuntur dictamina Magistrorum, non sunt propriæ suæ. Non ergo ita sentire dici debent agricolæ, artifices, aliquique homines qui circa vitam communem occupati, numquam fere de natura animæ suæ, sed de divitiis & honoribus comparandis, vel de necessitatibus suorum corporum cogitare solent. Itaque consensus ille omnium hominum reductus est ad consensum solorum Philosophorum. Deinde fuere inter Philosophos Saducæi, qui nullos omnino credebant esse Spiritus creatos, & proinde animæ existentiam aliter, quam ut appellatur vita, non agnoscabant. Etiam sectatores Aristotelis & Platonis, non perspectis rationibus, sed sola autoritate Magistrorum id crediderunt; non sunt ergo numerandi tanquam authores opinionis quam profitentur. Adeo ut quos dicis omnes homines reducuntur ad Platonem, Aristotelem aliosque paucos Philosophiæ Principes. Denique consideremus verba Ecclesiastis quæ sunt in Capite tertio, versus finem. In Bibliis Polyglossis versio interlinearis est, *Dixi ego in corde meo super verba filiorum Adam, (Ad purgandos eos Deus, & ad videndum quid ipsi animal ipsi sibi) Quod eventus filiorum Adam, & eventus Animalis, unus est. Sicut mori illud, ita mori illum. Et Spiritus unus in omnibus. Et præstantia hominis præ animali nulla. Quia omnia Vanitas, omne vadens ad locum unum. Quis sciens Spiritus filiorum hominum ascendens ipse sursum, & Spiritus bestiæ descendens ipse subrus terram? Vbi pro, ad purgandos eos, versio septuaginta virorum habet διανεγει, & pro, super verba, οὐκέτι λαλέις.* Sensus ergo verborum est, Dixi ego de eo quod homines dicant

Deum facturum differentiam essentialem inter vitam hominis & bruti vitam , cum eventus hominis & bruti idem sit , neque homo per essentiam suam bruto præstet , quomodo probabitur animam hominis ascensuram , aut animam bruti descensuram esse. Sed idem Ecclesiastes Iudicium diei ultimi in eodem libro sæpe afferit. Magnum hoc argumentum est contra consensum illum , quem dicis omnium hominum. Præterea (ne obstinatus tibi videar) demonstrationem ex Aristotele , aut Platone profer vel ex alio quoconque Philosopho , quâ naturalem animæ immortalitatem , tam apertè concludit ex principiis naturalibus , quam apertè ego ex Scripturis Sacris demonstravi futuram Electis æternitatem vitæ per Christum acquisitam , acquiescam. Anima (inquietunt) cogitat , meminit , ratiocinatur. Quid si hoc negans , dixeris ipsum animal quod cogitat , & meminit ? Quomodo refutabunt ? Ratiocinari quid est , nisi rebus imponere nomina , nomina connecctere in Dicta , Dicta conjungere in Syllogismos ? Ab his fit Dialectica. Quomodo erat in Paradiso Adam , ante nomina ab ipso imposta , rationalis magis quam cætera animalia , nisi potentia tantum ? Non videntur ergo mihi homines distingui substantialiter à brutis , eo quod illi disputant , bruta non disputant. Expectent alii immortalitatem qualem velint , ego illam expecto , quam vietâ morte , nobis suo sanguine acquisivit Christus.

A. Quid sentis de voce Deipara quam sanctæ Virgini attribuunt plurimi ?

B. Id mulier (ut mihi videtur) rectè dici potest Parere quod in partu producit. Sed produxit illa Christum Deum & Hominem , quia assumptione naturæ humanæ peracta fuit in utero. Peperit ergo Deum & Hominem. Genuit autem Hominem tantum , sine semine viri , cuius seminis vim supplevit Deus.

A. Sed nova hic oritur difficultas , nempe , Quomodo Filius Mariæ , id est Caro Christi , non sit de substantia Divina.

B. Ne hominis quidem ex homine geniti Caro est de substantia generis sui , nisi credas id quod nascitur fieri ex semine ut ex materia. Fœminæ sanguis sola est materia fœtus , per alimentum quotidianum crescens usque ad parturitionis maturitatem. Semen in utero causa efficiens est fecunditatis , non materia fœtus. Si credas ergo fœminam gravidam fieri posse virtute seminis humani , cur dubitas an idem fieri possit virtute Dei omnipotentis ?

A. Nonne tua hac ratione , cum Dei substantia in omni carne æqualiter existat , probabitur etiam omnes alios homines habere utramque naturam humanam & divinam sicut Christus ?

B. Mi-

B. Minimè. Etsi enim Deus sit ubique omnipotens , faciens ubique omnia quæ vult in omni creatura , non tamen ubique facit quicquid potest. In generatione hominis ab homine voluit ab æterno produci tantum hominem , qui omnia facere quæ vult non potest ; at in generatione hominis supernaturali modo , per Spiritum Sanctum , voluit ab æterno producere hominem qui facere posset omnia quæ vellet , id est Hominem & Deum. Neque locus hic ullus est quærendi Quomodo ; quia non modo Christiani , sed etiam Gentes omnes quem credunt esse Deum , eundem credunt esse omnipotentem ; nec requirunt , quomodo gignat , quem genuisse dicunt.

A. Hactenus doctrinam Symboli Niceni ita explicasti ut Fidem Christianam nullo modo labefactasse sed potius confirmasse mihi videare , sed tuo modo.

Ostende nunc quid sit quod Græci appellant Hypostasin.

B. Quando aliquid intueris quod vocas *album* ; nomen illud imponis substantiæ , sive subjecto corpori , puta marmori , etsi oculorum tuorum acies non potest penetrare in substantiam marmoris , aut cuiuscunque aliis Entis. *Album* igitur corporis per se subsistentis , non coloris nomen est , & impositum propter quandam certam apparentiam , sive , ut loquuntur Græci , ἐμφασιν vel φαντασιαν , quod videtur quidem esse aliquid , revera autem nihil est ; quam apparitionem sine aliqua causa & fundamento esse non posse satis intelligimus , nimisrum album esse non posse , nisi revera subsistat ipsi apparitioni substantia aliqua , quæ ejus causa sit , & (ut dicunt Logici) Subiectum. Subiectum hoc Græci appellant τὸ ὄν , ὑφίσταμενον , vel ὑπόστατον , & ὑπόστασιν ; Latini *Ens* , Subjectum , Suppositum , Substantiam , Basem & Fundamentum. Quod autem de cognitione per Visum dixi , de cæteris etiam sensibus intelligendum est. Opponitur ergo Hypostasis Phantasmata ut causa efficiendi , nempe relativè . Similiter si sint tria relativa , ut Pater , Filius , & nepos , ubi Filius per diversam relationem , etsi unum Ens reale , habet duo nomina , alterum Patris , quia genuit ; alterum Filii , quia genitus est. Filius ergo ut medius , quanquam unum tantum sit Ens , habet duo nomina quæ ipsi dicuntur *Imposita* , ipsum autem Ens est duorum nominum *Suppositum* , sive ὑφίσταμενον , Hypostasis , Fundamentum Relationis. Itaque Hypostasis non modo ad Phantasmata referri potest , sed etiam ad Nomina.

A. Quænam est differentia inter ὑφίσταμενον & ὑπόστατον & ὑπόστασιν ?

B. Inter duo priora differentia alia nulla est , nisi quod hoc *Subsistens* , illud nunc *Subsistens* significet. Pro iisdem autem utuntur Græci plerumque voce Hypostasis , & Latini voce Substantia vel Essentia ,

inter quas Patres Latini non distinguunt, ut constat ex Petro Lombardo.

A. Quomodo accipitur vox Hypostasis in Testamento novo?

B. Eodem modo, quo accipitur à Scriptoribus cæteris. Ut Heb. 1. 3, ubi Christus dicitur *Character Hypostaseos Dei*. Nam Hypostasis ibi opponitur characteri, id est Substantia imagini ejusdem Substantiæ. Dicitur etiam eodem loco *splendor gloriae divinae*, sive (quod idem est) lumen de lucido, nam lucidum est Substantia sive Subjectum luminis. Deinde Heb. 11. 1. Fides vocatur *Hypostasis earum rerum quas speramus*, id est (nam dictio metaphorica est) Fides est Fundamentum Spei. Tertio 2 Cor. 9. 4. ubi Paulus Apostolus, qui benevolentiam Corinthiorum promissam apud Macedonas jactaverat, promissionem illam appellat *jactationis suæ Hypostasin*, id est, Fundamentum.

A. Quid significat *Essentia*?

B. Patres (ut dixi) non distinguunt *Essentiam* à *Substantia*.

A. Quid ergo est *Substantia*?

B. Idem quod *Ens*, id est quicquid est verè *Existens*, distinctum à *Phantasmate*, & *Nomine*.

A. Quid ergo opus erat Græcis & Latinis detorquere Nomina satis cognita & intellecta in nomina incerta, quorum æquivalentia in lingua Hebræa non inveniuntur, neque in ulla lingua sunt necessaria?

B. Quando Nomina detorquentur, ut cum fit à voce ὄν, σία; ab οὐφισάμενον, υπόστασις, ab Ente, Essentia; à Substans, Substantia; ab Album, Albedo; Detorsio illa à Philosophis dicitur Abstraction propter ea nomen ὄν Concretum σία Abstractum; Ens Concretum, Essentia Abstractum; Album Concretum, Albedo Abstractum appellatur. Aliquando autem pro voce Abtracta utuntur verbo infinitivo; & cum pro σία Græci dicunt τὸ εἶναι; Latini pro Essentia, Eſſe; Græci pro λευκότης, τὸ εἶναι λευκόν, vel etiam τὸ λευκόν, articulum τῷ referentes non ad λευκόν, sed ad subauditum ἔνορμα. Item Latini à Concreto Vivens, Abstractum faciunt non modo Vita, sed etiam Vivere. Quæ voces Abtractæ dici possunt, nec absurdè. Cum enim Rei verè existenti nomina (propter apparitiones diversas) diversa imposuerint, vocantes eandem rem magnam, coloratam, duram, gravem, considerant in illa re aliquando quod tanta est (quæ est consideratio Geometrarum) aliquando quod colorata, vel dura, vel gravis est, (quæ consideratio est Physicorum.) Et propterea ad distinctionem Phantasmatis cuius causam in Concreto esse intelligent, ab omnibus aliis Phantasmatis ejusdem rei, detorsione aliqua nominum ita rem signant, ut non jam Magnam, coloratam, duram, gravem dicant, sed

sed magnitudinem, colorem, duritatem, gravitatem dicant. Quæ vocum abstractio (cum nihil aliud sit quam Phantasmatis vel Nomini, ab aliis omnibus ejusdem concreti considerationibus, & nominibus separata consideratio) ad doctrinam causarum ferè necessaria est. Hæc si rectè intelligas, intelligis etiam impossibile esse, ut Essentia ullius Entis separata existat ab ipso Ente, nempe ut ibi sit Album ubi non est Albedo, aut Albedo ubi non est Album, aut Homo ubi non est Humanitas, falsumque esse quod asserit Aristoteles, *Essentias alias existere ab illis rebus separatas, quarum illæ sunt Essentiae*, & proinde Animam vel non esse (ut ille dicit). Essentiam animalis, aut mortuo animali non existere; & per consequens errâste Aristotelem eò quod non distinxerit inter separatas res, & separatas ejusdem rei considerationes.

A. Intelligo voces abstractas ad causas rerum apparentium, nec nisi in imaginatione nostra existentium indagandas, necessarias ferè esse; sed nomen *Essentia* simpliciter, non impositum erat propter Phantasma nostrum, sicut *magnitudo, color, &c.* quæ causam habent in quinque organis sensuum. Nam (ut dixisti supra) non ipsa Substantia sive ipsum Ens, sed tantummodo effectus ejus apparent, & appellantur Phantasmata; Essentia autem *Entis simpliciter*, Phantasma non est. Quid ergo est *Essentia* vel *Eſſe* (quoties usurpatur ut nomen) cuius rei nomen est?

B. Essentia Entis in concreto, puta Entis *Albi*, est nomen ipsius Albi, sed considerati quatenus Albi. Eadem ratione *Essentia* Entis simpliciter est nomen Entis, sed considerati simpliciter quatenus Ens; & in universum, *abstracta* sunt nomina *concretorum*, quando considerantur seorsim à cæteris nominibus ejusdem *concreti*. Album (verbi gratia) est Ens Album. Si jam in Ente Albo consideremus Album seorsim ab Ente, dicimus pro Albo (doctrinæ causa) Albedinem, vel esse Album.

A. Quando ergo pro Ente simpliciter dicimus Essentiam, erunt Essentia & Ens Synonima, & per consequens vox *Essentia* superflua est.

B. Imò verò inconsistens cum veritate Fidei. Teste Iohanne Damasceno Cap. II. de Expositione Fidei. Qui cum dixisset *Verbum factum esse hominem*, adjecit, *Quod tamen Deitas aut incarnata aut humanata esset, nullo pacto audivimus*. Manifestum ergò est, in Ente simpliciter differre inter se Ens & Essentiam, & multo magis in concretis.

A. Quæ causa erat Doctoribus affirmandi, quod nisi Ens & Essentia

sentia in Deo idem essent, substantia divina esset composita?

B. Quia Definitio, quæ est explicatio Essentia Definiti vocatur vulgo à Philosophis ipsa Essentia. Ut, si definitio hominis sit animal rationale, Essentiam vocant animal rationale, & compositam esse dicunt ab animali & rationali, ut à suis partibus; non distinguentes inter Definitionem hominis (quæ est *Oratio* habens pro partibus nomina *animal*, & *rationale*) & hominem ipsum (cujus partes sunt caput, bustum, crura, & reliqua membra.) Sed quoniam durum est animal rationale in *concreto* appellare Essentiam, nonnulli formulam illam loquendi mollire cupientes, non animal rationale sed animam rationalem, Essentiam hominis esse dicunt; eademque Substantiam esse seorsim ab humano corpore existentem. Atque ita Essentiam faciunt partem ipsius hominis integrantem simulque Essentiale.

A. O mirabiles inanis Philosophiæ præstigias! Dic quid jam vere & propriè significat *Persona*?

B. Vox Latina est, significans rem quamcunque singularem Agentem utcunque sua vel alterius voluntate. Sic Cicero, *Vnus sustineo tres personas, mei, Iudicis, & Adversarii*. Quid hoc est, nisi quod ipse Cicero partes ageret & suas, & Iudicis, & Adversarii? Quid etiam est id quod inventur in Catechismo Anglicano, ubi Minister rogat, *Quid ex Fidei tue Articulis præcipue discis?* Catechumenus respondet: *Disco primum, credere in Deum Patrem, qui creavit me & universum mundum. Secundo, in Filium ejus Iesum Christum, qui redemit me & universum genus humanum. Tertio, in Spiritum Sanctum, qui sanctificavit me omnemque electum populum Dei.* Nisi quod Deus in Persona propria creavit omnia; in Persona Filii sui redemit genus humanum; in Persona Spiritus Sancti Ecclesiam sanctificavit. Quid hoc de Personis divinis clarius, aut Fidei congruentius dici potest? Quod si pro Persona utamur voce Hypostasi cum partibus Græcis (cum Hypostasis & substantia idem significant) facimus pro tribus Personis tres Substantias divinas, id est tres Deos. Bellarminus & Doctores cæteri ferè omnes Personam definient esse Substantiam primam intelligentem, id est substantiam individuam, id est singularem, sed intelligentem, ut Deum, Christum, Spiritum Sanctum, Gabrielem, Petrum. Quid autem sunt tres illæ Substantiæ primæ Pater, Filius, & Spiritus Sanctus, nisi tres Substantiæ divinæ? Quod tamen est contra Fidem. Non intellexit Bellarminus vim Latinæ vocis *Personæ*. Quæ vox si significet primam Substantiam, nonne περσωπη significaret idem Græcè? Quod non est verum; nam significat propriè faciem hominis, tum naturalem, tum artificialem sive larvam, tum etiam faciem representativam, idque non modo in Thea-

Theatro , sed etiam in Foro , & Ecclesia. Facies autem representativa , quid aliud est quam Imago vel Character repræsentati ? Atque eo sensu à Sancto Paulo Servator noster , Heb. 1, 4; appellatur Character Substantiæ Dei.

A. Quid autem in Scriptura Sacra significat πεσωπην ?

B. Nihil propriè præter faciem seu vultum. Synecdochicè autem aliquando ponitur pro ipso homine , ut in voce πεσωπηληφια: Sed in Symbolo Fidei, mentio nulla est, neque Personæ, neque Hypostaseos, neque Trinitatis; et si Hypostasis ponatur in Symbolo Athanasii Graeco, quod Symbolum Athanasii (sed sine voce Hypostasi) recipit Ecclesia non aliter , quam pro Fidei Nicenæ paraphrasi. Nam neque Symbolum , neque Fidei articulus unus quicunque , authoritate Doctorum singularium, neque (nisi per modum interpretandi Scripturas Sacras) ab Ecclesia universa constitui potuit.

A. Cur ergo Patres veteres , & multi alii Doctorès recentiores vocibus illis usi sunt ?

B. Quia verba Scripturæ Sacræ , nempe , Euntes Baptizate omnes gentes in nomine Patris , Filii , & Spiritus Sancti , item verba Sancti Iohannis , Tres sunt qui testimonium perhibent in cœlis , Pater , Filius , & Spiritus Sanctus , & loca similia de divinitate Christi aliter explicare non potuerunt.

A. At cur omnino necesse erat ea explicare , quæ sciebant ipsi incomprehensibilia , id est inexplicabilia esse ?

B. Profitentur quidem Patres Ecclesiæ , tum ante tum post Concilium Nicenum , incarnationem Filii Dei incomprehensibilem esse ; sed excusant se eo , quod de illa disputare ab Hæreticis compellerentur. Sic Epiphanius de Trinitate , initio lib. 7. Sufficiebat quidem credentibus Dei sermo , dicentis , Euntes nunc docete omnes Gentes , Baptizantes eos in nomine Patris & Filii & Spiritus Sancti , &c. Sed compellimus Hæreticorum & Blasphemantium vitiis illicitum agere , & infefablia eloqui — , & in vitium incidere vitio contrarium alieno. Etiam Bellarminus lib. 1 de Christo : Noſtri Doctores non disputant Philosophicè ut ostendant Trinitatem ; sed ut solvant Sophismata Philosophorum. Et Lombardus lib. 1. Distinct. 23. D. Ex Augustino lib. 7 de Trinitate : Aliter Græci accipiunt Substantiam , quam Latini. A Latinis autem dilectum est una Essentia vel Substantia , & tres Personæ. Aliter enim in nostro sermone Essentia quam Substantia intelligi debet. Ut autem intelligatur saltem in ænigmate , placuit ita dici , ut cum quæreretur quid sint tria , aliquid diceretur. Cum ergo quæreretur quid sunt tria , vel quid tres , conferimus nos ad inveniendum aliquod nomen quo completerentur illa tria , sed

sed non occurrit animo; quia supereminentia Divinitatis usitati eloquii facultatem excedit.

A. Non rectè se excusat Epiphanius. Alieno enim vitio compelli ad faciendum id, quod est illicitum sine vi aut minis nemo potest. Et quod Bellarminus doctores suos Philosophicè disputare negat, ut ostendant Trinitatem, sed ut solvant Sophismata Philosophorum, non est verum. Utuntur enim Theologi illi qui Expositiones Symboli Niceni ediderunt, omnes ferè definitionibus desumptis ex Logica, & Metaphysica Aristotelis; cum Sanctam Trinitatem ex sola Scriptura Sacra ostendere debuerint. Miror etiam Nicenos Patres, cum tot essent inter illos Philosophi, verba illa artis quibus in explicationibus usi sunt in ipsum Symbolum non intulisse.

B. Mihi vero illud mirum non est, consideranti, Quod in Synodus magnis, qui audacter perorare & disputare poslunt, pauci sint. Reliqui ergò, qui sola illa argumenta approbārunt, quæ ex Sacra Scriptura allata erant (cum numero Disputatores superarent) facile suffragiis suis evicerunt, ut nihil in Symbolum admitteretur præterea, quæ ex Scripturis apertè inferebantur.

A. Quid est Corpus, quid incorporeum, quid Spiritus?

B. Nomina illa ita eruditis omnibus cognita & intellecta visa sunt, ut nesciam an ullus aut Theologus aut Philosophus Definitionibus ea explicare dignatus sit. Tu ergò, cujus rei Ideam in animo habes, quando profers vel prolatum audis vocabulum illud *Corpus*?

A. Ego per *Corpus* intelligo nunc id de quo verè dici potest, quod existit realiter in seipso, habetque etiam aliquam magnitudinem, habet (inquam) magnitudinem, non quod sit magnitudo ipsa. Memini tamen quod *Corpus* putarem aliquando id solum esse, quod Tactui meo vel Visui obstareret. Itaque speciem quoque corporis in speculo, aut somno, aut tenebris apparentem, quanquam miratus, corpus tamen esse arbitrabar. Sed consideranti postea Species illas evanescere, ut quarum existentia dependeret non à seipsis, sed à natura animata, non amplius mihi visæ sunt reales, sed Phantasmatum & effectus rerum in organa sensuum, agentium; & proinde esse *incorporeas*. De Spiritibus autem judicabam ex aëre qui *Spiritus* est, & vento quem Tactu sentiebam, & propterea Spiritum existimavi corpus quidem sed tenue esse, & *Spiritus* alios aliis esse posse tenuiores, puriores, & alios ab alijs differre posse etiam virtute, non minùs quam liquores, qui quanquam sint transparentes aquæ, virtutibus tamen inter se immanè discrepant. Naturam autem

tem medium inter Corpus & Spiritum , aut Spiritum & Phantasma (id est inter Spiritum & Nihil) concipere non potui. Quærendum ergo est , an in Scriptura Sacra reperiatur vox *substantia incorporea* , vel *substantia immaterialis* , vel *essentia separata*.

B. Voces illæ in Scriptura Sacra non sunt. Cæterū in primo ex 39 Articulis Religionis editis ab Ecclesia Anglicana Anno Domini 1562 expresse dicitur , *Deum esse sine corpore & sine partibus*. Itaque negandum non est. Poena etiam in negantes constituitur excommunicatio.

A. Non negabitur. In Articulo tamen vicefimo dicitur , quod nihil ab Ecclesia credendum injungi debet , quod non è Scripturis Sacris deduci possit. Sed utinam deductum fuisse. Nondum enim scio quo sensu aliquid Maximum vel Magnum dici possit , quod non sit Corpus. Sed dic mihi , quænam est differentia inter *gigni & procedere* ?

B. Vide Matth. 1, 20, ubi Angelus Iosephum alloquitur dicens , *Ne metuas accipere Mariam uxorem tuam. Quod enim in illa genitum est, ex Spiritu Sancto est.*

A. At illud , *ex Spiritu Sancto est* , nescio an significat *ex Spiritu Sancto genitum est* ; an *ex Spiritu Sancto procedit*.

B. Locus hic Matthei pars est Euangeli ad Festum Circumcisio-
nis , ubi legitur in Liturgia sub Edwardo Sexto Latinè edita , *Quod in illa genitum est, à Spiritu Sancto profectum est;* & ab Ecclesia nostra ita vertitur ac si scriptum esset , *à Spiritu Sancto venit*. Vides ergo quomodo locum illum interpretata est Ecclesia Anglicana (& opinor) rectè.

A. Quid igitur , cum Spiritus Sanctus à Filio procedat (ut est in Symbolo) & Filius (ut in hoc textu) procedat à Spiritu Sancto , & uterque *genitus* dicatur , *gigni & procedere* , omnino differre non videntur. Quorsum verba illa distinxit Ecclesia Romana?

B. Nescio. Scis autem Sphingem ænigmate quondam fuisse populo formidabilem.

A. Quam distinctionem harum vocum faciunt Patres?

B. Nullam quam ego vidi. Cyrillus dicit , *ita se habere Filium ad Spiritum Sanctum, ut Pater ad Filium.*

A. Videtur ergo Cyrillo Filium genuisse Spiritum Sanctum , & sic rursus idem esse *gigni & procedere*. Mihi vero satis perspicuum est Filium Dei genitum esse à Deo qui totam comprehendit Trinitatem. Verum non mihi videtur in tantillis verborum argutiis versari Salus hominum. Qui credit in Iesum Christum , quemque suorum peccatorum poenitet , quin is (etsi Theologus non sit) salvandus tamen

Leviat.

y y y

fit,

fit, nullus dubito. Neque vero à doctrina discedo Symboli Niceni, quam video è Sacra Scriptura manifestissimè derivatam esse; & tres, Patrem, Filium, & Spiritum Sanctum unum esse Deum, idque in tribus Personis, sumpta scilicet *Persona* in sua significatione vera & propria, pro eo qui partes suas vel alterius agit. Cæterum si vox *Persona* sumatur simpliciter pro substantia intelligente singulari (quemadmodum sumitur à Bellarmino) ut Petrus, Paulus, Iohannes, vel (quod idem est) pro *Hypostasi*, quomodo Pater, Filius, & Spiritus Sanctus non sint tres Substantiæ individuae, id est, tres numero Dei, non intelligo; neque quomodo è Scripturis probari possit, video, ubi neque *Hypostases*, neque *Personæ* in Deo distinguuntur. Solummodo dicuntur esse tres qui testimonium perhibent in cœlo, nempe Pater, Filius, & Spiritus Sanctus, & tres illi esse unum. Illa quæ Patres dicunt extra Scripturam Sacram in suis Fidei explicationibus particularibus Christianos non obligant, quorum unusquisque non alieno periculo, sed suo & summo, salutem suam in Scripturis Sacris scrutari debet. Transeo nunc ad alia.

C A P V T I I.

De Hæresi.

A. Quid est *Hæresis*?

B. Vox Græca est, significans cujuscunque Sectæ Dogma:

A. Quid est Secta?

B. Secta est numerus hominum sequentium unum eundemque in scientiis Magistrum, quem pro suo arbitrio sibi elegerunt. Ut autem Secta à sequendo, ita Hæresis ab eligendo dicitur. Lucianus Librum suum de magistro eligendo (homo quidem Blasphemus, sed bonus author linguae Græcæ) inscripsit τοῦ ἀρχέτεως.

A. Sectæ quænam erant, & quorum hominum?

B. Philosophorum; nimirum Platonis, Aristotelis, Zenonis, Epicuri, & aliorum. Nominabantur autem Academici, Peripatetici, Stoici, Epicurei; quæ Sectæ erant principales Philosophorum Græcorum, vel eorum, qui se Philosophos videri postulabant. Etsi enim Hæresiarchas ipsos Platonem, Aristotelem, Zenonem, Epicurum, pro captu Ethniconum verè Philosophos fuisse puto, id est, veritatis & virtutis studiosos, & propter eam rem nominâ eorum fere per totum orbem Sapientiæ gloria meritò floruisse; Sectatores tamen eorum Philosophos descendos esse non puto; qui præterquam quod scirent, quænam fuerint magi-

magistrorum suorum sententiæ, nihil intelligebant. Principia enim & ratiocinationes, quibus eorum dogmata innitebantur nesciebant; neque quicquam ad Philosophiæ speciem in vita habuerunt, præterquam quod tristes incederent, barbam promitterent, & pallium tritum amicirentur; homines alioqui avari, fastuosi, iracundi, & amore civili alieni.

A. Nihilne ad Definitionem Hæreſeos pertinent voces (quas omisisti) Veritas, & Error, quorum alter omni dogmati adhæret necessariò?

B. Nihil omnino; Hæresis enim solam denotat sententiam declaratam, sive vera ea sit, sive falsa; sive juxta, sive contra legem.

A. Videtur ergo si homines mutuò se Hæreticos appellent, convictionem non esse.

B. Sectæ illæ Philosophorum Græcorum non appellabant alterum alterum Hæreticum; sed scelestum, sacrilegum, furem, patricidam, μίαξον, κατάρεγον, aliisque nominibus quibus utuntur infimi ordinis homines, quando ferè ad pugnam excandescunt. Postquam autem in Ecclesia Hæreses ortæ essent, maximum omnium convictionum erat *Hæreticus*.

A. Nullæne erant Hæreses præterquam Philosophorum Græcorum?

B. Etiam in Iudæa, Pharisæorum, Sadduceorum, Essenorum sectæ dicebantur Hæreses, ut ex Novo Testamento manifestum est. Græcismus, item Iudaismus, Christianismus, habebantur eo tempore protidem *Hæresibus*. Hæresis item Gal. 5. inter crimina ponitur. Et Gal. 1, doctrinam significat doctrinæ ipsius Sancti Pauli contrariam, id est contrariam Euangeliu Christi, vers. 8, *Si nos aut Angelus de cœlo. Euangelium aliud predicaverit præter illud quod vobis prædicavimus, avæthēμα ἐσω*.

A. Quid est *avæthēμa*?

B. *Avæthēμa* (per H) significat quamlibet rem dedicatam, consecratam, vel ab usu communi separatam. Sed *avæthēμa* (per ε) significat aliquando personam Diis Manibus devotam.

A. Quomodo Diis Manibus devoveri potest Angelus?

B. Comburi quidem non potest, neque occidi; sed haberi pronon Angelo, sed pro spectro tantum potuit, & ut deceptor execrabilis declarari, id est, in verbis Scripturæ Sacræ, tradi Satanæ.

A. Quænam erat in Ecclesia primitiva (cum rectæ fidei regulam haberet Euangeliū scriptum) Hæresium causa?

B. Philosophorum, quos dixi supra, hominum imperitorum (Apol. y y y 2 stolorum

stolorum tempore vigentium) arrogantia ; qui cæteris hominibus ar-
gutiùs disputare , & potentiùs perorare didicerant. Hi ad disciplinam
Christi accedentes in Presbyteros & Episcopos , ad defendendam &
propagandam fidem , penè necessariò eligebantur ; & magistrorum
fūorum Ethnicorum, quantum poterant, etiam facti Christiani dogma-
ta retinuerunt ; & propterea Scripturas Sacras ad Philosophiam fūam
& fidem Christianam (tanquam eandem rem) simul conservandam ,
interpretari conabantur.

A. Quid erat Hæresis in Philosophia satis explicasti. Quid vero
in Ecclesia dicebatur Hæresis , nondum intelligo.

B. In Ecclesia primitiva usque ad tempus Concilii Niceni, dogma-
ta quibus inter se discrepabant Christiani eo tempore erant pleraque
circa doctrinam Trinitatis, cuius Mysterium, quanquam ab omnibus
teneretur incomprehensibile , frēti tamen fūorum Magistrorum Phi-
losophia , explicare alius alio modo ausus est. Unde primò ortæ sunt
disputationes , deinde jurgia , & deinde, ad scandalum evitandum , &
pacem in Ecclesia constituendam , Synodi adhibitæ sunt , convocatæ
nulla jussione Imperantium , sed coitione Episcoporum & Pastorum
voluntaria , quando cessante persecutione potuerunt. In quibus Con-
ciliis quid de Fide in re controversâ tenendum esset definierunt.
Quod autem definitum erat, Fides Catholica ; quod damnatum, Hæ-
resis dicebatur. Erat enim Concilium respectu Episcopi vel Pastoris
singularis , Ecclesia Catholica , sive tota, sive universalis ; sicut & eo-
rum opinio, Catholica; singulare autem cujuscunque Pastoris dogma,
Hæresis. Atque hinc , quatenus in Historiis explorare potui , origo
nominis Ecclesiæ Catholice , & in omni Ecclesia Catholica & Hære-
ticus voces sunt relativæ.

A. Si nihil aliud significet Ecclesia Catholica , multæ sanè sunt in
orbe Christiano Ecclesiæ Catholice.

B. Tot sunt Ecclesiæ Catholice , quot sunt Ecclesiarum Capita. Sunt autem tot capita quot sunt Regna & Republicæ Christianæ. In
omni enim Regione , Christianorum in ea regione Princeps subditorum
fūorum Caput est , nec ab alio in terris Capite dependet. Ita-
que quot sunt Ecclesiæ visibiles , tot sunt Ecclesiarum Capita. Quo-
niam autem electorum à Deo numerus per totum orbem terrarum
disseminatus Caput habens in cœlis ipsum Iesum Christum dicitur ,
& est vera Ecclesia Catholicissima , & unica ; illa quoque est, in quam
credere profitemur in Fidei Symbolo. Nulla enim alia est aut esse
potest Ecclesia Catholica , si modo Catholica sumatur pro omnibus
imul Christianis. In Christianis enim Civitatibus Regnum & Eccle-
sia

sia populus idem est. Itaque si alicui in terris concederetur , ut esset totius Ecclesiæ Christianæ Caput , eidem simul concederetur ut esset Regnum & Rerum publicarum omnium Rex.

A. Quænam erant illa Dogmata ab Ecclesiis Primitivis appellatae Hæreses ?

*B. Inter multas alias præcipuae fuerunt , quæ pertinebant ad doctrinam Trinitatis, quæ continentur in Fidei Symbolo Niceno. Quod quidem Symbolum constitui coepit in Concilio OEcumenico Niceno , absolutum autem est à tribus Conciliis OEcumenicis sequentibus , nempe Constantinopolitano , Ephesino , Chalcedonensi , & ab Imperatoribus Romanis illorum temporum (qui illa Concilia indixerunt) confirmatum. Causa Concilii Niceni convocandi fuit Arrius Presbyter Alexandriæ , cui cum Alexander ejusdem urbis Episcopus dixisset Filium Dei esse Patri ὡμόσιον , id est ejusdem substantiæ cum Patre , Arrius contradixit ; cumque , multis presentibus Presbyteris , fervesceret disputatio , negavit quoque Iesu Christi Divinitatem ; unde nata est paulò post in urbe Alexandrina seditio & cædes. Conservandæ autem pacis causa Imperator Constantinus Magnus Concilium illud Nicenum convocavit , in quo Symbolum usque ad hæc verba *Credo in Spiritum Sanctum* , Patres constabiliverunt , & damnata sententia Arrianorum , ipsum cum sociis ejus quibusdam Episcopis & Presbyteris excommunicaverunt , & ab Ecclesiis depoluerunt ; quanquam (propter sequentes Imperatores aliquot Arrianos) Hæresis illa extingui non potuit. Concilium aliud generale post annos 50 habitum est Constantinopoli , ubi damnata est Hæresis Macedonii negantis Divinitatem Spiritus Sancti. Deinde , post annos alios 50 in Concilio Generali Ephesino damnata est doctrina Nestorii negantis , sicut Arrius , Divinitatem Christi. Postremò , in Concilio generali Chalcedonensi damnata est Hæresis Eutichetis & Dioscori , qui negaverunt duarum naturarum in Christo , Divinæ & Humanæ Unionem ; & ita Symbolum quod vocatur Nicenum tandem perfectum fuit , & cum dictis Hæresibus etiam aliæ his affines condemnatae sunt.*

A. Post Hæreses illas damnatas , nullæne postea subortæ sunt novæ ?

B. Etiam multæ , nescio quot. Postquam enim Ecclesia Romana decretis suis arrogasset sibi , circà Articulos Fidei errare se non posse ; & Primum super omnes Episcopos concessisset Papæ Imperator Phocas ; & Imperii (in Italia) vis languesceret , & metus Saracenorum Principes Christianos occupasset , Papa jam ante divitiis & potentia multum auctus Concilia generalia propria autoritate convocabat ,

cabat, neglecta Imperatorum, & Italiae Regulorum authoritate, quorum etiam aliquos Reges & Imperatores, ut Hæreticos excommunicare ausus est. Itaque progressu temporis omnes doctrinas, quæ potentiam Ecclesiasticam aut surgentem impeditre, aut consummatae detrahere videbantur, pro Hæresibus condemnabant. Atque inde ortæ sunt Hæreses illæ numeroſæ, propter quas (post edita Lutheri scripta) tot Christiani in hoc Regno Angliæ, aliisque in locis combusti sunt, donec evigilantibus tandem illorum lecorum Principibus, à tam gravi persecutione & servitute Romana liberati fuerunt.

A. Ecclesia Romana quos comburi jussit Lutheranos, Anabaptistas, aliosque, habuitne pro Christianis, an pro Ethniciis?

B. Pro Christianis sine dubio; nec hos tantum, verum etiam Arianos, & eos omnes quos damnavit Synodus Nicena. Neque eos aliter vocavit quam Hæreticos. Nam etsi Philosophicis rationibus usi de Natura Salvatoris, & de Sancta Trinitate aliter senserunt quam oportuit, contra Scripturas sacras; Christum tamen pro vero Messiah habuerunt, & Filium Dei Iesum Christum, & nomen ejus invocarunt.

A. Si ita est, Ecclesia Romana de Imperatorum Ethnicorum antiquis persecutionibus (ut mihi quidem videtur) iniquè conqueruntur. Christiani enim temporum illorum Sectæ quædam erant, eandem habentes rationem ad Religionem in Romano Imperio stabilitam, quam Hæresis hodie ad Ecclesiam Catholicam. Gravius autem aliquanto est Christianos à Christianis quam ab infidelibus cruciari.

B. Idem videtur & mihi. Sed tamen in Regnis & Rebus publicis, ut cautio adhibeatur ne seditiones & bella civilia oriantur, omnimodo necessarium est. Quæ cum sæpiſſimè nascantur à diversitate doctrinærum, & concertationibus de ingenio, pœnâ certè aliquâ illi coercendi sunt, qui in Concionibus, vel Libris contraria docent iis, quæ doceri, Principum & Rerum publicarum Legibus prohibentur. Itaque Angliæ Regina Elizabetha, sorori Mariæ succedens, sub qua multi Hæretici combusti sunt (nec ipsa Elizabetha sine periculo erat) accepto regno, jus regendæ Ecclesiæ Anglicanæ (jure naturali omnibus Regibus in suis Dominiis debitum) ante omnia, consensu Procerum & populi, omnibus Potestatisbus extraneis Ecclesiæ Anglicanæ Suprematum abstulit; & administrationem ejusdem sub seipſa Episcopis suis unâ cum paucis ex consilio suo privato, Diplomate sub Sigillo Magno Angliæ commisit & confirmavit. In quo Diplomate

mate provisum erat ne quam doctrinam Hæreticam esse pronuntiantur, quæ Hæretica declarata non fuisset, in aliquo eorum, quæ dixi, Conciliorum quatuor primorum generalium. Itaque quod attinet ad Hæreses, status Ecclesiæ Anglicanæ similis erat ejus qui erat Ecclesiæ Romanæ sub Constantino Magno; & sic remansit usque ad annum decimum septimum Regis Caroli primi, qui subditorum suorum (tantam potestatem Episcoporum non ferentium) precibus ferè coactus Diploma illud Elizabethæ revocavit, relictâ Episcopis potestate tantum ordinariâ, nimirum faciendi Canones, qui consentiente Rege Leges fierent Ecclesiasticæ.

A. Ecclesiæ ergo Anglicanæ conditio qualis hodie cernitur, tum puritate Doctrinæ conditioni Ecclesiæ quæ erat tempore Constantini, æqualis est; tum æquitate Legum Ecclesiasticarum superior. Iniquum enim videtur, ut homo cuius Fides suo solius periculo sumitur, eo nomine puniatur quod sit erronea, præsertim ab illis, quibus alienus error damnosus non est.

B. Errare, decipi, malè sentire natura sua crimen non est, nec, dum intra pectus continetur, error fieri crimen potest. Nam quo Indice accusabitur, quo teste convincetur? Quomodo ergo judicabitur? At Verba crimen esse possunt, & quibus Legislatores volunt poenit puniti sine injuria, & quidem supplicio ultimo. Si blasphemia in Regem morte puniri potest, multo magis blasphemia in Deum. Veruntamen æquitatis est, ut in tali Lege apertè definitum sit, tum quid sit crimen quod condemnatur, tum quis sit modus puniendi, eo fine ut expectatione poenæ malus à malefaciendo absterreatur. Legitimæ enim poenæ finis non est, iræ contra hominem satiation, sed ad commodum humani generis, injuriarum quantum fieri potest preventio; & iniqua est Lex omnis, quæ non antè comminatur, quam ferit; & quantumvis Summarum Potestatum in Legibus condendis jus arbitrarium sit, arbitrarium tamen non est, in sumendis poenis, quæ non sint antè Legibus definitæ. Præterea Lex nisi declarata sit, & promulgata, ita ut ignorationis excusatio omnis probabilis auferatur, ne id quidem, quod contra Legem factum est rectè puniri, aut crimen appellari potest.

A. Quod factum est contra Legem Naturalem, nonne crimen est, & puniri potest, etiamsi nullus Legi adscriptus sit puniendi modus?

B. Lex naturalis æterna; divina, & cordibus solummodo inscripta est. Pauci autem sunt, qui in sua ipsorum corda inspicere, & quæ illic scripta sunt sciunt legere. Itaque quæ facienda, quæ fugienda sint

sint, à Legibus scriptis discunt; faciuntque & fugiunt prout prævisis poenis videbitur sibi met ipsi utile vel damnosum. Præterea si quid factum sit contra Legem Naturalem, non id crimen vocari solet, sed peccatum, idque sibi pœnitentibus statim condonandum existimant, nisi cum aliquo damno civitatis vel proximi conjunctum sit; neque tunc ulterius puniri se posse putant, quam ut pro damno illato satisfaciant. Malitiam autem soli Deo puniendam relinqui. Nam si peccator peccatorem puniat peccati folius nomine, postquam Legi satisfactionum sit, simile est Belli civilis.

A. Quid, si quis Atheus sit, nec sit Lex scripta quæ modum pœnæ definit, nonne punietur?

B. Punietur profectò, & gravissimè. Sed priùs accusandus, audiendus & damnandus est. Accusari autem præter Dictum & Factum nihil potest. Quibus autem Factis arguetur Atheismus? Quodnam enim Factum audivisti unquam tam sceleratum aut impium, cuius simile non commissum sit aliquando ab illis, qui non modò non putantur Athei, sed etiam professione tenus sunt Christiani? Non ergo ex factis judicatur Atheus. Dicto igitur aliquo sive prolatō sive scriptō reus fieri, neque ullo alio modo potest, nempe si directè negaverit Deum esse.

A. Nonne Atheus dicetur etiam is, qui dixerit scripsiteritve id, ex quo Deum non esse necessariò sequitur?

B. Ita sane, si ipse quando id dixit, vel scripsit, consequentiæ talis necessitatē vidit. Nam si Dictum vel Factum sit, id quod Lege prohibetur, & proinde puniri possit, illud definiri ita debet, ut illi omnes qui Lege illa obligandi sunt, cognoscant hoc & illud Factum, prout Lege cum circumstantiis definitum est, vel hæc vel illa Verba, quæ in Lege ipsa scribuntur, punienda esse. Nam Verborum consequentiæ difficillimæ judicatu sunt. Itaque si reus, ignoratione bene ratiocinandi, contra literam Legis loquutus sit (nullo cuiquam damno facto) excusabit illum ignorantia. Sin Iudex per ignorantiam alicujus consequentiæ, hominem innocentem pœnæ tradiderit, excusari non potest. Quod si Verba ipsa sciat contra Legem esse, puniri potest. Quare qui Deum esse negat, vel apertè profitetur dubitare se an sit vel non sit, et si modus puniendi adscriptus Legi non sit, puniri potest, sed exilio, etiam æquitate Naturali. Nam Religio & Agnitio potentiarum Divinarum in omni civitate Lege imperatur. Et est Civitati omni essentialē, ut in pactis servetur fides, & præcipue, si sit jure-jurando confirmata. Quia ergo Atheus jure-jurando obligari non potest, à Republica ablegari debet, non ut contumax, sed ut nocumentum

mentum publicum. Cur autem , cessante damno publico , occidens sit , non video , cum ab impietate converti possit aliquando ; nam à longanimitate divina quid est quod sperare homo non potest antequam moriatur ? Similiter dicendum est de Blasphemia , quæ est oratio in Deum contumeliosa , & , consentiente animo cum oratione , Atheismus.

A. Quare autem non relegati potius erant Blasphemi , per Legem Mosaicam quām occisi ?

B. Quia quo jure Rex terrenus blasphemum (Lege lata) regno suo potest expellere, eodem jure Rex populi Israëlitici (qui tempore Moysis erat Deus ipse per pactum constitutus, idemque Rex per naturam totius orbis terræ) blasphemum , Lege lata , expellere potuit ex universa terra , id est, occidere. Sed ad quæstionem tuam responsum hoc meum ita accipe , non ut consilii divini in Lege condenda causam explicans, sed ut conditæ æquitatem defendens.

A. Intelligo jam quid sit *Heresis* ; nempe , Quod primò erat opinio tantum Sectæ. Deinde opinio Sectæ Christianæ. Tertio opinio Sectæ Christianæ ab Ecclesia Catholica damnatae. Velle & hoc scire , à qua Potestate , & quo Modo ab origine usque hodie puniri consuevit.

B. Ante Constantimum Magnum , Imperatorem Christianum primum , neque Pastores neque ipsi Apostoli Potestatem habuerunt Hæreticis à se condemnatis poenam ullam infligendi , neque illos in exilium mittendi , neque libertate corporis privandi , neque quomodo unquam molestandi ; quippe quod soli summo Imperanti ad conservationem pacis competebat. Excommunicare potuerunt , id est , eorum societatem , convictum , congressum declinare & fugere , tanquam Ethnicorum vel Publicanorum ; quæ poena non est , & sæpe numero excommunicanti magis , quām excommunicato incommoda erat. In Concilio Niceno poena (damnatis Hæreticis) in Clericos tantum constituta est , eaque erat ut Ecclesiis suis privarentur. Sed contra Discipulos illorum statutum est nihil ; quia Laici forte de Pastorum suorum doctrinis judicare minimè tenebantur ; vel forte , quia plerique eorum milites erant , qui sub Imperatore ipso meruerant , nec irritandi sine periculo erant. Etiam Doctores Hæresium ipsi citabantur ad Concilium , eorum rationes audiebantur , disputabantur , & ex Scripturis Sacris refutabantur. Ad extreum si Ecclesiæ iudicio subscribere recusarent , tūm demum privabantur Ecclesiis. Et siquidem postea populum Hæresi sua pergerent inficere , in exilium quandoque mittebantur. Cæterum illi iidem si positâ contumaciâ

postea subscriberent, ab Imperatore restituebantur; sicut ipse Arrius postquam Fidei suæ confessionem Imperatori scriptam dedisset, quæ à Iudicio patrum reliquorum (ut Imperatori videbatur) non discrepabat, restitutus fuit; & Athanasius qui eum recipere noluit, ob eam rem in exilium missus est.

A. Athanasius ille Magnus summi Imperatoris mandato obedientiam negare, peccatum esse non putavit?

B. Ita videtur; loca tamen Testamenti Novi illa, quibus obedientia Poteſtatis etiam Ethniciſ à Christo & Apostoliſ præcipitur, obscura non ſunt. Sed Athanasius quo zelo Hæretiſ Arriaui in Concilio Niceno paulo antè oppugnaverat, eodem poſteā de Arrio reſtituendo iſi Imperatori ſe oppoſuit. Neque mirum id videri debet, cum Theologiæ Doctores dum in loca illa Scripturæ Sacrae, quæ perteſt ad præſentem controverſiam, intentiſſime impiciunt, loca alia quæ ſpectant ad jura Principiū aut negligentia, aut aliquando etiam ſtudio, ſpretiſque Legibus humanis, prætereunt. Sed (ut redēamus ad Hæretiſ poenam) ſciendum eſt inter Ecclesiatiſca ſupplicia, ultimum eſſe quod vocatur Anathematizatio ſive Excommunicatio, & propterea aliam omnem poenam dependere à Poteſtate Civili. Cauſa autem, quare Conſtantinus, & cæteri Imperatores Romani mūtas poenam in Hæreticos conſtituerunt, ut exilium, publicationem bonorum, librorum combustionem (etiam mortem ſed non in Scriptores Hæreticos iſpos, ſed in eos qui libros illos damnatos ad ignem non protulerint) cauſa erat ne Christiani & præcipue milites ſecederent in partes, & mutuo ſe occiderent. Nullam tamen Legem Imperatoriam invenire poſsum, qua Hæretici necandi ſunt, excepti Manichaei, quos ego non tam pro Hæretiſ, quam pro fīctiſ Christianiſ & ſceleratiſ habeo. Legem quidem invenio, quā homo Ethnicus vel Iudaeus si gentilem ſuum factum Christianum tentaverit à Fide Christiana revocare, comburendus eſſet. Sed hoc nihil attinet ad ſupplicium Hæretiſ. Audivi quidem Imperatorem Fredericū Ænobarbum de comburendo Hæretico Legem tuliffe, ſed, etiſi in codice Iuſtiniani, Constitutionem reperio Frederici illius, confirmantem Imperatorum præcedentium Constitutiones de poenis Hæretiſ, nulla tamen extat de combustionē Hæretiſ. Itaque quantum conjectura aſſequi poſsum, modus ille puniendi Hæreticos paulo poſt tempora Papæ Alexandri tertii coepit, qui primus unā cum Imperatore illo Imperium iſum & Principium omnium Leges conculcavit. Vt cunque id ſit, certum eſt, in Anglia noſtra ab illo ferè tempore, uſque ad tempora Reginæ Eliza-

Elizabethæ consuetudine quadam in Legem transeunte, Hæreticos comburi solitos esse.

A. Definitioni ergo Hærecois ab hoc tempore voculæ aliquot adjiciendæ sunt. Nimirum, ut Hæresis sit Doctrina contra Fidem Catholicam vindicanda igne.

B. Ita est.

A. Quo Iudice, qua Iudicandi Forma, condemnandi erant Hæretici?

B. Antequam imperium in Imperatores exercent Papæ, Iudices plerumque erant illi, ad quos Rescripta Imperatorum de pœnis Hæreticorum missa erant, nempe Prætores Vrbis, Provinciarum Præfecti. Sed de forma Hæretici convincendi nihil scio. Cæterum postquam viguerat authoritas Pontificia, Cognitio causæ ad Episcopum unum vel plures attinebat; & siquidem Reus, doctrinæ quam docuerat, publicè bis (si opus esset) requisitus, renuntiaret, pœnitentiamque ageret ea forma, quam præscriberet curia, absolvebatur. Quod si in eandem Hæresim post relaberetur, vel in aliam (nam innumeræ erant) Potestati seculari comburendus tradebatur. Neque omnino Venia locus erat (propter Potestatis Ecclesiasticæ & Civilis distinctionem) sine consensu Papæ.

A. Ab anno primo Elizabethæ ad annum decimum septimum Caroli primi, quomodo convincendi & puniendi erant?

B. Per totum illud tempus apparuerunt quidem valde pauci Hæretici, propterea quod illis, quibus Regina commiserat Regimen (sub se ipsa) Ecclesiasticum, prohibitum lege erat, ne quam doctrinam Hæreticam esse judicarent, quæ non ante pro Hæresi condemnata fuisset in aliquo quatuor Conciliorum generalium primorum, id est (ut ex illis ipsis Conciliis manifestum est) quæ non erat contra Fidem in Symbolo Niceno declaratam. Sed qui convicti erant comburebantur.

A. Quomodo cognosci potest, quid sit Symbolo contrarium vel non contrarium, nisi ipsa verba Symboli ea formula, qua scripta sunt negentur esse vera, vel dicantur esse falsa?

B. Neque Lege puniendus est Hæreticus, nisi ipsis Symboli verbis contradicit. Nam ut quis dicat negari Fidem per consequentiam, utque ea de causa aliquis puniendus sit, iniquum est. Æquum ne est ut hominis vita argutiis petatur consequentiarum? vel in adversariorum, aut etiam Iudicis peritia in arte Logica periclitetur? An Lex, quæ nihil exigit præter Obedientiam, ulciscetur Paralogismum? Patres ipsi in Concilio Niceno aliter censuerunt. Cum enim essent in-

ter illos aliqui , sed pauci , qui propter vocem ὄμοσιον , subscribere Symbolo dubitarent , & explicationem illius vocis pleniorē poscerent , illis morem gerentes Patres cæteri , vocem ὄμοσιον ita intelligendam esse declararunt , ut Filius Dei ex substantia quidem Patris esset , ut non tamen esset Patris pars . Ex illis qui explicationem hanc à Patribus impetraverunt , erat Eusebius Episcopus Cæsariensis , idemque ad Clerum per omnes Diœceses Epistolam scripsit , quæ vocatur Epistola Circularis , in qua certiores facit , quid decretum erat in Synodo de Fide circa sanctam Trinitatem , & de Causa quare ipse & cæteri , qui prius subscribere recusaverant , nunc subscriberent ; ubi pro causa subscriptionis suæ posuit hanc , quod formula à Patribus præscripta esset , per quam cautio adhibebatur , ne à recte Fidei sententia excideret , & quod ob eam causam vocem ὄμοσιον non rejiceret , nempe quia Pax nobis tanquam scopus ante oculos versabatur . Ex quo intelligitur , quoties Verba fiunt crimen , juxta Concilii Niceni sententiam , Verba illa in Formulam debere redigi , ut unusquisque quæ verba crimen habent , quæ non habent , sine pluribus Syllogismis certus esse possit . Eodem planè modo , quo id quod in factis crimen est , ab eo quod crimen non est , distinguitur per Legis Formulam . Idem senserunt & Papæ omnes . Nam ubi in Conciliis generalibus doctrinam aliquam damnant , ut Hæreticam , ejusdem doctrinæ consequentias quotquot nasci posse prævident , totidem Formulas expressas in Decreto ipso perscribunt .

A. Dixisti modò prohibitum Lege fuisse anno primo Reginæ Elizabethæ , ne qui sub illa regimen Ecclesiasticum exercerent , quicquam pronuntiarent esse Hæresim , quod non esset ab aliquo primorum quatuor Conciliorum generalium condemnatum . Quæro igitur an Rectores illi Ecclesiastici à Regina tunc constituti , promulgaverrint per omnes Ecclesiæ Parochiales , quæ nam doctrinæ illæ erant , & Formulæ verborum quibus contradicere capitale esset ? Non enim credo homines imperitos , & quibus nihil ad Salutem suam legendum præscriptum erat præter Biblia Sacra , obligatos fuisse habere apud se exemplar Conciliorum (quod nescio an extet) verum . Sunt enim qui extare illa negant , ut ab Arrianis corrupta , & ob eam causam suppressa à Catholicis .

B. Dubitari non potest de ea parte Conciliorum , qua Symbolum stabilitur , quin pura extet . Quod autem ad disputationes inter Catholicos & Hæreticos attinet , utrum ea pars periit necne haud magni interest . Cæterum quod quæris utrum promulgatae erant per Ecclesiæ Formulæ verborum illæ , quibus sub Elizabetha continetur Hæresis ,

resis , nullæ promulgatae erant , ne ipsæ quidem Literæ Regiæ publicatæ fuerunt , nisi longo post tempore ; adeo ut quid eslet Hæresis , quid non , sciri à Reo non poterat antequam citaretur. Etsi enim propter Literas illas Regias , Hæresis declarari potuit , quicquid erat ita declaratum à prædictis Conciliis ; potuit tamen per easdem non declarari. Negligentiam hanc Rectorum Ecclesiasticorum sub Elizabetha quod Literas illas Regias non citius publicaverint , reprehendit clarissimus ille Iurisconsultus Eduardus Cocus in tertio Libro Institutorum.

A. Nonne ipsum Symbolum in Liturgia Anglicana publicatum , Legis de Hæresi sufficiens erat promulgatio ?

B. Ita , si in Lege id scriptum fuisset. Sed nulla ibi facta est mentio Symboli Niceni ; neque indocti (neque aliqui fortasse Clerici) quid Symbolum illud cum Conciliis commune haberet , aut quomodo Decretum Constantini Lex Anglicana facta esset intellexerunt.

A. Qum Rectorum illorum , penes quos erat de Hæresi judicare , authoritas Lege sublata erat , anno (ut dicis) Caroli Primi decimo septimo , quomodo fieri potuit , ut authoritas Legibus de Hæresi quæ extiterunt tempore Reginæ Mariæ non rediret ?

B. Quia Lex de omni alia potestate Ecclesiastica , præter Regiam abolenda , antè lata erat , quam potestas illa Rectorum Ecclesiasticorum erigeretur , itaque sublata illa Lege , Rectores illi authoritatem (præter ordinariam illam excommunicandi) in puniendis Hæreticis nullam habuere , neque habent hodie.

A. Hæreticus ergo hodie alia poena præter excommunicationem puniri non potest ?

B. Etiam poenis iis , quæ excommunicationem (virtute Legum Civilium) consequuntur. Citabitur enim ad Curiam Ecclesiasticam , ubi , nisi errorem suum ipse damnet , tradetur potestati seculari in carcерem conjiciendus , ibi mansurus , donec Hæresi suæ renuntiet , penitentiamque egerit Legibus constitutam.

A. Quā sciri potest an verē renuntiaverit necne ?

B. Omnino sciri non potest , præterquam à Deo solo.

A. Nonne cogi potest Hæresim suam abjurare ?

B. Non potest. Solebant quidem stante autoritate dictorum Rectorum Ecclesiasticorum examinari aliquando cum juramento de sententia ipsorum interna. Sed ea potestas una cum ipsa autoritate ablata est , ut iniqua ; propterea , quod cogitationum vindicta ad solum videtur pertinere Deum , cogitationum inspectorem. Leges enim humanæ in contumaciam tantum animadvertisunt.

A. Nullane Hæreticorum pœna constituitur in Euangelio?

B. Nulla, nisi quod fugiendi sunt, & communione Sanctorum (qui illo tempore de divitiis communibus alebantur) prohibendi. Nullam pœnam sanctam invenio secularem. Neque excommunicationem reperio propter Hæresim, sed propter vitam, & scelera quibus Religio dedecorabatur. Contra autem, si ad doctrinam Christianam parabolæ Novi Testamenti adhibendæ sunt, puniri Hæreticum à Christiano homine pœna civili prohibitum puto. Matth. 13. v. 27, unde hæc Zizania? 28. dixit illis (Iesus) Inimicus homo hoc fecit. Servi autem dixerunt illi, Vis colligamus ea. 29. Ille autem dixit, Non, ne forte colligentes Zizania eradicetis unum granum. 30. finite ambo simul crescere usque ad messem. Nonne manifestum hinc est, Zizania, id est Hærefes reservandas esse ad Iudicium ultimum? Quomodo ergo revellendæ sunt in hoc mundo morte vel exilio? Item 1 Cor. 3. 11, Fundamentum aliud ponere nemo potest, præterquam quod Iesus est Christus. 12. Sin quis huic fundamento superaedificaverit aurum, argentum, lapides pretiosos, lignum, fœnum, culmum. 13. Vniuersusque opus manifestum fuit. 15. Si alicujus opus comburetur, damnum sustinebit, ipse autem salvabitur, ita tamen ut per ignem. Quid hoc, nisi quod qui fundamentum tenet hoc, Iesum esse Christum, id est, is, qui verè Christianus est, et si superaedificaverit lignum, fœnum, culmum, id est, dogmata falsa, operam perdet, ipse tamen salvabitur. Sed quasi per ignem, id est, animo erroribus expurgatis. Etiam 2 Tim. 2. 25, Ministerum Domini docere oportet eos qui se opponunt, in militia, si forte Deus ipsis det resipiscientiam ut agnoscant veritatem. Nonne hoc contra eos est, qui Hæreticum bis citatum, nisi renunciet doctrinæ suæ, statim comburi faciunt, adiutumque homini Christiano ad misericordiam divinam, quantum in ipsis est, occludunt? Quibus locis Scripturæ Sacrae sententiam adde Theologorum omnium, neminem à Christo recipi, qui metu mortis ad illum cogitur.

A. Quomodo puniri solet Blasphemia?

B. Blasphemia si procedat ab animi sensu Atheismus est. Quis enim blasphemare Deum auderet quem esse, & curam rerum humanarum gerere existimaret. Sed id quod vulgo Blasphemia dicitur, nihil aliud est, præter affectatum divinitatis in juramentis non necessariis abusum. Quod crimen definitur à Justiniano Novella 77, hoc modo: Blasphema sunt per Dei capillos, & caput, & his proxima, verba. Deinde pœna constituitur supplicium ultimum.

A. Ejusmodi juramenta nullane Lege puniuntur apud nos?

B. Nescio. Quin tamen puniri ea posse censuris Ecclesiasticis non

non dubito. Nam & scandalum est Ecclesiæ , & tertii præcepti De-calogi transgressio in primis audax. Iuramentum quodlibet non ne-cessarium , Peccatum est non parvum , ortum habens ab eo, quod so-leant homines mentiri. Itaque qui verum dixerit, videtque sibi creditum non esse , ne non seriò dixisse videatur , jurat per quem , si jurare omnino necesse esset, jurare debet, Deum. Horum impunitatem cum videant ingenia quædam luxuriantia , Deum in membra dividentes more Anthropomorphitarum , per singula jurare cœperunt, nonnullam ex novitate juramentorum laudem aucupantes , atque inde verba illa , per Corpus, per Vngues, per Capillos, Blasphema simul & Hæ-zetica. Quomodo punienda sint viderit Ecclesia.

C - A P V T I I I.

De quibusdam Objectionibus contra Leviathan.

A. P rodiit anno Domini 1651 Liber quidam Anglicus Sermone scriptus , cui Titulus est Leviathan , cuius quatuor sunt par-tes , Prima de *Natura hominis* , & *Legibus Naturalibus*. Secunda de *Natura Civitatis* , & *In re Potestatis summae*. Tertia de *Republica Chri-stiana*. Quarta de *Regno Tenebrarum*. Insunt in singulis partibus Para-doxa quædam tum Philosophica, tum Theologica ; & ita multa con-tra Potestatem Romanorum Pontificum in alios Principes , ut facile appareat Authorem exitimasse causam Belli Civilis quod eo tempore per Angliam , Scotiam , & Hyberniam gerebatur aliam non fuisse quam dissensionem , primò inter Ecclesiam Romanam & Anglicanam, deinde in Ecclesia Anglicana inter Pastores Episcopales & Pres-byterianos, circa quæstiones Theologicas. Bellum illud Civile incep-it in Scotia anno 1639 , sed concessionibus quibusdam Regiis (qua-rum una erat sublatio potestatis Episcopalis è Regno Scotiæ) illico sopitum est ; sed citò , instigantibus Presbyterianis Anglicis anno 1640 resuscitatum. Erat eo tempore Regimen Ecclesiasticum ad-ministratum virtute Literarum Regiarum per Episcopos. Sedebat etiam Parlamentum , totum ferè Presbyterianum. Factio enim Presby-te-riana Factionem Episcopalem potentia & favore populi longè su-perabat. Itaque anno proximo coactus est Rex , quo Parlamentum placaret , Episcopos etiam à Regimine omni Ecclesiastico extraordi-nario removere. Quo facto , nulla amplius potestas remansit inter Anglos cognoscendi Hæreses , sed omnimodæ Sectæ apparuerunt scribentium & publicantium qualem quisque voluit Theologiam.

Iam Parisis degebat Author dicti libri, vulgata jam libertate scribendi utens. Et jura quidem Regis tum in Temporalibus tum in Spiritualibus egregie vindicavit. Cæterum dum hoc ex Scripturis Sacris conatur facere, in dogmata lapsus est inaudita, quæ à plerisque Theologis Hærefoes & Atheismi accusata sunt.

B. Quænam sunt illa Dogmata?

A. Quid tibi videtur oratio hæc cap. 2. versus finem; *Opinionem hominum de Spiritibus mortuorum ambulantibus, de industria (puto) traditam fuisse, aut non confutatam, ad sustentandam existimationem Exorcismorum, Signi Crucis, Aquæ benedictæ, aliarumque artium Cleri.*

B. Mihi quidem vera, prudens, & Christiana videbitur, nisi contrarium evincas ex Scriptura Sacra. Evidem lego Matth. 27. v. 52. Christo in Cruce moriente corpora mortua è Sepulchris excitata esse, non autem animas.

A. Deinde, cap. 4. sub initium negat *Substantias* ulla esse *incorporeas*. Quid aliud est hoc quam negare Deum esse, vel affirmare Deum esse Corpus?

B. Affirmat quidem Deum esse Corpus. Sed ante eum idem affirmavit Tertullianus. Disputans enim contra Apellem, aliosque sui temporis hæreticos, qui Salvatorem nostrum Iesum Christum non Corpus, sed Phantasma esse docuerunt, dictum hoc universale pronuntiavit, *Quicquid Corpus non est, non est En.* Item contra Praxeum, *Omnis Substantia est Corpus sui generis.* Neque in ullo ex quatuor Conciliis primis generalibus doctrina hæc condemnata est. Ostende si potes vocem *incorporeum* vel *immateriale* in Scripturis. Ego vero ostendam tibi *plenitudinem divinitatis habitare in Christo corporaliter*, id est (ut exponit Athanasius) *Dealiter*. *Omnis sumus & movemur in Deo.* Sunt verba Apostoli. Quantitatem autem habemus omnes. An *quantum* in esse potest in non quanto? *Magnus est Deus*, sed magnitudinem intelligere sine corpore impossibile est. Ne à Concilio Niceno quidem definitum est Deum esse incorporeum. Patres autem qui aderant (nescio an omnes) ita senserunt; & ipse Constantinus vocem illam *Οὐκόντιον*, id est, coëssentialem ideo comprobavit, quod ex ea voce videretur illi sequi *Deum esse incorporeum*. Nihilominus vocem illam *incorporeum*, quæ non est in Scriptura Sacra, in Symbolum inferre noluerunt. Neque vero ex voce *coëssentialis* (quanquam Essentia corpus non sit) inferri potest Dei incorporeitas. Pater Davidis, & Filius Obedi, cum fuerit unus & idem Iesseus, erant *coëssentiales*; sequiturne inde Patrem Davidis & Iesseum fuisse *incorporeos*? Præterea Patribus Concilii Niceni in animo erat condemnare per illud Symbolum non modo

modo Arrianismum, sed etiam Hæreses omnes, quæ post mortem Domini in Ecclesiam irrepserant, quarum una erat Anthropomorphitarum, qui Deo corporis humani membra attribuerant, non autem condemnare eos, qui verum, reale & purum Spiritum, Corporeum esse cum Tertulliano scriperant. Illi quidem, qui Deo puritatem tribuant rectè faciunt; est enim honorificum. Sed tenuitatem attribuere, quæ gradus quidam est ad nihilitatem, periculosem est. Iohannes Damascenus exponens Fidem Nicenam lib. 1, cap. 13: *Divinorum nominum (inquit) alia negativa sunt, significantia id quod est supra substantiam, ut ἀνόνοια (id est sine Essentia) ἄχεος, sine tempore, ἀναρχίᾳ, sine principio, non quod his inferior sit, sed quod supra hæc omnia elatus sit. Deus enim in numero Entium non est, sed supra ea omnia.* Vides J. Damascenum Philosophum Aristotelicum (ut videre est ex opere ejus Dialectico) eundemque Patrem Ecclesiæ & Doctorem pium, dum metuit dicere cum Tertulliano Deum esse Corpus, & studet crassitudinem corpoream attenuando, quam (nescio quare) Deo indignam putat, in verba Athea incidit, dicens Deum ἀνέστω esse, & nihil eorum quæ sunt.

A. Per ἀνέστω nihil ille (credo) significare voluit præter Increatum.

B. Fortasse. Quid autem opus erat, postquam paucis antè versibus de Atributo illo *Increatum* satis locutus esset, rursus idem dicere per nomen illud non ferendum ἀνέστω. Cum denique sciret Spiritum omnem utcumque tenuem, esse tamen Corpus. Quam Substantiam sive Ens reale potuit ille sibi fingere, quod Substantia videretur esse Incorporea, præter Idola seu Phantasmatata qualia videmus in speculis, in somno, in tenebris, & quæ Paulus Apostolus dicit esse Nihil?

A. Tertiò. Cap. 6, versus finem, *Timor (inquit) Potentiarum Invisibilium, sive Potentiae illæ fictæ sint à timente, sive conceptæ à Fabulis publicè permisiss, Religio est. A non publicè permisiss Superstitionis est. Quando vero potentiae quæ timentur verae sunt, vera Religio.*

B. Idem hoc dicitur ab Ecclesiaste, *Timor Domini est initium sapientia; & à Psalmista, Stultus in corde suo dixit, Non est Deus.*

A. Quartò. Cap. 16, *Etiam Dei veri personam gerebat primo Moses cum regeret populum non suum, sed Dei, dicendo hoc dicit Dominus. Secundo Filius, qui venit in mundum ad reducendos Iudeos, & inducendos omnes populos in regnum cælestis. Tertio Spiritus Sanctus qui missus est ad sanctificandum Dei populum.*

B. Videtur Author voluisse hoc loco doctrinam explicare Trinitatis,

tis, quanquam Trinitatem non nominat. Pia voluntas, sed erronea est explicatio. Nam Mosēm, quoniam is quoque aliquo modo gesit Personam Dei (ut faciunt omnes Reges Christiani) unam videtur facere Personam in Trinitate. Valde hoc negligenter. Si dixisset Deum in Persona propria creâste mundum; in Persona Filii redemisse genus humanum; in Persona Spiritus Sancti sanctificasse Ecclesiam, nihil aliud dixisset nisi quod est in Catechismo ab Ecclesia edito.

A. Sed idem repetit in pluribus locis.

B. Sed in unoquoque loco facile emendari potest. Vel si dixisset Deum in Persona propria constituisse sibi (ministrante Mose) Ecclesiam; in Persona Filii eandem redemisse; in Persona Spiritus Sancti eandem sanctificasse, non errasset.

A. Cap. 34. Negat probari posse ex Canone Veteris Testamenti, Angelos reales & permanentes substantias esse, sed Phantasmatu supernaturalia; quæ (quia illis Deus utitur ad voluntatem suam declarandam) appellantur Angeli.

B. Certum est *Angelum* nomen esse Officii, Spiritusque omnes propter diaphanitatem substantiarum spiritalis invisibles esse, nisi eo sensu, quo videri dicuntur Phantasmatu in Speculo, Somno, vel Tenebris. Itaque quotiesquis dicitur in Scripturis Sacris vidisse Angelum, Visio illa non est Sensio humana quæ fit per oculos, sed qualis habuit Iacob, cum videret Angelos ascendentis & descendentes per scalam, cum dormiret. Sadducæi negabant Angelos esse Substantias. Quare? Non quod non crederent Testamento Veteri, sed quia creationis Angelorum in Veteri Testamento nulla est mentio. Neque tamen à Iudeis excommunicati sunt. An etiam negat probari posse Angelos Substantias esse ex Testamento Novo?

A. Non negat; sed si sunt, probari inde posse dicit Substantias corporeas esse.

B. Hoc neque antiquis Patribus omnibus, neque Doctoribus omnibus Ecclesiarum Reformatarum Paradoxum est, neque ab Ecclesia Anglicana condemnatur.

A. Cap. 38. Animam humanam sua natura, id est ab ipsa creatione immortalem esse negat, sed gratia Dei præbentis Adamo & Evæ fructum Arboris Vitæ, dum non gustarent de fructu Arboris Scientiarum Boni & Mali. Quando autem præceptum Dei de esu fructus Arboris Scientiarum Boni & Mali transgressi erant, tunc exclusi aditu ad Arborrem Vitæ, facti sunt mortales, & ipsi & eorum posteritas; morientesque mortui manserunt, donec per mortem Christi remissis peccatis,

tis, reviviscant ad vitam æternam in Resurrectione mortuorum generali. Sed juxta hanc doctrinam animæ mortuorum nullæ omnino existent immortales impiorum, nec piorum ante diem Iudicij.

B. De hac re sententiam meā satis ampliter modo explicavi. Addo autem, quod non intelligo, quomodo contra Fidem Christianam peccare dicatur, is qui Vitam æternam confitetur, sive eam Creationi, sive Redemptioni acceptam ferat. Neque quomodo contra doctrinam vel cultum Christianum esse possit, cum neque in Scriptura Sacra (quæ doctrinam) neque in Liturgia (quæ cultum Christianum continet) inveniatur usquam vox illa *immortalis anima*; sed vita æterna per Christum frequentissimè.

A. Eodem Capite, Regnum Dei post Resurrectionem futurum esse dicit in terra.

B. Ex suane Philosophia hoc dicit, an ex Scriptura Sacra?

A. Loca aliquot adducit ex Prophetis Isaia, Obadia, Ioële, mihi quidem non satis intellecta, & præterea id quod à S. Petro dicitur de conflagratione & renovatione hujus mundi.

B. Adde ergo illis, locum ex Apocalypsi manifestiorem, cap. 5. vers. 9, 10, 11. *Animalia quatuor & centum & viginti quatuor Presbyteri coram Agno prociderunt habentes singuli Citharas & Phialas aureas plenas Thuri, quæ sunt Sanctorum Preces, & cantaverunt cantilenam novam, dicentes, Dignus es accipere Librum, & aperire sigilla ejus, quia occisus fuisti, & Redemisti nos Deo per sanguinem tuum, ab omni Tribu, & Lingua, & Populo, & Gente; & fecisti nos Deo nostro Reges & Sacerdotes, & Regnabimus in Terra. Quid hoc clarius?*

A. Eodem capite, punitionem Reproborum in Terra quoque fore dicit, nec æternam.

B. Dubitandum non est, quin si Reprobi à Sanctis Militantibus destruendi sint, destruentur super terram; neque quidem æternè, si verum sit morituros esse mortem secundam.

A. Cap. 39. Definit Ecclesiam hoc modo, *Ecclesia est hominum numerus profidentium Religionem Christianam, unitorum in Persona una Suprema, cuius iussu convenire debent, & sine cuius Authoritate convenire non debent. Ex qua Definitione sequitur, quod tempore Imperatorum Ethnicorum, neque Concilium Apostolorum, neque aliud Christianorum Concilium ante Nicenum, erat licitum.*

B. Conventiones, id est Synodi fuere aliquot Christianorum sub Imperatoribus Ethnicis. Sed per Ecclesiam intelligit Synodus cum Authoritate decernendi, & cuius Decretis non obtemperare in iustitia erat. Tales autem Synodi sine summa Potestate existere non possunt.

A. Cap. 43. Ubi dicitur (Iohan. 1. 1. & 14.) *Verbum erat apud Deum, & Verbum factum est Caro;* Verbum dicit idem significare quod Promissio, & Promissionem idem quod Res promissa, id est Iesum Christum, ut Psalm. 105. 19, & Genes. 40. 13. aliisque locis similibus.

B. Quidni? Nam vocem hanc *Verbum*, an rem Verbo significatam, Carnem factam esse putas? Quid significant illa verba ejusdem Apostoli Apocal. 13. 8: *Agnus occisus a fundatione mundi?* Potuitne occidi antequam incarnaretur? Nonne sequitur inde, tum Incarnationem tum Passionem Domini, quæ in tempore erant, fuisse tamen à fundatione mundi? Qui potest hoc esse aliter, quam in Decreto æterno Patris? Quod Decretum, quid aliud est, quam res Decreta? Nonne eodem modo etiam Spiritus Sanctus dicitur (Luc. 24. 43.) Promissio Patris? *Ego (dicit Christus) mittam in vos Promissionem Patris mei.*

A. Cap. 42. Ad quæstionem, Quid si quis Fidelis à Principe suo legitimo jubeatur negare Christum? Respondet licitum esse obediere, exemplo Naamani Syri, cui dictum est à Propheta, *Vade in Pace.* Quæ verba non mihi videntur Permissio, sed formula valedictionis.

B. Ita fortasse, si aliquid aliud illi vel approbando vel improbando respondisset; at in hoc loco aliter quam pro Permissione intelligi non possunt. Scis permultos fuisse Christianos, paulò ante Synodum Nicenam, bonos quidem, sed non fortissimos, qui morte & tormentis ostentatis, Fidei Christianæ renuntiaverunt. Quas putas peccas in tales statuisse Nicenam illam Synodum generalem? In Canonibus illius Synodi decimus nonus est, quo statuitur eos, qui circa tormenta & periculum id facerent, redire debere ad Catechumenos. At de illis, qui negarent intentata morte nihil statuitur. Non tamen nego quin in Apostolo vel in Discipulo, qui doctrinam Christi prædicare inter Christi hostes in se receperat, Peccatum id esset, & in Petro magnum, sed infirmitatis, & à Christo facile condonatum.

A. Eodem capite affirmat licitum esse Regibus Christianis administrare Sacra menta.

B. Omnes ferè Ministri Ecclesiæ Anglicanæ anno primo Reginæ Elizabethæ idem senserunt cum illo. Simul enim ac Regina Suprematum Ecclesiæ sibi vendicasset, emisit Mandata quædam, per omnes Dioceses, quæ Mandata appellavit Injunctiones. Quarum una erat, ut Clerici omnes cum Juramento recognoscerent Ecclesiæ Suprematum jure pertinere ad Reginam & Successores suos. Multi autem erant,

erant, qui jurare noluerunt, hanc (ut ipsi dicebant) ob causam, quod eo concessio, una conceditur Reginam si velit posse administrare Sacra mentia. Manifestum hinc est, Clerum illum credidisse, in quocunque resideret Ecclesiæ Suprematus, eidem quoque licere quoties vult, ea omnia administrare, quæ à Sacerdotibus administrari solent. Cæterum ad tollendum scrupulum hunc rescripsit Regina, nunquam sibi in animo fuisse aliam sibi administrationem aut Potestatem assumere, quam qua usi sunt Pater ejus Henricus & frater Eduardus. Atque hoc rescripto nec Successoribus suis Maſculis Potestatem illam derogavit, nec sibi arrogavit; sciens prohibitum esse fœminis loqui in Ecclesiis.

A. Caput 43 totum in eo consumitur, ut probet peccatori pœnitenti Fidem aliam ad Salutem necessariam non esse quam quæ continetur in hoc uno Articulo *Iesum esse Christum*.

B. In illo Articulo multa continentur, ut *Iesum esse Filium Dei*, Regem Iudæorum, Restauratorem Regni Dei. Etiam Scopus Euangeli aliis non est, ut testatur Iohannes Apostolus Cap. 20, vers. 31, quam ut sciamus *Iesum esse Christum Filium Dei viventis*. Præterea dicit idem Apostolus i Iohan. 4. 2, *Omnis Spiritus qui confitetur Iesum esse Christum & venisse in Carne, ex Deo est*. Multa item alia loca sunt in Testamento novo hujus similia.

A. Sed contra est quod legitur in fine Symboli Athanasii, nempe hoc, *Hæc est Fides Catholica, quam nisi quis pro certo credat salvari non potest*.

B. Tunc Sacræ Scripturæ, & verbis Apostoli oppones verba Athanasii? Cujus Symbolum recipitur quidem ab Ecclesia, ut Expositio vel Paraphrasis Symboli Niceni, sed hæc verba Athanasii nulla est pars illius Symboli.

A. Sunt & alia Paradoxa non pauca in eodem libro, sed quia minoris sunt quam ut illis nunc immoraremur non proferam.

B. Ut liber. Sed in his quæ protulisti nihil invenio contra Fidem Ecclesiæ nostræ, quamquam non pauca doctrinam Theologorum privatorum superantia.

F I N I S.

INDEX CAPITVM.

P A R S P R I M A.

D E H O M I N E.

Cap.	<i>Introductio.</i>	Pag.
I.	D E Sensu.	3
II.	D e Imaginatione.	4
III.	D e Consequentia sive Serie Imaginationum.	9
IV.	D e Sermone.	13
V.	D e Ratione & Scientia.	20
VI.	D e Principiis internis, Motus Voluntarii, que vulgo vocantur Passiones.	25
VII.	D e Discursuum animi Determinationibus.	32
VIII.	D e Virtutibus Intellectus.	34
IX.	D e Scientiarum distributione.	42
X.	D e Potentia, Dignitate, & Honore.	43
XI.	D e Varietate Morum.	49
XII.	D e Religione.	54
XIII.	D e Conditione Generis Humani, quatenus ad Felicitatem Vitæ presentis attinet.	63
XIV.	D e Duabus primis Legibus Naturalibus.	66
XV.	D e Legibus Naturæ aliis.	72
XVI.	D e Personis & Authoribus.	79

P A R S S E C U N D A.

D E C I V I T A T E.

XVII.	D e Causa, Generatione, & Definitione Civitatis.	83
XVIII.	D e Iure habemium Summam Potestatem in Civitate per Institutionem.	86
XIX.	D e Generibus Civitatum per Institutionem, & de Successione ad Summam Potestatem.	92
XX.	D e Dominio Paterno & Despotico.	98
XXI.	D e Libertate Civium.	103
XXII.	D e Systematibus Civium.	111
XXIII.	D e Potestatis Summa Ministris Publicis.	119
XXIV.	D e	

X XIV.	<i>De Civitatis Facultate Nutritiva & Generativa.</i>	121
X XV.	<i>De Consilio.</i>	124
X XVI.	<i>De Legibus Civilibus.</i>	128
X XVII.	<i>De Criminibus, Excusationibus, & Extenuationibus.</i>	137
X XVIII.	<i>De Poenis & Præmiis.</i>	146
X XIX.	<i>De iis rebus qua Civitatem labefactant.</i>	151
X XXX.	<i>De Officio Summi Imperii.</i>	157
X XXXI.	<i>De Regno Dei Naturali.</i>	166

P A R S T E R T I A.

DE CIVITATE CHRISTIANA.

XXXII.	<i>D E Politice Christianæ Principiis.</i>	173
XXXIII.	<i>D e Numero, Antiquitate, Scopo, Authoritate, & Interpretibus Librorum Sacrorum.</i>	176
XXXIV.	<i>De Significatione quam habent in Scripturis Sacris Vocabula Spiritus, Angelus, Inspiratio.</i>	182
XXXV.	<i>De significatione in Scripturis Sacris Vocabulorum, Regnum Dei, Sanctum, Sacrum, & Sacramentum.</i>	190
XXXVI.	<i>De Verbo Dei, & Prophetis.</i>	194
XXXVII.	<i>De Miraculis, & eorum usu.</i>	203
XXXVIII.	<i>De Significatione quam habent in Scripturis Sacris Vocabula Vita Æterna, Infernum, Salvatio, Mundus Venturus, & Redemptio.</i>	208
XXXIX.	<i>De significatione quam habet in Scripturis Sacris, Vocabulum Ecclesia.</i>	217
X L.	<i>De Jure Regni Dei in Abrahamo, Mose, Summis Sacerdotibus, & Regibus Iudeæ.</i>	219
X LI.	<i>De Servatoris nostri benedicti Officio.</i>	226
X L II.	<i>De Potestate Ecclesiastica.</i>	231
X L III.	<i>De iis quæ ad Receptionem in Regnum Cœlorum sunt necessaria.</i>	279

P A R S Q U A R T A.

DE REGNO TENEBRARVM.

XL IV.	<i>D E Tenebris Spiritualibus à non recta Interpretatione Scripturarum.</i>	289
XL V.	<i>De Daemonologia, aliisque Reliquiis Religionum Ethnicarum.</i>	305
XL VI.	<i>De</i>	

XLVI. *De Tenebris à vana Philosophia, & Traditionibus fabulosis.* 314

XLVII. *De Lucro ab hujusmodi Tenebris quid sit & quibus accrescat.* 323

A P P E N D I X.

Continens tria Capita.

P rimum, <i>de Symbolo Niceno.</i>	328
S ecundum, <i>De Hæresi.</i>	346
T ertium, <i>De quibusdam Objectionibus contra Leviathan.</i>	359

F I N I S.









